

---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>



---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books


<https://books.google.com>







5





l. m

1G 113/61



2021


x

*W. Hall*  
**CARMEN  
PANEGYRICVM**

**DE LAVDIBVS  
BERENGARII AVG.**

**ET  
ADALBERONIS  
EPISCOPI LAVDVNENSIS  
AD ROTBERTVM REGEM FRANCORVM  
CARMEN.**

*Ab HADRIANO VALESIO Historiographo  
Regio è veteribus codicibus eruta  
ac Notis illustrata.*



**PARISIIS,**  
**Sumptibus IOHANNES DV PVIS, in vico**  
**Iacobeo ad Coronam auream.**

**M. DC. LXIII.**

*Google*  
**CVI. P. VII. REGIS**

THE  
LIBRARY OF THE  
UNIVERSITY OF CHICAGO  
PUBLISHED BY  
THE UNIVERSITY OF CHICAGO PRESS

THE  
LIBRARY OF THE  
UNIVERSITY OF CHICAGO  
PUBLISHED BY  
THE UNIVERSITY OF CHICAGO PRESS

THE  
LIBRARY OF THE  
UNIVERSITY OF CHICAGO  
PUBLISHED BY  
THE UNIVERSITY OF CHICAGO PRESS

THE  
LIBRARY OF THE  
UNIVERSITY OF CHICAGO  
PUBLISHED BY  
THE UNIVERSITY OF CHICAGO PRESS

THE  
LIBRARY OF THE  
UNIVERSITY OF CHICAGO  
PUBLISHED BY  
THE UNIVERSITY OF CHICAGO PRESS



HADRIANVS VALESIVS  
ANTONIO VIONI  
HERO VALLIO  
VIRO CLARISSIMO  
PECVNIAE PVBLICAE  
rationum Auditori  
S.



*VM multa sunt,  
qua doctos antiqua-  
rios & veteris Histo-  
ria studiosos in scri-  
bendo plurimum iuvant: tum  
in primis magno eis vsui es-  
se consuevit editorum librorum  
cum priscis exemplaribus se-*  
a ij

## EPISTOLA.

*dula collatio. Nam & antiqui Historici nostri ac externi, atque adeò clarissimi quique quarumlibet Gentium, artium, linguarum, etatumque Scriptores aliter emendari tuto non possunt: & facile intelligi aut valde prodesse nequeunt nisi emendati. Hinc fit, uti plerique tam necessario auxilio destituti saepe ab ipsismet Auctoribus quos inoffenso pede & bona fide sequi se putant, inopinantes recedant longius, & nunc in notatione temporum, nunc in hominum & locorum appellatione, interdum & in narratione rerum gestarum graues errores incurrant, uni editorum inscitia negligen-*

## EPISTOLA.

*tierve imputandos: quos scopu-  
 los diligentes, laboriosi, ac pru-  
 dentes evitant, ope vetustorum  
 codicum de suorum quisque Au-  
 ctorum mente ac opinionibus  
 facti certiores. Accedit ad hanc  
 utilitatem & altera haud paullo  
 pluris aestimanda, quod ex codi-  
 cibus atque membranis Perga-  
 menis in alto maiorum Biblio-  
 thecarum pulvere latentibus ve-  
 lut ex defossis thesauris inedita  
 priscorum ingeniorum monu-  
 menta & clara cuiusque generis  
 opera crebrò eruuntur, quæ Rei-  
 publicæ Litterariæ multum inter-  
 sit publicari. Quod si habenda  
 sunt nonnullis Optimatibus gra-  
 tia, qui annosos codices melio-  
 .ā iij*

## EPISTOLA.

*ris notæ , membranas tineis  
 erosas , ac venerandas antiqui-  
 tatis reliquias emunt , & con-  
 tractas domique servatas ex  
 toto perire non sinunt : quanto  
 maiori laude digni sunt illi , qui  
 retritæ istas aut humore sitû-  
 que corruptas membranas , char-  
 tas istas mucidas , litteris iam  
 evanescentibus exaratas purif-  
 que ferè similes non legunt mo-  
 dò , sed etiam lecturis profectu-  
 risque libentissimè commodant ?  
 Iam intelligis, VIR CLARISSIME,  
 meis te verbis designari : qui om-  
 nium ferè ætatis nostræ Anti-  
 quariorum studia operâ tuâ pro-  
 moves , & in usum litteratorum  
 undique chirographa exempla-*



## EPISTOLA.

*ria corrogas , undique contrahis & colligis , per Luteciam nostram , immo verò in totam Franciam distribuenda. Dictum est olim à Plinio Secundo , ad æternam gloriam viam esse , iuuare Mortales. Hanc tu viam dudum ingressus , ex domo tua fecisti calamo scriptorum exemplarium penum inexhaustum , codicum apothecam , chartarium priuatorum ac publicorum instrumentorum , thesaurum antiquitatis : à Proceribus , à Magistratibus conueniris ; adiris à studiosis & doctis , quos unus omnes in omni Historiarum ac propè Litterarum genere pro suo quemque captu cotidie demere-*

à iiij

## EPISTOLA.

*ris. Habes, quæ à te Genealogus petat: Habes, quæ à te Spicilegus accipiat. Reperis, quibus Historicum instruas: inuenis, quæ Miscellaneorum collectori dones largè atque subministres. Aliis origines familiarum, clarorum virorum propagines, tabulas nuptiales, donationes, testamentamittis: aliis Chronica, maiorum Ecclesiarum Monasteriorumque Chartularia, Passiones Martyrum, Vitas virtutisque Sanctorum, Sermones, Epistolas, & veteri scriptos manu libros nunc petentibus, nunc ultro ac ne rogatus quidem impertis: rara monumenta, observationes quo-*

## EPISTOLA.

*que tuas nonnumquam nihil tale sperantibus aut expectantibus (que tua bonitas est) velut obtrudis ac ingeris: dum que cuique conveniunt seponendo ac missitando, gaudes etiam Scriptorum vota prævenire. Ego ipse, quod propter summam earum rerum que à me scribebantur vetustatem fieri posse non existimabam, haud semel sum in Historia Francica missis à te veterrimis libris adiutus: sicut & in Prefatione operis mei ante quadriennium profiteri memini. Quotus autem quisque nunc scribit Luteciae Parisiorum, scribit in Francia, qui aliquid tibi non debeat, aliquid tibi ac-*

## EPISTOLA.


ceptum non ferat, te inhonoratum indictumque transmittat? Plerique gratam tui mentionem pane singulis habent in paginis: te operum suorum alterum auctorem ac veluti patrem agnoscunt: quantum in ipsis est, tibi famam conciliant, nomenque tuum commendant memoria hominum sempiterna. Hac sunt pramia bene de Literis & ex animo meritorum. Hoc Proceres qui ingenia fouent, (Si qui nunc tamen Proceres apud nos ingenia fouent) liberalitatis sua ac beneficentiae pretium ferunt: tu (quod multo laboriosius & gloriosius est) studij tui, cura tua ac dili-

## EPISTOLA.

*gentia in corrogandis veteribus  
libris, benignitatis in commo-  
dandis. Sed vereor, ne dum te-  
stimonium reddo veritati, mo-  
destia tue mea sit gravis oratio.  
Finem itaque facio dicendi: &  
Panegyricum de laudibus Im-  
peratoris Berengarii, atque  
Adaltheronis Episcopi Lugdu-  
ni Clavati ad Robertum Re-  
gem Francorum Carmen, quo-  
rum alterum per Danihelem  
Heinsium V. C. anno MDCLIV.  
alterum abhinc annos XIV. be-  
neficio tuo nactus sum, No-  
tis & Observationibus meis il-  
lustrata tibi mitto nuncupoque.  
Æquum enim est bonas tua, post  
tantum temporis spatium au-*

## EPISTOLA.

*Etiora ad te reuerti, & quod à te manuscriptum accepi, ad te typis impressum redire: ut quacum paucis legi, ab doctis & patriæ Historiæ amatoribus ubique legantur. Habebis hæc igitur, non magis rerum Francicarum, quàm amicitia nostra, quàm grati animi mei, mei de te iudicij testimonijque monumenta, apud posteros duratura. Vale VIR CLARISSIME & NOBILISSIME. Data Kalendis Nouembribus Lutecia Parisiorum anno Domini MDCLXII.*



INDEX RERVM  
QVÆ HOC OPERE  
continentur.

**H**ADRIANI VALESII *Praefatio*  
*in Panegyricum de Laudibus Be-*  
*rengarij Aug.* pagina 1. & seqq.

*Prologi Panegyrici summa.* p. 13

*Panegyrici de Laudibus Berengarij Inuicti*  
*Casaris Perioche.* p. 15

*Panegyrici Prologus.* p. 19

*Panegyricus Berengarij Inuicti Casaris.*  
p. 20. & seqq.

HADRIANI VALESII BEREN-  
GARIVS AVG. p. 57

CAPVT I. *Quod Berengarius maior,*  
*Francus & Regia stirpis fuerit.* p. 58

CAPVT II. *De patre Berengarij supe-*  
*rioris.* p. 66

CAPVT III. *De auo Berengarij ma-*  
*ioris.* p. 72

CAPVT IV. *Qua Berengarius priua-*  
*tus gesserit: & de epistolis à Iohanne*  
*PP. VIII. ad eum scriptis.* p. 76

**CAPVT V. De Regis Berengarij exortu,  
ad Imperium promotione, rebúsque gestis.**

**p. 81**

**HADRIANI VALESII in Panegyricum  
Berengarij Aug. Animaduersiones. p. 106.  
& seqq.**

**ADALBERONIS Episcopi Laudanensis ad  
Robertum Regem Francorum Carmen.  
p. 239.**

**HADRIANI VALESII in Carmen Adalbero-  
nis Nota. p. 254. & seqq.**

**Eiusdem ad Lectorem Epistola. p. 329**





INCERTI AVCTORIS  
CARMEN  
PANEGYRICVM  
DE LAVDIBVS  
BERENGARII AVG.

THE HISTORY OF  
THE  
REPUBLIC OF  
THE  
BY  
THE



HADRIANI  
VALESI  
PRÆFATIO  
IN PANEGYRICVM  
*de laudibus Berengarij Aug.*



NICOLAUS HEINSIUS Danielis filius Batauus, vir non patrio solum nomine sed etiam studiis suis clarus, anno M. D. C. L. Lugduni Batavorum Cl. Claudianum edidit cum veteribus codicibus scriptis collatum, notisque illustravit ac dono mihi dedit. Quas ego notas cum euoluerem, animadverti Poëtam quemdam nondum editum de Gestis Berengarij Augusti ab eo non

A

semel laudari : cuius pauculis versibus lectis , statim ( vt sum Historiæ omnis ac præsertim Francicæ studiosissimus ) totum opus videre ardentissimè concupiui. Intelligebam enim Poëtam , qui de Berengario ex professo scripsisset , historici nobis loco futurum , & res laboriosi Principis secundis aduersisque euentibus variatas , ac crebra veluti scenæ mutatione confusas diligenter enarraturum. Itaque paulo post per litteras Heinſio pro munere gratias egi , eumque simul rogaui , vt si carmen istud Panegyricum de Berengarii laudibus totum descripsisset ac penes se haberet , mihi mitteret. Rescripsit mihi Nicolaus Heinſius Lugduno Batavorum anno M. DC. LI. pridie Kalendas Iulias , Poëma de Gestis Berengarii Cæsaris quatuor in libros diuisum , Patuij in Bibliotheca Monasterij Sancti Iohannis in Viridario seruari , ante annos saltè MCC. scriptum : illud in arca tineis ac blattis expositum se inuenisse , coepisse etiam describere , sed labore esse deterritum , tamen si versus vt ferebat ætas pessimi non essent : proxima hieme futurum se in Ita-

lia, ac totum Panegyricum transcribi & ad me perferri curaturum. Si Codex, qui exiguus nec ceterorum more catenulâ pluteis alligatus erat, subductus esset ab aliquo, at Romæ eius exemplar repertum iri apud Lucam Holstenium, qui ab ipso monitus, Iohannis Rhodij operâ totum Codicem describendum curauisset. Postmodum venit Luteciam Parisiorum Heinſius vnâ cum Luca Langermanno Hammburgensi, adolescente studioso, iussu Reginz Christianæ profecturus in Italiam. Hunc, cum me sæpius inuideret, multis repetitisque precibus; & mox cum Italiæ Bibliothecas circuiret, Romæque commemoraretur, literis rogavi, ut vrbis Antenoreæ promissique sui meminisset. Rescripsit Româ Heinſius anno M. DC. LII. III. Kalend. Maias, se vno tempore litteras meas, & Iohannis Rhodij Patavini epistolam accepisse, in qua scribebat, Panegyrici de Berengario exemplum alterum apud se esse, alterum apud Holstenium, curante se scriptum: si Heinſius Romæ librarium offenderet, Valesij desiderio celerius satisfactum iri.

Adiécit Heinſius, ex his apparere quantopere mei & mandatorum meorum ſeruaret memoriam: ſe tamen ex ipſo autographo carmen de Berengario exſcribimalle; idque vt fieret ſibi vnicae curae futurum. Idem & Lucas Langermannus Hammaburgenſis; eius comes peregrinationis Italicæ, à me interpellatus reſcripſit eodem anno pridie Idus Maij, facturum ſe vti optatum de vita Berengarij exemplum haberem, poſtquam ipſe ac Heinſius Patauium repetiſſent. Tandem circa initium anni M. DC. LIV. Panegyricum illum accepi, & ex litteris Heinſij datis Idibus Martiis Vbſolæ vel Vpſalæ quæ eſt Suedorum Metropolis, didici adlatus cuiuſque paginae veteris Codicis adſcripta fuiſſe paſſim ſcholia, in expoſitionem obſcuriorum auctoris locorum: quæ pleraque omittere viſum fuerit, quòd maiore ex parte nullius ponderis momentique eſſent. Exemplum vel apographum meum ſcriptum eſſe manu adoleſcentis Germani, quod Lucas Langermannus poſtea cum autographo compoſuerit, & plurimis in locis eius fide emendauerit.

Quòd si haud falsò Heinſius iudicauit, Codicem Monasterij Patauini Sancti Iohannis in Viridario, carmen de Berengario continentem, *annorum esse minimum septingentorum*: (vt haud falsò videtur iudicauisse) credere conuenit eum codicem circa Berengarij maioris ætatem ipsius fortè auctoris manu scriptum, & opus à Poëta æquali Berengarianorum temporum, hoc est ante annos ferè quadraginta & septingentos compositum esse: cùm Berengarium seniore Imperatorem Romanorum anno DCCXXIV. aut inſequenti interfectum esse constet. Certè ab auctore æquali Panegyricum de laudibus Berengarij Augusti, viuo etiam tum ipſo scriptum esse, plurima sunt quæ mihi persuadeant. Inprimis Panegyristes in Prologo librum suum sic alloquitur.

*Nonne vides, tacitis abeant ut sæcla triumphis,*

*Quos agitat toto orbe colendus homo?*

Taceri dicit à Scriptoribus triumphos, non quos egerit sed quos agat Berengarius; victorias non quas ex hostibus tule-

A iij

cit, sed quas ferat Princeps orbe totò cō-  
lendus: quem ibidem *summum virum, vi-  
rum piū, genēs & factis legendum, ac  
caput summum* appellat. Tum ergo Be-  
rengarius viuebat. Nec enim mortuus  
triumphos agere dicitur, sed egisse: non  
hostes vincere dicitur, sed vicisse. Ibi-  
dē ait, licet Panegyricus suus de Be-  
rengario cremaretur, non defuturos vi-  
ros bonos, qui amore tanti & tam pij  
Imperatoris impulsi, laudes eius perire  
non sinerent, carmēque suū descri-  
berent ac seruarent.

*Tu licet exustus vacuas soluatis in auras,  
Pars melior summi scribet amore viri.*

Scribimus plerumque amore Principum  
quos vidimus, non eorum qui diu ante  
nostram ætatem vixere. Addit, se pij Re-  
gis pauca de multis gesta exposuisse con-  
tentum fore.

*Sat mihi, pauca viri ponere facta pij.*  
In libro 11. Poëta de posterioris Wido-  
nem inter ac Berengarium prælij appa-  
ratu scribens, nominatim & exacte enu-  
merat præcipuos Widonianarum & Be-  
rengarianarum partium duces: nonnum-



quam patriam, plerumque Ducatum, Comitatumve, aut Marcam singulorum, numerumque cuiusque copiarum indicat: rum summam belli attigisse contentus negat sibi vacare, de gregariis militibus qui à mediocris sortis Ducibus aut ( uti loquitur ) à *modicis magistris* regerentur, aliquid dicere, quod docti & eloquentes aliquando facturi sint.

*Vacat non denique vulgus*

*Instabili motum studio modicisq; magistris  
Profari. Quandoque manent hi sorte labores  
Doctiloquos. Mihimet summam tetigisse  
duelli*

*Sufficiat.*

Postremò adiicit, se ex industria præterire Episcoporum Italix nomina, qui huic pugnae Berengarium inter Widonemque commissæ interfuerunt, & hunc aut illum iuuerunt.

*Farier illectos studio Mauortis utrimque  
Pontifices vereor.*

Ergo Panegyristes noster notos apprimè habuit non solum clarissimos Berengarianarum & Widonianarum partium Duces, sed etiam obscuriores quosque ac

A iij

inferioris sortis, ipsum quoque *vulgus* seu gregarios milites, quos enumerare potuit, verum noluit, ac tanti esse non putavit: notissimos habuit & Episcopos urbium Langobardiæ, Berengarij ac Widonis adiutores, qui professionis suæ Canonumque immemores, ad bellum profecti erant: sed dignitati eorum parcens, nominibus abstinuit, dignâ Catholico scriptore verecundiâ deterritus: quæ tanta ac tam exacta notitia hominum tum in Italia viuentium nisi æquali auctori haud dubiè conuenire non potest. Denique Ludouicus Bosonis filius post occupatum Regnum Langobardiæ Veronæ defecisse securus dicitur à Poëta in libro ultimo, ac nihil à quoquam sibi timuisse falsâ mortis Berengarij famâ sublatus ferroxque factus.

*Nil veritus: metuenda nimis quia sustulit  
ipsum*

*Fama, Berengarium leti dispendia passum.  
Ah! Latium quis te tantis defenderet armis?  
Ergo pius Genitor rerum seruato magistrum,  
Ne pereant vno Latialia gaudia leto.  
Hi tres postremai versus (ni fallor) aper-*

tissimè docent, Poëtam Berengarij æqualem fuisse, cùm pro salute eius quem *rerum magistrum*, id est rerum dominum vocat, Deum oret, & eo mortuo defuturum *Latio* seu Italix validum *defensorem*, ac Italix felicitatem perituram affirmet: quæ nisi viuo Principi precari; nisi de viuo Principe dicere Panegyristes non potuit. Iam verò vt litteris & donis ab Iohanne Papa X. ad Imperium inuitatus sit Berengarius, quanto fauore & honore à Romanis exceptus; vt Senatus Romanus, schola Græcorum, ceterique exteri obuiam ei processerint; vt frater Papæ, & Consul filius pedes eius sint osculati; acclamationes populi quales exstiterint; vt Papæ equo Urbem inuectus fuerit; quo in loco quaque ratione Iohannes eum exceperit, & post vota facta in Basilicam S. Petri introduxerit; laudes Iohannis & Berengarij ibi dictas à Clero atque cantatas, preces ad monumentum Beati Petri fusas à Berengario; vt in Palatio Vaticano idem cenæ adhibitus à Iohanne, ac die demum Paschæ coronatus ante tumulum Petri Apostoli, vinctus-

que & Imperator consalutatus sit, acclamante populo Romano & vitam victoriâque nouo Imperatori precante : vt omnes superiorum Principum donationes ac beneficia vnis litteris suis confirmauerit ; quæ dona Principi Apostolorum obtulerit ; quanta Episcopo, Senatui populôque Romano pro Imperio munera dederit : hæc inquam omnia ita singillatim persequitur Poëta noster, tam fusè ac tam diligenter enarrat nouem & centum versibus, vt ipsummet his rebus adspisse non dubitem.

Pauperem se esse & de victu vestitûque sollicitum, ipse in Prologo ad librum bocce disticho fateri non erubescit.

*Endromidos te cura magis victûsq; fatigat:*

*Hinc fugito nugas quas memorare paras.*

Videtur & senex fuisse ac ætate prouectus, cum carmen Panegyricum de laudibus Berengarij Aug. componeret. Quippe iuuenibus quibus sanguis calidior, & vena melior sit, vicem suam demandat, ac veluti lampadem tradit.

*Nec tentabo meis ultra fastidia dictis*

*O iuuenes, inferre : calet queis pectore sanguis,*

*Et pleetro meliore mouet praecordia Cith.*  
*Mille mihi satis est metris tetigisse labores*  
*Manius atque licet videar, vos este Ma-*  
*rones,*

*Et post Imperij diadema resumite laudes.*  
 Res gestas Imperatoris Berengarij, quos labores non absurdè vocat propter multa & periculosa bella aduersus varios æmulos Regni, mille versibus complexum se dicit verè quidem, haud exactè tamen. LVIII. enim & mille versus quatuor Panegyrici libris continentur: ne de Prologo loquar, qui xvi. distichorum, siue duorum & triginta versuum imparium est.

Auctoris ut nomen, ita & patria ignoratur. Vix dubito tamen quin genere Italus fuerit: & si quis in prouincia Venetia natum crediderit, ei facillimè sum accessurus. De patria, siue Patavium, siue qua alia vrbs fuerit, non laboro. Certè tanta rerum Italicarum, tanta originis Berengarij maioris, tanta Procerum Italiz qui tum vixere notitia, quanta Poëtæ nostro fuit, neminem in alium quàm in hominem Italum, æqualem eius ætatis

potest conuenire. Multa heic ad historiam illorum temporum pertinentia reperias, quæ apud alios frustra quaesieris. Atque utinam non (ut ait in Prologo) *pauca facta* Berengarij *Pij* Principis paucis, sed vniuersas eius res gestas fusè persecutus esset. Ex his enim quæ dicit, apparet ipsum multo plura de hisdem scire quàm scribat. Quæ & quanta iste, vnus aut primus omnium nos doceat, in Animaduersionibus meis suis singula locis obseruo. Quare nullam heic eorum mentionem faciam. Non infitandum est tamen, Poëtam nostrum nonnumquam morem Panegyristarum sequi, & Poëticâ magis quàm Historicâ fidẽ quædam omittere, aut narrando parumper immutare, ne quid Berengarij quem laudandum suscepit gloriæ detrahat: sed quàm raro & quàm paruis in rebus id faciat, in Animaduersionibus noto. Hominem fuisse pium admodum & Catholicum, ac demissè de se sentientem, Panegyricum eius ac vel solum Prologum legentibus statim apparebit.

Si quid in prosodia peccat: (ut non-

numquam peccat) si comparationes suas à Virgilio, Statio, ceterisque veteribus Poëtis plerumque totas mutuatur: si interdum vitiosâ verborum collocatione ac confuso ordine obscurat sententiam: si parum Latinis interdum vititur verbis: non hæc ei vitio vertet sapiens: sed æquus Lector, sed ætati quâ vixit imputabit, & pro captu temporum magni faciendum carmen istud esse iudicabit, quod utique historiæ loco habere oportet, & rerum præscorumque morum ac rituum relatione, non sermonis elegantia aut versuum maiestate metiri.



## PROLOGI SUMMA.

**I**N Prologo ad librum suum, Poëta primò causas exponit, quæ ipsum à componendo carmine deterreant: deinde narrat, cur his parui habitis, Berengarium laudare constituerit.

In xviij, prioribus Prologi versibus

#### 14 PANEGYRICI PERIÖCHE.

ait sibi ederam aut laurum non esse sperandam : qualia præmia Homero Maronique , sed doctis , disertis , ac sui dissimilibus Poëtis collata sint. Et tum quidem Poëtarum carmina in Deorum templis recitari consueuisse : nunc quamlibet profoueam aut Ecclesiam sua scripta contemturam : cum nemo curet carmina , quæ non urbani modò sed etiam in agris rustici componant ; & ipse nullum longi ac laboriosi itineris præmium tulerit. Quare timere se , ne versus sui seculi sæculi auribus indigni , sine vlla Musa verbis triuialibus facti exuraneur. Parcendum igitur operæ nihil profuturæ , renuntiandum arti inutli , nugis valedicendum , & de victu potius vestibisque cogitandum.

In xiv. posterioribus versibus seu vii. extremis distichis Prologi affirmat Panegyristes , se has querelas insuper habiturum , ac nihilominus propositum exsecuturum , & maximi Principis victorias ac laudes ne à posteris ignorentur , cantaturum. Se plausu populi , ac præmiis quæ in Theatris Poëtis olim conferebantur ,



PANEGYRICI PERIOCHE. 15  
non moueri. Si liber suus fortè à quibus-  
dam malis cremetur : at meliores viros  
si non auctoris aut operis, saltem pij Im-  
peratoris vel materiæ amore, exemplaria  
eius aliqua descripturos ac seruáturos.  
Postremò Christum orat, vt cœptis suis  
adspiret.

---

PANEGYRICI DE LAUDIBVS

*Berengarij inuicti Caesaris*

PERIOCHE.

*Panegyrici libri i. Epitome.*

**H**ÆC libro ii insunt. Berengarius  
Francus, à Carolo Magno genus  
ducens, supremo iudicio & hortationi Ca-  
roli Aug. accedentibus Optimatum stu-  
diis, Regnum Italix quod vulgò Lan-  
gobardorum dicitur, obtinet ac Ticini  
coronatur. Wido Lamberti filius, Spo-  
letinorum Dux & ipse natione Francus,  
indignatus ab Odone, Berengario & Ro-  
dulfo sodalibus suis sui similibus Regna

## 16 PANEGYRICI PERIOCHE.

maxima esse occupata, ex Gallia in Italiam contendit cum copiis, adiunctisque sibi præter ceteros Camertibus ac Spoletinis, Berengario intulit bellum: à quo prælio victus, impetrauit per Legatos, sibi ut suorum cadauera liceret sepelire.

### *Panegyrici libri II. Breviarium.*

**L**IBRO II. continetur Widonis aduersus Berengarium Langobardorum Regem altera pugna, & ut magnâ utrimque cæde factâ, nox prælium diremerit. Vtrarumque partium adiutores præcipui nominatim referuntur.

### *Panegyrici libri III. Prologus.*

**A**RNULFVS Rex Francorum Orientalium cum comperisset quotidie crescere Widonis copias confluentibus ex Gallia militibus, Zwentibaldum mittit in Italiam cum armatorum manu, & auxilium ferre Berengario iubet. Ita represso Widone, Zwentibaldus monitu Berengarij ad Arnulfum patrem suum reuertitur.

ueritur. Post tres menses quàm iuuenis redierat, Wido iterum renouat bellum, & Arnulfus ipso cum maximo exercitu Italiam ingressus, Bergomum aliásque vrbes capit: vsque ad urbem Romam viâ vi factâ accedit; in urbem Leonianam à Romanis recipitur, & suafore Berengario domum redit. Mox Wido bellum meditabundus moritur, & Lambertus eius filius, supremorum parentis mandatorum memor, Legatum de compositione ad Berengarium mittit: per quem inuitatus ad colloquium, Ticinum petit, & cum Berengario pacem facit. Eo pacto iuuenis quietus Regnum paternum tribus annis obtinuit, ac equo præcipitatus periit. Tum Berengarius totâ ferè potitur Italiâ.

*Panegyrici libri IV. Elenchus.*


**P**Ost quadriennium accitus ab Langobardici Regni Proceribus Ludouicus Prouinciæ Rex, Ludouici iunioris Aug. ex filia nepos, finibus Italiæ Berengarium expellit, quartanâ laborantem. Berengarius simul ac conualuit, cogit

B

## 18 PANEGYRICI PERIOCHE.

copias, & à Veronenſibus nocte recipitur  
opido. Ibi Ludouicus in Eccleſia ſubito  
oppreſſus, ac ſub ortum Solis luminibus  
orbatus: Prouinciales qui eum ſecuti e-  
rant in Italiam, pulſi vndique ac tranſal-  
pinas ſedes ſuas fugâ repetere coacti. Be-  
rengarius iam iterum totius Langobar-  
dorum regni potens, à Iohanne Papa in-  
uitatur vt Romam veniat: qua in vrbe  
diademate ab ipſo cingitur, & vnguitur  
appellaturque Imperator. Hæc ſumma  
Panegyrici.





# ΑΡΧΕΤΑΙ ΠΡΟΛΟΓΟΣ.



ON ederam sperare vales lau-  
rūmve libelle:

Quae largita suis tempora prisca  
viris.

Contulit hac magno labyrinthia  
fabula Homero,

Aeneisque tibi, docte Poëta Maro.

Atria tunc diuūm resonabant carmine vatū.

Respuet en Musam quaeque proseucha tuam.

Pierio flagrabat eis sed munere sanguis:

Prosequitur gressum nulla Thalia tuum.

Hinc metuo rapidas ex te nigrescere flammās,

Auribus ut nitidis vilia verba dabis.

Quid vanis totiens agitas haec tempora dictis,

Carmina, quae profers, si igne voranda times?

Desine: nunc etenim nullus tua carmina curat.

Hac faciunt urbi, hac quoque rure viri.

Quid tibi praterea duros tolerasse labores

Profuit, ac longas accelerasse vias?

Endromidos te cura magis victusque fatigat.

Hinc fugito nugas, quas memorare paras.


Irrita saepe mihi cumulas quae murmura codex,

Non poterunt votis addere claustra meis.

B ij

*Seria cuncta cadant opto ; & labor omnis impeto .  
 Dum capiti summo xenia parua dab .  
 Nonne vides , tacitis abeant ut sacra triumphis .  
 Quos agitat toto orbe colendus homo ?  
 Tu licet exustus vacuas soluaris in auras ,  
 Pars melior summi scribet amore viri .  
 Supplice sed voto Christum rogemus orantes ,  
 Quò faueat coeptis Patris ab arce meis .  
 Haud moueor plausu populi , vcl munere circi .  
 Sat mihi pauca viri ponere facta pi .  
 Christe , poli conuexa pio qui numine torques .  
 Da queat ut famulus fariet apta tuus .*

OS \*\*\*  
 ΑΡΧΕΤΑΙ ΤΟ ΠΑΝΗΓΥΡΙΚΟΝ  
 ΒΕΡΕΝΓΑΡΙΟΥ  
 ΤΟΥ ΑΝΙΚΗΤΟΥ ΚΑΙΣΑΡΟΣ .


*RÆCIA quasitis cecinit si regna loquelis ,  
 Moribus insulsos , & religionē tyrannos  
 Tolleret ut quosdam immerito super astra  
 beandos ,*

*Quos Lachesis nigro satius damnauit auerno .  
 Roma suos vario vexit si fimine post hac  
 Augustos ad tecta poli radiata perenni  
 Vibratu , simul hos stygio sorbente barathro :  
 Induperatorem pigeat laudare nitentem  
 Christicolas quidenim , catum referantibus odis ,  
 Quòdque replet Domini mundum spiramine totum ?*

Ergo Berengarium genesi factisque legendum  
Rise canam, frenare dedit cui celsa potestas  
Italiae populos bello glabraque superbos.  
Stirpe recensita generis, quo stemmate pollet  
Scire vacat. Nam cuncta nequit mea ferre Thalia.  
Francigenam fateor Karolum prenomine Magnum  
Quem tellus axi tremuit subiecta rigenti,  
Quamque petens linquensque ruit Sol aureus undis,  
Et quam torret equis totiens innectus anhelis,  
Prodit auis atavisque illo de sanguine rector  
Ausonia. Karoli sedenim nutritus alumni  
Rise sub imperio: simili qui nomine Romam  
Postremus Francis regnando coegit habenis.  
Ille virum cernens belli sub imagine letum,  
Et ratione pium regni que beamine dignum,  
Egregij fidum lateris delegit amicum,  
Fascibus imperii que aptum, si bella ministrum  
Fortè ruunt. Italus Princeps exercitus armis  
Praduros Martis didicit sic ferre labores.  
Venerat ecce dies, primi cum fata parentis  
Posceret atra lues Regem, totosque per artus  
Febris iit. Moriens primos compellat amicos.  
Ultima Brengario referunt dixisse propinquo.  
Subdere colla tibi merito deberet Eous,  
Et licet Occiduas cernit quos mersus in undas  
Phœbus, uterque etiam mundi quos despicit axis:  
Attamen Hesperie procures pro viribus ardent  
Rise subesse tibi, tanto quia digna labore  
Cuncta geris: penes imperij te gloria nostri,  
Atque tuis stabit Romana potentia fatis.

B iij

Hac fans atherias ductor concessit in auras,  
 Supremumque gemens regnorum liquit habenas.  
 Ille quidem sic astra subit: miseranda cupido  
 Sed populos persuasit agens, qui limite lato  
 Vnius imperio soliti concurrere, plures  
 Ut mirentur abhinc diuersa per arua tyrannos,  
 Et sibi quaque legat proprium gens, omnibus idem  
 Dum perstaret amor, raperet ne gaudia Rhenus  
 Aut Araris spectata diu, glomerantur in unum  
 Ausonij proceros, ac talia nuntia Regi  
 Ire iubent. Hac terra satis, terreque coloni,  
 Fluminâque antiquos subterlabentia muros  
 Nota tibi. Neo te renocet fera Gallia, digno  
 Quin potiare solo; trux aut Germania, quando  
 Sceptrigeri hoc potius dudum coluere propinqui,  
 Et genitor cunctis dilexit carius aruis,  
 His motus gressum precibus contendit ad urbem  
 Irriguum cursum Ticini abeuntibus undis.  
 Sustulit hic postquam regale insigne coronam,  
 Non alias raptim cupidus peruadere terras,  
 (Quod multos iuuenum leto demersit acerbo.)  
 Latitia resonant, plausu & fora cuncta resultant,  
 Templâ sacrata virum trepidant matrâq; choreis,  
 Orgia & innupta concinnant clara puella,  
 Dantque choros molles: & tympana dextera pulsât,  
 Atque lyra graciles extenso pollice chordas  
 Percurrit, septemque modos modulatur auenis,  
 Rura colunt alij, sulcant grauia arua iuueni,  
 Tondent prata greges, pendontque in rupe capellæ.  
 Omnibus una quies, & pax erat omnibus una.



*Non secus ac longa ventorum pace solutum  
Æquor, & imbelli recubant ubi litora somno,  
Siluarumque comas, & abacto flamine nubes  
Mulcet iners ætas: tunc stagna lacusque sonori  
Detumuerè, tacent exhausti solibus amnes.  
Inuidia tumidus nec passus talia Vuido  
Perfurit, ac nimios profundit pectore questus,  
Otia quæ Latium foueant, piget usque fateri.  
Nam video florere viros rebusque supinos  
Fertilibus, solioque Ducem considerare celsò,  
Quem legere sibi. Montes superare profundos  
Vis foret vlla mihi! forsàn perfringere fœdus  
Et faciles iuuenum possem subuertere mentes.  
Precipuum Tyrrena colunt qui rura, volentes  
Subiicient mihi colla, reor. Minus aptus in armis?  
Quid? Potuit Paris egregias turbare Mycenæ,  
Excire atque nefanda feros in prælia Attridas.  
Quid referam, quantus sedeat Rodulfus in aula?  
An qualis referam Francis dominetur in armis  
Oddo, mei similes dudum notique sodales?  
Solutus egon' donis facti priuabor opimi,  
Et taciti metam solus deuoluam ad æui?  
Non, donec puras animus depascitur auras,  
Vel si me rapidus Mauors perstrinxerit armis,  
Prouoluens iuuenum fusos in sanguine patres.  
Talibus irarum dictis fundebat habenas  
Mente coquens bilem: iacto voluit aspera saxo  
Cominus erigitur serpens, cui subter inanes  
Longa suis latebras totosque agitata per artus  
Conuocat in fauces & squamea colla venenum.*

Iámque legit socios aptos furialibus ausis.  
 Fama volans Regis nitidas cùm perculit aures,  
 Conatus agitare satis Vuidonen iniquos  
 Fortuna seruante modum. Quatit ille tremendum  
 Regali de more caput, calíque tuetur  
 Connexa, atque sacris ita fatibus ora resoluit.  
 Tu celi terreque sator, qui fulmina torques,  
 Annorúmque vices dimensáque tempora noctis,  
 Quatuor & mundi partes, quantum arctus ab austro  
 Et quantum occasus roseo consistat ab ortu,  
 Metiris, subeat geminos ut phosphorus ortus  
 Precedens nunc Solis equos pellénsque tenebras  
 Noctis agat pra se gelidos aliquando iugales:  
 Testis adesto piis, noxámque remitte cruoris.  
 Si manus hac mortis tulerit dispendia Gallis,  
 Debita iure mihi raptum ire volentibus arua  
 Infandum. Cui tanta viro concessa potestas  
 Me regnis priuare? Sedet sí, conditor orbis,  
 Pro culpis abolere viros, nil vota retardent,  
 Sed per cunéta ruant fati discrimina, quando  
 Ferrea iam scindit morituris stamina Clotho,  
 Ac miseros diri capitis discriminat angues  
 Alecto, crudele nefas, Acheronte sub imo.  
 Nox subit interea variis distincta figuris,  
 Cùm pater egregius tecto sese intulit alto  
 Post epulas, ubi membra toro laxauit honoro.  
 Annua vix toto rutilarunt sidera munda  
 Pace sub hac. En fraudis agit tentamina prado.  
 Quà secuit quondam aërias Rex Pœnus aceta  
 Imperij cupidus cautes. Vbi constitit oris

Italia, nunc ille minis, aliquando rogatu,  
 Sollicitat iuuenum hoc fluxas sermone cateruas.  
 Quisquis auet solidis protendere legibus auum,  
 Et fasces mutare Ducis, qua tradimus ultro  
 Ritè fruens donis, nostros glomerare maniplos  
 Ne cunctetur ouans. Cuiquam si fortè videtur  
 Futile quod ferimus, robur quia ponit in armis  
 Brengarij, stimulis olim quia motus iniquis  
 Finibus absentes Gallos quasiuit Etruscis:  
 Quantus in arma feror, patriis vel quantus ab oris  
 Ausoniam subeo, liceat deferre tyranno,  
 Atque unà caris veniat fundendus in aruis.  
 Quis placere vices, ac dulce mouere potentes,  
 Colla iugo posuere truci: malè fida recessit,  
 Sed penitus, Tyrrhena manus, hostesque proteruos  
 Exultans in regna tulit. Proh, sena nocentum  
 Consilia! Princeps aberat, pacemque parabat  
 Imperio, Verona Atesis qua culta salubris.  
 Irrigat: ecce gradu celeri petit alta minister  
 Tecta Ducis sudore madens. Fortissime rector  
 (Inquit) adesto tuis. Saltu super ardua montis  
 Sese iniecit ouans cœtus sat in arma superbus,  
 Cui nisi preduros gladiis inferre maniplos  
 Institeris, quid opus Latio qua dicere victo  
 Damna ferent? Infensus ad hac ita reddidit olli  
 Rex. Iubeo, iuuenis, tantum desiste moueri.  
 Non caput hoc dum vita regit diffusa per artus,  
 Hac tellus cedit superata, pudetque fateri  
 Res Latij victas: ait, accirique sodales  
 Imperat. Excurrunt vastos excita per agros

Agmina, amor quibus est pacis, quis gloria cura  
 Natorum dulcisque domus, vitamque perosa  
 Adueniunt placido glomerati pectora Regi.  
 Exacuunt iustas subitis rumoribus iras.  
 Undique collecti postquam venere manipuli,  
 Ingenti fremitu pariter Ducis ante tribunal  
 Bella crient. Liquidas tandem se reddit ad auras  
 Terribilis ductor, quando latus omne sub armis  
 Ferrea suta terunt, humeros & pectora late  
 Flammeus orbis habet, capiti tremat area cassis,  
 Et gemino dextrâ rutilant hastilia ferro.  
 Ensis in ore etiam præclara resulget iaspis.  
 Pulcher honos regumque decus, fortissima pubes,  
 In mediis orsus, rabidi commercia Martis  
 Presto. Manus capulo sit parva animusque labori,  
 Ut decet egregios: Regnum quia tollere pessum  
 Vuido velit, certum est sociis atque arua vocatis  
 Partiri, & gremiis iuuenum subducere pactas.  
 Si foret huic animus mecum confugere solo,  
 Et pactis differre nefas, quod fluctuat armis  
 Mersurum populos: ait, & spumantis habenas  
 Implet. equi, præceptisque petit confinia belli,  
 Quâ manus hostilis Latium pessumdabat armis.  
 Hic celo ut pepulit gelidas aurora tenebras  
 Rorantes excussa comas multumque sequenti  
 Sole rubens, gateâque viri clusere minaci  
 Ora, tubæque sonant, vocisque resultat imago,  
 Partitæque vices tolluntur in aquora gentes.  
 Qualis ubi audito venantum murmure tigris  
 Horruit in maculas, somnoscque excussit inertes.

*Bella cupit, laxatque genus, & temperat ungues,  
 Mox ruit in turmas, natisque alimenta cruentis  
 Spirantem fert ore virum. Sic excitus irâ  
 Ductor in aduersos inigit ferus arma maniplos.  
 Undique consurgunt acies, & puluere calum  
 Conditur, horrendisque sonat clamoribus ather.  
 Hic alius rapido deiectus in equore cursu  
 Proteritur, pedibusque simul calcatur equorum.  
 Atque alius volucris traiectus tempora telo  
 Cornipedis tergo pronus ruit: illius ense  
 Desectum longè caput à cervice cucurrit.  
 Hic iacet exanimis fuso super arma cerebro.  
 Ille manu caret, hic gressu, nec visibus iste  
 Integer obruitur: campi sudore madescunt:  
 Sanguine manat humus: crudescens undiq; campâ  
 Mars turmale furit, Vuido si fulminis instar  
 Labitur in turmas. Libycus velut agmina campâ  
 Lata boum cum fortè leo procul aggere cernit,  
 Attollens cervice iubas, sitiensque cruoris,  
 In mediam erecto contendit pectore turbam.  
 Hinc fremit Ausonia ductor, furit inde minister.  
 Vuido necis, propria nimium virtute superbus.  
 Inuicti valeat verum quis ferre tyranni  
 Pondera virtutis? Demum dare terga coacti  
 Illius effugiunt comites. Clamoribus ultro  
 Palantes sequitur. Quæ vos dementia cepit,  
 Montibus ut septi, gladios vitare velitis?  
 O socij. Haud quondam hæc patriis promissa dabatis  
 Adibus. Hesperia quantis prædulcia natis  
 Spondentes. Renocate gradum, quid dextera possit.*

*Hæc, hodie cernetis, io: ne fidite cursu  
 Lecta manus. Frustra sedenim compellat abactos  
 Fulminæ virtute Ducis. Desertus amicis,  
 Sat rationis inops, utrumque inglorius armis  
 Abscedat rediuvno animam servare duello,  
 Redditus an pulcræ properet per vulnera mortem  
 Hostibus. Hæc secum subito dum mente retractat,  
 Vnus adest comitum, ac rapidis calcaribus vrgens  
 Iam torpentis equi latera: Hospes inclite Gallis,  
 Inquit, abi: penitus nostri cessere manipuli.  
 Nec miserum credas hominem salvare per agmen,  
 Pulvereos Libyes potius quam monstra per agros.  
 Vidi equidem, geminos uno cum sterneret ictu  
 Ille viros. Pudet heu fari quæ funera victis  
 Intulerit. Discede, precor, melioribus ausis  
 Servandus. Tandem socium perculsus amore  
 Discedit, seseque suis marentibus addit.  
 Nox ruit interea, curas hominumque labores  
 Composuit, nigræque polos inuoluit amictu,  
 Omnibus illa quidem mitis, sed turbida pulso.  
 Voluitur irarum furiis ætisque laboris,  
 Non tamen absque via mentisque vigore profunda.  
 Namque sub occiduas versa iam noctis habenas  
 Astrosumque abitus, ubi primum maxima Thetis  
 Impulit Eoo cunctantem Hyperiona Ponto,  
 Doctiloquos agit ille viros ad limen ouantis  
 Hæsterna nece victoris, ne lucæ carentes  
 Prohibeat mandare solo. Iam calle peracto  
 Postquam introgressi, & coram data copia fandi,  
 Incipiant. Suprema dedit superare potestas*

Cui, Ductor, fera bella; animum submitte rogatu.  
 Nam petimus, liceat socios mandare sepulchris  
 Aethere priuatos: malis ne membra ferinis  
 Facta Deo pereant, campove relicta faveant.  
 Hoc fortis Vuido, hoc populus miseratus amicos.  
 Nec adeo fracta vires, animique labasciunt,  
 Prælia quin superent ac spes in nostra adigendæ  
 Iura solum. Iuuenes vitio sabesciunt omnes  
 Gentis (Ad hac victor) fandi quia copia vobis  
 Semper, & ore magis robur quam pectore: verum  
 Plus dixisse, egisse minus, taxatur honestum.  
 Tollite membra tamen, vite quid lumine cassis  
 Quid restat potius? Miserat tot mille iacentum  
 Vnius ob noxam, luteo quis corpore mundi  
 Arcana tribuit flatum ratione creator.  
 Illa quidem videat Deus. At vos, aethera testor,  
 Aut Italis Galli celeres abscedite terris:  
 Aut bello fractas iterum densate cateruas.  
 Hæc ubi dicta, viri gressum vertere frequentes  
 Ad socios tolluntque citi sua funera campo  
 Sandapilis, reditura tubis ut cuncta crebit.  
 Nuntius ætheria præcurrens arce Tonantem.

---

 EXPLICIT LIBER I.
 

---

## INCIPIT LIBER II.

**F**LVCTVAT interea Vuido crebroque retractat  
 Milite quo bellum moueat, quæ pectora sollers  
 Præondat ferro. Placuit sententia demum,  
 Sollicitet patria populos tellure quietos.

*Vnaquies, quò bella ferant viresque reducant  
 Effatas, paribusque solum potiantur habenis.  
 Summe Deus, qui cuncta foves, qui cuncta creasti,  
 Qui regis imperio cælum, mare, sidera, terras,  
 Qui facis astra micent, & signa micanti acurrant,  
 Te precor, intende, & mihimet succurre roganti,  
 Ac sensus infunda meos, commercia belli  
 Illectosque duces vili subnectere charta  
 Quò valeam. Prior arma rapit iam Gallicus heros  
 Aërios ducibus montes superantibus auctus,  
 Anscherio cum fratre simul, qui iure proteruo  
 Quingentos acuunt propria de gente ministros  
 Instructos animo, & gladiis, nec viribus infra:  
 Gauflinus tercentum equites fera bella volentes  
 Præcelerare iubet, pariter contendit Kherius  
 Bis centum pro laude viros: eadem omnibus arma,  
 Et cultus similis, patriæque in pectore vires.  
 Arma legens inimica iterum Tyrrena iuuentus,  
 Incolyta gens dudum, terraque marisque duello  
 Aptæ satis, modo sed malofida, & degener ultro,  
 Bella cupit, pariterque cohors Camerina superbit  
 Munere natorum, subigitque in bella sodales  
 Mille. Sua virtute, magis sed prole supinus,  
 (Post monstrata fides) centeno milite latus  
 Pauper adhuc Albricus abiit, iam iamque resultat  
 Spe Camerina. Vtinam diues sine morte sodalis.  
 Quid furibunde ruis focilis ad crimina lætis  
 Ragineri? Non consilio nec viribus ullis  
 Vincitur, æthereo causas qui pensat olympo,  
 Quique Berengario Latium concessit anitum.*



Collectos etiam ducit Vuilelmus amicos  
Tercentum lorica habiles galeaque minaces,  
Nec iaculo segnes. Totidem propellit Vbaldus.  
Consimili feruore. Vacat non denique vulgus,  
Instabili motum studio modicisque magistris,  
Profari. Quandoque manent hi sorte labores  
Doctiloquos, mihimet summam tetigisse duelli  
Sufficiat, veniunt etiam, discrimina campo  
Qui nupertulerant, numero ter mille, magistris  
Conserti pariter stupido restantibus aruo  
Infandum. Foret his satius cecidisse duello,  
Quam miseros vidisse dies. Nam dispare fato  
Disperiere. Iubet tandem Lamberticus horror  
Præcipuum truncare: siti perit alter in aruis:  
Vnigrorum cupit infaustas differre sagittas  
Tertius, alta poli scandit supremæque ponti  
Tristis, ut almificis sese sustollere sceptris  
Fortè queat. Hominum prò mens ignara futuri.  
Nunc acies glomerant, bellum numeroq; minantur  
Latantes, timidisque etiam brevis addita virtus.  
Per medios Vuído incedens gratatur amicis,  
Exsultatque animis, & spe iam præcipit hostem.  
Qualis ubi abruptis fugit præsepia vinclis  
Tandem liber equus, campoque potitus aperto,  
Aut ille in pastus armentaque tendit equarum,  
Aut assuetus aqua perfundi flumine noto  
Emicat, arrectisque fremitu ceruicibus altè  
Luxurians, luduntque iuba per colla, per armas.  
Senferat horrifonos tandem sauire furores  
Armipotens Latij decus, & spes inclyta belli

Arma ciet, primisque virum regnique ministris  
 Ocius accitas cogant in praelia turmas  
 Imperat, ac latas vacuent habitantibus vrbes.  
 Iussio torua means Italo iam perfurit aruo,  
 Conueniant nocuo rursus decernere ferro,  
 Quis pia iura placent. Notas exinde per vrbes  
 Leta nouare nefas ardet: sic prepete motu  
 Comit equos artusque terit thorace iuuentus.  
 Nec mora, Vualfredus ter mille resumit amicos.  
 His manus in capulo, primis ac feruor ab annis  
 Hostilem turbare globum. Nec fortior alter,  
 Hostica quem pubes bello vereatur euntem,  
 Ausona cui faueat. Pariter tria fulmina belli  
 Supponida coeunt, Regi sociabat amato  
 Quos tunc fida satis coniunx: peritura venenis.  
 Sed postquam haustura est inimica hortamina Circes.  
 Hos mille & quingenti equites comitantur euntes,  
 Obtecti Chalybum pectus de more metallo  
 Gentis, & umbrati nitidis à vertice cristis.  
 Teutonico ritu sexcentos vrguet ouantas  
 Leuto viros: etiam simili strepit agmine frater  
 Bernardus. Stimulant longis calcaribus armos  
 Alipedum cuncti, & cludunt latera ardua parmis.  
 Germanus sic bella gerit. Nec segnis abibat  
 Albricus, Tiberine tuas non sanguine lymphas  
 Qui fraude infecit, quingentaque robora belli  
 Educit patriis horrentia viribus, atque  
 Francigenis olim duris exercita ludis.  
 Iamque more impatiens glomerat Bonifacius amicos;  
 Alter ab aduerso, ac paribus circumdatus armis  
Berardus

Berardus numero tercentum. Maxima vulgi  
 Pars Italia vibrant omnes de more sarissas,  
 Orbe latúsque tegunt clypei pro Marte sinistrum.  
 Aduolat Azo ferax subigens in bella sodales,  
 Vicinóque suas cogens ab limite turmas  
 Olricus, Latium Hadriacis quæ clauditur undis.  
 Ac labor est sanis gladios prætere Abæris  
 Farier illectos studio Mauortis utrimque  
 Pontifices vereor. Strictis ingentia dictis  
 Prætereo: Rheni licitum nec fœdera paucis  
 Effari. Hinc aliò libitum transmittere cursus.  
 Vt tandem collecta bonus videt agmina ductor,  
 Assilit in medium nitidis cernendus in armis,  
 Talia dicta ferens. Nostri munimina regni,  
 O proceres, prohibere minas Vuidonis iniquas  
 Sûne pium sapitis, dudum qui funera campo  
 Experti. Mauult igitur quia tendere fastus  
 Nunc etiam rebus finem quàm ponere fessis,  
 Arma referte citi, & cæram defendite terram  
 Me duce, quem dudum precibus sustollere fasces  
 Horati: dixitque. Din cessare duellum.  
 Turba freuens queritur, subito concussa tumultu,  
 Vix labara opperiens. Ferus omni in pectore sanis  
 Mortis amor cadisq̃ue. Nihil flagrantibus obstat.  
 Precipitant redimuntque moras. Sic litora vento  
 Incipiente fremunt, fugitur cùm portus: ubique  
 Vela fluunt: laxi iactantur ubique rudentes.  
 Iamque natant remi, natat omnis in aquore summo  
 Anchora. Iam dulcis medij de gurgite Ponti  
 Respicitur tellus, comitésque à puppe relictî.

C

Campus erat dudum studio damnatus iniquo.  
 Huc amba tendunt acies squalentibus armis.  
 Sed iam bella vocant, Alias nunc suggere vires,  
 Qui pensas tacita mundum ratione Creator.  
 Fatalem populis ultro postcentibus horam  
 Admouet atra dies, stygiisque emissis tenebris  
 Mors fruitur calo, bellatoremque volando  
 Campum operit, nigrumque viros inuitat hiatu  
 Arma ciens, aboletque domos, connubia, natos.  
 Pellitur & patria, & qui mente nonissimus exit.  
 Lucis amor, animusque ultra thoracas anhelus  
 Conatur, galeaque tremunt horrore comarum.  
 Quid mirum caluisse viros? Flammantur in hostem  
 Cornipedes, ninoque rigant sola pingua nimbo.  
 Iamque ruunt, primusque virum concurrere pulvis  
 Incipit, ac spatium utrimque aequalibus altis  
 Aduentant, mediusque vident decrescere campum.  
 Pulcher adhuc belli vultus, stant vertice cons:  
 Plena armenta viris, nullus sine praeside vector.  
 At postquam rabies, & vite prodiga virtus  
 Emisere animos, sternuntque rudentque vicissim  
 Ictibus innumeris. Haud tanta cadentibus haedis  
 Aëriam Rhodopen solida nunc verberat Artos.  
 Interea Vuidonen adit Vualfredus onantem  
 Cedibus, haud regem; sed enim qui nuper ab aruis  
 Sequanicis illectus erat. Caput eminens ipsum  
 Hasta viri valido nimium contorta lacerto,  
 Extremo galea primoque in margine parma  
 Semita qua lucet: clauso spiraminis haustu  
 Illicet oppetit. Moriens telluris alumna

Infelix careque domus reminiscitur, atque  
 Damna modo Latiis quia venit adeptus in aruis.  
 Hinc acies sequitur eas ductore, furitque.  
 Ascherium sternens heros Atesinus, & Othum,  
 Comminus instantem metit, hunc à poplite sectum  
 Cuspide transmissa. His socios demitteret umbra  
 Innumeros: ni Rhodanicus succurrere ductor  
 Admonitus, fessis subito adforet ultor amicis.  
 Ut lupo in campis pecudes cum vidit apertis,  
 Non ductor gregis ipse comes, non horrida terret  
 Turba canum. Ruit, ac toto desanit in armo.  
 Haud aliter dixum Vuido se tollit in aquor.  
 Hic celsum quod cernit equo turbare sodales  
 Erardum indignans, vno duo corpora ferro  
 Cornipedemque equidemque fodit. Ruit ille ruentem  
 In dominum, lapsisque manu quarentis habenis,  
 In vultu galeam clypeumque in corpore calcat:  
 Saucius extremo donec cum sanguine frenas  
 Respuir, & iuncta domino ceruice recombir.  
 Orgarij, comites rabido clamore vocantis  
 Ora ferit frameda: pereunt conamina vocis  
 Intercepta cruore. Milo verum arma cadenti  
 Dum rapit, infelix Italà deprenditur hastà,  
 Ac moriens linquit clypeum hostilemque suumque.  
 Auxilio collecta subit tandem Ausona pubes:  
 Bellum ingens oritur. Multum hinc illincq; cruoris  
 Funditur, & totis sternuntur corpora campis.  
 Nam varium virtutis opus. Nunc turba recedit,  
 Nunc premit, ac vicibus tellurem amittit & aufert.  
 Ut ventis nimbisque minax cum soluit habenas.

*Aër, alterno profligens turbine mundum:  
 Stat cali diuersa acies. Nunc fortior austri,  
 Nunc aquilonis hiems, donec pugnante procella  
 Aut nimis hic vicit aquis, aut ille sereno.  
 Hic videt Anschertus fratrem quia vulnere labi  
 Albrici, ingemit, ac rapido conamine telum  
 Contorquens, clamore graui Sator aetheris, inquit,  
 Sic genus omne tuum propriis discriminet armis,  
 Vt fratres Italo toruus discernis in agro.  
 His dictis, volat ingenti stridore per auras  
 Cuspis in aduersum: clypeo sed pulsa rigenti  
 Alipedi vadit mortem latura superbo.  
 Hic mortem Albricus caperet, nisi proxima virtus  
 Tolleret hunc iuuenem, sociis & redderet armis.  
 Millibus in mediis vadens, Quid inertia bello  
 Pectora, Vbertus ait, duris pratenditis armis  
 O Itali? Potius vobis sacra pocula cordi,  
 Sapius & stomachum nitidis laxare saginis,  
 Elatasque domos rutilo favore metallo.  
 Non eadem Gallos, similis vel cura remordet,  
 Vicinas quibus est studium deuincere terras,  
 Depressumque latrem spoliis hinc inde coactis  
 Sustentare. Miser voces dum tollit inertes,  
 Hasta subit latebras animi scrutata superbi,  
 Vulfredi vibrata manu super horrida fantis.  
 Infelix Gallo, Ausonios ne dicere pigros  
 Fas tibi, ni fallor, digitis impacta monebit  
 Hasta meis. Visu ille truci dum prospicit hostem,  
 Labitur, & carpit moribundus dentibus herbas.  
 Hæ diuersa in parte vices utrûmque cadebant.*

*Senior at miseris instat regnator. Etruscis  
 Hesperia, timidumque vocat Vuidona per agmen.  
 Nil vulgare legens, sed quæ dignissima vitæ  
 Funera, præcipuos annis animisque cruento  
 Fert gladio. Innumeris veluti leo fortè potitus  
 Cedibus, imbelles vitulos mollésque iuuenças  
 Transmittit. Magno furor est in sanguine mergi,  
 Nec nisi regnantis ceruice recumbere tauri.  
 V uifredum sedenim sonipes malè fidus in armis  
 Rumpentem frenos diuersa per agmina raptat  
 Iam liber: sic fessa manus. Venit hasta per armos  
 Principis, & lauum iuueni transuerberat inguen,  
 Labentemque affigit equo. Fugit ille perempto  
 Consertus domino, nec iam arma aut frena tenentē  
 Portat adhuc equitem. Fratris iam membra regebat  
 Arduinus equo: laua marcentia colla  
 Sustentans dextraque latus. Singultibus artum  
 Exhaust thoraca dolor, nec vincla coercēt  
 Vndantem fletu galeam: cū multa gementi.  
 Valde grauis curuas perfringit lancea costas,  
 Exit & in fratrem, cognatæque pectora telo  
 Conserit. Ille oculos etiamnum in luce natantes  
 Sistit, & adspecta germani morte resoluit.  
 Procubuerunt pares fati (Miserabile votum  
 Mortis) & alterna clausuerunt lumina dextra.  
 Ac velut Edoni borea cū spiritus alto  
 Insonat Egæo, sequiturque ad litora fluctus:  
 Quæ venti incubuere, fugam dant nubila celo.  
 Sic Regi quacumque viam secatur, agmina cedunt.  
 Conuersæque ruunt acies, cadit obuia pubes.*

*Vt vidit socios Regi dare terga sequaci  
Ildeprandus, abijt clamans: Perstate sodales,  
Quid fugitis? Spectate, virum si pellere ferro  
Fortè queam. Similes artus natura creatrix  
Huic dedit, ac similis sustentat viscera sanguis.  
Num sacrâ riguit styge? Num penetrabile plantis  
Hunc modo tergus obijt? Mortali urgemur ab hoste,  
Haud legione, pium Domino qua seruit ad usum.  
Sic ait, & toto connixus corpore telum  
Effundens, femur ingenti ferit eminùs ictu  
Ductoris Latij: satis hoc, Et tollere gressum  
Ponè citus facti cogente timore parabat.  
Protinus intorquens iaculum sed ductor in hostis  
Os, terebrat faciem quartis sine lege labellis  
Increpitans. Secreta tibi committere nullus  
Audebit Tyrrhene dehinc quòd apertus abunde  
Hac illacque flues. Sint hac monumenta, minorem  
Te frustra voluisse meis illudere telis.  
Ille quidem euasit sociùm circumdatus armis.  
Sed victor animi tota succensus in ira  
Innumeram ferro plebem, ceu letifer annus  
Aut inbar aduersi graue sideris immolat: Ite  
Vociferans, vestroque Duci narrate, Latinos  
Diuidat an rectè vobis mea lancea campos.  
Tyrrheni proceres iterum hinc atque inde pudore  
Collecti statuunt gressum, firmantque vicissim  
Undique sese armis, oriturque miserrima cedes  
Amborum, & ferrum ferro sonat: undique mistia  
Inter se stridunt mucranibus. Instat utrimque  
Densa acies, rursusque nouo respersa cruore*



*Aræmadent, ruit Hesperias dum Phœbus in undas.  
Quis modus ulterior, vel quæ discretio belli?  
Ni finem daret æthereæ sator orbis ab aula.  
Nocte instante solo tandem spissisque tenebris  
Concedunt maesti & trucibus dirimuntur ab armis.  
Tanta per Ausonios deferuere prælia campos,  
Non modo finitimis longè sed fama remotis  
Dum canit: Arnulfi Germanica rura prementis,  
Brengario sedenim regum per stemmata iuncti  
Tendit ad Imperium solito magis hispida plumis  
Amplectens unà populum seuumque tyrannum  
Guttore profuso. Coquit ille in pectore curas,  
Moxq; vocans genitum, Duros Sinbalde maniplos  
(Inquit) age; & rapidis Italos pete cursibus agros,  
Rex ubi Brengarius audentes ardua Gallos  
Insequitur bellis: tamen hos per vulnera dicas  
Aut montis subito, mirum, succrescere partu.  
Tot veniunt. Tantùmne potis perferre dolorem,  
Nostra ut progenies propria vexetur in Aula?  
Nec tibi bella dari vereor, si iunctus amico  
Iueris. At muris dicas seruare superbos  
Fortè animam, neque velle tuis famularier armis.  
Esto: vices mutabo dehinc, & mœnia scindam  
Ausonia, rutilam donec veniatur ad aulam  
Clauigeri, & totos Araris vacuabo furores.  
Paret ouans patri simili succensus amore  
Mox Sinbaldus, & electo comitante ministro  
Ingrediens Latium, quosdam præmittit, amica  
Pacificum referant sese qui tollere gressum.  
Consimili fernore subit pater obuius olli*

Brengarius, celsas nimium quâ tollit in arces  
 Se regnum, ac subitis Rhēnos discriminat oris.  
 Hic ubi congressu dexteras iunxere decoro,  
 Rex inquit prior: O iuuenum fortissime, nostros  
 Cur velis penetrare locos cunctatio nulla est.  
 Nuntia vera satis. Solum rogitare necesse,  
 (Incolumem quia te nostris conspectibus offers)  
 Si fruitur pater optatis tuus optime rebus.  
 Inquit at ille. Valet genitor, commune leuamen.  
 Teque valere cupit, pacatis fœdere campis  
 Mansuro Latij. Celeres idcirco subegit  
 Nos petere Ausonias collecto milite terras.  
 Interea loca tuta petit Dux Gallicus: atqui  
 Non geminis obstare sua virtute tyrannis  
 Posse videns. Illi fremitu (miserabile) clusos  
 Irritant, hinc inde solum peragrandō Latinum.  
 Verum ubi cuncta silere vident hostilibus ansis,  
 It monitu Regis patrias Sinbaldus ad oras,  
 Quod solus queat hostilem superare furorem.  
 Tertia vix Luna se cornua luce replerant,  
 Hic latus patriam postquam concessit ad aulam:  
 En Vuido agmen agens, iterum renouare furores  
 Accelerat; contra ductor depellere pestem  
 Instruit arma pius, tantosque recidere fastus.  
 Nec latet Arnulfum rursus succrescere bellum  
 Hesperia. Vuidonem etiamnum milite fretum  
 Affore, cernicesque procaci adtollere fastu  
 Audiit, ac solio quo forte sedebat eburno  
 Exsilit, ingentique domum clamore replenit.  
 Fortia iussa citò scribe sulcate papyris,

*Aestum populos cogant qua adstare iubenti,  
Quam varios linguis, tam duros pectore & armis.  
Namque iuvat Latio clarum me visere amicum;  
Quem totiens Rhodanus vexat properante Lemano  
Milite. Quò fugient ergo? Calumne subibunt?  
An latebras terra quarent, liquidive profundi?  
Oderit Hesperia, faxy, Dux nomen amata  
Improbis, extremis terra vel postus in oris.  
Talibus infestas metuenda mole catervas  
Prastruit, irarumque graues emittit habenas.  
Eridanus veluti niuisbus feruore solutis,  
Præruptum exit in arua fluens, camposq; per omnes  
Cum stabulis armenta ruit, radicibus alnos  
Litoreas fluctu undarum labente resorbens.  
Iamque solum tenet Ausonium Dux ille verendus:  
Cum Vuidonis abit rancore soluta superbo  
Fama in castra rei. Sociis extemplo vocatis  
Tunc ait: O procures, quid opus depromere verbis,  
Quò res imperij vergantur pondere belli?  
Collectis quando Hister adest hinc inde fluentis  
Excidio nostri. Moneo, seruate secundis  
Rebus eò vosmet, tantis ac parcite bellis,  
Abscedat donec proprios Arnulfus ad agros.  
Pingue solum interea regum dum lustrat uterque,  
Pergami adueniunt urbem, quam detinet ultro  
Munitam iaculis nimium sudibusque praeustis,  
Natura tribuente locum satis arcibus aptum,  
Ambrosius pesti miser heu deuotus inique.  
Qui regum infelix postquam defertur ad aures,  
Obsidione iubent densa circumdare muros,*

*Ne capiat socium quemquam, externūve remittat,  
Dispersi donec populi tot luce sequenti  
Conueniant, captūque locis emittere firmis  
Vi certent, ausit rursus ne talia quisquam.  
Postera cū primū stellas aurora fugarat,  
Vrbis ad excidium properat Germana iuuentus  
Vndique luctifico sonitu compulsa tubarum.  
Hic fossas implent alij, muroque propinquant:  
Pars scalis etiam tendunt conscendere turre.  
Urget enim utrorumque nimis presentia Regum,  
Mœnia quod retinent carum pro munere dantum.  
Omne genus contrā telorum effundere ciues  
Præduriſque parant hostes detrudere contris,  
Nec possunt obſtare tamen, tot millibus ætli  
Deſciant verū. Cadit hic cum fragmine muri:  
Ille ruit foſſus iaculo: ſine viribus alter  
Stat rationis inops. Recluſis vndique portis  
Vrbs patet, hoſtili iam iam conſuſa tumultu.  
Ecce verenda prius nullo ſub honore tenentur  
Atria. Nam ſciſſis pereunt velamina vittis  
Virginis: impuſſusque ſacer fugit ipſe miniſter,  
Quorundam ſtringunt ambas quia vincula palmas,  
Oſcula qua ſolita ſacris ſentire litatis.  
Ambroſius auctoꝝ ſceleris fomēſque malorum,  
Vt tandem videt immites dominarier hoſtes  
Arcibus, adſcenſu celeri petit ardua turris,  
Nil ſibi ſub tanto fidens ſupereſſe periclo.  
Ædibus ingeniis quorundam Marte reſerſis,  
Pellitur inde tamen, victis accinctus & armis  
Arnulfo manibus trahitur poſt terga reuinctis.*

*Ille calens irâ , testatur cuncta creantem ,  
Arboris hunc ramis subitò demittier alta :  
Proh genus inuisum leti, suspendere ventis  
Debita membra solo : mortalibus altera rerum  
Pars datur, ac membris prohibetur glaba caducis.  
Hinc igitur iuuenum soluuntur frigore mentes,  
Vrbibus excedunt, laxisque repagula portis  
Disscindunt, hostesque feros in mœnia linquunt.  
Sed quia non illis Prado tutacula terris  
Obtinuit, subitò Etruscas procinctus ad oras  
Vertit iter, Regum imperio Romana petentum  
Atria: ne summa forsan quia mansit in aula,  
Haud latuisse queat Gallus se dicere, postquàm  
Fluctiuagas Rheni Arnulfus remearit ad undas.  
Fugerat hic Romana vafer sed culmina tandem.  
Ne lepidos caperent siquidem sedata tyrannos.  
Hi tamen accitis hostilia crimina pandunt  
Signiferis, vexilla iubéntque educere castris,  
Viribus ac totis clausas insistere portas :  
Vi saltem referantis adire ut limina calum  
Principis Ecclesia liceat, ne friuola tantos  
Propellant figmenta viros, & vota retardent  
Presenti promissa loco templisque dicatis.  
Talibus imperiis talique hortamine Regum  
Induuias rapiunt cuncti Mauortis anhelis,  
Commisssas auidi ferro proscindere portas.  
Iam quia parta sibi specularunt nigra Quirites,  
Vndique diffutis referant penetralibus Vrbem,  
Admittuntque Duces veneranda ad delubra mites.  
Hic ubi perfectis nituare altaria votis,*

*Ardet inexpletum ductor proferre furorem  
Barbarus. Infrenes animos sic ira fatigat.  
Quid faciat, quò se veriat, qua mœnia visat,  
Ignorat rationis inops. Nam summa tenebat,  
Spes ubi pestiferis restabat postera Gallis.  
At ductor Latij socium sine more tyrannum  
Vt videt ingruere, placido sic pectore cœpit.  
Desine Rex venerande: satis virtute peractum:  
Nec decet ulterius socios deducere Rhénos.  
Nam si itidem Vuido victis spem ponit in armis,  
Adueniattumidus, dextra hac, sine, posco domandus,  
Te dominante viris antiquo fœdere iunctis.  
Mitior his dictis, patitur repedare volentes  
Barbaricos procures diuerso ab limite lectos  
Germana princeps metuendus & arbiter aula.  
Vix proprios tetigit fines Rex ille verendus:  
Legirupis en Vuido tubis rediuiua resumit  
Agmina, item vetitos cupiens peruadere campos.  
Sanius ipse etiam Regni pater hostibus arma  
Molitur, tantos audus finire labores.  
Interea sors lecta Dei, circumdata saccis,  
Vota facit, vultum lacrimis altaria circum  
Suffusa, has imò referebat pectore voces.  
O rerum genitor, cunctis metuenda potestas,  
Imperio qui bella regis pacemque perenni,  
Da tantos cessare dolos; da criminis auctor  
Veloci pereat leto: da tempora nostro  
Longa duci, quando gemina fert laude coronam,  
Virtutis merito, & generis, quod stemmate pollet.  
Audiit ista sator, totum qui curuat Olympum:*

Mortis adesse diem cogit fera bella mouenti,  
 Sic tamen ut proprio componat lumina lecto.  
 Vltima lux instat, nec iam spes ulla diei,  
 Cum vocat hic natum tanto pro funere mastrum,  
 Hac monita fractis promens memoranda loquelis.  
 Nate vides, quàm dura premant dispendia vitam,  
 Quae Pater ille hominum vetiti pro crimine pomi  
 Intulit, & rupto maculauit foedere massam.  
 Nec patriis ultra poteris tutarier armis.  
 Namque rapit natura diem, somnūque reducit.  
 Percipe verba tamen positi sub fine parentis,  
 Et ratione vales quacumque, adsciscere forti  
 Brengario. Hunc etenim fato meliore sequetur  
 Hesperia, & nostris etiam dominabitur aruis.  
 Nec plura effatus, medio sermone resistit,  
 Et vitam pariter moriens & famina linguat.  
 Latantur populi mortis cecidisse ministrum,  
 Et curis soluant animos ac Marte lacertos.  
 Ut cum Sole malo tristisque rosaria pallent  
 Vsta noto: si clara dies Zephyrique refecit  
 Aura polū, redit omnis bonos, emissaque lucent  
 Germina, & informes ornat sua gloria virgas.  
 Pars quoque magna virū properat. Vuidone sepulto,  
 Orantes veniam Latij ductoris ad aulam,  
 Dum Vuidone satum inualido comitante ministro  
 Deficiunt, duplici nimium discrimine mastrum,  
 Morte patris, simul ac notis abeuntibus armis.  
 Ac recolens praecepta patris, iubet ire sodalem  
 Qui pacem petat, ac Regem summissus adoret.  
 Ne memor esse velit genitoris bella gerentis,

*Sed legat in regnum sociali fœdere amicum,  
 Militiaque etiam, Mauors si quando ministrum  
 Bella ciet. Dux interea venerabilis aeo  
 Fert pietatis opem venientibus ultro maniplis,  
 Nec Gallos abicit, nec crimina ponit Etruscis:  
 Pretendit solito verum pia viscera cunctis.  
 Nuntius in medio demum ut Lamberticus adstat,  
 Et qua sit fortuna viro pacisque voluntas  
 Edocet. Ipse Pater mihi sic pectore reddit.  
 Æqua referre malis nimium sacra iura recusant.  
 Namque poli sensum demissum traximus arce,  
 Cuius egent prona & terram spectantia. Mundi  
 Principio indulgit communis conditor illis  
 Tantam animam, nobis animam quoque; mutuus ut nos  
 Affectus petere auxilium & prestare iuberet.  
 Nec genitus gignentis habet pro crimine noxam,  
 Veridico cecinit quondam velut ore Propheta.  
 Quapropter veniat, noster dicendus amicus  
 Hac ratione, fidem violet ne iura proteruus,  
 In leui cumulans genitoris pectore technam.  
 Sin tenet ille dolum iuuenili mente resumtum,  
 Colligat arma citò, patrique simillimus ultro  
 Exercens studium, faxit per bella periculum.  
 Percipit hac hilaris postquam iuuenilis alumnus,  
 Procidit, & supplex Regi, veneratur amorem  
 Quo tellus, pelagus seruant atque astra tenorem,  
 Ne pontus liquidis aruum subuertat habenis,  
 Aut ignita poli mergantur sidera lymphis.  
 Hinc remeans iuueni defert sua nuntia voti,  
 Ordine cuncta monens. Tandem Rex optimus atque*



Lambertas properant, ubi fertilis unda Ticini  
Alluit egregiam flumini cognomine dictam  
Vrbem, in qua soliti Regem spectare Latini.  
Mutua verba ferunt, postquam promittit uterque  
Mansurum fœdus, roseis dum vecta quadrigis  
Fluctibus Oceani perfunditur orbita Phœbi,  
Aut tellus immota manet, nec pondere cedit,  
Undique pulcra tuens vertentem sidera mundum.  
Si tot vita virum posset durare per annos.  
O iuvenale decus, si mens non laeva fuisset!  
Sæpè datas voluit pacis rescindere dextras  
Fraudibus inuentis. Sedenim ratione sagaci  
Deprendis Pater alme dolos, ac murmura temnis.  
Tertia mox tamen hunc Latio produxerat æstas  
Vbore telluris potientem pace sequestra.  
Ecce dies instat iuuenilibus amula factis,  
Mortis acerba ferens. Studio iam vadit in altos  
Venandi lucos, cupiens sibi mittier aprum,  
Informem aut rapidis occurrere motibus ursum.  
Auiæ sed postquam nimio clamore fatigant  
Precipites socij, ipse uno comitante ministro  
Dum sternacis equi foderet calcaribus armos,  
Implicitus cecidit sibimet sub pectore collum,  
Abrumpens teneram colliso gutture vitam.  
Bucina triste canens disiunctos usque sodales  
Conuocat, ac domini letum crudele resignat.  
Hoc sonitu nemo omne tremit, fugiuntque volucres  
Elapsa pennis, possessaque lustra relinquit  
Omne pecus. Tanto sonitu glomeratur utrimque  
Læta manus comitum, disrupto & gutture mutum

*Flebilibus iuuenem vocitat clamoribus : ille  
 Nititur infelix fractas proferre loquelas.  
 Succidit in mediis equidem conatibus ager,  
 Vtterius nec lingua valet, nec verba sequuntur.  
 Haud segnes socij crates & molle feretrum  
 Arbutis texunt virgis ac vimine querno,  
 Exstructisque toros obtentu frondis inumbrant.  
 Hic iuuenem agresti sublimem in stramine ponunt.  
 Qualem virgineo demessum pollice florem  
 Seu mollis viola, seu languentis hyacinthi,  
 Cui neque fulgor adhuc necdum sua forma recessit  
 Non iam mater alit tellus virisque ministrat.  
 Talibus expositum studiis ad templa reportant,  
 Vt condant digno iuuenilia membra sepulcro.  
 Hic ubi ductoris repleuit nuntius aureis  
 Brengarij, Vnidone satum cecidisse coactum  
 Cornipedis tergo: trahit has de pectore voces.  
 Heu mortis metuenda lues, qua dulcibus annis  
 Inferitur, tristesque negat componere soles.  
 Dignior hic genitore foret, compluribus ille  
 Vixerit ac Latium quamuis turbauerit annis.  
 Vndique tota cohors Regni concurrit in unum  
 Vociferans. Pie Rex nostri miserere laboris,  
 Ne geminis posthac cogamur adesse tyrannis:  
 Cum solus placeas rebus superesse Latinis.  
 Vt Phœbo roseis aruum laxante quadrigis  
 Vere nouo, gaudent pecudes foetique grauantur,  
 Humor adest herbis, ac vastis semina sulcis,  
 Gratus aer pennis, aquorque meabile nautis:  
 Cuncta nitent. Succedit enim natura creatrix,*

Et

*Et rebus proprias certo dat tempore formas.  
 Hand secus Italia gestit sub principe tellus.  
 Impacatus ubi ab superis cum prole recessit.  
 Guido ferus, fastusque odij morienda resolvit.*

## EXPLICIT LIBER III.

## INCIPIT LIBER IV.

**Q**UARTA igitur Latio vixdam deferbuit assus  
 Hac ratione iterum solito sublata veneno  
 Bellua, Tyrrhenis fundens fera sibilis ab oris  
 Sollicitat Rhodani gentem: cui moribus auctor  
 Temnendus Ludouiscus erat, sed stirpe legendus.  
 Brengario genesi coniunctus quippe superba.  
 Hic dudum Ausonium cupidus regnasse per aruam  
 Sed vetuit fortuna. Modo quia nuntia votis  
 Accipit, extemplo sociis ad tecta vocatis  
 Regia, Quæ totiens (inquit) voluistis amici,  
 En voluenda dies ultro attulit: este parati,  
 Prædulcēsque petamus agros. Nam rure vocamur  
 Vicino Italia. Vires huc fortè superbas  
 Dum tulero, propriis discedet ductor ab oris.  
 O miser, inque dies miser, inuictumne lacestas?  
 Num te fama ducis totum vulgata per orbem  
 Præterit? O Genitor, rerum compesce furores:  
 Nescio namque mali quid mens præstat eunti.  
 Iamq; valēs modicum inualidos Provincia alumnos  
 Legat in Ausonios inimico nomine campos.

Nec victor, decus & Latij spes unica regni  
 Tunc Veneti seruare solum de nomine dictum  
 Quartanam patiens poterat, nec tendere bellum  
 Hostibus, immodicas animo sed decoquit iras.  
 Vt caueis cum fortè leo vinculisque tenetur,  
 Non artes agitare valet, non promere vires,  
 At duro premitur tantum sub lege magistro.  
 Forte aliqua partos valeat si rumpere nodos,  
 Atque diu defuncti cruor madefecerit ora,  
 Ipse lacer custos iras prior imbuet: inde  
 Obuia turba virum morsus satiabit amarus.  
 Interea Ludouicus ouat, regnumque fatigat  
 Fastibus, ac tantos sibi blanditur honores,  
 Hoste velut necto spoliis potiatur opimis.  
 Infaustus Verona etiam contendit ad arcem.  
 More pij Regis tamen, ut subsedit apertis  
 Mœnibus, antiquos sociis disternat agros,  
 Nil veritus: metuenda nimis quia sustulit ipsum  
 Fama, Berengarium leti dispendia passum.  
 Ah! Latium, quis te tantis defenderet armis?  
 Ergo pinus Genitor rerum seruato magistrum,  
 Ne pereant vno Latialia gaudia leto.  
 Conualuit quia regnator tamen, undique lecti  
 Conueniunt proceres lati, vexillaque castris  
 Proripiunt, celerisque Atesis ad mœnia tendunt.  
 Hæc obiter comi referantes famina Regi.  
 Te petimus, pietatis honor, nec parua precatu  
 Credimus hæc: urbem propriis si ceperis armis,  
 Membra viros sine curtari, qui fœdera Regni  
 Proturbant totiens, damnum pietatis inique

*Ne patiamur. Ad hac, Animis aduertite ductor  
O proceres inquit monitus, & crimina capto  
Ne conferte viro, generis quia sanguine pollet,  
Et forsán facinus maturis deferet annis:  
Testetur pia iura poli, & dimissus abito:  
Hoc satis. Hi contrà celeros cum murmure gressus  
Intendunt, rabidas acuentes pectoris iras:  
Nil moti dictis, potiùs fera murmura rodunt  
Non se posse malum posthac dimittere inultum.  
Talibus adueniunt urbem, muroque propinquant:  
Ilicet admissi penetrant miserabile templum,  
Quo Ludouicus erat: subito rapiuntque ligantque,  
Et pulcros adimunt oculos. Securus in aula  
Fortè sedebat enim, idcirco pia munera lucis  
Perdidit, obsessus tenebris quoque Solis in ortu.  
Tu ponens etiã curtum femorale Iohannes,  
Alta tenes turris, si fortè resumere vitam  
Sis potis: hinc traheris tamen ad discrimina mortis,  
Et miser in patria nudus truncaris arena:  
Nuntius at postquàm sociorum allabitur aures,  
Prelatum iuuenem communi lumine cassum:  
Consilij fugiunt inopes, passimque recedunt.  
Flante velut Zephyro liquefcunt aëros aura  
Vere nouo, gremium solunt cùm rura coactum  
Frigore brumali crebris Boreaque pruinis  
Nec remouere viros cessat de parte superbas  
Fortis Adalbertus iuuenilibus obsitus annis,  
Apenninicolas fausto qui nomine turmas  
Elicit, egregio cupidus seruire magistro.  
Emicuit subito in mediis lux alma tenebris.*

Et rediit pax grata piis, procul agmine tristi  
 Exempto, patriæque duce ac genitore recepto.  
 Qui licet effusos toto egerit orbe triumphos,  
 Cluserat Imperij necdum diademate vultum,  
 Romana steterat rutilus nec vestibus aula,  
 Induperatorum solito de more parentum.  
 Cur? Nisi quod vicisse dolos virtute decebat,  
 Ad summum transire gradum, nisi sæpe vocatum?  
 Summus erat pastor tunc temporis Urbe Iohannes,  
 Officio affatim clarus sopsiæque repletus,  
 Atque diu talem merito seruatus ad usum.  
 Quatenus huic prohibebat opes vicina Charybdis,  
 Purpura quas dederat maiorum sponte Beato,  
 Limina qui reseat castis rutilantia Petro.  
 Dona duci mittit sacris aduecta ministris,  
 Quò memor extremi tribuat sua iura diem  
 Romanis, fouet Ausonias quo numine terras,  
 Imperij sumpturus eo pro munere sertum,  
 Solus & occiduo Caesar vocitandus in orbe.  
 Talibus enictus precibus, iubet agmina Regni  
 Quiscum bella tulit, quiscum sacra munera pacis,  
 Affore, qua tanti gressum comitentur honoris.  
 Jamque iter emensus postquam confinia Roma  
 Attingit, ire iubet celeres ad templa sodales,  
 Vicinum qui se referant. Sonat ecce Subura  
 Vocibus elatis populi. Properate fauentes,  
 Rex venit, Ausoniis dudum expectatus ab oris,  
 Qui minuet solita nostros pietate labores.  
 Feruere tunc videas Urbem, & procedere portis  
 Quot Roma gremio gentes circumdat auito.

Interea princeps collem qui prominet urbi  
 Prateriens, ubi se prato committit amœna,  
 Singula quæque modis incendunt æthera miris  
 Agmina. Namque prius patrio canit ore Senatus,  
 Prasfigens sudibus rictus sine carne ferarum;  
 Indicio, deuicta cadent tentamina posthac,  
 Si qua hostes animo cupient agitare ferino;  
 Dadaleis Graius sequitur laudare loquelis,  
 Stoicus hic noster, cluibus quia pollet Athenis,  
 Et sollers iter in Samia bene callet arena.  
 Cetera turba pium natina voce tyrannum  
 Prosequitur, totaque docet tellure magistrum.  
 Hic etiam iuuenes nitida respergine creti,  
 (Alter Apostolici nam frater, Consulis alter  
 Natus erat) pedibus desigunt oscula Regis.  
 Hinc ubi Prasul erat, gressum comitantur herilem  
 Vestibuli ante fores, gradum quæ peruius usus  
 Aduerbit ornatam cupidos intrare per aulam.  
 Ille quidem sacro fulgens residebat amictu,  
 Altarisque subibat ouans hinc inde minister.  
 Quid referam populos istinc illincque coactos,  
 Undantésque gradus, cum Rex ad templa subiret,  
 Euectus Pastoris equo? Mox quippe sacerdos,  
 Ipse futurus erat, titulo res digna perenni.  
 Aduenit ut tandem, lecto comitante ministro,  
 Atque pedes sensim gradibus conatur ab imis:  
 Undique turba premit, cui vix ob stare satelles  
 Voce valet nutuque minans. Erat omnibus ardor  
 Cernere presentem, cupiunt quem sacula Regem.  
 Ter quoque sacra pins gradibus vestigia fixit.

Maiestate manus cogens cessare tumultus.  
 Vndantis populi. Postquàm conscenderat omnem  
 Adscensum, aureolo præsul surgens clivethedro  
 Ostula figit ouans, dextramque recepat amicam.  
 Hinc adeunt aulam pariter tibi Petre dicatam,  
 Ianitor atherei pandis qui limina templi.  
 Ante fores stant ambo domus, dum vota faceffit  
 Rex: etenim se cuncta loco vouet ultro daturum,  
 Qua prius almifici sacris cessere tyranni.  
 Ilicet his uerbis voluuntur cardine postes,  
 Extollitque sacer laudes per templa minister.  
 Vtpotè Siluestrum videat properare magistrum,  
 Constantinum etiam typico Baptismate lautum.  
 Nec minùs his decus orbis inest rerumque potestas.  
 Tempora ni peiora forent impulsæque cessim.  
 Iam tumulo Piscatoris sacra purpura Regis  
 Sternitur, & Christus lacrimis pulsatur obortis.  
 Tempora petit ductor posthæc, ubi fercula dona  
 Pastoris digesta nitent. Setina propinant,  
 Ac (decet ut Regem) variant tuceta ministri.  
 Mox croceis mundum lampas Phœbea quadrigis,  
 Luce Deus qua factus homo processit ab antro  
 Tumbali, perflat. Populus concurret ab Urbe,  
 Cernere uestitum trabeâ Imperiique coronâ  
 Augustum. Replicata calent spectacula totis  
 Aedibus, auratis splendent altaria pannis:  
 Cum princeps nitidus Tyrio procedit in ostro,  
 Tegmina uestitus crurum rutilante metallo:  
 Quale decus terra soliti gestare magistri.  
 Aduenit & Domini pastor prepositus ouili.



Officio letus, quamvis resonaret utrimque  
 Clamor: Ades Prasul, totiens quid gaudia differas  
 Innumeris optata modis? Per vincula Magistri  
 Te petimus, depone moras, & suffice votis.  
 Talibus are adeunt gestis apse sacra  
 Lumina terrarum, Modicum posthac diadema  
 Caesar habet capiti gemmis auroque tenatum  
 Vngue nectari simul est respersus olivi:  
 Caliculis qui mos olim succreuit Hebreis,  
 Lege sacra solitis Reges atque ungere vates:  
 Venturus quod Christus erat dux atque sacerdos,  
 Omnia quem propter calo reparentur & aruo.  
 Iam sacre resonant ades, fremituque resultant  
 Clamantis populi. Valeat tuus aurea princeps  
 Roma diu, imperiumque graui sub pandere pressum  
 Erigat, & supera sternat virtute, rebelles.  
 Perstrepuere nimis. Sed facta silentia tandem.  
 Lectitat Augusti concessos munere pagos  
 Prasulis obsequio gradibus stans lector in altis,  
 Casare quod notum omnes data munera, prado  
 Vltius paueat sacras sibi fudere terras.  
 Dona tulit perpulcra pius tunc denique templo,  
 Baltea lata ducum, gestamina cara parentum,  
 Gemmis ac rutilo nimium pretiosa metallo:  
 Ac vestes etiam signis auroque rigentes,  
 Distinctum variis simul ac diadema figuris.  
 Quid referam, quantis repletur moenia donis?  
 Nonne maris paucas videor contingere guttas,  
 Syrtibus atque manu sumptas includere arenas,  
 Quando breui tantos cludo sermone triumphos?

Doctiloquum credo labor iste gravaret Homerum  
 Officio: & genuit tali quem Mantua dignum.  
 Nec tentabo meis: Atque fastidia dictis  
 O iuvenes inferre, calet quis pectore sanguis,  
 Et plectro meliore monet praeordia Clio.  
 Mitte mihi satis est metris tetigisse labores.  
 Manius atque licet videar, vos este Marones,  
 Et post Imperij diadema resumite laudes.



Quamvis hunc tantis clausis sermonibus  
 Sympliciterque manu scriptis includere volumus.  
 Neque vultis hanc in hoc contingere gloria.  
 Qui hunc tam quantum replevit mentis laboris.  
 Dissipat in omnia sua, et diademata regis.  
 Accipit in vultu et in praeterea regis.  
 Domine in praeterea regis et in praeterea regis.  
 Balneum in praeterea regis et in praeterea regis.  
 Gemmae in vultu et in praeterea regis.  
 Accipit in vultu et in praeterea regis.  
 Dissipat in omnia sua, et diademata regis.  
 Qui hunc tam quantum replevit mentis laboris.  
 Neque vultis hanc in hoc contingere gloria.  
 Sympliciterque manu scriptis includere volumus.  
 Quamvis hunc tantis clausis sermonibus



# HADRIANI VALESII BERENGARIUS AVGVSTVS.

**P**RIVS QVAM Panegyricum de laudibus Berengarij Aug. notis illustrare aggredior, operæpretium est quæ patria quòdve genus Berengarij fuerit, quem patrem, quem, auum habuerit, quæ priuatus, quæ Rex & Imperator gesserit, pauculis capitibus exponere: quæ lucubratio & ad lucem Poëtæ nostro dandam, & ad grauissimos errores doctorum hominum patefaciendos erit apertissima. Hoc opusculum breue quidem, sed laboriosum inscribetur Berengarius Aug.



## CAPVT PRIMVM.

*Quòd Berengarius maior, Francus & Regia stirpis fuerit.*

PANEGYRISTES noster, qui Imperatoris Berengarij æqualis fuit, in libro II. Panegyrici Berengarium Regio Francorum genere ortum fuisse indicat, quum Regnum Italiæ tamquam auitam hereditatem ei à Deo collatum esse dicit hoc versu.

*Quique Berengario Latium concessit auitum.*

In libro IV. cum superiorum Imperatorum, Caroli videlicet Magni & insequentium progeniem existisse docet isto disticho,

*Romanâ steterat rutilus nec vestibus aulâ,*

*Induperatorum solito de more parentum.*

Idem in libro III. eundem Berengarium Regis Germaniæ Arnulfi propinquum facit his verbis:

*Arnulfi Germanica rura prementis,*

*Berengario sedenim Regum per stemmata iuncti.*

*Tendit ad Imperium.*

Erat autem Arnulfus Carolomanni Baiuvariorum, Pannoniorum ac Sclavinorum Regis ex nobili femina sed pellice filius, Ludouici Germanorum Regis nepos, Ludouici Pij Augusti pronepos: qui & Berengarium suam progeniem, hoc est hominem suæ stirpis, Regiue generis

appellat. Zuuentibaldum enim filium suum, quem ad auxilium Berengario ferendum in Italiam mittere decreuerat, sic alloquitur,

— *Tantumne potis perferre dolorem,  
Nostra ut progenies propria vexetur in aula?*

Et in libro iv. ac ultimo Poëta Ludouicum Provincia Regem, Bosonis Regis filium, Ludouici iunioris Aug. ex Hermengarde filia nepotem, Lotharij Aug. pronepotem, Imperatoris Ludouici Pij abnepotem, vocat Berengarij nostri propinquum atque coniunctum:

*Sollicitat Rhodani Gentem, cui moribus auctor  
Temnendus Ludouicus erat, sed stirpe legendus:  
Berengario genesi coniunctus quippe superba.*

Omittendum non est, quod ait Panegyrista initio libri i. Berengarium à Carolo Magno Rege Francorum ac Langobardorum ac post Imperatore Roman. genus deduxisse:

*Francigenam fateor Karolum prænominè Magnū.  
Prodit auis. atavisque illa de sanguine rector  
Ausonia.*

Et quod ibidem asserit, solum Italiz à propinquis Berengarij cum Regibus tum Imperatoribus, nimirum à Pippino & Bernardo Regibus, à Lothario Aug. dum pater ipsius vixit, & à filio eius Ludouico iuniore primùm Rege Langobardorum, deinde Imperatore infessum habitatumque esse.

*Sceptrigeri hoc potius dudum coluere propinqui.*  
Certè Berengarius ipse in litteris suis quas

Chesnius tomo III. inseruit ex Chronico Monasterij Acutiani siue Farsensis, Carolum Magnum *proauum suum Carolum Serenissimum Imperatorem* nuncupat. Iohannes quoque eius nominis VIII. Episcopus vrbis Romæ Berengario sic scribit. *Dilecto filio Berengario, Glorioso Comiti, Regiâ prosapiâ orto.* Auctor Annalium Fuldensium in relatione rerum anno DCCXXCIII. gestarum *Perengarium consanguineum Imperatoris*, in rebus anni DCCXXCVI. *cognatum Regis quod Foroiulienſe fruitur*, vocat. Imperator autem ille, quem & *Cesaris* & *Regis* nomine promiscuè designat, erat Carolus cognomine Crassus, filius Ludouici Germaniæ Regis, Ludouici Pij Aug. nepos, Caroli Magni pronepos: quem quidam *ianioſem & distortis cruribus* cognominauerunt. Ibidem in rebus anni DCCCXCV. Berengarium *Perngarium nepotem Regis Arnulfi* qui postea Imperator est factus, appellari inuenio, non quòd fratris aut sororis eius filius, aut ex filio filiâve esset nepos Berengarius, (nullum enim Arnulfus fratrem, nullam sororem, & paruulos tum filios habebat) sed forsitan quòd auunculo ipsius genitus esset: quemadmodum apud Reginonem in rebus anni DCCCXCII. *Vualtharius Comes, nepos Ottonis Regis*, (id est Odonis) *filius scilicet auunculi eius Adalhelmi* dicitur. Quid, quòd & ipsemet Berengarius in litteris quas infra totas transcripturi sumus, Ludouicum ianioſem Aug. Imperatoris Lotharij

filium, Ludouici Pij Aug. nepotem *Domnum Ludouicum olim Serenissimum Imperatorem, & Consobrinum suum* quater vocitat? Haud dubiè igitur, Berengarius Carolingorum domum gradu aliquo, aliqua cognatione contingebat, nec aliùs erat quàm Francæ nationis.

Filia fuit Berengario ex Bertila vxore Gisila, quæ vt scribit Liutprandus in hist. libri 1. capite x. Adelberto Eporediz Marchioni Ansfharij Marchionis filio, homini Franco nupsit, Berengariùmque iuniorem genuit, qui cum Adelberto filio aliquamdiu in Italia regnauit, donec ab Ortone Aug. regno Langobardico deiectus, & vnà cum coniuge Willa in exsilium missus est.

Ex quo intelligitur grauissimè errare Historicos, qui pro duobus Berengariis tres nobis ingerunt, eosque natione Langobardos aut Italos faciunt. Domnizo qui circa annum Domini M C X V. floruit, in libri 1. capite 11. Berengarium posteriorem (quod & de priore dicendum esset) ac filium eius Adelbertum semel atque iterum *Langobardos* appellat. Otto Frisingensis Episcopus in Chronici ad annum M CXLVI. deducti libri VI. capite XIII. quæm Gotfridus Viterbiensis Presbyter ferè ad verbum transscripsit, post mortem Caroli cognomine Crassi *Imperium à Francis ad Langobardos translatum* ait: & in capite XXII. *Regnum Romanorum post Francos & Langobardos ad Teutonicos transla-*

*tum esse anno D. DCCCCLXIV. scribit, quo nimirum anno Otto Saxo, Romæ iam à Iohanne PP. & à Senatu Populòque Rom. salutatus Imperator, Berengarium Regem Italiæ cum Vuilla vxore cepit, atque in Germaniam secum duxit. Videlicet Otto Frisingensis atque Gotfridus, sed Gotfridus maximè non Vuidonem modò ac Lambertum, sed etiam Berengarios natione Langobardos existisse, atque adeo tres Berengarios in Langobardia regnauisse crediderunt. Geruasius Tisliberensis similiter qui circa annum MCCX. scripsit, in Otiis Imperialibus inter Imperatores Romanos vnà cum Ludouico Bosonis filio, Hugone & Lothario numerat Berengarios tres, quos constat plures duobus non fuisse. Sed & Platina Cremonensis, inter recentiores non silendus, qui anno MCCCCLXXXI. obiisse fertur, in Formosi PP. Vita prodit, Berengarium Ducem Foroiulianum à Regibus Langobardorum originem duxisse, & auitum paternumque Regnum Italiæ repetisse. Idem in Christophoro PP. Berengarium è Duce Foroiuliano Imperatorem creatum dicit, quòd in Italia oriundus esset è stirpe Longobardorum Regum: acin Stephano VII. Berengarium tertium pro secundo vocat primi Berengarij ex filia nepotem: & Rodulfum Burgundionum Regem in Italiam hostili manu contra Berengarium secundum descendisse tradit: quem Rodulfum Berengario priori Eberhardi filio, Langobardorum Regi ac Impe-*



ratori Romanorum, Berengarij posterioris aucto materno bellum intulisse, deiectioneque successisse docet Liutprandus. Iohannis Baptiste Egnatij Veneti in libro III. de Romanis Principibus hæc sunt verba. *LX. ferè agebatur annus ab Arnulfi morte, Berengariis interim Langobardici sanguinis Italiam vexantibus, & Vgone, Rodulfo & Lothario Gallis Principibus rem sibi interdum asserentibus. Ceterum cum Berengarius tertius cum Adalberto filio tyrannum veriùs quàm principem ageret, arcessitur à Romanis Otto. Berengarios ergo Egnatius numero tres, eosque genere Langobardos facit; Hugonem, Rodulfum & Lotharium Gallos, quo nomine Francos designare voluit. Carolus Sigonius Mutinensis, historiæ Romanæ doctissimus diligentissimûsque scriptor, Berengarios quidem duos tantum quot fuerunt agnoscit, sed eos, ut & Vuidonem ac Lambertum Italos, hoc est Langobardos facit, atque à Francis distinguit his libri VI. de Regno Italiæ verbis. *Francos inde Reges Italici exceperere*, mortuo nimirum Carolo Crasso. Causa erroris Sigonio fuit, quod à Liutprando in capite VI. libri I. Historiæ Vuidonem & Berengarium *duos ex Italia præpotentes Principes*, & in Chronico Monasterij Acuriani *Guidonem præpotentem ex Italia Principibus*, ac *Berengarium nostrum Principem Italicum*, à Sigeberto quoque *Berengarium Italicum* vocari videbat: sicuti à Poëta nostro qui Berengarium Regio Franco-*

rum genere ortum ait, idem nihilominus libri 1. initio *Italus Princeps* vocatur, hoc est Princeps Italiae. Sed aliud est, *ex Italia Principem*, aut *ex Italia Principibus Principemve Italicum* esse; aliud, Italum vel Langobardum esse. Principibus Italiae adnumerari, Principesque Italici aut etiam absolutè Italici nuncupari iure merito potuere Berengarius & Vuido: hic patre Duce Spoletinorum natus, Dux & ipse Spoletinus; ille Ducis Foroiuliensium filius, Ducatusque paterni successor. Sed non ideo magis pro Italis aut Langobardis habendi sunt, quàm Francorum Imperatores, aut Germani, Nortmannique Principes, qui in Italia latè regnauerunt; aut quàm Optimates Francorum, Germanorum, Nortmannorumque, qui apud Italos amplissimas praefecturas videlicet Ducatus, Marcas & Comitatus obtinuerunt. Ceteros omitto historicos cùm Italos tum externos, qui in Berengariorum genere & numero assignando similiter errauere. Leonem tamen Marficanum praeterire non possum, qui in historiae Monasterij Cassinensis libri 1. capite ultimo non iam è duobus Berengariis tres, sed vnum tantummodò facit, & auum nepotemque confundit. Quippe scribit *post mortem Ludouici Lotharii filij* (Caroli Crassi dicere debuit) *inuasisse Italia Regnum Berengarium Foroiulensem, verùm in ipso regni initio à Guidone duobus praeliis superatum aufugisse.* Guidoni Lamber-

rum

tum filium successisse , Lamberto Ludouicum Bosonis Regis Prouinciæ filium , *aduersus quem Rodulfum Regis Burgundiæ filium in Italiam venisse* : Rodulfo expulso , Hugonem unà cum Lothario filio Italia Regnum aliquot possedisse annis, tum Lotharium solum: qui phrenesi extinctus, deinceps in Italia regnandi Francorum Regibus terminum dederit, Italia Regno à Francis ad Teutonicos ( scilicet ad Ottonem Saxonem ) translatum. Interea Berengarium prædictum cum filio Alberto denuò Regnum inuadere gestiisse. At Berengarius iste Alberti seu Adelberti pater , Berengarij maioris de quo scribimus , è Gisila filia Adelberto Eporediæ Marchioni nupta nepos fuit. Optimè tamen ac verissimè Leo non Berengarium modò vel potiùs ambos Berengarios, sed etiam Vuidonem seu Guidonem cum Lamberto filio , & Ludouicum, Rodulfum , Hugonem , ac Lotharium Hugonis filium , Francos natione facit, *Francisque* ( quales omnes fuere ) seu *Francorum Regibus* adnumerat. Ex quibus Rodulfus quum in Italiam venit, non Regis tantum Burgundiæ filius , sed patre dudum mortuo Rex Burgundiæ erat : neque *aduersus Ludouicum Bosonis filium venit* , ( vt ait Leo ) sed aduersus Berengarium maiorem, à quo multis antè annis Ludouicus Regno pulsus erat & exccatus. Ad patrem Berengarij maioris venio.

## CAPVT II.

*De patre Berengarij superioris.*

**P**ATREM habuit Berengarius Eberhardum Ducem Foroiuliensium, qui & Euerardus dictus est. Certè auctores Annalium Bertinianorum, Fuldensium atque Mettensium, Regino quoque, Hermannus Contractus, & Marianus Scottus aliique *Berengarium filium Eberhardi* appellant, eumque cum Ducatum Foroiuliensium teneret, à parte quadam populi Itali Regem statutum esse scribunt anno Domini MCCCLXXXVIII. Leoni Marficano in libri I. Chronici Cassinensis capite LXIV. & ultimo Berengarius noster vocatur *Foroiuliensis*, *Berardi Marchionis filius*, vel potius Eberardi. Nimirum regionis Foroiuliensis præfectus, quæ iam inde à Langobardorum in Italiam aduentu Dux sibi suum habere cœperat, ut Dux sæpissime, sic nonnumquam Marchio dicebatur: & Ducatus Foriulij, iam ætate Caroli Magni interdum *Marchia* vel *Marsa Foroiuliensis* nuncupabatur, sicut in Eginhardi Annalibus non semel reperio.

Apud Aubertum Miræum Bruesellensem in Codicis Donationum piarum capite XXI. Euerardus quidam Comes & Gissa vxor eius res suas omnes etiam mobiles inter liberos suos

diuidunt. Ambo autem in Francia Orientali, videlicet in Hasbanio, in Toxandria, in Condrusis, & in Austerbanto, in Langobardia quoque, præsertim in pago Taruifano, & in Alamannia prædia amplissima possidebant, filiosque habebant Vnrochum, Berengarium, Adalardum & Rodulfum; filias Ingekrudem, Iuditham, Heilwicham. Facta hæc diuisione Imperante Domino Ludouico Aug. anno regni eius xxiv. vti docet Testamentum Euerardi Comitis; quod Aubertus Miræus ex Monasterio Cifonio ab Euerardo condito eruisse se ait: obseruatque Euerardum hunc Comitem in matrimonio habuisse *Gistam Ludonici Pij filiam*, Caroli c. Calui Imper. sororem, atque à Frodoardo in libri rv. Historiæ Remensis capite i. *Euerardum Marchionem* vocari, qui Monasterium S. Callisti PP. & Mart. in prædio suo extruxerit, quod prædium, nimirum Cifonium Rodulfus Abbas ipfius filiorum minimus vnâ cum Monasterio & corpore S. Callisti Remensi Ecclesie moriens legauerit: obiisse autem Euerardum in Italia, cuius corpus Vnrochus maior filius Cifonium detulerit, & cuius natalis xvii. Kalendas Ianuarias quotannis ibi celebretur. Tum addit. Ceterum (quod hætenus à nemine notatum) secundus filius S. Euerardi Berengarius, cuius supra in Testamento fit mentio, postea Rex Italiae, ac demum Imperator fuit. Testamentum ipsum idem scriptor semel atque iterum notat

*anno Domini dcccxxvii. factum, qui fuit Ludouici Pij Aug. imperij quartus & vicissimus. Andreas Chesnius vir rerum nostratum peritissimus, in Historiæ Regum Burgundiæ libri II. capite VII. Gislam quoque uxorem Euerardi Ducis Foroiuliensis & Comitis Cisoniensis, matrem ex eo præ ceteris Berengarii Ducis Foroiuliensem, inter Imp. Ludouici Pij liberos numerat. Grauius Andrea Chesnio errarunt Galterus ac Ludouicus Sanctamarthani in libri VII. capite VI. qui Miræum ex toto secuti, non modò Gislam Ludouici Pij Aug. filiam fuisse, & Euerardo Ducis Foroiuliensi ac Comiti Cisoniensi nupuisse, sed etiam Berengarium qui Foroiuliensem Dux ac postea Rex Italiæ fuerit, præter ceteros genuisse scripserunt. Sed Alpaidem quidem Begonis Comitis uxorem, Letardi & Ebrardi matrem apud Frodoardum, ac in Chronico Hildimeshemensi; & Hildigardem apud Nithardum in libro III. Ludouici Pij filias reperio: Gislam eiusdem Imperatoris filiam nusquam reperio; quæ ne in Testamento quidem isto Ludouico Aug. genita fuisse dicitur. Adde quòd Euerardum huncce pro Comite vel Marchione Ducem Foroiuliensem & Comitem Cisoniensem Andreas Chesnius & Sanctamarthani gemini cum vocant, gratis vocant, nec Testamenti tabulis, nec vllò verere aut recentiore auctore nixi: tamquam tum Ducatus Comitatusque hereditarij essent; aut tamquam Cisonium vicus*

ignobilis Comitem tum suum haberet, quod nonnisi nobilioribus & clarioribus opidis conueniebat. De loco mortis & sepulturæ Euerardi Comitis Miræo credet qui voluerit: verum Berengarium eius filium Ducatum Foroiuliensem ac postea Regnum Italiæ tenuisse, nec Miræo nec Sanctamarthanis fratribus credere quisquam historiæ & temporum peritus potest. Quippe anno Domini dcccxxxvii. imperij Ludouici Pij xxiv. Testamentum fecisse Euerardus Comes dicitur à Miræo, quo in testamento Berengarij filij meminit Euerardus. At Berengarius Eberhardi filius, è Duce Foroiuliensium anno dcccxcviii. Rex Italiæ factus est, videlicet anno LI. post scriptum hoc testamentum, & anno Christi dccccxiv. à suis occisus est, sicuti Frodoardus memoriæ tradit in Chronico. Quare dicendum esset, centum annos vixisse Berengarium, si vel xii. tantum annum attigerat, quum pater testamentum fecit, & bona sua inter liberos diuisit. Quod falsum esse nemo non videt, præsertim cum Berengarius *iuuenis* ad Regnum Italiæ peruenerit, vt ex Iohannis PP. VIII. ad ipsum epistolâ intelligitur. Meliùs ergo fecisset Miræus, & verisimiliora scripsisset, si nomine *Domini Ludouici Aug.* non Ludouicum Pium Aug. sed eius nepotem Ludouicum iuniorem Aug. in testamento Euerardi C. designari dixisset, & anno *regni Domini Ludouici Aug.* xxiv. non

annum Christi DCCCXXXVII. sed DCCCLXVII. vel DCCCLXXXIII. attribuendum putasset. Ludouigus enim iunior, Lotharij Aug. filius, Ludouici Pij Aug. nepos anno DCCCXLIV. à Sergio Episcopo Romano Rex Langobardorum vnctus consecratusque, à Leone anno DCCCL. viuo patre vnctus est Imperator; decessit anno Domini DCCCLXXV. regni Langobardici seu Italici xxxi. Imperij xxvi. quemadmodum Annales Bertiniani docent. Certè *vir Illustrissimus Ebrardus ex Principibus Imper. Lotharij*, cui Hincmarus R. E. scribit apud Frodoardum in libri III. capite xxvi. Berengarij nostri pater mihi videtur fuisse. Quin & si Alberico creditur, Eberhardus ex Comite Dux Foriulij à Lothario Aug. constitutus, corpus Callisti PP. ab Episcopo Brixie impetrauit, & in prædio suo Cisonio collocauit anno imperij Lotharij vltimo, Quod si verum est, Euerardus seu Eberhardus Comes, de cuius testamento suprà locuti sumus, vsque ad Ludouici iunioris Aug. Ludouici Pij nepotis tempora peruenit.

Iohannes qui eo nomine octauus Ecclesiam Romanam rexit, Berengarij nostri patrem *pia memoria, nobilissimum quandam* vocat, bonumque & Sedi Apostolicæ deuotum fuisse, ac summum Episcopis Romanis honorem habuisse testatur his epistolæ cuiusdam suæ ad Berengarium verbis. *Lectis nobilitatis vestrae litteris, quia sinceritatem ac deuotionem more scilicet pa-*



rentum vestrorum circa nos pro amore Iesu Christi Domini & B. Petri A. P. reuerentia vos habere ingentem reperimus, multâ vestra melliflua locutionis dulcedine sumus omnino repleti. Huius namque bonitatis decus eximium ex moribus pia memoria nobilissimi quondam genitoris vestri vos trahere indubitanter cognoscimus: qui dignum semper honorem & piam reuerentiam antecessoribus nostris, sacris videlicet Pontificibus exhibere totâ mentis alacritate studebat. Et ideo pulchra inuenturis vestra florem de radice iusta prodeuentem Dominus exercituum pietatis sue gratiâ custodiet incolumem. Scripta est autem hæc epistola regnante iam Carolomanno Ludonici Regis Gormaniæ filio, qui nonnisi anno Christi MCCCLXXVI. patre mortuo v. Kalend. Septembris Regnum iniit. Itaque si tum erat in flore iuuentutis Berengarius, haud dubiè iuuenis adhuc anno MCCCLXXXVIII. Regnum Langobardorum occupauit. Poëta noster nomen patris Berengarij dignitatèmq; non notat: sed quoniam ab eo prælatam ceteris prouinciis Italiani cariorèmq; habitam ait,

*Et genitor cunctis dilexit carius aruis,*  
 satis apertè videtur indicare, eum Ducatum quidem Foroiuliensem aut quem aliam in Italia tenuisse: itavt ob id ibi manere cogertur: habuisse tamen aliis in Franciæ prouinciis amplissimas possessiones & latifundia, in quibus viuere potuisset.

E iijj

## CAPVT III.

*De auo Berengarij maioris.*

**Q**UEM Eberhardus patrem, seu quem Berengarius prior auum habuerit, incertum est. Si in rebus obscuris nec à quoquam veterum traditis coniecturæ indulgere licet, suspicor Berengarium appellatum esse. Mos enim tum Proceribus erat, filio primogenito plerumque aui paterni, aut etiam materni si claritate præcellebat, nomen imponere. Verùm cum duo tréſve Berengarij propinqui Ludouici Pij filiorumque eius occurrant, difficile dictu est quem præferri oporteat.

Ac primùm Berengarius quidam dignitate Dux, propinquus Imper. Ludouici Pij exstitit, Huronici vel Hunroci Comitibus filius, vir sapiens & fidelis, cuius operâ in legationibus Princeps utebatur, & qui Ducatum Septimaniæ expulso Bernardo obtenturus fuit, si non esset immaturè præreptus. Berengarij huiusce mentionem facit Theganus in libello de Gestis Ludouici Pij Imp. *Anno dcccxxxiv. Tunc Imperator misit legatos suos post eum (Lotharium filium suum) Baradadum Episcopum Sessonicum, & Gebehardum nobilissimum Ducem, & Berengarium sapientem propinquum suum. Supradicti Duces (scilicet Gebehardus & Berengarius)*

protulerunt quod eis imperatum fuerat, & instruxerunt eum ut veniret ad praesentiam patris cum ceteris seductoribus suis, promittentes pacem: & ille cum illis promisit venire. Et paucis versibus interiectis, hæc sequuntur. Eodem anno in ipso itinere obiit Berengarius, Dux fidelis & sapiens, quem Imperator cum filiis suis luxit multo tempore. Iste est annus xxiii. regni Domini Ludouici Piissimi Imperatoris. Eiusdem meminit auctor incertus sed grauis, qui de vita Imper. Ludouici Pij scripsit. Anno dcccxxvi. principatûs Ludouici Aug. xxiii. *Causa Gothorum ibidem ventilata est: quorum alij partibus Bernardi fauebant; alij ducebantur fauore Berengarij, Hunroci quondam Comitis filij. Sed Berengario immatura morte prærepto, apud Bernardum potestas Septimania quammaxima remansit. Is est fortè Berengarius, quem anno dcccxix. Tolosanorum Comitem fuisse Eginhardi Annales & Vita Ludouici Pij docent.*

Inuenio & alterum Berengarium Comitem, qui Helletrudem Lotharij Aug. filiam in matrimonio habuit. Hæc post viri sui obitum de Rege Lothario fratre suo querebatur, quòd res & prædia à parentibus sibi relicta rapuisset, & Nortmannis in beneficium donauisset: vt scribit Hadrianus PP. II. in sua ad Carolum Gloriosum Regem cognomine Caluum epistola. Hadrianus autem circa initium anni dccc-lxviii. sedere cœpit: quo anno Berengarius

iste Comes, gener Lotharij Aug. iam haud dubiè decesserat. Quippe anno DCCCLXIX. VI. Idus Aug. constat obiisse Regem Lotharium, à quo Helletrudis soror vidua se spoliata quererebatur. Hunc esse existimo *Berengarium Ducem*, memoratum in litteris Lotharij Aug. anno Domini DCCCLIV. datis, quæ in libro instrumentorum Monasterij Casauriensis leguntur, & ita incipiunt. *In nomine D. N. I. C. Lotharius divina ordinante providentiâ Imperator Aug. anno Imperij eius XXII. seu temporibus Berengarij Ducis, anno Ducatus eius VI. die VI. mensis Septembris Indictione VII. &c.* Ducis enim & Comitis apud plurimos Scriptores appellatio promiscua est.

Fuit & tertius quidam Berengarius propinquus Caroli Calui Francorum Regis, cui ut & Hugoni collatum honorem, hoc est Comitiam aut Ducatum ademit anno DCCCLXV. quòd nihil rei aduersus Nortmannos gessisset: sicuti in Annalibus Bertinianis reperitur. *Anno DCCCLXV. Carolus ad Rosiacum villam veniens; Adalardo cui custodiam Regni contra Nortmannos commiserat, sed & suis propinquis Hugoni & Berengario, qui nihil utilitatis contra Nortmannos egerant, collatos honores tollit, & per diuersos eosdem honores disponit.* Is pactioni inter Ludouicum, Carolum & Lotharium Reges apud Confluentes initæ anno DCCCLX. inter nobiles laicos interfuit atque subscripsit.

Ex his igitur Berengariis duo, nimirum primus & postremus Imperatorum nostrorum propinqui fuere, medius gener etiam Lotharij Aug. Sed primum, videlicet Berengarium Ducem Ludouici Pij propinquum, ut Eberhardi patrem & auum Berengarij nostri fuisse credam, inclinatur animus: propterea quod cum Berengarius iste anno dcccxxxvi decesserit, & cum Berengarium nostrum constet iam anno dcccclxxvi. plurimum in Italia potuisse; xxxiv. circiter annos Eberhardo Berengariorum alterius filio alterius patri possumus assignare. At Berengarius Comes, Lotharij Aug. gener, qui non multo ante annum dcccclxviii. mortem obiit; & Berengarius propinquus Caroli Calui, qui anno dcccclxv. Ducatu vel certe Comitatu dignitate priuatus est, nullum dant Eberhardo locum, nullum ei temporis spatium saltem iustum relinquunt, cum anno dcccclxxvi. Berengarius noster iam in Italia auctoritate multum valeret, sicuti supradiximus. Existimo autem Berengarium Ducem, qui propinquus Ludouici Pij fuisse fertur, & ita appellatur, non aliter quam materno cum sanguine contigisse, & forsitan ex aliqua eius sorore furto conceptum fuisse: ita ut Berengarius noster Berengarij Ducis nepos Carolum Magnum *proauum* suum aut potius abauum, Ludouicum iuniorum Aug. *consobrinum* suum iure vocauerit, & à Iohanne VIII. P.P. *Regiâ* idem *prosapia*

ortus; in Annalibus Fuldensibus Caroli cognomine Crassi *consanguineus & cognatus* appellari potuerit. Sed de his quisque pro arbitrio sentiat: ad Berengarij nostri res gestas veniendum.

---

## CAPVT IV.

*Qua Berengarius priuatus gesserit: & de epistolis à Iohanne P P. VIII. ad eum scriptis.*

**A**NNO DCCCCLXXVI. Carolus cognomento Caluus Imperium Romanum Regnumque Italix seu Langobardiæ, morte Ludouici iunioris fratris sui filij vacuum occupauit, & die natali Domini Romæ à Iohanne P P. vnctus coronatusque, & Romanorum Imperator appellatus est: cùmque Ticinum rediisset, Optimum Italix quos ad se venientes plerosque receperat, ibi Conuentum egit, Bosonemque affinem, nimirum vxoris suæ Richildis fratrem Ducem terræ constituit, ac corona Ducali ornauit, atque ordinatis Regni Italici rebus reuersus est in Gallias. Imperator Ludouicus iunior, Lotharij Aug. filius, Ludouici Pij nepos, moriens filiam ex coniuge sua Angelberga vel Engilberga superstitem reliquerat nomine Hermengardem, & fidei Berengarij nostri Euerar-

di filij seruandam tuendamque commiserat. Hanc Boso post Imperatoris Caroli ex Italia reditum, negligenter custoditam conniunte Berengario per vim rapuit, & in matrimonium accepit, matre puellæ vt existimo non inuita: sicuti Annales Bertiniani docent his verbis. *Anno Domini dccclxxvi. Boso postquam Imperator ab Italia in Franciam rediit, Berengarij E-  
nerardi filij factione filiam Hludouici Imperatoris Hirringardem que apud eum morabatur, iniquo contudio in matrimonium sumpsit. Pri-  
mum igitur Berengarij operum fuit, matrimo-  
nium Bosonis: ex quo intelligitur eum iam tum inter Proceres Italiz non mediocri fuisse po-  
tentiâ. Quamquam Regino in libro ii. Chro-  
nicorum & Marianus Scorus ac Sigebertus tra-  
dunt, Carolum Seniore Imper. anno dccclxx-  
vii. ab urbe Roma in Langobardiam reuersum, Bosoni germano Richildis Regina Hirringardem  
filiam Ludouici Imper. in matrimonium iunxisse,  
diemque nuptiarum tanto apparatu tantæque lu-  
dorum magnificentiâ celebratum esse, vt huius ce-  
lebritatis gaudia modum excessisse ferantur. Ca-  
rolus qui Caluus cognominatus est, Senioris  
cognomine à fratris filio Carolo Crasso  
Rege distinguebatur.*

Anno dccclxxxiii. aduersus Vuitonem Comitem Tuscanorum accusatum maiestatis & profugum, qui cum valida manu Maurorum Saracenorumque Italiam depopulantium fir-

mum fœdus pepigerat, id est (ut Hermannus  
 Contracto placet) *aduersus Guidonem Ducem  
 Spoletinorum* qui postea imperauit in Italia, mis-  
 sus est Berengarius ab Imper. Carolo cogno-  
 mino Crasso: sed nihil magnæ rei gessit, cæli  
 corruptione & morbis per castra vulgaris exer-  
 citum reducere coactus, licet cum eo dimicasse  
 dicatur. Ob legatos in *urbem Regiam*, hoc est  
 Constantinopolim missos, & ob pecuniam ab  
 Imperatore Græcorum contra ius acceptam, à  
*Carolo III. Aug. captum* esse Guidonem Ducem  
 Spoletinorum inuenio in Erchemperti Historia,  
 & nisi fugâ euasisset, capite plectendum fuisse.  
 Addit Erchempertus, Guidonem cognito *Caro-*  
*lum Aug. (III. seu Crassum)* *seminocem* iacere;  
 cupiditate regni impulsus, deceptumque à  
 contribulibus suis, Beneuentanam provinciam  
 quam subegerat & Spoletinorum Ducatum  
 reliquisse, & Galliam regnandi gratiâ petiisse:  
 tumque Beneuento quidem Græcos pòritos,  
 Spoletinos ab Agarenis seu Saracenis esse va-  
 statos; ipsum autem iniuriam inauditumque man-  
 sisse, hoc est à Francis spretum, & Regni Fran-  
 cici in Gallia spe deictum frustratumque esse.

Anno DCCCLXXXVI. inter Berengarium Foro-  
 iuliensem Ducem & Liutwardum Episcopum  
 Vercellensem, Caroli Aug. à secretis Consilia-  
 rium vnicum orta discordia est. Berengarius  
 per vim aut per insidias Vercellas ingressus,  
 multas res Episcopi pro voluntate corripuit,



ac vrbe excessit spoliis onustus, nemine prohibente : sed insequenti anno dcccxxxvii. ad Imperatorem venit, & magnis muneribus contumeliam ac iniuriam Episcopo factam luit, inimicisque satisfacit: quemadmodum in Annalibus Fuldensibus inuenitur.

Sunt ad Berengarium adhuc priuatum Iohannis Papæ eius nominis Octauæ epistolæ i v. à Chesnio Tomo. iiii. historiæ Francicæ Scriptorum insertæ: in quibus Berengarium non aliter quàm *Gloriosum Comitem* aut *Illustrum Comitem*, licet Dux Foroiulienfium esset, Iohannes appellat.

Primâ epistolâ datâ Indictione xi. id est anno dcccxxxvii. quæ incipit, *Lectis nobilitatis vestre litteris*, Iohannes Berengarium rogat, vt de iniuriis à Lamberto Vuidonis Spoletini quondam Ducis filio, Duce & ipso Spoletino Sedi Apostolicæ illatis Carolomannum Gloriosum Regem certiorem faciat: Regius & ipsius etiam Berengarij litteris compescendum esse hominem, ac monendum ne Ecclesiam Romanam amplius persequatur.

In secunda epistolâ, quæ incipit, *Quanta & qualia Romana Ecclesia* &c. scribit, se duci Bosone Principe Franciam nauibus petiturum, ibique de statu Ecclesiarum & de quiete Reip. ac de sua omniûque salute Synodum habiturum: cui vt intersint, Berengarium & omnes Optimates Regni Langobardici monet atque

hortatur : quam Synodum anno DCCCLXXVIII. Tricassis habitam esse omnes sciunt.

In III. epistola, quæ incipit, *Relatu nonnullorum audiuimus*, post coactam in Gallia Synodum & habitum cum R. Ludouico Imperatoris Caroli filio sermonem, ductu Bosonis Principis Romam se saluum rediisse scribit, Lamberto Comite quem ob rerum Ecclesiæ Romanæ & ipsius Urbis direptionem excommunicauerat, nusquam apparere auso: monet, rogat, hortaturque Berengarium, vt omnibus rebus postpositis ad ipsum veniat, de statu Ecclesiarum & de tranquillitate Reipubl. vnâ securus.

In IV. epistola, quæ incipit, *Quia dilectus ac Spiritualis filius noster Carolomannus Gloriosus Rex &c.* Iohannes Antonio Episcopo Brixienti & Berengario Comiti scribit, se cui curam Regni Italici Rex Carolomannus delegauerit, Liutfredum Comitem ab Ecclesiæ communione remouisse, propterea quòd Gerlindam Monacham ex Placentino Monasterio fugâ elapsam receperit detinueritque, atque etiam Engilbergæ Augustæ prædia & chortes diripuerit. Proinde caueant ambo, ne quid habeant cum eo commune, sed aditum eius sermonemque defugiant. Anno autem DCCCLXXX. regni sui quarto nondum expleto, Carolomannus paralyti oppressus VII. Nonas April. obiit: ante quem annum I V. hæc epistolæ scriptas esse apparet.

CAPVT

## CAPVT V.

*De Regis Berengarij exortu rebûsque gestis.*

**V**T melius noster Poëta Panegyristes intelligatur, & vt cuncti historiarum Francicarum studiosi facilius animaduertant, in quibus à veteribus Chronicis Annalibusque nostris recedit: Berengarij post occupatum Italiae Regnum res gestas capitulatim suo quamque anno notare potius quam referre constitui.

Sub finem anni DCCCLXXXVII. Franci Orientales, Saxones, Toringi, Baioarij, & Alamanni à Carolo Crasso Aug. corpore animoque agro deficiunt, & eius in locum Arnulfum Carolomanni ipsius fratris ex concubina filium substituunt. Carolus anno DCCCLXXXVII. pridie Idus Ianuarij ex Imperatore & totius Franciarum Monarcha priuatus, obiit in Alamannia. Tum Regna Francorum velut legitimo herede destituta, (nam & Carolus Ludouici Balbi filius à plerisque non legitimus habebatur) resoluuntur in partes. Berengarius filius Eberhardi Dux Foroiulienfis, in Italia; Rodulfus Chuonradi filius in superiore Burgundia; & Odo Dux filius Rotberti in Francia Occidentali & in Aquitania ac parte Burgundiarum Reges facti. Ex his Berengarius hortantibus Optimatibus Ticini coronari se iussit. Liurprandus in

F

libri I. capite VI. & Chronici Acutiani auctor hoc statim post Caroli Calui obitum contigisse falsò tradunt, & Widonem ac Berengarium fide vtriusque data pollicitos esse, si Caroli Calui superstites forent, alteri Galliam, alteri Italiam altero fauente cessuram: cùm Carolo Caluo anno DCCCLXXVII. mortuo, Carolomannum primò Ludouici Regis Germaniæ filium, deinde fratrem eius Carolum cognomine Crassum Regnum Italiæ vsque ad annum DCCCLXXXVII. obtinuisse constet: post cuius demum mortem Berengarius in Italia regnare occœpit. Præterea Lambertus Vuidonis huius pater vulgò nostris auctoribus creditus, Italis frater natu maior, anno DCCCLXXVII. iam defuncto Carolo Caluo Aug. & anno etiam DCCCLXXXVIII. viuebat adhuc; Dux adhuc Spoletinorum erat, Ecclesiàmque Romanam persequebatur, vt Iohannis P P. VIII. ad Berengarium epistolæ suprà capite IV. memoratæ docent: adeò Vuido Lamberti successor viuis Carolo Caluo & Lamberto de Regno Galliæ cogitare, & illud sibi cùm Berengario pacisci non potuit. Poëta noster scribit Berengarium à Proceribus Italiæ Regem electum esse, metuentibus ne à Rheni aut Araris accolis, vel vt ibidem ait, à *Gallis* aut à *Germanis* *renocaretur* religereturque. Ex quo intelligitur in Gallia vnde genus duceret, & in Germania ei possessiones plurimas & maximas, & satis amicorum clientumque vel ad Regnum ibi obtinendum fuisse.

Eodem anno Arnulfus Italiam cum validis copiis ingredi, & Regnum Italicum occupare decreuit. Quod Berengarius præcauens, præmissis Optimatibus Tridentum ad eum venit. Arnulfus Berengario Regnum Langobardorum totum reliquit, exceptis villis Regiis seu publicis quas Curtes vocant, & pauculis aliis: ut in Annalibus Fuldensibus Chronicisque Hermannii inuenitur. Vuido quoque Spoletinorum Dux, per Odonem frustratus spe Regni Gallici, sub finem anni coactis copiis reuertit in Italiam, Camertibusque & Spoletinis sibi adiunctis, nonnullis etiam Berengarii partium pecuniâ corruptis, Rex Italiæ appellatur, bellumque Berengario infert: sicuti auctor Annalium Fuldensium, Regino, Annales Mettenses, Marianus Scotus, & Carolus Sigonius in libro vi. de Regno Italiæ, aliique tradunt: & quibus Marianus anno dcccLxxxix. Sigebertus anno dcccxc. Berengarium & Vuidonem Reges constitutos falsò aiunt.

Paullo post Vuido cum Berengario bis pugnat, & altero prælio ad flumen Trebiam circa Placentiam, altero iterum in agro Brixiano post maximam utrimque cædem factam funditur fugaturque Berengarius, & à victore Regno expellitur: si Liutprando Sigebertoque credimus: quod anno dcccLxxxix. accidisse Marianus & Sigonius putant, Sigebertus anno dcccxcii. Poëta noster verius à Berenga-

rio priore prælio victum esse Vuidonem, & permissu eius corpora caesorum à Vuidonianis sepulta; posteriore multum utriusque exercitus sanguinis fusum, & nocte pugnam diremtam esse scribit. Idem tamen satis apertè ostendit, penes quem demum victoria fuerit, quum initio libri III. prodit, creuisse in dies post hoc ultimum prælium Vuidonis exercitum, confluentibus ad eum ex Gallia militibus: quæ cognita re, Rex Arnulfus filium suum cum copiis in Italiam miserit, & auxilium ferre Berengario iusserit. Nam post pugnam copiarum victoris crescere consueuerunt, victi imminui quotidie: & qui tum externis auxiliis eget, pro victo; qui non eget, pro victore habetur. Accedit Poëtæ nostro Erchempertus Monachus Cassinensis, auctor & ipse æqualis eorum temporum: qui in Historia Langobardorum Beneuenti degentium tradit, anno Domini DCCC-LXXXVIII, rediisse Guidonem in Italiam, quam obtinere cupiuerit sed non potuerit: ibi eum apud Brixiam cum Berengario & ipso Duce pugnassee: *in quo conflictu utriusque partis acies crudeliter cæsa, spolia tamen caesorum à Berengario collecta sint: pactos esse ambos indutias tantummodò vsque ad Epiphaniam VII. Idus Ianuarij. Ambobus tertius adiungitur Regino, qui tantam stragem ex utraque parte postmodum factam ait, tantumque humanum sanguinem effusum, ut Regnum diuisum desolationem pene in-*

*currenit. Ad extremum Vuido victor existens, (inquit) Berengarium Regno expulit. Pulsus itaque Arnolfum Regem adiit, eiusque patrocinia contra hostem expoposcit. Reginonem auctor Annalium Mettensium, Marianusque more suo transcribunt. Ad extremum Vuido victor existisse dicitur Reginoni, quoniam primò non vicerat, sed post magnam vtrimque cadem victus fuerat à Berengario, & suorum ab hoste interfectorum ac spoliatorum corpora ad sepulturam depoposcerat. Ex his intelligitur, è duobus cruentissimis prœliis, altero circa Brixiam haud dubiè victum esse Vuidonem, altero Berengarium ab eo fustum: nec sicut Liutprandus, Sigebertus ac Sigonius aiunt, Berengarium vtraque pugna esse superatum.*

Vuido occupato Langobardorum Regno, anno Domini dcccxcī. à Stephano Papa VI. Romam arcessitur, ac ix. Kalendas Martias Imperator constituitur consecraturque Indictione ix. quemadmodum Frodoardus, Chronica Monasterij Acutiani & Cœnobij Casauriensis seu Piscariensis, Sigoniusque docent. Frodoardi in libri iv. historię Remensis capite 11. verba sunt hæc. *Formosus Papa litteris ad Fulconem Remensem Episcopum missis Imperatorem Vuidonem coronatum eodem anno significat Indictione x. scilicet ineunte. Mense autem Septembri anno dcccxcī. Indictio x. incipiebat. Sed an à Stephano VI. eius nominis Episcopo Romano,*

qui viii. Kal. Iunij anno dcccxcī mortem obiit, an à seipso qui pridie Kalendas Iunij ei successit, coronatum Vuidonem Aug. & an *Indictione x. coronatum*; an potius *coronatum* eum significet litteris datis *Indictione x. ineunte*, incertum est.

Berengarius duobus prœliis superatus, ad Arnulfum confugerat: potentissimūque Regem rogauerat sibi vt succurreret, se vnā cum Regno Italico ditionis eius futurum pollicitus, si aduersarium fugauisset. Igitur Arnulfus anno dcccxcī. (si Sigonio creditur) Zuuentibaldum suum ex concubina filium cum valida armatorum manu in Italiam misit: qui post frustra oppugnatum per xxi. dies Ticinum, acceptā à Vuidone pecuniā domum inglorius rediit, vt Liutprandus in capite vii. libri i. & Sigonius scribunt. Sigebertus ait à Vuidone corruptos donis primores exercitūs Zuendebaldi, irritos reuertisse: sed in annum dcccxcvii. eam expeditionem falsò coniicit. Panegyristes noster nullam petiti auxilij, tamquam fei Berengario pudendæ mentionem facit: sed memoriæ tradit Arnulfum, vt amico & propinquo suo Berengario subueniret, sua sponte nec rogatum ducendas trans Alpes copias dedisse Zuuentibaldo vel Cendebaldo filio, qui post repressum Vuidonem, monitu Berengarij ad patrem reuerterit: credo, ne quis à Berengario in Italiam arcessitum putaret eum,



cui ipse auctor fuerit Italiâ excedendi.

Anno dcccxcii. Vuido Aug. totius ferè Langobardiæ potens, Lambertum filium suum Imperij sibi consortem adiunxit. Certè in Chronico Casauriensî MS. hæc verba reperio. *Vuido, Imperatore Carolo iam defuncto, in Italicum Imperium Augustaliter successit anno ab Incarnatione Domini dcccxcî. Sequenti anno Lambertus in Imperium coronatus, sicut Vuido Aug. pater eius imperat. Igitur ambobus imperantibus &c.* Ibidem Dominus Vuido & Lambertus filius eius Imperatores vocantur in litteris datis annis Imperij eorum ii. & i. die xx. mensis Iulij, Indictione x. Lambertus igitur cum patre imperavit, quemadmodum observo: & annus Vuidonis imperij secundus, idem imperij eius primus fuit: quem tamen omnes historici veteres ac recentiores, exceptis Frodoardo & Sigonio, nonnisi post patris sui mortem in Italia imperare occœpisse tradunt. Hinc in Chronico Cassinensi dicitur Lambertus *post annos regni v i.* morte functus esse: quem Poëta noster iii. post Vuidonem patrem suum anno decessisse ait, hoc est anno Domini dcccxcvii. qui si nonnisi post patris obitum anno dcccxciv. exeunte cœpisset imperare, non vi. sed tres tantum annos imperasse dicendus esset. Præterea Frodoardus in libri iv. historiæ Remensis capite ii. sic de Formosi Papæ ad Fulconem Remensem Episcopum posterioribus litteris refert. *Hic quoque Lantber-*  
F iiij

tum filium Vuidonis anno II. imperij patris ipsum novum Imperatorem factum fuisse designat. Sigonius anno DCCCXCI. exeunte Lambertum socium Regni à patre adscitum, & anno DCCCXCVI. à Stephano PP. VI. Imperatorio insigni & nomine donatum, aut è Rege Italia Imperatorem factum vinctumque ait: quem anno DCCCXCII. in Imperatoriæ potestatis consortionem receptum à Vuidonæ parente suo, atque si tum coronatus est, eo mortuo iterum anno DCCCXCIV. Romæ coronatum esse constat.

Arnulfus semel atque iterum à Formoso Episcopo urbis Romæ inuitatus per litteras & nuntios, à Berengario quoque rogatus anno DCCCXCIV. cum valido exercitu fines Langobardorum intrat: ac primùm à Veronensibus comite Berengario recipitur; deinde circa Purificationem B. Mariæ Bergomum expugnat, & multis opidanorum iugulatis, Ambrosium quem Vuido munitæ vrbi Comitem præfecerat, antè portam cum balteo & armillis qualis captus erat, de arbore laqueo suspendi iubet. Quo exemplo & Procures, & ceterarum urbium incolæ, inprimis Mediolanenses Ticinensésque perterriti, Regi occurrere venienti, pollicitique sunt se imperata facturos. Ottone Saxonum Duce Mediolanum missò, ipse Ticinum adit: cùmque ad opidum Placentiam venisset, consilium iterque commutat, ac derepentè conuerso agmine, per Alpes Penninas Gal-

liam ingreditur, Acaunúmque petit, vt impro-  
uifo incurfu dudum inuifum fibi Regem Ro-  
dulfum obtrereret. Sed is praruptos eminén-  
tésque montes adfcendens, munitiffimis in lo-  
cis tutus latuit, & Germanorum manus eua-  
fit. Cùm Rodulfo noceri nihil poffet, regio  
inter Iuram & montem Iouis feu Peninum ia-  
cens, in qua regnabat, igne ferroque depopu-  
lara. Imperator Vuido excedentem Italiâ Ar-  
nulfum dum insequitur, ad flumen agri Pla-  
centini Tarum vomitu cruoris extinguitur an-  
no regni Italici vi. Imperij quarto, Chrifti dccc-  
xciv. Lambertus eius filius cum matre Agel-  
trude Aug. Regnum obtinuit: qui Romam ve-  
niens, ab Antiftite Sedis Apoftolicæ diadema  
Imperatorium fibi imponendum curauit: vti in  
Annalibus Fuldenfibus & Mettenfibus, & apud  
Reginonem, Hermannum ac Marianum inue-  
nio. Nifi quòd Marianus anno dcccxcv. Vui-  
donem decessiffe; & Sigebertus anno dcccxc-  
viii. Arnulfum primùm Langobardiam intrâffe,  
Guidonem autem anno dcccci. mortem obiiffe  
falsò fcribunt.

Arnulfus Formofi Epifcopi Romani litteris  
& nuntiis iterum inuitatus, ac multo magis  
spe rei bene gerendæ, anno dcccxcv. menfe  
Septembri Italiam intrauit, & Alamannis per  
Bononiam præmiſſis Florentiam Tufcorum, ipſe  
cum Francis Lunam petere contendit, vbi &  
Natalem Domini celebrauit. Inſequenti anno

equi pestilentia consumti in transitu Apennini, itavt sarcinae exercitus ephippiatis more equorum bobus imponerentur. Tandem ad Urbem peruentum. Ageltrudis Aug. Imperatoris Lamberti mater Romam praesidio militari tenebat. Sed ea cum suis clam profugiente, vrbs Leoniana expugnata, & Transiberini ad deditionem compulsi. Arnulfus ab Formoso Antistite in Basilica S S. Apostolorum Petri & Pauli inunctus, coronaque capiti eius imposita Imperator appellatus est. Inde castellum Pice-ni Firmum quod se Ageltrudis contulerat, dum obsidet Arnulfus, ab ea soporifero medicamento potionatus, obsidionem soluere cogitur. Comes aderat Arnulfo Aug. Berengarius: qui comperto Arnulfum excæcandi sui consilium iniisse, Veronam carissimam & fidissimam sibi urbem celeri fugâ repetiit. Quare spretus ab Italis ob fidem violatam Arnulfus, Ticini multos suorum per tumultum opidanorum amisit, nec Eporedia muris receptus, domum inglorius rediit. Ratoldus nothus eius filius quem Mediolani reliquerat, mox Lario lacu deuectus & ad ipsum reuersus est. Tum Berengarius Regnum Italicum vsque ad flumen Adduam recepit; cetera Lamberto reliquit. Ita Regino, Annales Mettenses, Marianusque ac Sigonius tradidere. Poëta noster in libro III. Panegyrici sui scribit, post tres menses quam Zuuentibaldus ad patrem suum redie-

rat, Vuidonem iterum renouasse bellum aduersus Berengarium, & Arnulfum cum maximo exercitu Italiam intrauisse, Bergamo cum Ambrosio Comite aliisque opidis captis, vsque ad urbem Romam peruenisse, eaque saltem ex parte potitum esse, & suasu Berengarij domum reuertisse: paullo pòst Vuidonem excessisse è vita, & Lambertum eius filium Ticini cum Berengario fœdus iunxisse, Regnùmque Italiæ (vt & Hermanno placet) ambos inter se diuississe. Hæc quidem Panegyristes refert, ex duabus Arnulfi expeditionibus Italicis vnâ tantum factâ, nec Imperatorem Romæ salutatum Arnulfum dicit, nec Vuidonem ac Lambertum Imperatores fuisse indicat, vt nec Ludouicum Bosonis filium; & Vuidonis mortem biennio seriùs quàm acciderit contigisse affirmat. Similiter Liutprandus ambas Arnulfi expeditiones Langobardicas in vnum coniungit confunditve: neque Imperatorem Romæ à Formoso atque à Senatu populòque Romano factum cum tradit, sed *Regem Arnulfum* semper appellat; & Vuidonem semel modò cum Berengario *Imperatorem*, Lambertum *Regem* tantummodò vocat; ac Vuidonis vitam biennio quàm fuerit diuturniorem facit, sub discessum ex Italia Arnulfi nimirum anno dcccxcvi. mortuum eum narrans, cum anno dcccxciv. obierit. Adiicit Berengarium post excessum Arnulfi Ticinum ac Regnum Italiæ obtinuisse, à Vui-

donianis verò Lambertum venustum ephēbum, Regem constitutum esse, qui recepto Ticino, Berengarium armis Veronam repetere compulerit.

Anno dcccxcvii. Imperator Lambertus vel Lambertus, Vuidonis Aug. filius, per insidias suorum fracto collo interiit, postquā annos vi. partim cum patre partim solus Langobardiam Romāque obtinuerat. De quo dubitari non potest, cū Poëta noster Lambertum iii. post Vuidonem parentem suum anno mortuum dicat: quem Vuidonem anno dcccxciv. exspirasse constat. Sic accipiendum est, quod in Chronico Monasterij Cassinensis inuenio, Lambertum Guidonis filium *post annos vi.* defunctum esse: & quod Liutprandus in capite x. libri i. historiæ prodidit, Maginfredum Mediolanensem Comitem *quinquennio rebellem Lamberto exstitisse*, ob idque iussu eius capite truncatum esse. (quem tamen anno dcccxcvi. decollatum Annales Fuldenses & Hermannus dicunt.) Nam cū post patris obitum non plus triennio imperauerit Lambertus: si per v. annos rebellauit Maginfredus, haud dubiè non Lamberto modò sed Vuidoni etiam infidus fuit. Regino & Marianus *anno Domini dcccxcvi. Lambertum filium Guidonis vitā decessisse* scribunt. Nihil est ferè Sigeberti Chronico in temporum notatione confusius, in quo anno dccccl. Lambertus regnare cœpisse, insequenti

anno mortuus esse dicitur. Carolus Sigonius falsi cuiusdam diplomatis subscriptione deceptus, anno Domini **ccccxviii**. Imperij sui **vii**. Lambertum obiisse tradit. Mortuo Lamberto, Berengarius solus & sine consorte toto Regno Langobardorum potitur.

Anno Domini **ccccci**. Hungari, iam Baioaria, Suevia, Francia Germanica atque Saxonia cladibus noti, ingrediuntur Italiam, & Aquileiam, Concordiam Altinumque ac Patauium emensi, per Vicetinum, Veronensem, Brixianorum, Bergomatium ac Mediolanensem agros ad urbem Regiam Ticinum perueniunt. Quibus cum Rex Berengarius exercitum triplo maiorem opposuisset, Barbari plurimis suorum in fluminis Adduæ festina transatione demersis, fugâ campos repetunt Veronenses, insequentibus & à tergo imminentibus Italis, ac vtrique demum circa Brentam agri Patauini annum maioremve Medoacum, Brintesiam in tabula Peutingeriana, Brintam Fortunato dictum castra ponunt, alteri ab alteris flumine diuisi. Ibi Hungari quos equi defatigati ulterius fugere prohibebant, etsi iam prædâ omni redditâ pacem redimere frustra tentauerant, sarcinas vniuersas, captiuos, arma, equos, exceptis singulis quibus domum reueherentur, filios quoque obsides daturus se nec amplius Italiam vexaturos pollicentur, si ipsos saluos & incolumes excedere paterentur. Sed Itali

multitudine sua elati, Barbaris quasi iam victis insultabant, mortem cunctis minitabantur, & æquas condiciones pacis accipere recusabant. Itaque Hungari ex desperatione animum sumunt, & sese mutuò hortati, flumen transcunt, ac tripertitis copiis in hostes cibum capientes deimproviso impetum faciunt: fundunt fugantque inopinantes, ac maximo eorum numero ictibus sagittarum interfecto, multis Comitibus & Episcopis, in primis Liudwardo Vercellensi Antistite trucidatis, securi totum Regnum Italiæ cædibus, incendiis ac rapinis crudeliter vastant, itavt solis locorum munimentis incolæ defenderentur. Hanc à R. Berengario & à Francis Transalpinis Langobardisque & Italis cladem acceptam anno dcccci. Regino & Annales Mettenses quos sequor tradunt; Hermannus anno dcccc. anno dccccxix. Marianus. Sigebertus dccccix. anno victum prælio ab Hungaris Berengarium falsò ait. At Carolus Sigonius in libro vi. de Regno Italiæ annis dccccii. & dcccciii. eam Hungarorum incurSIONem in Italiam ac victoriam contigisse putat: de qua Poëta noster siluit, quia Berengarij magis culpâ quàm virtute suâ Barbari vicerunt.

Interea novus Berengario hostis æmulusque Regni oritur Ludovicus. Hunc Bosso ex posteriore coniuge Hermengarde, Imperatoris Ludouici iunioris filia procreauerat, &



nomine aui materni appellandum curauerat. Et Boso quidem ab vxore sua impulsus, quæ viuere se nolle dictirabat, si filia Imperatoris Italiæ, & desponsa quondam Imperatori Græcorum, virum suum Regem facere non posset, xxiii. Burgundiæ Episcopis partim comminatione coactis, partim monasteriorum & villarum donatione corruptis persuaserat, vt ipsum vnguerent coronaréntque anno dcccclxxix, Idibus Octobribus. Audaciorem faciebat Boso - nem Ludouici Balbi mors, eodem anno i v. Idus Aprileis defuncti; & filiorum eius Ludouici ac Carolomanni pueritia iniuriæ obnoxia, quorum mater fuerat à Balbo dimissa & alteri coniugi superductæ cedere compulsa. Accedebat & Angelbergæ Aug. socrus, & Iohannis Papæ VIII. à quo pro filio habebatur, fauor. Quo exemplo ac simili occasione inuitati post Caroli III. Imperatoris obitum anno dcccclxxxviii. Berengarius & Vuido in Italia, Odo in Gallia, Rodulfus in Burgundia Iurenfi vel superiore, nullo sibi iure debita ac velut legitimo herede destituta occupauerunt Regna. Anno dcccclxxxvii. Ludouicum puerum Regis Bosonis ac Hermengardis filium, Ludouici minoris Aug. nepotem ad se venientem Imperator Carolus eius nominis tertius, cognomine Crassus honorificè exceperat, sibique filium adoptauerat: vt in Annalibus Fuldensibus inuenitur. Ex quo apparet, Bosonem Ludouici patrem iam

tum mortuum fuisse. Demum hortantē per litteras Stephano Episcopo vrbis Romæ, auctore quoque & fautore regni Arnulfo Caroli Ang. successore, Valentia Segolaunorum anno dcccxc. Indictione viii. ab Archiepiscopis Burgundia Lugdunensi, Viennensi, Arelatensi, & Ebrodunensi Rex constituitur Ludovicus: quo anno Hermengardis Regina ipsius mater ad Arnulfum propinquum magnis cum muneribus venerat ut id impetraret. Eidem puero Arnulfus interuentu matris Ermingardis quasdam vrbes Rodulfi Regis Iurenſis cum pagis adiacentibus dedit: sed eas Ludovicus armis occupare, ac Rodulfo eripere non potuit.

Tandem Ludovicus, inuitatus à Principibus Italiae cum Francis tum Langobardis & Italis, ac præsertim ab Adelberto potentissimo Marchione Tuscorum, violatâ fide quam paullo antè dederat, si à Berengario dimitteretur inuiolatus, se in Italiam amplius non venturum: è Prouincia in Langobardiam transiit post Lamberti Aug. mortem vix interiecto expletoque quadriennio: uti ait Panegyristes noster quem sequor, hoc est circa anni dcccxi. exitum, aut sub initium anni insequentis: & Berengario ex Italia in Baioariam expulso, totum Regnum Langobardorum occupauit, Romamque ingressus, à Benedicto Papa eius nominis quarto diademate capiti imposito Imperator est appellatus.

pellatus. Aliquanto post Berta Adelbertum virum suum, Tusciæ vel Lucæ Marchionem ceterosque Italiæ Proceres alienauit Ludouico. Quâ vsus occasione Berengarius, vrbis custodibus auro corruptis, & coactâ virorum fortium manu, noctu Veronam ingreditur, Ludouicum securum ac improuidum, dimisso exercitu suo cum pauculis ibi desidentem magis quàm commorantem capit; eumque propter periurium oculis iubet orbari: cum *annos iiii. regnasset* in Italia, vt Chronicon Monasterij Cassinensis docet. Destitutus est igitur ac excæcatus Ludouicus anno dcccciv. aut insequenti. Pulsus Regno à Ludouico Berengarium tum quartanâ laborantem, & ipsum postea simul ac Berengarius conualuit, nocte patefactis Veronæ portis, inuito Berengario (etsi Liutprandus id negat) in Ecclesia quò confugerat vinctum occæcatumque esse tradit Poëta noster. Regino & Marianus Scotus anno dcccxcvi. Ludouicum Bosonis filium Italiam intrasse, anno dcccxcviii. post multa prælia variâ fortunâ commissa, nouissimo certamine Berengarium fugasse, Romæque à summo Pontifice coronatum & Imperatorem factum esse scribunt. Addit Regino, anno dcccciv. Berengarium ab Episcopo & à ciuibus Veronensibus ipsi fauentibus clam reuocatum ex Baiuaria vbi exsulabat; contractis raptim copiis Veronam peruenisse, & noctu intra muros rece-

ptum esse, ac Regnum Italiæ Ludouico oculis priuato tandem obtinuisse: quod anno dcccv. contigisse ait Marianus. In Chronico Casauriensi dicitur *tertius Ludouicus Regni & Imperij coronam accepisse dcccc. Dominica Incarnationis anno currente*. Sigebertus cum Chronico Casinenfi & cum Sigonio tres ei Regni Italici annos attribuit, ac in Chronico memoriz prodit, Ludouicum oblitum iurisiurandi anno dcccxiii. redisse in Italiam, & expulso Berengario Regnum eius inuasisse, atque anno dcccxv. à Berengario Veronæ captum oculisque orbatum esse. Carolus Sigonius nescio quæ diplomata secutus, anno dcccc. exeunte circa Octobrem Italiam eum ingressum; insequenti anno Imperatorem à Benedicto IV. Episcopo Urbis factum; ac circiter Septembrem pulso Veronâ Berengario & in Baioariam fugiente, totâ Italiâ potitum; anno dcccii. excæcatum dicit. Notandus est error in Ludouico isto Constantini Porphyrogeneti, qui in libri de administrando Imperio capite xxvi. *Ludouicum non coronatum tenuisse Ticinum* ait, ac postea cum Veronam venisset, ab opidanis tumultuantibus comprehensum, ac oculis priuatum esse. Qua enim ratione *æsemlos* dici potuit Ludouicus Regis Bosonis filius, Ludouici iunioris Aug. nepos, aut sine Regio insigni in Langobardia regnauisse, quem Valentiz anno dcccxc. Indictione viii. à quatuor Archiepiscopis & compla-

ribus Episcopis Principibusque Burgundiae Regem electum, unctum, constitutumque esse constat: Rex autem sine corona fieri utique non solet. Quo modo *asenos* dici potuit, quem & Ticini Regis insignibus exornatum, seu Langobardorum Regem factum esse Sigonius, solus tamen affirmat: quem apud Liutprandum in libri II. capite XI. Berengarius ipse Regem appellat: quem denique Roma à Summo Pontifice coronatum, Imperatoremque salutatum Regino non semel & Marianus scribunt, & quem Chronicon Casauriense DCCC. anno Regni & Imperij coronam accepisse docet.

Destitutione Ludouici Aug. Berengarius totius Langobardiae compos factus erat: nomenque & insigne Imperatorium ei deberi videbatur, quod Wido & Lambertus & Ludouicus etiam ab ipso victus erant consecuti. Hanc dignitatem tanto Principi fortuna non negauit. Quippe Berengarius accitus à Iohanne Papa X. auxilium aduersus Saracenos Garelianum montem occupantes implorante, anno DCCCXVI. Romam venit, ibique die Paschae in Basilica S. Petri diademate cingitur vnguiturque, & salutatur Imperator: sicut Panegyristes noster docet in libro IV. & ultimo de vita Berengarij. Et annum quidem quo Imperatoria insignia Berengario collata sunt, Poëta non notat: sed in Chronico Casauriensi seu Piscariensi haec verba inuenio: *Anno ab Incar-*

natione Domini dccccxvi. quo anno Berengarius Aug. Imperij coronam suscepit, &c. & ibidem litteras quasdam lego, datas anno Berengarij Imperatoris Aug. i v. mense Nouembri, Indictione viii. (scilicet ineunte) alias datas ii. Kalend. Nouemb. siue pridie Kalendas Nouembris anno Dominica Incarnationis dccccxvii. Domini verò Berengarij Imperij ii. Indictione v. Auctor est Onufrius Panuinius, Iohannem X. Papam creatum esse Idibus Februariis anno dccccxvi. itavt. si à Iohanne hoc coronatus Imperatorque factus est Berengarius, non ante annum dccccxvi. fieri Imperator coronarique potuerit: quem Iohannem anno dccccxv. sedere cœpisse falsò ait Hermannus; Marianus Scottus anno dccccxviii. dccccxvii. Sigebertus. Sigonius ab Iohanne X. eius nominis Episcopo urbis Romæ, quem anno dccccxiv. ix. Kal. Februar. in Sedem Petri intrusum dicit, anno Domini dccccxv. Berengarium Imperatorem mense Septembri inunctum esse putat. Baronius à Leone Marficano deceptus, Iohannem istum anno dccccxii. aut certè dccccxiii. Sedem Romanam inuasisse credit: cùm annus Domini dccccxv. tertius eius Pontificatûs annus fuisse, & tum Leo apud Græcos imperavisse dicatur à Marficano: quem Leonem Basilij filium cognomine Philosophum anno dccccxi. iii. Idus Iunias obisse constat. Heic Panegyristes noster desinit, xxviii. regni Berengarij an-

nos plenos versibus mille & quinquaginta octo complexus. Nos usque ad mortem eius cetera paucis persequemur.

Adelbertus Eporediæ ciuitatis Marchio, qui Gisilam Berengarij filiam duxerat, & Odelricus Comes Palatij natione Sueuus, Gilebertus Comes, Lanibertus Mediolanensis Archiepiscopus, nonnullique alij Principes Italiæ à Berengario defecere, Rodulfumque Regem Iurensis Burgundiæ, Rodulfi Regis filium & successorem, Burchardi Sueuorum Ducis generum per nuntios accessiuerunt. Quos Berengarius Aug. cum per Hungaros magnâ rebellium inprimis Odelrici cæde vicisset, Gilebertus quem captum Imperator dimiserat incolumem, data fidei oblitus, oblitus accepti beneficii Rodulfum in Italiam adduxit. Is receptus à coniuratis primùm, videlicet ab Adelberto Marchione & Laniberto Archiepiscopo, deinde à ceteris omnibus Optimatibus, postquam ibi iam triennio regnauerat, multis demum gratis est visus. Unde factum est, ut dimidia pars Langobardorum Berengarium Veronâ suâ clausum Rodulfo præferret, ad cûnque transiret. Diuisis Regni viribus, parant ambo civile bellum. Rodulfus circa Florentiam ad XII. ab urbe Placentia milliarius Berengarium Aug. cruento prælio superauit, & Veronam in asyllum suum fugere compulit. Anno DCCCCXXII. *Berengarium Langobardorum Imperatorem ab*

Optimatibus suis destitutum, & Rodulfum ab eisdem in Regnum admissum Frodoardus tradit in Chronico: atque anno insequenti Rodulfum cum Berengario conflixisse, eumque acie vicisse: anno demum dccccxiv. Berengarium Italiae Regem ab suis interfectum esse. Iugulatus est Berengarius à Veronensibus suis, auctore facinoris Flamberto compatre, cuius filium ex sacro fonte exceperat, anno regni (si Frodoardum sequimur) xxxvii. imperij ix. si accedere Sigeberto malimus, regni Italici xxxviii. Imperij Romani x. anno. Quippe Sigebertus anno dccccxiv. Berengarium à Rodulfo Rege Burgundionum Italiam ingresso victum, anno dccccxv. à suis interemptum ait. Carolus Sigonius Rodulfum Regem Langobardorum Ticini seu Papiæ appellatum atque coronatum anno dccccxi. sequenti anno Berengarium victum prælio apud Fidentiolam, anno Domini dccccxiii. regni sui xxxvi. occisum esse dicit.

Hugo potentissimus Arelatensium vel Provincialium Comes, Bertæ filius, natione Francus, Regni Italici occupandi causâ venisse cum multis in Italiam dicitur, sed à Berengario territus esse ac fugatus. Hoc Liutprandus in capite iii. libri iii. indicat: qua tamen ratione quove anno res gesta sit, non tradit. Quare operæpretium est Constantinum Porphyrogenetum non de Hugonis modò prio-




re expeditione Italica, sed etiam de Rodulphi in Italiam aduentu diligenter scribentem audire: qui auctor æqualis in capite xxvi. libri de administrando Imperio hæc memoriæ tradidit. Excæcato Ludouico Berengarius, Berengarij qui nunc floret auus Regnum obtinuit, Romamque cum venisset, ibi est coronatus. Postea multi Rodulfum ex Burgundia ut in Italiam veniret inuitant, polliciti Regnum se ei tradituros Berengariumque interfekturos. Itaque profectus est in Italiam: & dimidia pars incolarum ad eum transiit, reliqui Berengarium deserere non sustinuerunt. Pugnatum est semel atque iterum. Priore prælio superatus est Rodulfus; posteriore vicit, & Berengarianos coniecit in fugam. Desertus à suis Berengarius, detractis insignibus Imperatoris (etsi id Constantinus non dicit) media inter cæsorum cadauera procubuit, ut simulatione mortis euaderet, ac ne à quoquam agnosceretur, corpus scuto texit. Quidam ex Rodulphi militibus Berengarij iacentis pedem, qui fortè intectus apparebat, hastâ pupugit: cumque nihil moueri eum vidisset, mortuum ratus discessit. Nocte Berengarius ex media strage assurgit tacitus, solus palatium suum repetit, ac rursus rerum potitus, Rodulfum vincit acie. Tandem pace facta, ambo Regnum Italiæ inter se diuisere. Sua utrique pars regionis cecidit, itaque tamen Rodulfus sub Be-

rengarij ditione esset. Tot prælia, & strages inuitare exteros ad occupandum Regnum Italicum videbantur. Igitur ex Burgundia in Italiam cum copiis venire tres Marchiones, Hugo Taliaferri, ( hoc est vt puto sector ferri ) Boso, & Hugo eius frater, qui postea regnavit in Italia. Quâ cognitâ re, Berengarius eis occurrit armatus, viisque omnibus infessis necopinantes vndique inclusit. Suis interdixit, ne quemquam ex hostibus interficerent, sed quemcumque cepissent, naribus auribusque amputatis dimitterent. Quod cum esset factum, tres supradicti Duces, quibus circumuentis & fame ac inopiâ pressis spes hostem euadendi nulla supererat, exalciati, manibus Euangelia præferentes, ad Berengarium veniunt, petitâque veniâ, iurant ipso viro se in Italiam non reuersuros: quos Berengarius incolumes cum suis domum redire permisit. Ipse autem postea cum Veronam sese contulisset, à Falamberto compatre suo interemptus est: quo cæso, totum regnum Italiæ Rodulfus occupauit. Hugonem autem illum, Arelatensium vel Prouincialium Comitem ceteris dictum, Leo in libri 1. Chronici Cassinensis capite vltimo *Aquitania Ducem* appellat, hoc est Aqueusium vel Aquisextiensium. Aquæ enim Sextiæ caput sunt Prouinciæ. Aquitanos porro incolas Aquarum Sextiarum vocatos, & ab his Aquitanis totam Prouinciâ *Aquitania*

nam dictam esse Leoni Marficano non mirabitur, qui apud Plinium in libri iv. capite xix. legerit Aquarum Tarbellicarum incolas dici *Aquitanos*, unde nomen Provincia Aquitanie vel Aquitanice propriè dictæ.

Hæc est summa vitæ rerumque gestarum Berengarij Augusti, viri multis magnisque virtutibus adornatæ, prudentis, pij, clementis, & constantiore ac fideliori suorum obsequio digni: cuius animus nec calamitatibus unquam succubuit, nec secundis rebus nimis elatus est. Qui ex priuato cum se Regem fecisset, nunc Regno pulsus, nunc restitutus, nunc toto Langobardorum Regno potitus, nunc parte eius dimidia aut etiam minima contentus, tandem hostibus suis aut mortuis, aut fugatis, Imperatoria insignia obtinuit: ac demum Veronensium quibus semper maximè considerat, compatriisque sui infidiis circumuentus periit: felix, si obsequentioribus Italis uti poruisset.





HADRIANI VALESII  
IN PANEGYRICI  
BERENGARII AVG.  
LIBRVM I  
ANIMADVERSIONES.



ΡΧΕΤΑΙ τὸ πανηγυρικὸν Βερεγγαρίου  
ἡ ἀνιχόντι Καίσαρι.] Post occupa-  
tum à Carolo Magno Imperium  
Occidentis, cum nostros inter  
& Græcos crebra essent episto-  
larum legationumque commer-

cia, cœpit Occidentalibus nosci & in vsu esse  
lingua Græca: quod qui Scriptores nostros  
Eginhardum, Abbonem, Liutprandum, Dudo-  
nem aliosque legerit, facile agnoscet, Græca  
verba aut prouerbiâ Latinis inserta reperiens.

ἡ ἀνιχόντι Καίσαρι.] Tum Imperatores boni  
omnis causâ *Inuictissimi Caesares*, aut *Inuictissi-  
mi Augusti* vulgò vocitabantur; nonnumquam  
*Piissimi Imperatores*, nonnumquam & *Serenissi-*

*mi Augusti*: quemadmodum nos Imperatoriz subscriptiones docent, cum alibi passim tum in Chronico Casauriensi inuentæ: *Signam Domni Ottonis Inuictissimi Caesaris*; *Signum Domni Ottonis Serenissimi Imperatoris & Inuictissimi Augusti*. Sic Seuerus Alexander Aug. *Inuictus Augustus* in quodam nummo aureo vocatur: in alio nummo Victorinus Aug. *Inuictus*: in apreo numismate Imper. C. M. Aurel. Claudius Germ. Gothicus *Inuictus Aug.* inscribitur apud Iohannem Tristandum.

*Karoli sedenim nutritus alumni*

*Rite sub imperio: simili qui nomine Romanam  
Postremus Francis regnando coëgit habenis]*

Id est Berengarius fuerat nutritus sub imperio Caroli auctoris sui, qui ex Francorum Regio genere eius nominis vltimus Imperator, Romanam & Langobardiam obtinuit: cuius Caroli propinquum ibidem Poëta Berengarium vocat.

*Vltima Brengario referunt dixisse propinquo.*

Carolus Aug. eo nomine vltimus, qui Berengarium propinquum suum & amicum ad Regnum Italiæ occupandum moriens hortatus est, & quo mortuo plures per Franciam Reguli emerfere, ac Berengarius Ticini Rex Italiæ est appellatus; hic inquam Carolus haud dubiè Ludouici Regis Germaniæ filius fuit, cognomento Crassus: quo anno dcccxxxviii. pridie Idus Ianuarij mortuo, Berengarius in

Italia, Rodulfus in superiore Burgundia, Odo in Francia occidua & in Aquitania ac parte Burgundiæ Reges exorti : quod Liutprandus & Chronici Acutiani auctor statim post Caroli Calui obitum nimirum circa annum dccc-lxxvii. factum esse falsò crediderunt. Vt omittam Carolum Caluum non eo nomine vltimum Imperatorem Rom. aut fuisse, aut à Poëta nostro vocari potuisse, sed Carolum cognomine Crassum. Præterea Carolus Caluus non in Italia, verum cis montem Cenisium in Burgundia parte Galliæ febre correptus ac veneno à medico suo sublatus est : cuius mortis Berengarium interfuisse nec quisquam scripsit, nec verisimile est : Liutprandus etiam negat interfuisse. Denique Carolus Caluus Berengarium etiam si adfuisset, moriens ad Regnum Langobardorum occupandum intrare non potuit, quo ipse à Carolomanno fratris sui filio pulsus, fugam capessuerat : cui Carolomanno in Regnum Italiæ Carolus Crassus frater successit. Carolus autem Crassus Imperator III. eius nominis & dignitatis, in Almannia obiit anno dccc-lxxxviii. pridie Idus Ianuarias ex Imperatore priuatus, ac in Augia Monasterio sepultus est : vt Regino & Annales Mettenses tradunt : qui Berengarij Ducis operâ aduersus Widonem rebellem anno dccc-lxxxiii. vsus erat. Sed Berengarium Ducem Foroiulienfium Caroli Crassi iam priuati & ab

omnibus deserti morti in Alamannia interfuisse  
 haudquaquam puto, cùm nec res similis veri  
 sit, nec à quoquam memoriæ tradita. Hoc igitur  
 finxisse mihi videtur Panegyristes noster,  
 vt maiorem Berengario conciliaret auctorita-  
 tem, haud dubiè laudando magis & pro iusto  
 legitimoque Principe habendo, si à Carolo  
 Crasso Imperatore, propinquo suo moriente  
 successor Regni Italix designatus crederetur:  
 cùm Arnulfus eundem Carolum patrum suum  
 ceteris ferè omnibus Regnis viuum inhumanè  
 spoliauisset.

*Ille quidem sic astra subit: miseranda cupido  
 Sed populos persuasit agens, qui limite lato  
 Vnius imperio soliti concurrere: plures  
 Vt mirentur abhinc diuersa per arua tyrannos,  
 Et sibi quaque legat propriam gens, ]*

Idem Regino & Annales Mettenses tradunt his  
 verbis. *Post cuius mortem (Caroli Imperatoris  
 III. vel Crassi) Regna qua eius ditioni paruerant,  
 velut legitimo destituta herede in partes à sua com-  
 page resolvuntur: & iam non naturalem dominum  
 præstolantur, sed unumquodque de suis visceri-  
 bus Regem sibi creare disponit: qua causa magnos  
 bellorum motus excitauit.*

*---- Raperet ne gaudia Rhenus  
 Aut Araris spectata diu, glomerantur in unum  
 Ausonij Proceres, ac talia nuntia Regi  
 Ire iubent. ]*

Berengario Regi mox futuro, seu Regi electo  
 ac mox coronando.

*Nec te renocet fera Gallia, digno*

*Quin potiare solo, trux aut Germania]*

Esto. Credamus Poëtæ nostro, Berengarium precibus & legatione Optimatum Italiæ victum, Regnum Langobardorum capeffiuiffe. Etiâmnè *Gallia & Germania*, seu *Rheni & Araris* accolæ Berengarium euocare, ac sibi Regem habere voluere, ac dudum optauere? Idem ferè de Widone Liutprandus scripsit. Arar autem veteres, Araris, Arari; vt Liger, Ligeris, Ligeri; Elauer, Elaueris, Elaueri dixerè: Araris, Ligeris, Elaueris nisi in secundo casu non dixerè: quod obseruo, quia in eo multos viros doctos errare video.

*Sustulit heic postquàm regale insigne coronam,*

*Non alias raptim cupidus peruadere terras,*

*(Quod multos inuenum leto demersit acerbo)]*

Postquàm Berengarius Ticini regiam coronam accepit, reliquas Regni Italici vrbes atque regiones non vnà statim occupauit, vti fieri oportebat: quæ caussa ingentium bellorum ac magnarum cædium fuit, Vuidone haud multo pòst inuadente quidquid à Berengario non fuerat occupatum.

*Precipuum Tyrrhena colunt qui rura, volentes*

*Subiicient mihi colla, reor. ]*

Ait Wido Tyrrhenos sibi seu Tuscos aduersus Berengarium auxilio futuros, videlicet Camertes & Spoletinos, quorum Dux fuerat. At Spoletini sunt in Vmbria, dicit aliquis. Verum id



quidem est : sed Vmbria pars tum erat provincie Tusciæ vel Etruriæ. Paullus enim in libri II. de Gestis Langobardorum capite XVI. *Sexta (inquit) provincia Italiæ Tuscia est. Hac habet intra se Circium versus Aureliam ; ab Oriente verò Vmbriam. In hac provincia Roma est constituta. In Vmbria verò qua istius in parte ponitur , Perusia , & lacus Clitorius , Spoletiumque consistunt.* Tuscia ergo intra se ab oriente Vmbriam habebat , & Vmbria in parte Tusciæ ponebatur , hoc est pars Tusciæ provincie erat atque habebatur. Quare & Vuido ipse pro Duce Spoletinorum in Annalibus Fuldensibus *Vuido Comes Tuscanorum* id est Tuscorum Etruscorumve appellatur.

*Quid referam , quantus sedeat Rodulfus in aula?*

*An qualis referam Francis dominetur in armis*

*Oddo , mei similes dudum notique sodales ? ]*

Poëta dicit Vuidonem invidia tumidum ægrè tulisse , quòd Carolo Crasso mortuo , Berengarius apud Langobardos regnum occupasset , Rodulfus in Burgundia Iurensi , Odo vel Oddo in Neustria , Aquitania & Burgundia : & idem sibi licere existimasse , propterea quòd Rodulfus , & Odo *sodales* ipsius fuissent , & in priuata fortuna *sui similes* , hoc est Comites vel Duces qualis ipse erat , nec nobilitate generis nec viribus aut sapientia , nec dignitate ac potentia ipso superiores. Hoc est quod ait Regino. *Post cuius ( Caroli Crassi ) mortem regna qua eius*

ditioni paruerant, veluti legitimo destituta herede in partes à sua compage resoluuntur, & iam non naturalem dominum praestolantur, sed unumquodque de suis visceribus Regem sibi creare disponit. Qua causa magnos bellorum motus excitavit: non quia Principes Francorum deessent, qui nobilitate, fortitudine & sapientia Regnis imperare possent: sed quia inter ipsos aequalitas generositatis, dignitatis ac potentia discordiam augebat, nemine tantum ceteros precedente ut eius dominio reliqui se submittere dignarentur. Multas enim idoneos Principes ad regni gubernacula moderanda Francia genuisset, nisi fortuna eos emulatione virtutis in perniciem mutuam armasset. Ita Trogus, cuius verba Regino furari consuevit, de VII. Optimatibus Persarum qui Magos & Oropastam falsum Regem occiderant, scribit. Erant virtute & nobilitate ita pares, ut difficilem ex his populo electionem aequalitas faceret. Idem de amicis ducibusque Alexandri Magni in libro XIII. sic refert. Qui numquam sibi reperissent pares, si non inter se concurrissent: multosque Macedonia pro uno Alexandros habuisset, nisi fortuna eos emulatione virtutis in perniciem mutuam armasset. Inter ipsos verò aequalitas discordiam augebat, nemine tantum ceteros excedente, ut ei aliquis se submitteret. Tum autem veluti legitimo herede & naturali domino destituta. Regna Francorum habebantur à plerisque, quoniam Arnulfus Carolomanni ex pellice filius erat.

erat: Ludouicus autem Balbus coactus fuerat à patre Carolo repudiare Ansgardem coniugem, ex qua Ludouicum & Carolomannum filios habebat, & Adelheidem ducere, quæ Carolum postumum peperit: ita vt Carolus huius postumus qui Simplex vel Stultus cognominatus est, non magis quam Arnulfus ex legitima coniuge genitus, ac legitimus Ludouici Balbi filius iustusque heres & regni successor esse videretur. Omitto & Arnulfo Regi Transrhenano dictum esse, *hunc Carolum filium Ludouici non esse*, vt Fulco Remensis Episcopus in litteris ad Arnulfum apud Frodoardum scribit.

*Prouoluens iuuenum fusos in sanguine patres.*  
*Iuuenum id est natorum.* Sic Iuuenalis in Satyra VIII.

*Proditæ laxabant postarum claustra tyrannis.*  
*Exsiliū iuuenis ipsius Consulis.*  
 Hoc est filij Bruti Consulis.

Et in Satyra XI.  
*Iuuenis ex iuuenis specie latere tuū.*  
 In Sat. XIV.

*Quid suadet iuueni latus stridore cetera?*  
 Ibidem

*Es pater ergo animi felices credit auaros.*  
*Iuuenes hortatur, vt illam*  
*Ire viam pergant.*

Item

*Clamosus iuuenem pater excitat. Accipe, ceras.*

H

Scribe puor.

Item

*Cum dicis inueni, stultum qui donet amico.*

*Iam torquet iuuenem longa & ceruina senectus.*

Idem & apud alios vereres auctores obseruauit.

*Conatus agitare satis Vuidonem iniquos*

*Satis iniquos, valdè aut admodum iniquos: Sic ibidem*

*Cæus sat in arma superbus.*

Item

*Sat rationis inops.*

Quod historicos nostros & eorum temporum scriptores legentibus notissimum est.

*Cum pater egregius tecto sese intulit alto.* Berengarius.

*Annua vix toto rutilauerunt sidera mundo Pace sub hac.*

Vix, ac ne vix quidem. Non enim per totum annum quietus regnauit Berengarius, cum eodem quo coronatus Ticinũ erat anno, Vuido ei bellum inferre cœperit, vt nostri auctores docent, Regino, Annales Mettenses, aliique: apud quos inuenio, anno DCCCLXXXVIII. à quadam parte Itatorum Berengarium Regem constitutum esse; alios Vuidonem æquè Regi dignitate augendum decreuisse. Ambo itaque vno eodẽque anno Reges facti, Berengarius incunte anno, Vuido exeunte, quod & Carolo Sigonio placuisse video.

*Stimulis olim quia magis iniquis*

*Finibus absentes Gallos quæsiuit Etruscis. ]*

Hoc est, quia olim Berengarius principatu Caroli Crassi mihi motus inuidiâ intulit bellum, & Gallos quos arcessiuissè in Etruriam ad occupandum Regnum falsò dicebar, in Tuscorum Spoletinorumque finibus frustra quæsiuit armatus anno DCCCLXXXIII. De quo bello Annales Fuldenses & Hermannus cum Poëta nostro sunt consulendi.

*Princeps aberat, pacemque parabat*

*Imperio, Veronâ Atesis quâ culta salubris  
Irrigat. ]*

Quum Vuido Gallis & Tuscis Spoletinisque suis comitatus, pacem Italiæ turbare occæpit, abest Ticino Rex Berengarius, & Veronæ in extrema Italia vel in agro Veronensi commorabatur, Regem Arnulfum cum valido exercitu Italiam ingredi parantem placaturus, & cum eo pacem facturus: quam Tridenti ad Atesim factam esse Annales Fuldenses malunt. Abest autem Verona ab opido Tridento millia LX. De ea pace vide & Hermannum Contractum.

*Ensis in ore etiam præclara refulget iaspis. ]*

In fronte vaginæ, vt Iuuenalis loquitur, aut certè in capulo gladij.

*Manus capulo sit paræ animusque labori. ]*

Dextræ ad enses stringendos sint paratæ, & animi ad laborem ferendum. Paræ pro paratæ per syncopen.

*Et pactis differre nefas, quod fluctuat armis*

H ij

*Mersurum populos.*

Pactō singulari mecum certamine differre aut etiam auertere bellum ciuile, quod imminet, Italis aut saltem alterutri parti exitio futurum. Legitur aliàs, & *partis differre nefas.*

*Partitæque vices tolluntur in æquora gentes.]*

Feruntur in campos & in æquam planitiem milites, quos hodièque vulgò Gentes armorum vel Gentes armatas vocamus.

*Inuicti valeat verum quis ferre tyranni*

*Pondera virtutis?]*

Berengarij τὸ ἀνίκητον Κάιουεες : quem *Aufonia Ductorem & fulmineum Ducem* ibidem Poëta appellat.

*Non tamē absque viâ mentisq; vigore profunda.]*

Sine ratione, & sine vigore altæ mentis.

*Doctiloquos agit ille viros ad limen ouantis*

*Hesternæ nece victoris.]*

Vuido ad Berengarium hesternâ victoriâ lætum eloquentes & disertos Oratores mittit petitum, sibi vt liceret corpora suorum efferre ad sepulturam: qua legatione victum se ipse profitebatur. Quod à Poëta fictum non est, cùm Erchempertus scribat, Berengarium in priore hoc prælio campo potitum esse post magnam vtrimque cædem, & spolia legisse.

*Frenare dedit suprema potestas*

*Cui, ductor, fera bella.]*

O ductor, cui suprema potestas dedit fera bella superare: seu Rex, quem Deus referre ex hoste suo victoriam voluit.

# HADRIANI VALESII

## IN LIBRVM II.

### NOTÆ.

**G**AUSLINVS *tercentum equites fera bella  
volentes*

*Præcelerare iubet.]*

Gauslinus ille, & Vbertus, id est Hucbertus vel Hubertus, & Albricus, & Raginerius, & Vuilelmus, & Vbaldus, seu Hucbaldus Hubaldusve, Vuidonis socij & adiutores, qui fuerint, aut quarum urbium regionumve Duces & Comites, nescio: nisi quod Albricus vel Albericus Camerinus fuisse dicitur à Poëta: qui & è Gallia accitos, & è Tyrrhenis seu Spoletinis ac Camertibus Camerinisve socios Vuidonis & auxilios plerosque exstitisse indicat. Hic est forsitan Albericus Comes qui electioni Caroli Imperatoris cum Italici Regni Episcopis & Optimatibus anno dcccclxxvi. subscripsit. Vbaldus autem videtur fuisse Hubaldus Bonifacij Camerinorum & Spoletinorum Marchionis pater, quem Liutprandus in libri I. capite vii. scribit, pro Vuidone cum Berengario & Zuuentibaldo pugnas, & circa Ticinum in medio fluuiolo Baioarium prouocan-

H iij

tem lanceâ traiecisse. Vbertus infrà Gallum se dicit , si tamen idem est.

*Iubet tandem Lamberticus horror*

*Præcipuum truncare. ]*

Vnum & præcipuum è III. Ducibus qui Vuidonem in priore pugna iuuerant vnâque victi erant , & tum eundem sequebantur , capite truncari iussit Lambertus Vuidonis filius. Hic est Maginfredus Mediolanensium Comes , qui & Mediolanenses ad defectionem secum traxerat , & loca Comitatus suo proxima igne ferrôque vastabat : quem ob id Lambertus sententia capitali damnauit , vt Liutprandus scribit : filium eius , & generum oculis orbatos esse , in Annalibus Fuldensibus reperitur. *Lamberticus horror* , id est Lambertus odio impulsus propter defectionem perfidiâque hominis.

*Alta poli scandit , supremâque ponti*

*Tristis , vt almificis sese sustollere sceptris*

*Fortè queat. ]*

In promuntorio quodam ad litus maris suspensio hunc quisquis fuit , periisse videtur Poëta indicare *εἰς οὐρανόν* : nisi si legendum est *alta soli*. Hæc quia ignota , idèd & obscura.

*Armipotens Latij decus , & spes inclyta belli ]*

Berengarius Rex Italiae.

*Nec mora Vualfredus mille resumpsit amicos. ]*

Vualfredus qui Berengarium anno DCCCLXXXIX. aduersus Vuidonem tribus millibus armatorum iuuit , hic est omnino , qui in palatio Ti-



cinensi anno Domini DCCCLXXVI. regni domini Imperat. Caroli in Francia XXXVII. Imperij I. Indictione IX. electionem Caroli Aug. cum Episcopis, Abbatibus, Comitibus, & ceteris regni Italici Optimatibus confirmavit, tertiusque inter laicos ei subscripsit. Nam post signum Bosonis Ducis & Richardi Comitis, *fratrum Vualfridi Comitum* ibi inuenitur. Eundem Marchionem Foroiulensium fuisse, & Veronam in potestate Arnulfi Aug. fideliter retinuisse, quo anno DCCCXCVI. mortuo Berengarius ilico Regnum Italiæ velut hereditario ad se iure pertinens occupavit, referunt Annales Fuldenses his verbis. *Post mortem etenim Vualfredi Foroiulij Marchensis, qui multum fideliter ad Imperatorem Veronam contendendo retinuit, ilico Berengarius Regnum Italicum inuasit. Vualfredus iste Vuidonem, Regis Vuidonis parrium adiutorem, qui ab arvis Sequanicis illectus fuerat, seu à ripa Sequanz euocatus, hasta occidit eo in prælio: ut Poëta refert.*

*Pariter tria fulmina belli*

*Supponida cœunt: Regi sociabat amato.*

*Quos tunc fida satis coniunx.]*

Videtur Bertila coniux Berengarij Regis Italiæ, patrem habuisse Supponem, natione Francum: quæ tres fratres, Supponis filios viro suo auxiliares adiunxerit. Suppo autem iste, in Chronico Monasterij Casauriensis vocatur *Suppo Piceni Comes, qui & Dux inscribitur, in*

H iij

*Imperatoris exercitu fulgidus*, Ludouici nimirum iunioris, Lotharij Aug. filij, Ludouici Pij nepotis, *Marchie Comes* ibidem dictus. Et in libro MS. instrumentorum Monasterij Casaurienfis sæpe anni Supponis Comitum cum annis imperij Ludouici vel Hludouici eius adnotantur sic: anno imperij eius xx. & i. anno Supponis Com. die x x i x. mensis Septembris per Indictionem v. item Supponis Comitum anno Comitatus i. item i i. anno Comitatus Supponis, propterea quod res quæ per eas litteras Cœnobio Casaurienfi conferebantur, in Supponis huiusce Comitatu sitæ erant. Suppo Archiminister vocatur à Guilielmo Bibliothecario S. R. E. in Vita Hadriani PP. II. hoc est Palatij Ludouici iunioris Aug. Archiminister, vel Maior domus: qualis Carolo Caluo Aug. fuit Bosodux, Richildis Aug. frater, qui sacri Palatij Archiministrum in subscriptione Ticinensi seipso appellat. Idem electioni Caroli Aug. Ticini anno Domini dccc lxxvi. subscripsit, post mortem Ludouici iunioris Aug. anno i. Nam inter signa Comitum quinto loco ibi reperitur Signum Supponis Comitum. Epistolæ Iohannis Papæ VIII. ad Supponem illustrem vel Gloriosum Comitem Indictione x i. datæ leguntur duæ. Alterâ Iohannes ipsum etiam si Carolo-manni partibus studeret, rogat vt ad se vnâ cum Bosone Principe Romam redeuntem confestim veniat, & ceteros Procures Italiæ præ-

occupet de Republ. secum acturus. Alterâ eadem mandat, sibi vt post pacem inter Reges Francorum frustra tentatam ex Gallia reuerenti, ad Montem Cinisem obuiam celeriter occurrat, simulque Angelbergam Imperatricem, Anspertum Mediolanensem Archiepiscopum, Vuibbodem Parmensem Episcopum, aliosque fideles amicos precibus suis ad eundem conuentum adducat. Legitur & tertia Iohannis PP. VIII. epistola data Indictione XIII. hoc est anno Christi DCCCLXXX. ad *nobilissimos viros Egifredum, Supponem, Eripaldum, Berardum Bonifacij filium, & Cotesfredum Gloriosos Comites*, quâ eos orat vt Angelbergæ Aug. quæ Ludouici iunioris Aug. vxor fuerat, rerum possessionumque omnium curam & sollicitudinem gerant. Idem Imperatorem Carolum Crassum rogat, vt *Supponem Gloriosum Comitem & communem fidelem* secum Rauennam ad colloquium adducat. Indict. XI V. anno DCCCLXXXI. Suppo igitur ille, socer mihi videtur fuisse Berengarij R. cum sua ei vxor tres Supponis filios aduersus Vuidonem adiunxisse dicatur, & verisimillimum sit vxorem viro non alios quàm fratres & sanguine proximos adiungere potuisse.

*Tunc fida satis coniux: peritura venenis,*

*Sed postquàm haustura est inimica hortamina*  
*Circes.]*

Bertila tum valdè casta & fida erat viro suo

Berengario, & de eius salute sollicita, cui & fratres suos cum mille & quingentis equitibus aduersus Vuidonem adiunxit. Sed postea cum malum secuta consilium Berengario fidem non seruâset tori, ab eodē veneno sublata est: quod nusquam alibi quàm apud Poëtam nostrum legi.

*Sexcentos arguet onantes*

*Leuto viros: etiam simili strepit agmine frater  
Bernardus. Stimulant longis calcaribus armos  
Alipedum cuncti, & cludunt latera ardua parmis.  
Germanus sic bella gerit. ]*

Leuto, & Bernardus fratres sexcenos quisque equites, scutatos omnes more Germanico, & longis calcaribus videntes ad R. Berengarium adduxere auxilio. Ex quo intelligitur Leutonem & Bernardum, quicumque illi fratres fuerint, natione Germanos seu Francos fuisse, etiam si in Italia Comitatus aut etiam Ducatus obtinerent, ibique vitam agerent, & pletosque equites suos ex eadem natione habuisse, licet domicilio Italienses. Idem de trium Supponis filiorum mille & quingentis equitibus sentiendum est, quos Poëta noster ait loriceis ferreis pectora recta & galeas cristatas habuisse, *Teutonico ritu*; hoc est more patrio, more Germanico vel Francico.

*Albricus, Tiberine tuas nunc sanguine lymphas  
Qui fraude infecit. ]*

Albricus Berengarij adiutor, qui per fraudem nuper Tiberim crepauit. Legitur aliàs: *tuas*

*non sanguine lymphas qui fraude infecit.* Hic Albricus tam Poëtæ nostro notus erat, quàm nobis ignotus est. Marociæ quidem filium, & Iohannis PP. fratrem vterinum Albricum Patricium Romanorum apud Frodoardum in Chronico inuenio, qui anno dccccxxxiii. Romanam à Rege Hugone defendit, & quem inter ac Hugonem Odo Abbas pacem facere anno dccccxii. conabatur: quem Albricum vel Albericum Marozia ex Alberico Marchione genuisse dicitur Liutprando in libri iiii. capite xii. Sed Albericus Romanorum Patricius à Poëta nostro designari non potest, cùm liv. post pugnam Berengarij & Vuidonis anno vixerit. Ne Albericus quidem Marchio pater eius designari mihi videtur, qui Albericus Marchio anno dccccxv. florebat, vt Leo Marficanus in libri i. capite lv. tradit.

*Iamq; moræ impatiens glomerat Bonifacius amicos.]* Bonifacius iste, per ætatem non potest esse Hubaldi filius Bonifacius, Comes potentissimus, quem sua ætate Camerinorum ac Spoletinorum Marchionem fuisse, ac Regis Burgundionum & Langobardorum Rodulfi sororem Waldradam in matrimonio habuisse, Liutprandus scripsit: sed nec Berardi pater Bonifacius, ad quem Berardum Iohannes PP. VIII. epistolam datam Indictione xiii. misit: neque etiam pater Adelberti Tuscorum Marchionis Bonifacius.

*Aduolat Azo ferox, subigens in bella sodales.]*  
 In Chronici Noualiciensis Monasterij circa annum **ML**. sub Heinricho Augusto Imperatoris Chuonradi filio compositi libro v. ac penultimo inuenio, Adelheidam post viri sui Regis Lotharij mortem Ticini à R. Berengario iunior Berengarij nostri nepote comprehensam, cum arte pedisequæ esset elapsa custodiam, auxilium ab Attone auo Bonifacij petiisse: à quo in Canusinum castrum abducta, & à Rege Berengario diu frustra obsessa, ibi vsque ad Regis Ottonis aduentum in Italiam pæne tribus annis remanserit. Ottonem acceptâ in matrimonium Adelheidâ, vt Attonem ob fidem vxori suæ seruatam remuneraretur, castrum Canusinum ei quod Episcoporum Regensium fuerat, totâmq; regionem circumiacentem dedisse. Leo Marsicanus tres libros historiæ Monasterij Cassinensis ad suam ætatem, videlicet ad annum **MLXXXIX**. deduxit: cuius in libri i. capite vltimo scribit, cum Hugone Rege venisse in Italiam *Azzonem* hunc *Comitem* seu *Atonem*, auunculum Berardi cognomine Francici, propinquum ipsius Regis, à quo Marforum Comites orti sint: mortuo Hugonis filio Rege Lothario; Adelaidem vxorem eius ad Atonem propinquum suum sese in Canusam arcem munitissimam contulisse, quam Berengarius cum Alberto filio ferè triennio obsederit, donec ab Ottone Rege Germaniæ obsidione

liberata anno dccccli. & vxor ducta est. Domnizo Presbyter libros duos de vita Mathildis anno mxcv. composuit. Hic in capite ii. libri i. ait, Attonem Principem quem & Comitem appellat, vnum fuisse è iiii. Sigefredi Principis filius : qui Sigefredus relicto agro Lucensi, in fines Parmensium & Regiensium cum liberis transferit. Ex his Attonem Canossam quæ nuda silex erat in agro Regiensi, muris turribusque munivisse, & Adalardi Episcopi Regiensis militem factum esse, qui Adeleidam Reginam Lothario viro orbatam & ex arce Garda in qua custodiebatur elapsam, in castrum suum receperit, ibique tribus annis & dimidio à Berengario R. obsessus sit: Attoni filium fuisse Tedaldum, cui Episcopus Romanus Ferrariam dederit; Tedaldb Bonifacium Ducem Mathildis patrem; & Chonradum filios extitisse. Domnizonem sequitur Carolus Sigonius, & in libro vi. de Regno Italiæ prodit, *Sigisfridum Comitem qui ab Atestinis Principibus genus duceret, anno dcccxcvi. ex agro Lucensi ubi aliquamdiu fuisset, in Regiensem migravisse, atque ibi castella & possessiones multas pecuniâ comparavisse : eius à filio Atone & Mathildem Comitem, & Marchiones Atestinos qui usque ad suam ætatem maxima in Italia potentia & auctoritatis fuerint, ortos esse. Quod si verum est, vti suprâ ait diligentissimus auctor Sigonius, Sigefredum Principem Comitēve, patrem Atonis Comitis Re-*

gina Adelhaidis defensoris, *ab Atestinis Principibus genus duxisse*, planè existimem Azonem cuius Poëta noster meminit, & qui maiorem Berengarium anno dcccxxxix. aduersus Vuidonem iuuit, Sigefredi Principis Comitisque patrem, Atonis Comitæ, anno dccccli. Berengarij iunioris obsidione liberari auum fuisse, eundemque Atestinum Marchionem. Atto autem & Ato, Azzo, & Azo vnum idémque nomen est: quod complures ex ea familia Marchiones Atestini, Ferrariz ciuitatis domini habuere, vulgò Azones Marchiones Estenses dicti. Quippe Ateste Venetorum est ad Atesim, à quo & cognominatur, qui fluuit in mare Hadriaticum effluit: & vulgò *Este* vocatur. Poëta verò noster Azonem istum suum cum Olrico coniungit, quem *vicino à limite* maris Hadriatici manum suam coëgisse scribit hoc disticho,

*Vicinòque suas cogens ab limite turmas*

*Olricus, Latium Hadriacis quà clauditur undis*  
Itavt Azonem Olrico & mari Hadriatico propinquum facere videatur: quod Atestino Marchioni optimè conuenit, Ateste ad Atesim in Hadriam decidentem positum obtinenti.

*Vicinòque suas cogens ab limite turmas*

*Olricus, Latium Hadriacis quà clauditur undis,*

*Ac labor est seuis gladios pretendere Abaris. ]*

Olricus iste adiutor & commilito Berengarij, finitimus Azoni, & mari sinuive Hadriatico Venetiam Italiz regionem terminanti; haud



dubiè est Odalricus vel *Odelricus Comes Palatii* Berengarij , à Suevis Alamanniſve ortus : quem Liutprandus in libri II. capitibus xv. & xvi. prodit , poſtea à Berengario in vincula coniectum Lantberròque Archiepiſcopo commendatum ac traditum , atque Rege inſciente dimiſſum eſſe : & cum Adelberto Eporediæ Marchione , genero Regio , cum Gileberto Comite prædiuire & ſtrenuo , cum Lantberro Mediolanenſi Archiepiſcopo , & compluribus alijs Principibus Italiæ à Berengario deſciuiſſe , & Rodulſi Burgundionum Regis in eius locum ſubſtituendi conſilia iniuiſſe apud Brixiam , ibique ab Hungaris Berengario amicis cum ſe viriliter defendiſſet , præter ceteros interfectum eſſe , Adelbertum Marchionem & Gilebertum viuos captos. Ceterùm Poëtæ de Olrico verba indicant eum , quum inter Berengarium & Vuidonem iterum pugna commiſſa eſt , præfectum *limitis* Italiæ mari *Hadriatico* proximi , ſeu Marchionem Forſiuliſem exiſtiſſe.

*Ac labor eſt, ſauis gladios pratendere Abaris.]* Ita legebatur in codice M S. *Abaris* vel *Anaris* : quod cum non intelligeret librariuſ , *Iberis* ſcripſit magno errore. Quippe Iberi vel Hiſpani multum abſunt à Venetia & à ſinu Hadriatico. Auareſ autem Græciſ vulgò dicti ſunt *Acægi* & *Acæpiſ* vel *Acæpiſ* , id eſt Abari & Abares ; Victori Tununenſi Epicoſcopo Abari in Chronico , vt Poëtæ noſtro ; Theodulfo etiam , vt

Isidoro & Iohanni Biclarenſi Abares hoc verſu

*Quod deformis Abar, Pannonicusque Gipes.*

Annales Fuldenses in rebus anni dcccxcvi. & plurimi veteres rerum Caroli Magni ſcriptores Auaros, plerique Auares appellitarunt. Panegyriſtes noſter heic Abarorum ſeu Auarum nomine Hungaros designat, quos per Aquileiam & Veronam Venetiæ vrbes Italiam tum ingredi conſueuiſſe in libri ii. iv. & xvi. capitibus notat Liutprandus. Auares porro, Turci, & Hungari Hunnicæ erant nationes: minùs vt mirum ſit Auarum appellatione Hungaros designari, qui & eiufdem eſſent originis, & eaſdem quas antè Auares ad Hiſtrum ſedes incohererent. Sic & Vuitichindus, Corbeienſis Monachus, qui ad Ottonis maioris mortem ſeu ad annum dcccclxxiii. Annales ſuos deduxit, *Dalamanti* (inquit) *conduxerunt aduerſus eum Auares, quos modo Vngaros vocamus, gentem bello aſperrimam*: & circa finem libri i. Anna-  
lium ac in libro iii. eoſdem modò *Vngaros*, modò *Auares* appellat. Sic Roſwitha Ganderſheimenſis Monacha ab Heinrico Baioariorum Duce, Oddonis ſeu Ottonis Magni fratre, ſæpe ſuperatos *Auares* ſiue Hungaros ſcribit.

*Auareſque per hunc ſeui ſepiſſime victi.*

Ditmarus quoque Merſepurgenſis Episcopos, qui anno mxviii. obuiſſe dicitur, ſæpe in libro præſertim ii. Chronici Hungaros *Auarum phatretratorum* nomine designauit, præcipuè his verbis.

verbis. *Ecce iterum Auares, id est Vngari aduersum nos arma commouebant.* Auctor Annalium Fuldensium Vuirichindo, Roswitha & Dithmaro multo vetustior, in rebus anni *decēxcvi.* & anni *decēcc.* ita etiam loquitur. *Pactum Græci eodem anno cum Auaris quæ dicuntur Vngari, facientes: item, Auari qui dicuntur Vngari, tota deuastata Italia reuerti sunt.* Eisdem Poeta non sterili libro isto Vngros vocat hoc versu,  
*Vngorum cupis infansas differre sagittas*  
*Tertius:*  
*Vngros* similiter in quibusdam Chroniciis, ab Hepidimo & Agarenos vocatos ingenio, nomine Vngarorum in Agarenorum vocabulum corrupte mendoseque detorto. Donatus quoque *Gorgius*, Vngroive pro Hungaris vel Vngaris appellare consuevit: Niceas in libro in modum *Oxygon*; modo *Nalotai* seu Pannionios & sedibus quas occupauerant dicit: interdum *Oxygon* Hannos; ve & Suidas; communem Gentis nomine appellat: quod Hunnorum nomen Auatibus etiam & Tutois ab historicis attributum reperias. Sed quod forsitan pauci obscurare; Hungari postquam Pannoniam armis occupauerunt, interdum non raram Auarum, sed etiam Turcorum appellatione improprie sunt designati. Constantinus Porphyrogenetus Turcos Patzinacitis & Rossis confines facit, & in capite xii. libri de administrando Imperio ait, Turcos habere ab Occidente Fran-

ciam, à Septentrione Patzinacitas seu Trans-  
silvanos, à Meridie magnam Moraviam, quam  
subegerint; Chrobatas etiam ad montes ver-  
sus finitimos esse. Constat autem hodieque  
Hungariam Transsilvaniam, Croatiam, Moraviam,  
& Russiam terminari; Savae flumine à Croatia di-  
tindi. Et in capitibus xxvii. ac xxx. scribit Lan-  
gobardos & Avars coluisse Pannoniam circa  
Danubium, ubi iam Turci habitent. Idem in  
capite xxi. pontem Traiani, & Beogradam  
Belogradumve seu Taurunum, & Sirmium in  
Turcia ponit, & in capite xlii. Turcos inter  
Danubium & Savae iacentem regionem etiam  
obtinere ait. Luperandus in libris xi. capitibus  
ii. & viii. eisdem nominis Hungaros, nunc Tur-  
cos appellat. Zuparas quoque in Leone Philo-  
sopho *Turcorum ad Istrum quibus Vagri vocantur*  
memoria, & in Constantino filio Leonis ab  
eodem Bologudes & Gyla *Turcorum vel Vagri*  
*Principes* vocantur, ac in Nicephoro  
Phoca Turci, qui & Vagri Tatariam vastasse  
dicuntur. Haec si quis sum persequatur, & qui  
historicos legunt, intelligant sepe unam eam-  
demque Gentem pluribus nominibus cum com-  
munibus cum propriis, & nonnumquam im-  
propriis, & plures Gentes una appellatione de-  
signari. *Farat illesten studio Manertis utrimque. Turci  
(Pantificas vereor.)* Ergo Poëta noster, notos quidem habuit Epi-

scopos, qui posteriori pugnae inter Berengarium & Vuidonem inita interfuerunt: sed ut dignitati eorum parceret, vniuersos indictos transiit. Duces autem ac Episcopos qui praelio huic interfuere, notos habere nisi auctor equalis non potuit. Et Duces quidem, seu Proceres Italiae & Galliae, utrarumque partium adiutores commemorant Panegyristes; Antistites ut dixi de industria omisit, quos sacri Canones bellare vetuerunt.

*Rebat licitum nec fœdera paucis  
Effari.]*

Ex his verbis intelligitur, Berengarium qui anno MCCCLXXVIII. cum Arnulfo Rege Germaniae iam pacem fecerat, iterum insequenti anno ante alteram istam pugnam cum eodem Rege armis foedus iunxisse metu Vuidonis.

*Prohibere vitius Vuidonis iniquas  
Sine pinis, sapientis, dudum qui funera campo  
Experti.]*

Ex prioris pugnae euentu intelligitis, didicistis, scitis plura atque minus esse cum Vuidono pugnare: qui me regno à vobis delato spoliare conatur, inquit Berengarius. Sapere pro seiretum dicebant, & pro docto sapientem, ut hodieque patriam linguam dicimus.

*Vix labara opperiens.]*  
Vix signa expectans atque vexilla.

*Sed iam bella vocat. Alias nunc suggere vires &c.]*  
Hos xx. versus vsque ad

*Aëriam Rhodopen solida nunc verberat, arctos.*  
ex Statianæ Thebaidos libro viii. pæne ad  
verbum transtulit in Panegyricum suum. Poëta  
noster : qui à Statio plerumque, ac nonnum-  
quam ab aliis veteribus Poëtis comparationes  
suas, descriptionesque mutuatur.

*Hinc acies sequitur caso ductore, furitque*

*Alcherium sternens heros Atesinus, & Othum.]*

Esti hoc de Vualfredo Berengariano potest in-  
telligi, qui interfecto Vuidone Sequanico, mi-  
lites ipsius Duce destitutos infecutus sit, & ce-  
ciderit : tamen *herois Atesini* nomine Regem  
Berengarium designari malim, quem constat  
Veronæ ad Atesum commorari consuevisse,  
eâque sedem Ticino vrbi Regiæ & Lango-  
bardorum Regum sedi veteri prætulisse. Sic  
Gregorius Turonicus Episcopus in libri 1. hi-  
storiæ Francicæ capite xi. & in libello de Vi-  
ta S. Hillidij Aruernorum Episcopi *Imperato-  
rem Treuericum* appellat Maximum, qui in  
Britannia insula factus Imperator, Gratiano  
Aug. in Galliis victo & interfecto, Augustæ  
Treuirorum sedem statuerat : quæ vrbs iam  
inde à Constantij Chlorig. Cæsaris exortu per  
annos ferè centum Imperatorum & Cæsarium  
in Galliis morantium Regia iam fuerat. Sic &  
Theodericus Gothorum & Italarum Rex, à  
Germanis scriptoribus cognominatus est Vero-  
nensis, quòd Veronam sæpe sedem habuisset,  
eâque urbem nouis & relictis operibus exor-

nauiſſet : eſſi aliqui Rauennensẽ dictum malunt. Ceterum in posteriore verſu Aſcherium legendum puto potiusquàm Alcherium : & ita typis imprimendum curauĩ. Nam Aſcharius vel Aſcherius notum eſt. nomen ; Alcherius ignotum. *Othum* autem vel *Otũ* pro *Ottonẽ* Poëta poſuit : ſicut à Theophylacto Simocatta in libri vi. capite 111. Theodorici Francorum Regis legatĩ Βός & Βέλος, ſeu Boſus & Bettus vocantur, qui Boſo & Betto dicebantur. Constantino quoque Porphyrogeneto in capite xxvi. frater Regis Italię Hugonis nunc Βόζων, nunc Βούζος ſeu Boſus appellatur, quem Liutprandus in libri 1v. capite v. ceterique Boſonem nuncupant. Imp. Otto maior, Ωτος ὁ πρῶτος βασιλεὺς Cedreno dicitur, id eſt Otus.

*Nĩ Rhodanicus ſuccurrere Ductor*  
*Admonitus, feſſis ſubitò adforet ultor amicis.]*  
*Rhodanicus Ductor* eſt Vuido, ducens in prælium Rhodani accolæ, vel ortus maioribus Francis, incolis Gallię ad flumen Rhodanum. Unde ſubiicit Poëta  
*Haud aliſter dærum Vuido ſe tollit in æquor.*  
*Hic celſum quòd cernit equo turbare ſoldates*  
*Erardum.]*

Vuido Rex indignatus & ægrè ferens ab Herardo Berengariano ſuos equis deturbari, deiicit. Poëta noſter Erardum pro Herardo, vt Vbertum pro Huberto, pro Hubaldo Vbal-

dum, pro Hildebrando vel Childebrando Ild-  
prandum dicit, more Italogum qui tum adspi-  
rationem oderant.

*Osharij, comites rabido clamore vocantis.]*  
Otgarij scribi malim, & ita in codice scriptum  
fuisse puto, quod librarius in Osharium mu-  
tauerit. Quare Otgarij edi curavi.

*Elatasque domos rutilo farcire metallo.]*  
Notat Poëta per Hubertum Gallum avaritiam  
& ambitionem Italogum ætatis suæ, altis do-  
mibus & auro refertis gaudentium: eum Galli  
contra seu Franci Galliarum domini humilibus æ-  
dibus essent contenti, quas hostilibus spoliis  
exornare consueverant.

*Depressumque larem spoliis hinc inde coactis  
sustentare.*

*Senior at miseris instat regnator Etruscis  
Hesperiae.]*

Regnator Hesperiarum Berengarius est, qui Tusci  
Spolethinisve & Camertibus pro Vuidone pu-  
gnantibus acrius instabat.

*Cum multa gementi*

*Valde gravis curvas perfringit lancea costas.]*  
Omnino scriptum erat in codice *Vualdegravi*,  
id est *Vualdgravi*, quod nomen lingua Germanica  
silvarum Comitem Praefectumve significat;  
aut certe *Vualdegari*, vulgo Germani *Vuald-  
gor* aut *Vualdgaz* dicunt. Sed prius malo:  
quod nomen cum librarius non intelligeret,  
inepte diuisit in duo, & scripsit *Valde gravis*



sensu, & contumaci syllabâ repugnantibus:

*Ac velut Edoni Boreæ cum spiritus alto*

*Insonat Aegeo.* ]

Hic versus cum tribus sequentibus & hemistichio Virgilij est in libro xii. *Aeneidos*. Cetera Poëtæ nostri furta, suo quodque loco notare tanti non est.

*Vt vidit socios Regi dare terga sequaci*

*Ildeprandus.* ]

Vt vidit Hildebrandus Tuscus socios suos in fugam coniectos, Rege Berengario insequente.

*Num sacra riguit Styge? Num penetrabile plantis*

*Hunc modo tergo obit?* ]

Alludit Poëta ad Achillem. An Berengarius Achilles exemplo Styge lotus induruit? An cutis ei est telis impenetrabilis præterquam in planta?

*Mortali urgemur ab hoste,*

*Haud legione pium Domino qua seruit ad usum.* ]

Non à legione aliqua Angelorum, quibus Deus uti consuevit, sed à Berengario hoste mortali mortales urgemur: quod Hemistichium Virgilianum est.

*Femur ingenti ferit eminus ictu*

*Ductoris Latij. Satis hoc: & tollere grossum*

*Ponè citus facti cogente timore parabat.* ]

Hildebrandus cum Berengarium Regem eminus vulnerasset in femore, contentus audaci facto, & ne ab ipso interficeretur metuens, fugere parabat: optabatque illæsus euadere, satis actum existimans, quod fortissimo viro &

magno Principi vulnus intulisset.

*Terebrat faciem quartis sine lege labellis.]*

Vulnus duo utrimque labra facit in cute. Itaque Berengarius Hildebrandum vulnerando in facie, pro duobus IV. ei labra fecisse videbatur.

# HADRIANI VALESII

IN LIBRVM III.

NOTÆ.

**L**IBER III. incipit ab eo versu

*Tanta per Ausonios deferuere prœlia campos,*  
qui in pag. xxxix. sextus est versus. Quod ideo notandum est, quia nescio qua ratione accidit inter edendum, ut libri II. & III. in vnum coniungerentur, nec initium libri tertij à fine secundi distingueretur.

*Moxq; vocans genitum: Duras Sinbalde maniplos  
Inquit age.]*

Filius Arnulfi Regis Germaniæ ex concubina, quem Poëta Sinbaldum vocat, Cendebaldus Abboni; in Annalibus Fuldensibus Zuuentibaldus, & Zuentibolchus; Reginoni Zundibolch; Zuuendeboldus Liutprando dicitur. Tamen si autem in libri II. fine Poëta ait, posterius prælium Berengarium inter & Vuidonem post magnam utrimque cædem factam nocte esse

diremtum : tamen hæc Arnulfi ad filium verba

*Tot veniunt. Tantùmne potis perferre dolorem,*

*Nostra ut progenies propria vexetur in aula?*

fatis ostendunt euentum huius prælij Berengario pæne exitiabilem fuisse. Ægrè fert Arnulfus, quòd ad Vuidonem post pugnam istam confluant Galli Rhodani & Araris accolæ, ac Hydræ Lernææ capitum more *per vulnera succrescant*; *Tot veniunt*: & quòd Berengarius propinquus & amicus suus suo in Regno, sua in sede *vexetur*. Cuius verò aliùs copiz crescere solent quàm victoris? Cuius aliùs imminui quàm victi? An Vuido Berengarium *vexare* post prælium potuisset, si non vicisset? Victus à victore *vexari* solet; victor à victo non solet, non potest. Et victus potiusquàm victor externis eget auxiliis, qualibus tum Berengarius indiguit: cui Arnulfum sponte nec roganti ac necopinanti quidem auxilia contra Vuidonem misisse, vti credi vult Panegyristes, parum verisimile est.

*Et mœnia scindam*

*Ausonia, rutilam donec veniatur ad aulam*

*Clauigeri. ]*

Denuntiat iam Arnulfus, se post filium Italiam ingressurum, & vrbes quæ portas sibi clauserint excisurum, ac viâ armis factâ Romam venturum, ibique in aurata Basilica S. Petri, cui claues regni cælorum à Christo commissæ sunt, vota facturum.

*Celsas nimium quâ tollit in arces*

*Se regnum, ac subitis Rhenos discriminat oris. ]*

Locus, vbi præcellam in arcem attollitur Italia, & à Venetis Germanos diuidit, seu potius Vindelicos Arnulfo Germaniæ Regi subiectos, est-ut puto. Tridentum, in finibus Italiæ ad flumen Atesin positum, quod opidum abest ab Augusta Vindelicorum millia passuum circiter ccxii. & Marchiæ Tridentinæ apud Liutprandum in libri iv. capite xii. nomen dedit: Quo in loco anno dcccclxxxviii. cum R. Arnulfo collocutus erat Rex Berengarius, pacemque fecerat, vri Annales Fuldenses docent. Rheni autem, sunt. accolæ fluminis Rheni, & ab eo cognominati, sicut Stephanus de urbibus & populis scribit: Rheni pro Rhenanis aut Rhenensibus dicti: sed heic pro Vindelicis Tridento confinibus ponuntur à Poëta. Legendum autem videtur

*ac Venetis Rhenos. discriminat oris.*

Nec aliter scriptum in codice fuisse puto, pro quo librarius ineptè supposuit *subitis* nullo sensu.

*Tæque uatere cupit, pacatis fœdere campis*

*Mansuro Latij.]*

Pater meus Arnulfus, meum tuumque præsidium valet, & valere te cupit, Rex Berengari, ac campis Latij fœdere mansuro pacatis frui, hoc est, te in Italia quietum & diuturnæ pacis compotem regnare, ac fœdere quod cum ipso iniisti, diu gaudere optat.

*Interea loca tua petit Dux Gallicus, atqui*

*Non geminis obstare sua virtute tyrannis.*

*Posse videns.]*

Rex Vuido Gallicis fretus auxiliis, Ticinum urbem naturâ munitam petiit, & castra ibi ad Veruauolum amniculum posuit: cum intelligeret se duobus Regibus Berengario & Zuuentibaldo (nam & Regum filij Reges tyrannive appellantur) viribus imparem esse, ac resistere vnum ambobus non posse.

*Illi frenitu (miserabile) clusos*

*Irritant, hinc inde solum peragrando Latinum.]*

Berengarius & Zuuentibaldus Widonianos Ticino & aliis locis munitissimis inclusos minis, probris, & excursionibus populationibusque agrorum elicere conabantur ad eruptionem & pugnam: sed cum animaduverterent nihil eos audere, non æquo dare se campo, monereturque Berengarius solum se ad Widonem debellandum parem fore, Zuuentibaldus ad patrem suum rediit. Ut de causa aduentus, sic de causa reditus Zuuentibaldi Liutprandus aliter sentit ac Sigebertus,

*Fortia iussa citò scriba sulcate papyris,*

*Ætutum populos cogant quæ adstare iubenti.]*

Hypallage est, sulcate iussa papyris, pro sulcate iussis meis papyros, id est chartas è papyro factas. Mos tum erat Regibus Francorum, populis ditionis suæ cunctis, aut vni alicui nationi proximæ in generali Conuentu expeditionem in hostem indicere Procerum consensu comprobata, vel saltem Comitibus Præse-

& siue ciuitatum, & Ducibus prouinciarum  
 scribere atque mandare, vt certum in locum  
 certo die suos quisque milites adducerent: fi-  
 cut ab Arnulfo tum factum est. *Scribe* autem  
 seu *Notarij*, in *Glossis Silentarij* dicuntur.  
 Chartam ex papyro præparatam Poëta noster  
 papyrum supra vocat, quo nomine chartam  
 nostram ex veteribus pannis quiscuilibet  
 confectam appellamus. Petrus Mauricius Ve-  
 nerabilis, Abbas Cluniacensis in tractatu con-  
 tra Iudæos postquam in pellibus arietum &  
 vitulorum, id est in membranis Pergamenis, in  
 biblis iuncisue paludum Orientalium, seu in  
 charta ex papyro Ægyptia, Nilotica, Syria, Ba-  
 byloniæ confecta pennis calamisue scribi sua  
 ætate solere ait; chartam quoque qua nunc  
 utimur describit his verbis. *Legit, inquis Iudæe,*  
*Deus in calis librum Talmuth: sed cuiusmodi*  
*librum? Si talem, quales cotidie in usu legendi*  
*habemus, utique ex pellibus arietum, hircorum*  
*vel vitulorum; siue ex biblis vel iuncis Orienta-*  
*lium paludum; aut ex rasuris veterum panno-*  
*rum seu ex qualibet alia fortè viliore materiâ*  
*compactos, & pennis animum vel calamis palu-*  
*strium locorum qualibet tinctura infectis descri-*  
*ptos.* Ex quo apparet, ætate Petri Mauricij  
 ante annos D. chartam nostram vulgarem iam  
 tum in usu fuisse, eamque cum alibi tum apud  
 Aruernos (vbi optima hodieque fit) ex rasuris  
 veterum pannorum & ex qualibet alia vili ma-

teria compingi consueuisse, cerarum & corticum & linteorum vsu pridem abolito. Qui chartæ nostræ vulgaris ante Mauricium meminerit, neminem obseruauit.

*Oderit Hesperia, faxo, Dux nomen amata*

*Improbis, extremis terra vel postus in oris.]*

Faciã, oderit Vuido tantopere amatam sibi Italiam, in extremas terræ regiones à me relegatus. *Ducem* Arnulfus per contemptum vocat Vuidonem Aug. quasi tum adhuc Spole-  
tinorum Dux solummodò esset. *Postus* dixit Poëta per syncopen pro positus.

*Cum Vuidonis abit raucore soluta superbo*

*Fama in castra rei.]*

Cum fama rei, superbâ raucedine soluta abit in castra Vuidonis. Raucorem Poëta vocauit, quam alij rauim, alij raucedinem & raucitatem appellare malunt.

*Moneo, seruate secundis*

*Rebus eò vosmet, tantis ac parcite bellis.]*

Ideò vos rebus secundis seruate, & vsque ad Arnulfi discessum ex Italia abstinere à præliis, ac vobis quisque qualibet ratione consulite.

*Pingue solum interea Regum dum lustrat uterque] uterque Regum, Arnulfus & Berengarius. Sic infra :*

*Qui Regum infelix postquam defertur ad aures.*  
Item

*Urget enim utrorumque nimis presentia Regum.*  
Item

*Regum imperio Romana petentum* *Atria*

Et

*Ne lepidos caperent siquidem sedata tyrannos.*

Ibidem

*Talibus imperiis talique hortamine Regum.*

Necnon

*Admittantque Duces veneranda ad delubra mites.*

Quibus in versibus *Regum*, & *tyrannorum*, &

*Ducum* nominibus Arnulfus & Berengarius designantur.

*Pergami adueniunt urbem.* }

Pergamum Paullus Langobardus, Regino, Annales Fuldenses & Mettenses, & Liuprandus, ceterique eorum temporum scriptores vocant urbem Bergomum in Venetia positam.

*Captumque locis emitte firmis*

*Vis certent.* }

Hoc est, contendant vi captum firmo munitoque loco delicere, expellere, extradere, nimirum Bergamo.

*Urget enim utrorumque nimis presentia Regum.*

*Mœnia quod retinent carum pro munere dant.* }

Valdè enim urget utrorumque Regum presentia, dantum pro munere, quod carum retinent mœnia, id est, direptionem urbis militibus pollicentium. Nimis tum ut & satis dicebant pro valdè, admodum. Sic Poëta noster Bergomum urbem fuisse ait

*Munitam iaculis nimirum sudibusque praeustis,*

*Naturâ tribuente locum satis arcibus aptum.*



*Nec possunt ob stare tamen. Tot millibus alii  
Deficiunt verum. ]*

Opidani licet se strenuè defendant, tamen Germanis resistere non possunt; sed à tot millibus hominum armatis oppugnati, deficiunt atque succumbunt.

*Ecce verenda prius nullo sub honore tenentur.*

*Atria. ]*

Ecclesiæ, quæ cunctis venerationi antè erant, inhonoratæ à milite victore violabantur impune. Ibi velaminibus, vittisque seu ligaminibus, & Guimpis scissis sacre Virgines corrumpebantur; inde Presbyteri Clericique fugiebant: cum viderent, quosdam Presbyteros trahi victis manibus, quas Catholici post Communionem osculari consueuissent.

*Nam scissis pereunt velamina vittis*

*Virginis: impulsusque sacer fugit ipse minister:*

*Quorundam stringunt ambas quia vincula palmas,*

*Oscula qua solita sacris sentire litatis.*

De Arnulfi militum immanitate & libidine ea in expeditione, sic Liutprandus in libri 1. capite ix. refert. Sacerdotes Dei victi trahebantur: sacre Virgines vi opprimebantur: coniugata violabantur. Neque Ecclesiæ confugientibus poterant esse asyllum: sed mulieres eòdem publicè prostituebantur.

*Adscensu celeri petit ardua turris,*

*Ædibus ingeniis quorundam Marte refertis.*

*Pellitur inde tamen. ]*

Ambrosius Bergomatium Comes vt vidit urbem vi captam expugnatamque esse , in turrim se contulit , nullum aliud receptaculum tanto in discrimine sibi superesse existimans.

*Nil sibi sub tanto fidens superesse periclo.*

Inde tamen depulsus est & captus ,

*Ædibus ingeniis quorundam Marte refertis.*

Hoc est turri ipsa , vel ædibus turri contiguis , per quas aditus ad turrim erat , quorundam Mechanicorum arte vique referatis & effractis. *Refertis* per syncopen Poëta dixit pro referatis , vt in libro i. *parta* pro parata. Ingenia autem machinas appellari , & Architectos seu Fabros ac μηχανικούς , Ingeniosos etiam Latinis dictos esse constat , quemadmodum nos hodieque cum Hispanis eos vocamus. Hoc nomen ante annos xx. apud C. Plinium Cæciliū in libri Epistolarum x. epistola xl. obseruare memini : quod & Ægidium Menagium V. C. monui , cū anno M D C L. Origines linguæ Francicæ ederet. Traiani Aug. ad C. Plinium Secundum de Nicensium theatro & de Claudiopopolitanorum balineo scribentis verba sunt hæc. *Architecti tibi deesse non possunt. Nulla provincia est , qua non peritos & Ingeniosos homines habeat : modo ne existimes breuius esse ab Urbe mitti , cū ex Græcia etiam ad nos venire soliti sint.* Ceterū librarius perperam scripserat

*Ædibus ingenuis quorundam Marte refertis.*

Quibus

quibus verbis nullus inest sensus tolerabilis.

*Sed quia non illis Prædo tutacula terris*

*Obtinuit; subito Etruscas procinctus ad oras*

*Verit iter, Regum imperio Romana petentum*

*Atria: ne summa forsàn quia mansit in aula,*

*Haud latuisse queat Gallus se dicere, postquàm*

*&c.]*

Sed quia Wido post amissum Bergomum nulla amplius in Liguria & Venetia habebat munita loca & portugia, iussu Regum Arnulfi & Berengarij agmen subito processit in Etruriam (ubi Vuido Camerinum & Spoletium præ cæteris obtinebat) & ad urbem Romanam: ne forsàn Vuido post Arnulfi discessum ex Italia, dicere posset atque iactare, se minimè latuisse, qui Romanam sum tenuerit. Prædo vocatur à Poëta Vuido, quia Berengarij Regnum inuaserat. Sic Procopius *latro nocturnus* & prædo dicitur in Chronico à Sirmundo edito: sic tyranni varij à variis auctoribus latrones & prædones nuncupantur. *Summa aula* ut puto dicitur Poëtæ altissima munitio in ipso Urbis aditu ad Pontem, cuius in vertice Ecclesia Sancti Angeli ad Cælos posita erat, ab Archangelo Michaële ita cognominata: de qua munitione vel castello, deque Ecclesia Liutprandus in capite XII. libri III. refert. Tutacula vocauit Panegyristes noster loca tuta situ, arcēs aut castella arte vel naturâ munita. Tutaculum seg tutamen à tutari, ut miraculum à mirari deductum.

K

*Fugerat hic Romana vafer sed culmina tandem,  
Ne lepidos caperent siquidem sedata Tyrannos.]*

Sed Vuido tandem Romana in culmina fugerat, seu in arcem S. Angeli sese contulerat, metuens ne pacatis motibus partium, Arnulfum & Berengarium Reges citra vim indefensa Roma reciperet.

*- Hi tamen accitis hostilia crimina pandunt  
- Signiferis. ]*

Hi tamen ambo Reges, Arnulfus & Berengarius Primores exercitus ac signiferos conuocatos edocent, quid Vuido hostis fecerit, quidque mereatur: Sergij Antipapæ Vuidoni fauentis, Sergianorumque aduersus Formosum Episcopum Rom. iniurias exponunt, ac clausas portas insistere id est oppugnare eos iubent.

*- Vi saltem referantis adire ut limina calum  
- Principis Ecclesia liceat. ]*

*- Ut saltem sibi liceat vi adire limina Ecclesie Principis referantis calum,* seu limina Basilicæ Sancti Petri Apostolorum Principis, cui Christus clauces cæli commisit: id est ut saltem urbem Leonianam vel Romam Leonianam heptapylon, quæ Burgus S. Petri dicitur, per vim intrare possent, ibi in Basilica B. Petri & ad sepulcrum eius vota facturi, ac promissa dona oblaturi.

*- Talibus imperiis, talique hortamine Regum  
- Induuias rapiunt cuncti Mauortis anhel. ]*

Assis & allocutione Arnulfi ac Berengarij Regum accensi milites, cuncti arma capiunt, quæ

Poëta *Manortis induuias* appellat, quod his pugnaturi induantur.

*Iam quia parva sibi speculantur nigra Quirites,*

*Vndique diffusis referant penetralibus Urbem,*

*Admittuntq; Duces veneranda ad delubra mitos.]*

Romani, cum viderent aduersa sibi imminere muris vndique effractis & deiectis, portas vrbis Leonianæ patefaciunt, & ambos Reges in B. Petri Basilicam introducunt. *Parva Poëta* dixit pro parata, impendentiâ. Sic in libro *ab Manus capulo sit parva.*

Et in libro *iv.*

*Forte aliqua partos valeat si rumpere nodos,*

*Quo in versu tamen forsitan legendum est potius artos: itavt synalœpha non fiat, siue præcedentis vocalis a eliso.*

*Ardet inexpletum Ductor proferre furorem,*

*Barbarus: infrenes animos sic ira fatigat.]*

Ductor Barbarus, id est Arnulfus Dux Barbarorum seu Germanorum. Iratus post vocat in Basilica B. Petri soluta vult totâ Româ potiti, vult & cupit Vuidonem vsque ad internecionem persequi & capere. Vnde subiicit.

*At Ductor Latij socium sine more tyrannum,*

*Vt videt ingruere.]*

Id est, postquam Berengarius Rex Italiæ socium suum Regem Arnulfum vidit nimis imminere Vuidoni. Et infrâ de Arnulfo.

*Mitior his dictis patitur repedare volentes &c.*

*Quid faciat, quò se vertat, quæ moenia visat.]*

*Ignorat rationis inops. Nam summa tenebat,  
Spes ubi pestiferis restabat postera Gallis.]*

Hic Poëta non de R. Arnulfo loquitur, sed de Vuidone Augusto nesciente quò se verteret, aut quæ in opida quæve in regiones sese conferret, imminentibus sibi Arnulfo & Berengario. Tam autem Vuido altissimo munimento vel arce Sancti Angeli suam fuorūque Tuscorum & Gallorum salutem tuebatur, ut docent hæc verba,

*Nam summa tenebat,*

*Spes ubi pestiferis restabat postera Gallis.*

Idem suprà de Vuidone dixerat.

*Ne summa forsū quia mansit in aula,*

*Haud lucuisse queat Gallus se dicere.*

*Spes postera dicta est à Poëta pro postrema, suprema.*

*Desine Rex venerande: satis virtute peractum.*

*Nec decet ulterius socios deducere Rhenos.]*

Berengarius Arnulfum alloquitur, & satis viribus actum esse ait, nec opus esse Germanos socios suos ulterius ab eo duci. Rhenos iam suprà pro Germanis dixit.

*Nam sitidem Vuido victis spem ponit in armis,*

*Adueniat tumidus dextrâ hac sine, posco, domandus:*

*[Te dominantem: viris antiquo fœdere iunctis.]*

Nam si Vuido restum aram resumit, sine posco tumidus adueniat, hac meâ dextrâ domandus.

Hoc est, patere, fer cum insanire: opto ut ar-

matus mihi occurrat. Viribus meis haud dubio  
superabitur: dextrâ meâ prosterneatur; nec ul-  
lis ad id auxiliis egeo.

*Te dominante viris antiquo fœdere iunctis.]*

Anno regni i. Christi DCCCLXXVIII. Berenga-  
rius pacem cum Arnulfo fecerat, vt Annales  
Fuldenses & Chronicon Hermannii docent;  
iterum sequente anno ante posteriorem cum  
Vuidone pugnam, artius fœdus societatemque  
belli cum eodem Arnulfo iunxerat, vt Poëta  
noster suprâ testatur his verbis,

*Rheni licitum nec fœdera paucis*

*Effari.*

ita vt antiquum fœdus dici potuerit à Poëta,  
quod ante annos ix. initum, ante viii. con-  
firmatum erat. Liutprandus in capite vii. li-  
bri i. bis renouari postea huius fœderis me-  
minit, primùm ante Zuuentibaldi aduentum  
in Italiam, secundò priusquàm Arnulfus ipso  
intraret Italiam. Scribit autem à Vuidone bis  
victum Berengarium, promississe Arnulfo po-  
tentissimo Regi, se suosque eius potentia serui-  
turus, si ipsius auxilio Vuidonem superaret, Re-  
gnùmque Italicum sibi vindicaret: & eundem  
cum Zuuentibaldo domum reuertente Arnul-  
fum adiuisse, pollicitumque esse, si ipsum adiun-  
set, se totam Italiam ( vt antè promiserat ) dispo-  
ni eius subiecturum: hoc est, se & suos milites,  
aut ( vt vulgari vtar verbo ) homines Arnulfi fu-  
turos; se Langobardiæ Regnum de manu Ar-

Arnulfi accepturum, & beneficio eius possessurum Italiam, cui Arnulfus ex pacto fœdere dominaturus, quam sub ditione sua habiturus esset. Hinc Poëta dicit de Arnulfo

*Te dominante viris antiquo fœdere iunctis.*

quasi ex fœderis condicionibus dominus esset Arnulfus Langobardiæ ipsi subiectæ, & omnium in Langobardia sedes habentium, nimirum Francorum, Langobardorum, Italorum.

*Germana Princeps metuendus & arbiter aula.]*

Arnulfus, qui ibidem à Berengario Rex venerandus; à Poëta Rex verendus vocatur. Ceterum heic Poëta quem Liutprandus secutus est, vnam tantum Arnulfi expeditionem Italianam, Bergomum Romamque ingressi commemorat: cum ceteri duas referant, quarum prior Bergomum expugnatum sit, posteriore Roma: & Romanis ipsis portas patefacientibus urbem Leonianam ab Arnulfo ac Berengario intratam, donaque ab ambobus Regibus in Basilica B. Petri super altare oblata esse, ac suasu Berengarij Arnulfum copias reduxisse in Germaniam solus dicit Poëta noster: nec Imperatorem Romæ appellatum factumque cum ait, vt supra monuimus.

*Legirupis en Vuido tubis rediuiua resumit*

*Agmina, item vetitos cupiens peruadere campos.]*

*Legirupa tuba* dicuntur Poëtæ, quod leges pacemque rumpant: sicut fœdisfragus dictus à fœdere frangendo. *Item*, id est, iterum inua-



dit Wido partem regni Langobardiæ, quæ Berengarij erat. *Itidem* Poëta suprà dixit eodem sensu,

*Nam si itidem Vuido victis spem ponit in armis:  
Senior ipse etiam Regni Pater hostibus arma  
Molitur, tantos avidus finire labores.* ]

Ipse etiam Berengarius pater, tot bellis conatibusque Vuidonis è miri sævus truxque redditus, copias cogit, hostique regni sui occurrere parat, conficiendi belli cupidus. Scriptum est in codice auidus, Nimirum Græci pro u Latino & proferebant & scribebant: & nonnumquam ο. Sic dicebant ἀδύτα Δεός, pro adiuta Deus aut adiuua; τερσίης pro turbetis; σικκάτερ pro sequatur: Βακίλλαιοι, Διπυτάτοι, Δύξ, Εξκέβιτον, κλεῖστροι, κοντεβέρνιον, Κύρσωρες, Σικκύνδι, Σικκίται, Τειβένοι, Χαρτυλάριοι, νοτίσκημ. Itaque existimare quis possit, codicem istum Græculi alicuius manu scriptum esse, qui & titulos Græcos addiderit. Nisi si potius iam tum Itali u Latinum in ou vertebant, quemadmodum hodieque cum Germanis faciunt: quem popularium morem secutus librarius, hanc pronuntiationem scripturâ quoque expressit, & pro auidus auidus nobis ingessit.

*Interea Sors lecta Dei circumdata saccis*

*Vota facit.* ]

*Sors lecta Dei* à Poëta dicitur sacer Ordo, vel Clerus, id est Presbyteri, Diaconi, Hypodiaconi, ceterique inferiorum graduum Cleri-

ci: *καὶ* enim sortem significat.

*Da criminis auctor*

*Veloci pereat leto: ]*

Itane & Christianis, atque aded Clericis ipsa licet, hostibus suis eiusdem religionis & gentis mortem precari! *Criminis auctor* Vuido Aug. vocatur à Poëta Berengariano. Sanè Berengarius qui prior Rex Italiæ factus est, pro legitimo Principe; Vuido qui postea Regnum iam alteri delatum inuasit, pro tyranno & perduellionis reo habendus est. Hinc Vuido *Italia tyrannus* dicitur in Annalibus Fuldensibus & ab Hermanno, & *Prado* à Poëta nostro in libro I.

*En fraudis agit temptamina Prado:*  
Et in libro III.

*Da tempora nostro*

*Longa Duci: quando gemina fert laude coronam;  
Virtutis merito, & generis qui sterminate pollet. ]*

Da diuturnam vitam Regi nostro Berengario, qui virtutis nobilitatisque causâ Regnum est consecutus.

*Mortis adesse diem cogit fera bella monenti:*

*Sic tamen ut propriis componat lumina lecto. ]*

Mori Deus iubet Vuidonem qui bellum renouare cupiebat: sua nihilominus morte naturaliter defungi ac in proprio lecto cum voluit. *Le-to* tamen malum. Eam enim mortem *ἰδιὸς θάνατος* Græci; Latini *proprium mortem* appellant. Iulius Firmicus in capite XIX. libri VIII. *propria morte*

*perire hoc vocat : Paulus Diaconus in libro VIII. Appendicis ad Eutropium , & in libro II. de Gestis Langobardorum , & Aimoinus in capite XXXIV. libri II. Historiæ Francorum propria morte desungi.*

*Cum vocat hic natum tanto pro funere mestum.]*  
 Moriens Vuido Lambertum filium suum vocat , ipsius morbo ac morti propinquæ ingemiscentem & tristem.

*Et ratione vales quacumque , adsciscere forti  
 Brengario. Hunc etenim fato meliore sequetur  
 Hesperia , & nostris etiam dominabitur arvis.]*  
 Quocumque modo cum Berengario pacem facito , fœdus inito , ei adiungere , cum eo fœdus iunge , si in parte Italiæ regnare vis. Vir enim fortissimus est , & me mortuo partem Langobardiæ quæ nostrum amborum fuit , occupabit , ad eumque transibunt nostræ homines ditionis , nisi amicum ipsum habueris.

*Et vitam pariter moriens & famina linquit.]*  
 Post Romam ergo ab Arnulfo captam (anno autem DCCCXCVI. capta est ) postque discessum eius ex Italia ac domumreditionem Vuidonem Aug. decessisse ait Poëta noster : quem Annales Fuldenses & Mettenses , Regino , & Hermannus anno DCCCXCIV. obiisse consentiunt. In Chronico Monasterij Acutiani falsò dicitur Arnulfi adiutorio Berengarius Princeps Italicus praualeus , Guidonem exstinxisse , & potenter Regnum accepisse : quem Vuidonem naturali &

non præcipitata morte functum esse constat. De Vuidone heic pauca dicere conuenit. Apud Frodoardum in libri I v. historiarum Ecclesiæ Remensis capite I. Fulco Remorum Archiepiscopus in epistola ad Stephanum PP. VI. Hadriani III. successorem pro Vuidone affine suo quem idem Papa in filium adoptauerat, memorat, tam se quàm ceteros consanguineos suos quibus id notificauerat, debitam exhibituros eidem Papa reuerentiam: ad qua ille respondens asserit, memoriam Vuidonis Ducis gratissimè se suscepisse, quem vnici loco filij se tenere fatetur. In capite II. Papa Formosus Stephani successor ad Fulconem scribens, Imperatorem Vuidonem coronatum eodem anno significat Indictione x. Et in capite III. Idem Fulco pro Imperatore Lamberto gratiarum refert actiones, (Formoso PP.) quòd notificauerit sibi, de ipso Lamberto patris se curam habere, filiique carissimi loco eum diligere: asserens quòd non illum tantum diligeret pro consanguinitatis necessitudine quàm illi deuinctus habebatur, verum multo magis quia huius Papa venerator & amator existeret. Precatur autem ut idem Carolus Rex cum prædicto Lamberto amicitiam iungeretur. Et infra. Idem verò Papa (Formosus) laudibus attollit eundem, (Fulconem) congratulans eius dilectioni & sollicitudini quam gerebat erga Lambertum Imperatorem: de cuius fidelitate & stabilitate monet eum semper fieri sollicitum, veluti consanguinitatis propinquum. In capite v. Vni-

*donem Imperatorem exorat, ( Fulco ) vt Regi suo Carolo ( Simplici ) suffragium impendat, & talis erga ipsum exsistat, qualem eum erga propinquum exsistere decet. Quorsum ista? Dicet aliquis. Vt ostendam Imperatorem Vuidonem, qui Fulconis Remorum Archiepiscopi, nobilissimi viri Franci & Palatinis officiis sub tribus Francorum Regibus assueti affinis, Caroli quoque Francorum Regis cognomine Simplicis materno genere propinquus fuerit; & Lambertum Aug. Vuidonis filium qui consanguinitatis necessitudine vel propinquitate Fulconi deuinctus extiterit, ambos haud dubiè natione Francos fuisse. Vnde & Liutprandus in libri 1. capite v 1. de Vuidone sic refert. Traxerat sanè & à Francis quamdam affinitatis lineam: hoc est, affinis Francorum Regum erat, vt suprà docuimus, ob idque Regnum Francorum affectauit. Certè Leo Marsicanus in libri 1. Chronici capite LXIV. Vuidonem præter ceteros pro Franco habet, quum ait mortuo Lothario Rege Hugonis filio, Italia Regnum à Francis ad Tentonicos ( nimirum ad Ottonem Saxonem ) translatum esse. Et Erchempertus Leone multo vetustior patrem Widonis Vuidonem Ducem Spoletinorum facit, Francisque adnumerat. Quare Otto Frisingensis Episcopus & Gotfridus Viterbiensis Presbyter & Carolus Sigonius aliique falsò pro Langobardis aut Italis habuere Vuidonem, atque Lambertum cum Berengariis:*

quum Otto & Gotfridus post Caroli Crassi obitum *Imperium à Francis ad Langobardos translatum* aiunt ; & mortuo Carolo Crasso *Francos Reges Italici excepisse* à Sigonio dicuntur.

Vuido & Lambertus vel Lantbertus , Vuidonis ex Duce Imperatoris pater ille , hic frater , vt Italis placet , ( Nam nostri aliter sentiunt ) Ducatum Spoletinorum alter post alterum administrârunt , & ipsi per manus traderunt. Ex quo iudicari potest , saltem Lambertum fratrem Vuidonis nostri , Vuidonémque ipsum in Italia natos esse , ibique habituisse , cùm vtriusque pater apud Italos magistratum gesserit , ibidémque mortem obierit. Ortus tamen erat Vuido maioribus Francis Gallicanis , seu in Gallia sedem habentibus , & multos ibi amicos ac propinquos habebat non Proceres modò sed etiam Reges : in his Fulconem Remorum Archiepiscopum , ac Carolum ipsummet Francorum Regem , qui Minor & Insipiens *Simplexe* aut *Stultus* cognominatus est. Quamobrem *Gallos* , id est Francos Gallicanos , præsertim Araris , Rhodani , & Lemani lacûs accolas , missu fortè Rodulfi Magni Burgundiæ Regis contra Berengarium semper auxiliares habuit Vuido ; & *patrias oras* , *patriamque tellurem* vocat Galliam in Panegyrico Berengarij ; ipse *Gallicus heros* ; *Dux Gallicus* & *Gallicus* , id est Dux Francicus , & Francus è Gallia ;

& Rhodanicus ductor à Poëta nostro nuncupatur. In libro I. de Vuidone aduersario suo deque Vuidonianis militibus Rex Berengarius ita loquitur

*Noxamque remitte cruoris ,*

*Si manus hac mortis tulerit dispendia Gallis ,*

*Debita iure mihi raptum ire volentibus arua.*

Ibidem de Vuidone Regnum Italiae inuadente Poëta sic refert

*En fraudis agit tentamina Prædo ,*

*Quà secuit quondam aërias Rex Pænus aceto*

*Imperij cupidus cautes.*

Alpibus autem Cortis Rex vel potius Dux Pænorum Hannibal transiit in Italiam, non (ut Plinius Ammianusque & quidam alij putauerunt) Peninis iugis, aut ut Cornelius Nepos scribit, saltu Graio. Quare si eodem itinere contendit Vuido, Alpibus Cortis Gallica auxilia in Italiam adduxit. Ibidem Vuido qui & hostes inclytus Gallis vocatur, de se dicit

*Quantus in arma feror, patriis vel quātus ab oris*

*Ausoniæ subeo, liceat deferre Tyranno.*

Cuique liceat nuntiare Regi Berengario, quantis cum viribus à patria mea Gallia Italiam peto. Item Berengarius Vuidonianis sic loquitur

*Aut Italis Galli celores abscedite terris.*

In libro II. Poëta de Vuidone ex Gallia auxilia iterum arcessente

*Sollicitos patriæ populos tellure quietos.*

item de eodem

*Prior arma rapit iam Gallicus Heros,  
Aërios Ducibus montes superantibus auctus.  
Gallicus Heros Vuido est, qui & infrà Rhodanicus Ductor.*

*Ni Rhodanicus succurrere Ductor*

*Admonitus.*

In libro III.

*Rex ubi Brengarius audentes ardua Gallos  
Insequitur bellis.*

Gallos, id est Vuidonianos. Ibidem Vuido Dux Gallicus dicitur.

*Interea loca tuta petit Dux Gallicus.*

Et Arnulfus Araris accolae qui Vuidonem sequebantur, ait se debellaturum.

*Mœnia scindam*

*Ausonia, & totos Araris vacuabo furores.*

Idem post filij sui ex Italia discessum Vuidone renouante bellum, succurrendum sibi esse Berengario ait, à Gallis Rhodanicis Lemanicisque vexato.

*Namque iuuat Latio clarum me visere amicum,  
Quē totiens Rhodanus vexat properante Lemano  
Milite.*

Vuido item Gallus nuncupatur.

*Haud latuisse queat Gallus se dicere.*

Et qui ei auxilium ferebant, quibusque agros in Italia dederat, Galli appellantur à Poëta.

*Spes ubi pestiferis restabat postera Gallis.*

Berengarij quoque clementiam laudat Poëta, Gallos quos Vuido Aug. in Italiam acciuerat,



post eius obitum ad se transeuntes recipientis, nec quidquam Camerinis Spoletinisque idem facientibus exprobrantis.

*Nec Gallos abicit, nec crimina ponit Etruscis.* Ceterum patrem Vuidonis nostri Vuidonem, Lambertum fratrem ab Italis haberi suprà dixi, propterea quòd Erchempertus Monachus Cassinensis, æqualis Vuidonis, in Historia Langobardorum Beneuenti dominantium, Vuidonem nostrum nunc *Guidonem germanum Lamberti Ducis Spoletinorum*; nunc *Guidonem filium Guidonis senioris*, (quem Ducem Spoletinorum circa initia principatus Ludouici minoris Augusti fuisse scribit) & *Guidonem iuniorem* appellat: ac *Lambertum filium Guidonis senioris*, morientem *filio suo Spoletium reliquisse ait, quo etiam defuncto, Guido iunior Spoletium & Camerinum receperit*; siue Dux Spoletinorum & Camertium factus sit. Similiter Leo Mariscanus Monachus & ipse Cassinensis in capite suprà laudato Vuidonem nostrum, *Guidonem Guidonis Comitis filium* nuncupauit. Ex quibus apparet, Vuidonem nostrum, Vuidonis Spoletini Ducis filium, non nepotem; Lamberti Spoletinorum Ducis fratrem natum iunior, non filium fuisse: & Vuidoni quidem seniori Lambertum filium maiorem natu in Ducatum Spoletinum successisse; Lamberto filium incerti nominis, quem forsitan *Vuidonem Comitis Lamberti filium* Iohannes P. P. VIII. in epistola ad

Carolus Crassus R. data Indictione XIII. vocat: filio isto Lamberti paullo post mortuo, Vuidonem Ducatum Spoletinorum vel Tuscorum obtinuisse. Falsò igitur cum Annalibus Fuldensibus & Mentensibus Regino, Hermannus Contractus, Marianus Scotus, Sigonius, ac ceteri recentiores Vuidonem nostrum seu iuniorum, pro fratris filium Lamberti fuisse scripserunt: quem *Lambertum Spoletinum Ducem, Vuidonis quondam Spoletini Ducis filium* Ioannes Papa VIII. in epistolis, & *Gloriosum Comitum & Spoletinum Comitem & Ducem* promiscuè appellat. Erchempertum quidem omnibus nostris Historicis & Chronologis, quantum ad Vuidonem attinet, vel vnum facile antepono: & homini Beneventano, diligenti scriptori de Principe Italiae filium & sororem Beneventanorum Ducum in matrimonio habente, quem ipse vidit, & cuius in priore cum Berengario pugna desit, multo magis quam externis auctoribus ætate aut patria remotioribus credendum iudico. Et de Vuidone hæc tenus.

*Pars quoque magna virum properant Vuidone sepulto*

*Orantes veniam Latij ductoris ad aulam.]*

Vuidone mortuo, multi qui eum secuti erant, ad Berengarium Regem Italiae *Ductorem Latij* Poëtæ dictum, se conferunt, veniamque ab eo petunt ac impetrant. Vnde & Panegyristes  
Lam-

Lambertum mortuum fuisse ait:

*Morte patris, simul ac notis abeuntibus armis.*  
Erant autem qui post Vuidonis obitum ad Berengarium transierunt, pars Franci è Gallia, pars Camerini ac Spoletini: quorum alteros Gallos, alteros Etruscōs & Tyrrhenos Poëta morte suo appellat, & humanissimè à Berengario exceptos esse affirmat his versibus:

*Dux interea venerabilis aq̃*

*Fert pietatis opem venientibus ultro maniplis:*

*Nec Gallos abicit, nec crimina ponit Etruscis.*

Sed anno dcccxciv. quo Imperator Vuido decessit, Berengarius senex & auctore venerabilis esse vix potuit, cum annis amplius xxx. supervixerit, diutius victurus si per Flambertum proditoresque licuisset. Anno enim dccccxxiv. aut ut aliis placet. xxv. est interfectus. Transibant porro ad Berengarium Vuidoniani, quod Lamberti Vuidonis filij pueritiam maternæ tutelæ subiectam, & muliebria imperia contemnebant. Tum enim Lambertus iuuenis & ephēbus fuisse, Poëta nostro & Liutprando dicitur:

*Dum Vuidone satū inualido comitante Ministro*  
*Deficiunt.* }

Hoc est Vuidonis filium deserunt, qui à matre regebatur, cuius mater Regnum administrabat. Scriptum tamen puto esse in codice, *Deficiunt.* Vuidonis Aug. vxor, Lamberti Aug. mater erat Ageltrudis Aug. quam Hermannus Contractus & quidam alij *Angildrudam* vo-

cant; & quam Poëta noster ob sexum *inuallidi* *Ministri* nomine designat. Certè anno dccc-xciv. *Vuidone Italia tyranno mortuo*, *Angiltruda vidua eius cum filio Lamperto tyrannidem inuasit*, vti ait Hermannus à Canisio editus. *Angeltrudis* autem ista, *Vuidonis coniux*, *Ducum Beneuentanorum Adelgisi filia*, *Radelchisi* foror fuit, & Beneuentanum Principatum mensibus xx. Augusta obtinuit.

*At recolens precepta patris, iubet ire sodalem,  
Qui pacem petat, ac Regem summissus adoret.]*  
Lambertus memor supremorum patris mandatorum, legatum vnum è sodalibus suis ad Regem Berengarium misit, pacem amicitiamque petitum: quo benignè excepto ac dimisso, Berengarius & Lambertus in vrbe Regia Ticino collocuti, pacem inter se fecere, quæ vsque ad Lamberti mortem durauit. Quo mortuo, Berengarius toto Langobardiæ Regno iv. per annos potitur: quemadmodum Panegyrista noster canit. Ex quibus intelligitur Lambertum in parte Regni Langobardici quæ patris sui fuerat, regnauisse. At Liutprandus in capite x. libri i. scribit, mortuo Vuidone Berengarium statim Ticinum Regiam occupauisse, verum ab Optimatibus qui Vuidoni fauerant ac fideles fuerant, Berengariumque metuebant, Lambertum Vuidonis filium Regem esse constitutum, ad eumque populum confluxisse. Berengarium igitur desertum à plerisque, Lambertum

to iuueni cum magno exercitu Ticinum petenti occurrere ausum non esse, Veronamque sese contulisse : quem paullo post Proceres Lambertto ob seueritatem infesti per nuntios rogauerint ut ad se veniret, & Lambertum expelleret.

*Militiaque etiam, Maors si quando ministrum Bella ciet.* ]

*Etiam ministrum militia, si quando Maors bella ciet:* quibus verbis Lambertus non pacem modò & amicitiam suam, sed etiam belli societatem offerebat Berengario.

*Prædixit solito verum pia viscera cunctis.* ]  
Solito, more solito, more suo, pro sua clementia. Sic matutino veteres dixerunt, ut Plinius aliique, pro matutino tempore vel mane.

*Ipse pater mitis sic pectore reddit.* ]  
Pater mitis, Berengarius.

*Æqua referre malis nimium sacra iura recusant.* ]  
Mala malis referre sacri libri, & Dominica mandata nos vetant. Paulus Apostolus in epistolæ prioris ad Thessalonicenses capite v. versu xv. *Videte, ne quis malum pro malo alicui reddat:* & in epistolæ ad Romanos capite x. *Nulli malum pro malo reddentes.*

*Namq; poli sensum demissum traximus arce, &c.*  
Hos v. versus Poëta mutuatus est à Iuvenale, duobus verbis in primo versu mutatis. Sic enim Iuuenalis in sat. xv. scribit,

*Sensum à caelesti demissum traximus arce, &c.*

*Nec genitus gignentis habet pro crimine noxam:*

*Veridico cecinit quondam velut ore Propheta.]*

*Filius non portabit iniquitatem patris*, inquit Ezechiel Propheta in capitis xviii. versu xx.

Sic ergo ait Berengarius; Deus à filiis paternorum scelerum pœnas expetere non solet: quem nos imitari debemus: & ut ille filio patris delictum non imputat; ita ego Lambertum propter ipsius patris tyrannidem & iniqua aduersus me bella non odi; non persequar infontem.

*Hac ratione, fidẽ violet ne iuxa protervus,]*

In colloquium veniat inuitatus, mecum pacem factururus, ac amicus meus futurus, ea conditione ac lege, ne fidem postea violet. *fidẽ iura* pro fidei dixit Poëta, ut *horas diẽ* Virgilius i. Georg. *fidẽ pignus* Ovidius in vi. Metam. *commissa fidẽ* Hôratius.

*Percipit hæc hilaris postquàm iuuenilis alumnus:]*

Postquàm hanc Berengarij orationem audiit legatus Lamberti, qui *sacalis* Lamberti suprà dicitur à Poëta, & *nuntius Lamberticus* seu Lamberti.

*Procidit, & supplex Regi veneratur amorem,*

*Quo tellus, pelagus seruant atque astra tenorem:*

*Ne pontus &c.]*

Regem Berengarium procidens adoratur, vel hummissus salutat & veneratur, gratiasque ei agit ob promissam Lamberto domino suo pacem & amicitiam; quàm vnâ concordiam elementa seruantur, & Oceanus terram inundare,

stellæ aquis immergi, hoc est omnia sùsque  
dèque verti prohibentur.

*Hinc remeans, iuueni defert sua nuntia voti.*  
Legatus Lamberti ad dominum suum reuertitur, & iuueni Regi nuntium votis eius respondentem affert.

*Tandem Rex optimus atque  
Lambertus properant, ubi fertilis vnda Ticini  
Alluit egregiam fluij cognomine dictam  
Vrbem, in qua soliti Regem spectare Latini.]*

Tandem Rex optimus seu Berengarius & Lambertus Ticinum veniunt, à Ticino flumine cognominatum: quæ egregia vrbs, sedes Regum Langobardorum seu Italorum iam inde ab Clepo Alboini successore esse cœperat anno D-  
LXXIV.

*Mutua verba serunt, postquàm promittit uterq;  
Mansurum fœdus, roseis dum vecta quadrigis:  
Fluctibus Oceani perfunditur orbita Phœbi.]*

Post pacem inter se factam, ambo Reges varios sermones habuere, variis de rebus sunt collocuti. Posset legi &: post quæ postquàm.  
*Mansurum fœdus, dum orbita Phœbi, id est Sol Oceano perfunditur, significat pacem perpetuam,* qualem Agilulfus Rex Langobardorum & cuncti Theuderico iuniore Rege Francorum, & cuncti Cagano Rege Auarum, & cum Theudeberto minore Rege Francorum Austrasiorum Theuderici fratre fecisse dicitur à Paulo in libro iv. de Gestis Langobardorum: & qualem Iustinia-

nus Aug. anno imperij v i. cum Chosroë Rege Persarum firmavit, quam ἀσφαρον ἐγγύηον hoc est interminatam pacem vocauere Græci, vt scribit Procopius in libro i. Persicorum.

*O iuuenale decus, si mens non laua fuisset!]*

Decorum fuisse Lambertum docet & Liutprandus in capite x. libri i. quum eum *elegantem iuuenem* vocat, *adhuc ephebum*. Idem seuerum eum & constantem, ac ingenio callentem appellat, & in capite x i i. ac vltimo libri i. de eius virtutibus ac venustate ita refert. *Inerat illi honesta morum probitas, sancta & formidolosa seueritas*: (id est formidanda) & *quem iuuentus ornauerat in corpore splendida, mentis canities decorabat sancta*. Et tamen Poëta noster ait sæpe eum fraudibus ac dolis pacem cum Berengario factam turbare ac rumpere tentasse, nisi Berengarius iuuenis artibus ac dolis occurrisset.

*Sæpe datas voluit pacis rescindere dextras  
Fraudibus inuentis. Sedenim ratione sagaci  
Deprendis Pater alme dolos, ac murmura temnis.*

*Tertia mox tamen hunc Latio produxerat ætas  
Vbere telluris potentem pace sequestra.]*

Tres tamen annos feliciter in Italia regnavit Lambertus, Principatusque eius fertilitate terræ, & pace memorabilis ac fortunatus fuit.

*Ipse vno comitante ministro*

*Dum sternacis equi foderet calcaribus armos,  
Implicitus cecidit sibi met sub pectore collum,*



*Abrumpens teneram colliso gutture vitam. ]*

Lambertus dum in luco Marince venatur, vno comite nimirum Hugone filio Maginfredi Mediolanensem Comitis, à sternaci effrenique equo excussus cecidit, sibimet implicitus collum sub pectore, id est implicito collo sub pectore, gutturque collisit. Aiunt hunc Regem, dum apros effreni consecraretur equo, cecidisse, collumque fregisse, ut ait Liutprandus in capite ultimo libri I. Addit tamen idem auctor, ab Hugone isto mortem patris sui vlciscente, ligno non modico collum Lamberto dormienti fractum esse.

*Vlterius nec lingua valet, nec verba sequuntur. ]*

Hic versus si bene memini, Virgilianus est.

*Haud segnes socij crates & molle feretrum &c. ]*

Hi VIII. versus sunt Virgilij in libro XI. Æneidos de Pallante iuvene Euandri Regis Arcadici filio : quos Poëta noster Lamberto Aug. formoso iuveni conuenire posse existimauit.

*Dignior hic genitore foret, compluribus ille*

*Vixerit, ac Latium quamuis turbauerit annis. ]*

Laudat heic Poëta Lambertum vel inuitus, & Vuidoni eum patri præferendum fuisse ait, si diutius vixisset. Vuido autem annis VI. regnauit in Italia; Lambertus post eius obitum solo triennio.

*Vndique tota cohors Regni concurrat in vnum*

*Vociferans. Pie Rex nostri miserere laboris,*

*Ne geminis posthac cogamur adesse Tyrannis :*

L III]

*Cum solus placeas rebus superesse Latinis.* ]

Vndique Regni Proceres vnum in locum conueniunt, atque ad Berengarium confluunt, cumque orant vt ex sua omnium sententia solus deinceps regnet in Italia, ne sicut antè erat factum, duobus simul Regibus magno suo cum periculo parere cogerentur. At vt ait Liutprandus in libri i. capite x. *Semper Italienses geminis vti dominis volunt, quatenus alterum alterius terrore coerceant*: quæ verba auctor Chronici Monasterij Acutiani transcripsit. Et Italiæ Optimates qui Berengarium post Lambertii mortem sic apud Panegyristam nostrum alloquuntur, iidem non Vuidonem modò ac postea Lambertum Berengario opposuerant, sed etiam Ludouicum Bosonis filium Prouinciæ Regem semel atque iterum; tum Rodulfum Burgundiæ Regem, necnon Hugonem Arrelatensium Comitem aduersus eundem Berengarium accessiuerunt. Quo Berengario interfecto, contra Rodulfum iterum Hugonem Prouincialium Comitem potentissimum acciuere, Regemque constituere: & aliquantò post Rodulfum ipsummet R. è Burgundia aduersus Hugonem retiocauere, deinde Arnoldum vel Arnolfum Baiuorum ac Carantanorum Ducem; postremò Berengarium iuniorem Berengarij nostri è filia nepotem, contra Hugonem & Lotharium Reges inuitauere. Tyrannos Panegyristes Berengarij iustos ac legiti-

mos Reges appellare consuevit. Sic suprà  
*. Ne lepidos caperent siquidem sedata tyrannos.*  
 nimirum Arnulfum & Berengarium Reges.  
 Item de R. Arnulfo,  
*. At ductor Latij socium sine more tyrannum.*  
*. Ut videt ingruere.*

# HADRIANI VALESHI

## IN LIBRVM IV.

### NOTÆ.

**Q**UARTA igitur Latio vixdum deferbuit  
*æstas,*

*Hac ratione iterum solito sublata veneno.*  
*. Bellua, Tyrrhenis fundens fera sibila ab oris,*  
*Sollicitat Rhodani gentem.]*

Quarto anno post Lamberti Aug. mortem nondum expleto, *vixdum deferuescente iv. æstate*, hoc est sub finem quartæ ætatis, aut circa initia iv. autumnii Adelbertus potentissimus Marchio Tuscorum, qui olim Etrusci, & à Græcis *Tyrrheni* vocabantur, accolæ fluminis Rhodani seu Prouinciales Regémque eorum Ludovicum solitâ impulsus perfidiâ in Italiam arcessiuit aduersus Berengarium, & ceteris Italiæ Principibus auctor fuit rebellandi, Ludovicumque inuitandi: quemadmodum Liut-

prandus in libri II. capite x. tradit. *Bellua igitur solito veneno sublata, & Tyrrenis ab oris fera sibila fundens*, Adelbertus est Marchio Tuscorum vel Lucensium: quem Panegyristes ob perfidiam & defectionem & ob euocatum Ludouicum serpentis venenatæ sibilantisque appellatione designauit.

*Sollicitat Rhodani Gentem, cui moribus auctor Temnendus Ludouicus erat, sed stirpe legendus: Brengario genesi coniunctus quippe superba.] Rhodani Gens sunt Prouinciales, quorum Rex erat Ludouicus, ob nobilitatem generis Regno quidem dignus; sed indignus propter morum peruersitatem: dignus quidem ob stirpem Regiam qui ab Italiæ Proceribus Rex eligeretur: ob prauitatem animi dignus idem qui reiceretur. Certè nemo negare possit, Ludouicum huncce nobilissimum fuisse, cum Bosonis Regis Prouinciæ filius fuerit, matrem autem habuerit Hermengardem, quæ Ludouici minoris Aug. filia, Imperatorum trium Lotharij neptris, Ludouici Pij proneptis, Caroli Magni abneptis fuit: à quo Carolo Magno cum genus maternum deduxerit Berengarius, haud dubiè Ludouicum Prouinciæ Regem sanguine contingebat. Ceterum moribus temnendus dicitur à Poëta nostro Ludouicus, quod oblitus iurisiurandi rediit in Italiam, & Berengarij Regnum inuasit, & quod Adelberti Marchionis Tuscorum, cui maximè Regnum Italiæ debe-*

bat, opibus ac potentia inuidit : itavt præter cetera vitia nobis ignota, periurus & invidus fuisse videatur. Prouincia autem *modicum valens* Poëtæ nostro dicitur, id est parum potens, infirma, inualida; incolæ eius, *inualidi alumni*, ac *viri superbi*.

*Hic dudum Aufoniū cupidus regnare per aruum:  
Sed vetuit Fortuna.]*

Ludouicus hic ab Adelberto Eporediæ Marchione, genero Berengarij ipsius, atque à nonnullis aliis Proceribus Italiæ inuitatus, venerat iam antea in Italiam cum exiguis copiis: quem Berengarius magno fretus exercitu & Adelberto Marchione Tuscorum comitatus ita terruerat, vt iurare compelleret, si incolumis dimitteretur, nullis condicionibus ad Italiam repetendam adductum iri: sicut Liutprandus in capite x. libri ii. scriptum reliquit. Langobardorum autem Regnum tantoperè affectabat Ludouicus, quia cum materni aui sui, proau, abau quoque & atau illud fuisset, potiore iure ad se quàm ad Berengarium pertinere videbatur.

*Modò quia nuntia votis*

*Accipit, extemplo sociis ad testā vocatis.]*

Nunc quia nuntium suis votis respondentem accepit, statim Optimates & Proceres regni (quos *amicos* eius & *socios*. Poëta appellat) in Regiam conuocatos, ad expeditionem Italianam suscipiendam hortatur. Qui nuntius ve-

scribis dictus est, Catullo, Curtio & ceteris,  
postea nuntium vocari cœpit.

*Nam rure vocamur*

*Vicino Italia. Vires huc fortè superbas*

*Dum tulero, propriis discedet Ductor ab oris.]*

Nam ab Italiæ Proceribus inuitamur in Ita-  
liam nobis proximam, & à Prouincia Regno  
nostro solis Alpibus diuisam. Postquàm eam  
regionem cum exercitu ingressus fuero, forsi-  
tan (vt spero atque confido) Rex Berengarius  
vti iam metu Vuidonis fecit, aufugiet ac Ita-  
liam Regnum suum relinquet. *Dum tulero*, id  
est quum tulero.

*O miser, inque dies miser, inuictumne laceffas?]*  
Berengarium ἀνικτωρ Βασιλεως.

*Nescio namque, mali quid mens presagat eunti.]*

In Italiam eunti scilicet Ludouico. *Presagat* pro  
presagiat & in codicibus Ammiani M S S. le-  
gitur, vt Frater meus obseruauit. Legi & possee  
ita

*Nescio namque mali quid mens presagit eunti.*

Id est, namque nescio quid mali eunti mens pre-  
sagit: nescio quid mali, seu aliquid mali.

*Nec victor, decus & Latij spes unica Regni,*

*Tunc Veneti seruare solum de nomine dictum*

*Quartanam patiens poterat, nec tendere bellum*

*Hostibus: immodicas animo sed decoquit iras.]*

Berengarius propter quartanam quâ labora-  
bat, Regnum Italiæ suum, ac ne prouinciam  
quidem Venetiam in qua commorari consue-

uerat, ab hoste defendere, & bellum à Ludouico illarum repellere non poterat. Hoc vnus dicit Poëta noster, qui cùm viuo Berengario scripserit Panegyricum suum, adulari quidem tanto Regi dominóque suo potuit nonnumquam: sed summa rerum capita in quibus facile ab omnibus falsi conuinci posset, finxisse, commutasse, aut de industria mentitus esse mihi non videtur.

*Infauftus Verona etiam contendit ad arcem.]*  
Ludouicus tam à Tuscis Principibus, quàm à Transpadanis quos Liutprándus *Italienses* vocare consuevit, receptus regio apparatu, Berengarium qui Veronam sese contulerat persecutus est, eoque inde expulso, totum Regnum sibi subiecit. Tum ab vrbe Ticino proficiscitur Lucam, vt Adelbertum Marchionem Tuscorum videret: inde reuersus Veronam petiit, urbemque apertam intrat: si Liutprando credimus.

*Moresq; Regis tamen vt subsedit apertis*  
*Moenibus, antiquos sociis determinat agros.*  
Postquàm Ludouicus more exemplóque R. Berengarij Veronæ confedit, Prouincialibus suis expeditionis Italicæ comitibus agros in Italia, pro sua cuique dignitate suoque merito attribuit: sicuti Vuido Aug. Gallos auxiliares antè erat remuneratus. Hoc nos solus docet Panegyristes.

*Nil veritus: metuenda nimis quia sustulit ipsum*

*Fama, Berengarium leti dispendia passum.]*  
 Securus ac nihil sibi à quoquam timens, Ludovicus Veronæ desidebat, propterea quòd falso nuntio ipsi quidem oprando, sed Italìs omnibus præsertim bonis metuendo deceptus, Berengarium interiisse morbo existimabat, eoque rumore sublatus, nimiam habebat suarum rerum fiduciam, tamquam morte æmuli vacuum aulam cum Regno occupauisset.

*Ah Latium, quis te tantis defenderet armis?*

*Ergo pius Genitor rerum seruato magistrum,*

*Ne pereant uno Latialia gaudia leto.]*

O Italia, quis mortuo Berengario te à tot hostibus internis externisque tam fortiter poterique defenderet? Ergo Deus Berengarium nobis Regem nostrum rerumque dominum incolumem diu serua, ne cum eo pax Italiæ sæculique felicitas pereat. Quibus verbis ac precibus Panegyristes apertissimè ostendit, hoc Poëma se viuo Berengario scripsisse. *Rerum magistrum* appellat dominum rerum, vt paullo infra de Adalberto,

*Apenninicolæ fausto qui nomine turmas*

*Elicit, egregio cupidus seruire magistro.*

Egregio domino, nimirum Berengario seruire ac suam fidem præstare cupiens. Passim eo nomine Poëta sic vitur, vt nunc magistrum pro domino vulgò dicimus. Ceterum *Latialia fœdera* corruptè appellauit Panegyristes, quæ veteres *Latiaria* dixissent. Quippe obseruo à La-



tio non Latialem deduci, sed *Latiarem*, quem Græci *Λατιάειον* nuncupant. Certè collis *Latiaris* Romæ ab ara *Iouis Latiaris* cognominati, mentionem facit Marcus Varro in libro iv. de Lingua Latina. *Iouis Latiaris*, *Λατιάειν Διὸς* meminere præter ceteros Cicero pro Milone, Festus in Oscillum, Dionysius Halicarnassensis in libro i v. Antiquitatum Romanarum, & Suetonius Tranquillus, quum à quibusdam Caium *Latiarem Iouem consalutatam* scribit: ut in vetustissimo & optimæ notæ codice Memmiano aliisque scriptum reperio, cum libri excusi *Latialem* mendosè præferant. Est & *Latiaris*, *Λατιάειος*, nomen proprium viri Prætorij sub Tiberio Aug. T. Sabini circumuentoris apud Cornelium Tacitum in Annalibus, & Dionem Cassium in libro LVIII. Romam Paulinus in epistola ad Ausonium *Augustam urbem Latiaris Quirini* vocat: & Priscianus in libro i v. à *Latium Latij Latiaris*, sicut à *peculium peculij peculiaris* fieri affirmat. Omitto, quòd *sollemne Latinarum Latiar* à Macrobio in libro i. Saturnaliorum appellatur, non *Latial*, ut à *folio soliar*. Ex quibus apparet, à *Latio Latium*, & pro Latino *Latiarem* ac *Latium* dictum olim esse, ac ita dici oportere; *Latialem* numquam dictum esse, nec dici oportere.

*Conualuit quia Regnator tamen, undique lecti  
Conueniunt Proceres lati, vexillaque castris  
Proripiunt, celerésque Atesis ad mœnia tendunt.]*

Postquam conualuit Berengarius, ad eum Proceres Regni lati confluunt, & Veronam positam ad flumen Atesim petere contendunt. Nimirum Adelbertus Marchio Tuscorum atque etiam ceteri Italiae Principes per Bertam Adelberti uxorem alienati à Ludouico iam defece- rant: qua occasione Berengarius, posteaquam conualuit, ad opprimendum hostem securum uti constituit. Sed diuturna admodum febris Berengarij ac trium circiter annorum fuit, si Ludouico intrante Italiam quartanâ laborabat, nec nisi paullo ante excacationem eiusdem conualuerat: quem triennio in Italia regnauisse Chronicon Cassinense, Sigebertus & Sigonius docent; Regino (falsò tamen) annis i x. Marianus x.

*Hæc obiter comi referantes faminâ Regi. ]*

Hæc inter eundem Regi Berengario dicentes, atque ab eo postulantes. *Famen* à fari pro sermone dixit Poëta, ut solamen à solari Virgilius, & tutamen à tutari, conamen à conari.

*Te petimus pietatis honor: nec parua precatur  
Credimus hæc. ]*

A te petimus Pie Rex: neque leuia hæc aut exigui momenti, & indigna quæ petantur existimamus.

*Vrbem propriis si ceperis armis,  
Membra viros sine curtari, qui fœdera Regni  
Proturbant totiens: damnum pietatis iniquæ  
Ne patiamur. ]*

**Si**

Si Veronam cēperis, patere Rex, Ludouicum  
semel atque iterum Regni tui turbatorem, qui  
contra religionem iurisiurandi Italiam repete-  
re & occupare ausus est, artubus seu pedibus  
manibúsque truncari, ne nostra nobis lenitas  
obstet: neū si inuiolatum eum dimiserimus,  
iterum renouet bellum. Posset & legi

*Membra Viro sine curiari, qui fœdera Regni  
Proturbat toties.*

Nam ea de solo Ludouico dici indicat respon-  
sum Berengarij,

*Et crimina capto*

*Ne conferte Viro, generis quia sanguine pollet.*

*Ad hæc, Animis aduertite Ductor*

*O Procères inquit monitus.]*

*Ad hæc inquit Ductor Berengarius: O Procères  
animis aduertite monitus meos, neu periurij cul-  
pam in Ludouicum si captus fuerit conferte;  
sed in eius consiliarios, nevé pœnas ab eo ex-  
petite. Dignus enim est veniâ cum ob nobili-  
tatem generis, tum maximè ob iuuentutem.*

*Et crimina capto*

*Ne conferte Viro, generis quia sanguine pollet;*

*Et forsan facinus maturis deseret annis.]*

Forſitan cum maturuerit, periurium odeſcit,  
& fidei erit ſeruantior, ſuòque contentus alie-  
nis non iniiciet manum. Anno dcccclxxvi. Boſo  
Hermengardem Ludouici iunioris Aug. filiam  
in matrimonium accepit: ex qua Ludouicum  
hunc tulit, qui anno Chriſti dcccclv. aut in-

sequenti oculis orbarus est à Berengario , & tum annos ætatis amplius xxviii. habere non potuit.

*Testetur pia inra poli , & dimissus abito.*

*Hos satis.]*

Iuret per Deum legemque eius Ludouicus , & per ea quæ sunt apud nos sanctissima , non se amplius in Italiam rediturum , & dimittatur incolumis , Prouinciámque suam repetat. Hoc satis mihi erit : hoc vos quoque velim esse contentos. Ibi abito dictum pro *abeat* : vt habeto pro habeat , esto pro sit. Seruius in librum v. *Æneid.* *Habeto* , ( inquit ) *habeat*. Tertia persona est à futuro imperatiui , qua in hoc modo numeri singularis similis secunda est. Ceterum hæc fingit , vt puto , Panegyristes , vt auertat noxam à Berengario in Proceres militesque eius , & vt inuito Berengario Ludouicum Optimates Italiæ excasse nobis persuadeat. Vnde & addit :

*Nil moti dictis , potius fera murmura rodunt ,*

*Non se posse malum posthac dimittere inultum.*  
Proceres Regni Langobardiæ , nihil moti verbis mitibus Berengarij , secum taciti murmurant , tantum se periurium impunitum non passuros. At contrà apud Liutprandum in libri ii. capite xi. Berengarius cum corruptis auro custodibus clam noctu in urbem Veronam esset receptus , & ibi Ludouicum securum ac inopinantem oppressisset , adducto ad se sic loquitur. *Oculos tibi auferri non solum iubeo , sed compello.*

*Nec admitti, penetrant miserabile templum*  
*Quo Ludouicus erat.]*

Admissi in urbem Veronam Berengariani, sub  
 auroram intrant Ecclesiam Sancti Petri amœ-  
 nam & munitam, in sinistra parte urbis sitam  
 summo in colle, quò Ludouicus strepitu ho-  
 stium excitatus confugerat: ibi cum capiunt,  
 vinciuntque, & luminibus orbant in ortu Solis,  
 ut ait Poëta, seu in ipso aurora crepusculo, ut  
 Luitprandus loquitur.

*Tu ponens etiam curtum femorale Iohannes*  
*Altra tenes turris; si forte resumere vitam*  
*Sic potis. Hinc traheris tamen ad discrimina*  
*mortis,*

*Et miser in patria nudus truncaris harena.]*  
 Irruentibus in Veronensem Ecclesiam B. Petri  
 Berengarianis, Iohannes vnus è Ludouici par-  
 tium adiutoribus in turrim supradictæ Eccle-  
 siæ confugit, si qua ratione mortem posset eua-  
 dere: sed extractus è latebra, interfestusque  
 & spoliatus est. Qui videtur ciuis Veronensis  
 fuisse, & contra fidem Berengario datam ad  
 Ludouicum transisse, cum Veronæ iugulatus  
 sit, & in patria arena truncus iacuisse dicatur.  
 Hic autem Iohannes à breuibus feminalibus  
 vel bracis quibus utebatur, cognomen inue-  
 nerat, vni memoratus Poëtæ nostro

*Tu ponens etiam curtum femorale Iohannes.*  
*Ponens curtum femorale, hoc est curtum femora-*  
*la ponere solitus, breuibus feminalibus uti a-*

suetus. Sic nos hodieque *ponere vel* (vt vulgari vtar verbo) *mittere vestem*, pro indui vestem habitumve dicimus.

*Nuntius at postquam scitiorum allabitur aures,  
Prelatum iuuenem communi lumine cassum :*

*Consilij fugiunt inopes, passimque recedunt.]*  
Prouinciales postquam cognouere Ludovicum Regem suum, quem in Italiam secuti erant, & a quo ibi agros possessionesque acceperant, excæcatum esse: inopes consilij passim aufugiunt, ac domum quisque redeunt. Adalbertus quoque iuuenis fortis, gener Regis Berengarij, coactis copiis Prouinciales quos viros inualidos & superbos Poëta appellat, ex Marca sua Eporediensi expulit, & Prouinciam vnde venerant repetere coëgit, fidem suam domino Berengario R. patri sœcerove suo approbare volens.

*Nec remouere viros cessat de parte superbos  
Fortis Adalbertus, iuuenilibus obsitus annis :  
Apenninicolæ fausto qui nomine turmas  
Elisit, egregio cupidus seruire Magistro.]*

Adalberti seu Adëlberti Eporediæ Marchionis, qui ex Gisila R. Berengarij filia Berengarium iuniorem Regem Italiæ genuit, *faustum esse nomen* dicitur à Poëta, quia Adal vel Edil linguâ Germanicâ nobilem; Bertus, Bert splendidum ac fulgidum significat: vt Vita S. Bertæ docet. Certè in veteribus legibus Anglorum Nobilis vocatur *Adalingus*; & in Saxo-

nia tria fuisse hominum genera, Nobilium seu *Edilingorum*, Ingenuorum, & seruorum Nithardus in libro iv. tradit. Ex Adal autem vel Edil, & Bert compositum est nomen Adalberti. Tum porro omnes Prouinciales & si qui alij Ludouicum secuti erant, occisos, aut saltem expulsos esse ex Italia, indicat Panegyristes his verbis

*Et rediit pax grata piis, procul agmine tristi*

*Exempto, patriæque Duce ac genitore recepto.*

Agmen illud triste Prouinciales sunt, R. Ludouici comites; *Dux* & *pater patriæ*. Berengarius: quo recepto & in regnum suum restituto, ac Prouincialibus procul pulsis & domos reuerti coactis, pax grata bonis rediit.

*Quæ licet effusus toto egerit orbe triumphos,*

*Cluserat Imperij. necdum diademate vultum,*

*Romanâ. staterat rutilus nec vestibus aula,*

*Induperatorum solito de more parentum.]*

Berengarius post exilium Ludouicum expulsisque Prouinciales toto positus Regno Langobardiarum, post tot & tantas ac tot ex hostibus relatas victorias, nondum tamen factus erat Imperator: nondum coronam desuper clausam, *ἡμῶν* Anastasio Bibliothecario dictam, (qualis tum Imperatorum erat) acceperat Romæ ab Episcopo Urbis: nondum ibi in Basilica B. Petri purpurâ & auro circumfulserat more maiorum suorum. *Effusus toto orbe triumphos* Berengarij vocat Panegyristes, non

qui *toto orbe aethi fiat*, (nam intra Italiam tantum Berengarius bellavit & vicit) sed quorum in totum orbem diffusa notitia sit!

*Cur? Nisi quod viris de tota virtute decebat, et in ad summum transire gradum nisi saepe vocatū.]* Berengarium nisi victis vi hostibus; & nisi prius à Romanis vocatum saepe ac rogatum; ad Imperium qui summus honor est, peruenire non decebat. Saepius ergo si Panegyrista nostro fides habenda est, (cur autem habenda non sit non video) rogatus iam fuerat ab Episcopis Romanis, accessitque Berengarius.

*Summus erat Pastor tunc temporis K the Iohannes,*

*Officio. affatim clarus, sophiaque repletus.]* Episcopus Ecclesiae Romanae tum erat Iohannes, eius nominis decimus, dignitate sapientiaque clarus, qui anno dcccxvi. sedere coepit, & sedit annos xiv. menses ii. dies xv. ut Onufrius Panuinius in Romanis Pontificibus scribit, Quibus artibus hic Iohannes & qualis mulieris operâ ad Apostolicæ Sedis fastigium elatus sit, docet Liutprandus in capite xiii. libri ii. Tum Saraceni Africani quos & Poenos & Mauros à sedibus appelliant, occupato monte Gareliano non modo Christianos ad limina Apostolorum orationis causâ proficiscentes accipiebant, aut nisi datâ immodicâ pro redemptione pecuniâ abire non patiebantur: sed etiam veteris Patrimonium S. Petri possessionesque



etiam ac vrbes &c. prouincias à Pippino Carol  
loque Magnæ Ecclesiæ Romanæ concessas pop  
ulabantur atque vastabant; pecunias quoque  
ex Patrimonio Sancti Petri Romanæ ad Episcop  
um Urbis rito deportari prohibebant. Quam  
obrem Iohannes *populum terramque suis fabric  
ebant à Pœnis tam grauitè laniari* indignatus;  
vult ait Liutprandus, ad Berengarium cum mu  
nibus litteras misit, quibus eam rogabat, vt  
vrbis Ecclesiæque Romanæ à Saracenis persidissi  
mæ Christianis vexatæ consuleret; &c. vtiq;  
certam rerum suarum possessionem assereret. A  
Imperium pro tanto beneficio recepturus. Ver  
um igitur Berengarius Romanæ cum copijs, &c.  
à Iohanne Imperatoriâ est coronâ redimitus;  
Augustusque appellatus. Ibi Poëta noster des  
init. *Summus autem erat tum in Vrbe Pastor*  
*Iohannes*; quum Berengarius factus est Impe  
rator; erat &c. quum Panegyristes poemâ suam  
scripsit. Quippe si viuo Berengario scripsit, (vt  
scripsisse in Præfatione ostendimus) viuo &c.  
viuo ac sedente Romæ Iohanne X. scripsit.  
Nam anno Christi dccccxvi. Episcopatus Io  
hannis primo Berengarius Imperatoriis insigni  
bus donatus; anno eiusdem Sacerdotij ix. vlt  
x. est interfectus.

*Quatenus hinc prohibebat opes vicina Charybdis;  
Purpura quas dederat maiorum sponte Beato  
Limina qui reserat castis rutilantia Petro:}*  
**Quia Charybdis Romæ propinqua Iohannem**

M iij

Episcopum Romanum priuabat opibus rebusque, quas maiores Berengarij, Reges Francorum, Imperatoresque Romanorum, nimirum Pippinus, Carolus Magnus, ceterique B. Petro celum iustis aperienti: seu Ecclesie Romanae donauerant. *Charybdis illa vicina Romae omnino (vt obseruo) mons est Garelianus in Latio cum munitione cognomini ad Gareliani fluminis seu Liris ostium, & ad mare Tyrrhenum, iuxta Traiectum non longe à spinis Minturnarum. Aberant autem Minturnae ab Urbe viâ Appiâ circiter centum millia passuum. Porro Saraceni Africani in monte Gareliano munitionem construxerant, in qua uxores, captiuas, paruulos quæqueque suppellectilem satis tuto seruabant. Necnon etiam ab occasu solis ab arcibus orationis gratia ad Beatissimorum limina Apostolorum transire poteras, qui ab his aut non caperetur, aut immo dato pretio dimitteretur. Romanorum etiam ciuitates ita occupauerant, vt quasque dimidias obtinerent. Addit Liutprandus in libri II. capite XII. Africanas Romam versus aciem gyrasse, montemque Garelianum maxima protectione sibi vindicasse, multasque munitissimas ciuitates vi cepisse: qui & in capite XIV. Garelianum flumen ac Gareliani montis summitatem angustasque vias memorat. In Annalibus Bertinianis dicuntur Saraceni Maurique anno DCCCXI. VI. quemdam montem centum ab Urbe millibus munitissimum (id est Garelianum) occupasse.*

Quod si verum est, annis non ut ait Leo XL. sed LXX. Gariolanum montem obtinuerit Saraceni. Nam anno demum DCCCXVI. eo monte deiecti sunt. Leo Marficani in Chronici Casinensis libri I. capite XLV. de ea re sic refert. *Rursus Saraceni foedus cum Docibile Duce Caietanorum ineunt; captiuisque redditis, Gariolanum ad inhabitandum ab eo directi sunt: ubi annis ferme XL. constituti, innumera undique mala gesserunt, multumque Christiani sanguinis fuderunt.* Item in capite LV. Gariolanum montem eum vocat, & Saracenos ab Italis & à Iohanne X. Papa inde expulsos esse operâ Leonis Aug. ac cælos anno DCCCXV. Indictione III. mense Augusto affirmat falsò: cum Leonem Aug. anno DCCCXI. mortem obuisse constet, & cum suprâ ostenderim, anno DCCCXVI. & Iohannem X. Romanum Episcopatum & Berengarium Imperium Romanum iniisse: à quo Iohanne certum est vel ex vno Poëta nostro, Berengarium coronatum vinctumque esse. Apud Sigebertum in Chronico; Anno DCCCX. Saraceni Romanos versus girantes Gariolanum montem occupant; ibique munitione sibi factâ, multas Italia urbes debellauerunt. Et anno DCCCXXIII. Africani quò per munitionem Gariolani montis totam Italiam laniabant, per militiam Iohannis Papæ & per auxilium Romani Græcorum Imperatoris pugna ita atteruntur, ut ne unus quidem superfuert. Indictione autem VIII. anno DCCCXIX. Roma-

nus, Augustus est appellatus, & annis xlv id cum filiis suis generoque Constantino imperavit. *Lirim amnem* (inquit Raimundus Marlianus) iam septingentos abhinc annos à Gariliano castello, quod Saraceni munitionem propugnaculorum sibi construxerant, Garilianum appellamus. Sed errat Marlianus. Nomen enim veterum montem aut flumen Garelianum à Saracenis Africanis nomen accepisse dicit; non Lixprendus; non Leo Maricanus; non Sigebertus, qui utriusque meminere. Quod idem potius nà monte Gatellano munitionem seu castellum Saracenorum in eo conditum appellationem accepisse, ut & castellum Garelianum diceretur, vulgò *la Isola del Garigliano*: quod id mons vel colle Traiectum quoque, vulgò *Traietto*, ex Minturnarum in valle vel in planitie sitarum ruinis edificatum esse aiunt, prope os fluminis Liris, quod Leander Garigliano nunc vocari etiam dicit. *Vicina ergo Roma Charybdis*. Poëta dicitur, munio in monte Gareliano à Saracenis structa, ad censeum ab Urbe lapidem: quod vix illa olim in freto Siculo; sic hæc ad mare Tyrreum obuia omnia absorberet atque deuoraret.

*Donà Duci mittit sacris aduella ministris.]*  
Mittit Berengario Iohannes Papa X. dona per Presbyteros aut Diaconos Ecclesia Rom.

*Quò memor extremi tribuat sua iura diei.*  
*Romanis, fouet Ansanias quæ nuntius terras.]*

Regem orat, vt memor dici Iudicij, Ecclesia  
 Romanæ res suas à Saracenis direptas vastas-  
 que restituat, & auctoritate sua, viribusque  
 suis eandem vrbi Romæ quam Regno suo  
 Langobardiæ pacem securitatẽque reddat;  
 pro tanto beneficio Imperium consecuturus.

*Imperij sumptus eo promovere sentum; .: .  
 Solus & Occiduo Cesar vocitandus in orbe.]*  
*Imperij sertum, Imperij diadema; & Imperij co-*  
*ronam, ac diadema gemmis auroque venditum vo-*  
 cat Panegyristes coronam Imperatoriam *ἐμ-  
 πικρατον*, quæ à Regia differebat, & quam Ana-  
 stasius Bibliothecarius S. E. R. in Constantini  
 Copronymi imperij anno xxviii. à similitudi-  
 ne *galeam* appellauit. Undique enim clausa e-  
 rat & solida, ac ipsum caput ambiebat tẽge-  
 baturque cassidis modo, variis gemmis & mul-  
 tiplici serie margaritarum ornata: quales coro-  
 nas in capitibus eorum aliorum Imperatorum  
 Romanorum recentiorum, tum maxime Theod-  
 dori Lascaris posterioris, Michaelis Palæolo-  
 gi, & Andronici Palæologi eius filij obseruare  
 memini. Solus autem in Occidente Cesar erat  
 futurus Berengarius post vñctionem corona-  
 tionemque sui Romæ factam à Iohanne, pro-  
 pterea quod Ludouicus Bosonis filius aut iam  
 post exccrationem perierat, aut ei post effuso  
 os oculos cum Regno Italico Imperatorium  
 nomen erat ablatum; Carolus Rex Francorum  
 Occidentalium erat; Cuntadus Orientalium

& Germanorum: Hispaniæ & Britannię Reguli plures tum & inuálidi à cogitatione Imperij plurimum aberant. Itaque solus quidem in Occidentis partibus Cæsar Aug. vel Imperator futurus erat Berengarius; sed non solus tamen Imperator in Occidente appellandus: cùm Imperatores Constantinopolitani Thraciam, Macedoniam, Daciam, atque etiam Siciliam, & ipsius Italiæ provincias Apuliam & Calabriam tunc obtinerent in Occiduis tractibus, ibi certè saltem Cæsares & Ἀυτοκράτορες seu Imperatores Augustique nuncupandi à subiectis nationibus.

*Talibus cunctis precibus iubet agmina Regni Afferre, quæ tanti gressum comitentur honoris.]*  
 Victus & deuinctus precibus muneribusque Iohannis Papæ Rex Berengarius, copias suas è toto Regno coactas, quibuscum bella pacemque gessit, adesse ac properè continere iubet, quæ ipsum Romam iturum ac diadema nomenque Imperatoriam recepturum comitarentur.

*Feruerat tunc videas urbem, & procedere portis Quat Roma gremio gentes circumdat auito.]*  
 Peregrini Romæ tum multi erant exteri, quàm varij linguis, tam vestis habitu: quidam etiam ex eis oblitæ patriæ, ibi habitabant. Hi omnes in scholas diuisi erant pro sua quisque natione, Franci, Saxones, Langobardi, Græci, Frisij vel Frisones, alique. Venienti ergo Romam Regi

alicui vt Imperator consecraretur, occurrere solebant schola Francorum, schola Græcorum, schola Frisiorum, schola Saxonum, schola Langobardorum cum signis atque vexillis, præcedente Senatu populoque Romano atque militia.

*Interea Princeps collem qui prominet Vrbi*

*Præteriens, ubi se prætore commisit amœno:*

*Singula quæque modis incendunt arbera miris  
Armina.]*

Collis ille celsus & editus, à quo despectus in Urbem erat, haud dubiè *Mons Gaudij* vocatur ab Ottone Episcopo Frisingensi in capite xxii. libri ii. de Gestis Friderici I. Romanorum Imperatoris S. A. vbi ait Fridericum armatum cum suis per decliue montis Gaudij descendisse, & portam Auream Leonianam urbem in qua B. Petri Ecclesia sita est, intravisse. Montem Gaudij, qui & Marij dicitur, appellat Petrus Diaconus, qui in occursum Henrici R. ad populi infinitam multitudinem à Paschale Papa II. missam esse tradit. Prætium autem amœnum colli subiectum aberat ab vrbe Roma ferè vno milliari, quo in loco vniuersæ militiæ scholæ cum Patronis Regibus Imperatorio diademate coronandis, aut etiam Imperatoribus occurrere solebant, laudésque eis accinere: vt Anastasius in Hadriano I. & in Sergio II. indicat. Nonnumquam Iudices vniuersi cum signis multo longiùs ab Vrbe Principibus occurrebant,

ad ix. lapidem, ad x. i. etiam ad tricesimum, sicuti idem docet. Leo ipse Episcopus Romanus cum Romanis Carolum Magnum Regem Francorum & Langobardorum ac Patricium Romanorum Romam venientem apud Nomentum xii. ab Urbe lapide honorificè excepisse, in Annalibus rerum Francicarum ante annos dcccxlvi. compositis dicitur. Regi Berengario occurrisse Senatum Rom. & scholam Græcorum, aliásque exterorum scholas, ac fratrem Iohannis Papæ, Consulisque filium scribit Panegyristes noster. Ceterum qui ex Urbe occurrebant Principi coronando, vel iam coronato, varios in ordines vel scholas (*agmina* Poëta appellat) diuidebantur pro varietate graduum atque nationum, & carmina in laudem Principis composita suâ quisque linguâ alteri post alteros modulabantur. Priores ut procedebant, ita & canebant Romani; Romanos excipiebant Græci, Græcos ceteræ exterorum scholæ. Sic *laudes* nouorum Imperatorum olim à *Consulibus* in Curia dici consueuisse docet Capitolinus in Pertinace: ne de Senatorum aut militum solitis acclamationibus loquar. Sic & Mauricio Aug. nouo *laudes acclamatas* esse in Circo Constantinopoli: & Regi Guntchramno Aurelianos petenti processisse obuiam opidanos cum signis ac vexillis, Latinos, Syros, Iudæos, *laudesque cecinisse* scribit Gregorius Turonicus Episcopus. *Dulcisonas laudum vo-*



*et. Anastasius in Sergio Papa II. miris modos  
suprà Poëta noster ob modulationem appellat.  
Laudes Imperatori (Ludouico Pio) debitas Glo-  
rus Romanus conclamauisse dicitur in Vita Lu-  
douici Pij Aug.*

Admonet me Gregorij Turonici Episcopi  
facta mentio, paucis aperire, quid in libri Hi-  
storiz eius x. capite xvi. sit, barbatorias cele-  
brare. Romani diem quo primam barbam po-  
suerant, sacrificiis & conuiujs ac domestica  
religione lætitiâque celebrabant. Caius Cæsar  
Aug. Germanicus, qui Caligula cognomina-  
tus est, vicesimo atatis anno accitus Capreas à Ti-  
berio C. Aug. vno atque eodem die togam sumsit,  
barbâque posuit sine ullo honore, qualis conti-  
gerat Tirocinio fratrum eius, vt Caius Suetoni-  
us Tranquillus scribit: qui & auctor est, Ne-  
ronem Cæsarem Aug. gymnico certamine quod  
in Saptis edebat, inter buthysia apparatus bar-  
bam primam posuisse, conditâque in auream py-  
xidem & pretiosissimis margaritis adornatam Ioui  
Capitolino consecrauisse: quemadmodum apud  
Arbitrum in pyxide aurea non pusilla barba  
Trimalcionis condita esse dicitur. Iuuenalis in  
Satyra III. sacra tum Diis Penatibus fieri, & li-  
ba inter amicos diuidi consueuisse docet hoc  
versu,

*Ille metit barbam, crinem hic deponit amati:*

*Plena domus libis.*

Liba autem, quæ placentæ de farre, melle &

oleo erant, & Græcis popana vocabantur, sacris apta fuisse, vel ex vno Seruio omnes sciunt. Omitto vetustum notissimum Sartyæ VII. de claritate natalium.

*Quadam cum prima refecentur trimina barba. Primam adolescentium barbam extipiebant parentes, aut propinquæ, nimirum amita, matertera, aut aulæ, condebantque pyxide, & ad Deum cui consecrata erat mittebant, aut ipsæ ei offerebant. Nero cum amitam ex duritia aliam cubantem visitaret, & illa tractans lanuginem eius, ut assolent iam grandes natu, per blanditias fortè dixisset, Simul hanc excepero, mori volo: conuersus ad proximos, confestim se positurum velut irridens ait. Elagabalus Aug. semel mentum rasit, ob idque diem festum egit: ut Dio in libro LXXIX. scribit. *ἀνὰ τὴν αἰχμήν τοι τοῦ κεφαλῆ, ἢ ἐπ' αὐτῆς ἐορτήν ἔπειν.* Mansere & apud Christianos prisci moris vestigia. Adolescentem enim radendum deducebant in Ecclesiam parentes, & propinqui amicique, & per Presbyteri vel etiam Episcopi ministerium primam lanuginem posituro fausta precabantur. In libro Sacramentorum Gregorij Papæ eum oratione ad capillaturam reperitur & oratio ad barbas tondendas, quæ talis est. Deus, cuius Spiritu creaturæ omnis incrementis adulta congaudet, exaudi preces nostras super hunc famulum tuum Ill. iuuenilis ætatis decore latantem, & primis aspiciis attondendum: ut in omnibus protectionis tuæ mun-*

tus

*ius auxilio, celestem benedictionem accipiat, & presentis vite presidium gaudet & aterna. Et Proceres quidem eligebant aliquem magnæ dignitatis virum, cuius sibi manu prima barba cederetur. Sic Taso Langobardus, Dux Foro-Julienham Gregorium Patricium & Exarchum Ravennæ eam in rem elegerat, à quo per fraudem & perfidiam est interemptus. Quippe iururando pollicitus erat Gregorius, se Tasoni barbam, sicut moris erat incisurum: eumque sibi filium facturum. Itaque Taso cum Saccone fratre suo & lectis iuuenibus nihil mali metuens, ad Gregorium venit Opitergium: quem mox undecum suis, peritus Patricius portis urbis clausis & immissis militibus non inultum intercepit, ut Paulus in libro iv. de gestis Langobardorum scribit. Ex quo apparet, omnes quis manu primam barbam potuisset, ei fuisse sibi adoptivi loco. Primæ barbæ consilio, & festivi simul conuiuij apparatus, tam propinquis & amicis dare soliti, dies quoque ipsa qua barba ponebatur, *Barbatoria* vocabatur. Id nos docet Glossarium Latino-Græcum vetus, quod Philoxeno cuidam tribuitur, his verbis: *Barbatoria, μαγανορεία*. Eadem eisdem verbis docet & Glossarium Beati Benedicti Floriacensis, ab Henrico Stephano editum: *Barbatoria, μαγανορεία*. Qui cum diem festum latumque agebant, & conuiuiis celebrabant, *Barbatoriam* celebrare dicebantur. Apud Gregorium*

in libri Historiæ x. capite xvi. Chrodielidis & Basina Monachæ Pictauensis Monasterij Sanctæ Crucis, obiecere Leuboueræ Abbatissæ, quòd talia in Monasterio conuiuia cum Sæcularibus iniisset. Episcoporum Pictauis congregatorum verba sunt hæc de Chrodielde & Basina Leuboueram Abbatissam accusantibus. *Adiicientes etiam, Barbatorias intus eo quòd celebrauerit. Quæ cùm Henricus Spelmannus in suo Glossario vel Archæologo non intelligeret, Barbatoriam artem tonsoriam, vel capilli barbae cultum significare existimauit. Nec felicius Spelmanno Claudius Salmasius ex nomine feminino nomen masculini generis fecit, ex numero singulari pluralem: & in veteribus Glossis quas supra laudauimus, legendum putauit, Barbatoria, παρτορικουσία: ac Barbatoria officinas tonsorum seu tonsstrinas esse credidit, Barbatores moueïs vel tonsores, in suis in Ælij Lampridij Antoninum Elagabalum Notis. Hæc nos primi omnium obseruauimus, vt Gregorij nostri verbis obscuris & à nemine hactenus intellectis lucem daremus, morémque dudum abolitum illustraremus, in duorum amicorum à quibus ea de re consulti sumus, vel potius doctorum in omnium gratiam.*

*Namque prius patrio canit ore Senatus.]*

In veteribus Annalibus rerum Francicarum qui in anno dcccxi. desinunt, dicitur Leo Papa anno dccc. misisse obuiam Romanæ urbis vexilla

Regi Carolo Romam petenti, ordinasse etiam  
 atque disposuisse per congrua loca tam peregrino-  
 rum quam civium turmas, qui venienti laudes  
 dicerent. Et Anastasius scribit, eundem Leo-  
 nem ex Saxonia Romam revertentem, à Pro-  
 ceribus Clericorum, ab Optimatibus & Senatu,  
 à cuncta militia & uniuerso populo Romano,  
 & à cunctis scholis peregrinorum, ad Pontem  
 Muluium cum signis exceptum esse. In Anna-  
 libus Francicis à Pithœo Fcherôque editis  
 qui vulgò Fuldenses cognominantur, de Ar-  
 nulfo Romam intrante hæc inueniô. *Omnis*  
*namque Senatus Romanorum, necnon Grecarum*  
*schola cum vexillis & crucibus ad pontem Mul-*  
*uium venientes, Regem honorificè cum hymnis &*  
*laudibus suscipientes, ad Urbem perduxerunt.*  
*Patrio autem ore, id est linguâ Latinâ laudes*  
*Arnulfi canebat. Senatus, præfixa iudibus fe-*  
*rens capita ferarum: vt indicaret, quidquid*  
*hostes nimirum Saraceni feris ferinisque ani-*  
*mis tentarent, sub tanto Imperatore tam pru-*  
*dente tamque callido irritum deinceps futu-*  
*rum.*

*Præfigens iudibus rictus sine carne ferarum.]*  
*Capita Draconum calata in ligno, glossa vetus*  
*exponit hos rictus ferarum sine carne: quasi Se-*  
*natus more militis Romani signa Draconum*  
*in summis hastis fixa gestauerit. Capita va-*  
*riarum ferarum contis præfixa, non vera qui-*  
*dem sed facta è lino picto aut è serico malim*

intelligi. Petrus Diaconus in libri iv. Chronici Cassinensis capite xxxix. occurriffe R. Henrico Staurophoros, Aquiliferos, Leoniferos, Lupiferos, & Draconarios prodit.

*Indicio: denicta cadent tentamina posthac,*

*Si qua hostes animo cupient agitare ferino.]*

Indicio, ad indicium, ad indicandum hostes ferarum similes esse, eorum conatus ferinis pares, & ex ipsis instar ferarum prostratis Berengarium triumphaturum. Canebat autem (ut puto) Senatus id quod rictibus istis ferarum præfixis designare volebat, & quod Poëta subiicit.

*Denicta cadent tentamina posthac,*

*Si qua hostes animo cupient agitare ferino.*

*Dadaleis Grævis sequitur laudare loquellis.]*

Post Senatum Romanum procedebat & Berengarium laudabat schola Græcorum Dadaleis loquellis, id est variis, multiformibus, multiplicibus, artificiosis: aut certè Atticis. Dadalus enim Atheniensis fuit: cuius nominis tertiam syllabam Poëta ex longa breuem fecit. Anastasius in Vita Sergij Papæ II. scribit, Sergium in Excellentiſſimi Hludounici Regis occursum dum Vrbi pane 1. miliarij spatio appropinquasset, uniuersas militiae scholas cum patronis direxisse, dignas nobilissimo Regi laudes omnes canentes, aliisque militia doctissimos Græcos, Imperatorias laudes (Lotharij Aug.) decantantes: qui cum dulcisonis earundem laudum vocibus

*ipsum Regem gloriôsè susceperunt.* Arnulfo occurrisset præter ceteros scholam Græcorum, ex Annalibus Fuldensibus suprà docuimus. Quin & multo antè Paulus Episcopus Romanus, imperante Constantino Leonis Isauri filio, in domo sua Monasterium S. S. Stephani & Siluestri Episcopi Romanorum extruxit, Monachisque Græcis ibi congregatis *Græce modulationis Cœnobium* esse decreuit: vti Anastasius scribit. Locum ipsum *ad Sanctos Martyres in schola Græcorum* appellari iussu ait Hugo Floriacensis Monachus Hilduinum secutus. Inuenio & Romæ *S. Mariam in schola Græca*, titulum Diaconi seu Diaconiam fuisse. Multi ergo tum Græci habitabant Romæ, cum & ea in vrbe Monasterium haberent. Vetus auctor, qui aetate Sutrij inter Paschalem & Henricum vidit & scripsit, circa annum mxi. de Rege Henrico Romam intrante ita refert. *Ante portam à Iudæis; in porta à Græcis canentibus exceptus est:* quæ verba in libri iy. historię Cassinensis Monasterij capite xxxix. apud Petrum Diaconum reperiuntur.

*Stoicus hic noster: cluibus quia pollet Athenis,  
Et sollers iter in Samia bene callet arena.]*

Hoc erat, quod canebant Græci qui occurrerant Regi Berengario honoris causâ. Berengarius Stoicus noster est, cui tota nobilium Athenarum seu veteris Græciæ philosophia; cui Pythagoræ Samij via virtutis est cognita. Ni-

mirum Pythagoras Philosophus genere Samius qui allegoriis gaudebat, in litteræ r forma binum atque discrimen vitæ humanæ agnoscere se dictitabat : & in dextro eius litteræ ramo qui minor esset, arduam virtutis viam & angustam ; in sinistro cornu quod esset latius, viam facilem atque proclivem vitiorum ac voluptatis. Glossæ autem quæ in codice reperiuntur, à nobis suo quæque loco sunt relatæ, quoties opus fuit. Quas ego glossas à veteri aliquo Grammatico, vel potius ab ipsomet Pannegyrista & Poëta nostro adiectas esse puto, quemadmodum Abbo auctor Poëtæ nostri ferè æqualis, in libris suis de obsidione Luteciæ se fecisse proficitur. Glossa igitur, cuiuscunque sit, heic cluibus interpretatur nobilibus. *Cluo* (κλύω) *Græcum*, est idem quod *ausculto*. Est autem polysemus sermo. Nam *cluis nobilis*, & *pugnax*, & *auscultans* dicitur, & *defensor*. Sane κλύω, apud Græcos significat audio, ausculto, morem gero, loquor : à quo κλυτός clarus, inclytus, celeberrimus dicitur. Latinis clueo vel cluo (nam utramque coniugationem habet) idem est quod noscor, nominor, dicor, vocor, sum. Vnde *cluis nobilis* : quod nomen nusquam alibi legere memini quàm in Glossis à Bonaventura Vulcanio editis, & è MS. Glossario Arabicolatino veteri collectis, in quibus *Cluis, nobilis* exponitur. *Cluere* etiam antiqui purgare dicebant : à quo Venus Cluacina nomen habet.



vt scribit Plinius in libri xv. capite xxix. Cluere an etiam veteres dixerint pugnare & defendere, haud equidem scio: qua de re fides sit penes Glossatorem.

*Cetera turba pium nativa voce tyrannum*

*Prosequitur, totaque docet tellure magistrum.]*

Post Senatum Romanum & Scholam Græcorum, ceteri exteri ac peregrini qui aut Romæ sedem habebant, aut orationis tantum causâ ad limina Apostolorum venerant, vt Franci, Langobardi, Saxones Anglique: in scholas turmasve diuisi, patriâ quisque linguâ laudes Berengario pio Regi dixere, & totius orbis occidui dominum mox futurum cecinere.

*Hec etiam iuuenes nitida respergine creti,*

*(Alter Apostolici nam frater, Consul alter*

*Natus erat) pedibus designant oscula Regis.]*

Iuuenes nobilissimi & clarissimo sanguine orti, nimirum frater Iohannis PP. X. & Consul ac Ducis Romanorum filius, postremi tamquam honoratiores occurrerunt R. Berengario, & more Romano iam inde à Caio Cæsare Caligula cœpto pedes eius sunt osculati: quo salutationis genere aut potius adorationis Romam vtrò ditioni eius se subiicere indicabant. *Apostolicum* ex more vocat *αγρ' Ἐπιστολῶν* Panegyristes noster Episcopum vrbis Romæ Iohannem eius nominis decimum, ceu Sedis Apostolicæ inessorem, & Petri Apostolorum Principis successorem ac Vicarium. Sed iam

dudum Episcopi quilibet hoc sibi etiam vindicare  
 cœnerant, ut *Apostolici Pape*, *Apostolici Patres*,  
*Apostolici Presules* vocarentur. Frater autem hic  
 Iohannis Papæ X. Petrus appellabatur: quem  
 postea à Vuidonis Tuscorum Marchionis &  
 Marociæ eius vxoris militibus in palatio Late-  
 ranensi interfectum esse scribit Liutprandus in  
 libri III. capite XII. Consul Romanorum tum  
 erat *Theophylactus*: sicuti Glossa docet, quæ  
 non addit, quo nomine filius Theophylacti ap-  
 pellaretur. Consul qualis tum erat, Consul &  
 Dux urbis Romæ vocari consueuerat. Sic in li-  
 bro instrumentorum Monasterij Casauriensis  
 dicitur Ludouicus iunior Aug. fundator eius  
 Monasterij, à *Petro Consule & Duce urbis Ro-*  
*mana* possessionem & capellam Sancti Blasij  
 intra Urbem, seu solarium domus suæ cum area  
 & curte, & Curtem in loco & fundo Tuscia-  
 no emisse DCCC. libris argenti. Petrus iste Con-  
 sul & Dux Romanorum, in tabulis venditio-  
 nis ita subscribit. *Petrus in Dei nomine Consul*  
*& Dux*. Patricium Romanorum vel Patricium  
 urbis Romæ, qui & Senator dictus est, *Con-*  
*sulis* olim appellatione designatum, in libro  
 VI. Rerum Francicarum obseruauimus.

*Hinc ubi Presul erat, gressum comitantur herilem*  
*Vestibuli ante fores, graduum quæ peruius usus*  
*Aduchit ornatam cupidos intrare per aulam.* ]  
 Petrus Papæ frater, & Theophylacti Consulis  
 Romanorum filius, ceterique peractâ salutæ

tione Berengarium ad Iohannem Pontificem maximum deduxere, in gradibus Basilicæ Beati Petri Apostoli vel in atrio super gradus eius Basilicæ sedentem: ad quos gradus Basilicæ S. Petri per atrij ianuam perueniebatur. Hanc ianuam *fores vestibuli* vocat Poëta noster; Petrus Diaconus in historiæ Monasterij Cassinensis libri iv. capite xxxix. *porticus portam* appellat. Quippe *porticus & vestibulum*, & vt Anastasius Bibliothecarius Ecclesiæ Romanæ loquitur, *atrium* vna eadēque res erat. Atrium enim sine vestibulo & sine porticibus utique esse non solebat, Media pars atrij subiecta gradibus Basilicæ, & circumdata quadriporticu seu *terastylo*, Paradisus dicebatur, Vnde Paulus in libro v. de gestis Langobardorum, & Aimoinus in libro iv. Historiæ produnt, *Domnum Papam Romanæ Ecclesiæ locum qui Paradisus dicitur ante Basilicam Beati Apostoli Petri, candidis & magnis marmoribus mirificè strauisse.* Anastasius de eadem re scribens, locum istum *atrium B. Petri Apostoli subterius quod Paradisus dicitur, & est ante Ecclesiam quadriporticum*, nuncupat; Platina *vestibulum B. Petri quadriporticum, quod Paradisum vocant.* In Annalibus Fuldensibus *Formosus Apostolicus ante Paradisum loco qui dicitur Gradibus Sancti Petri suscepisse Regem Arnulfum anno dcccxcvi. dicitur.* Erant autem in exteriori atrio gradus illi Basilicæ S. Petri haud exigui numero: quibus conscen-

sis, iam interiorius atrium ingresso occurrebat ianua Argentea Basilicæ, quam Petrus Diaconus *portam Argenteam*; Anastasius in Sergio Papa II. *portas Argenteas vel ianuas Argenteas* nuncupat. Eâ ianuâ Reges ac Imperatores in Basilicam Sancti Petri introducebantur ex more: quam Basilicam *ornata aula* nomine Poëta designauit.

*Ille quidem sacro fulgens residebat amictu,*

*Altarisque subibat ouans hinc inde minister.}*

Stantes antea Episcopi Romani solebant operiri Reges ad limina Apostolorum accedentes. In veteribus Annalibus rerum Francicarum dicitur *Leo Papa anno dccc. in gradibus Basilica Beati Petri Apostoli stans cum Clero & Episcopis, equo descendente gradusque adscendentem Regem Carolum excepisse, datâque oratione, in Basilicam Beati Petri Apostoli psallentibus cunctis introduxisse.*

*In gradibus templi stipante sacro*

*Constitit ipse choro. Carolum sic aduenientem*

*Suscepit, laudum modulamina dulcia cantans.}*

*In gradibus Basilica Beati Petri Apostoli cum Episcopis & uniuerso Clero consistens, Leo Papa aduenientem Regem suscepisse dicitur Eginhardo. Sic antea Hadrianus eundem Carolum excepturus, in atrio supra gradus Ecclesie Beati Petri adstibat, ut Anastasius refert. Sic apud eundem Sergius II. Papa Ludouico Rege Italie Lotharij Aug. filio veniente, in atrio super gra-*

*duſ iuxta fores Eccleſia cum vniuerſo Clero & populo Romano adſtitit. Iam inde igitur à Carolo Magno Epifcopi Romani Reges noſtros ſiue Imperatores conſecrandos, ſiue iam conſecratos excepturi, in gradibus Baſilicæ Beati Petri Apoſtoli ſtabant, adſtabant, conſiſtebant-ve cum clero Eccleſiæ ſuæ, veſtibus Pontificaliſus induiti, & ita Principum noſtrorum adſcendentium aduentum exſpectabant. Quem morem uſque ad Ludouicum iuniorem Aug. durauiffe puto per annos circiter x. Sed poſtea dignitati ſuæ conuenientius exiſtimauerunt ſedere in gradibus Baſilicæ B. Petri, & ſedendo ſtantes accedentéſque Reges vel Imperatores opperiri; nec eis niſi omnes iam gradus emenſis appropinquantibúſque aſſurgere: vt docet Anaſtaſius, apud quem Leo IV. Sergij II. ſucceſſor, Ludouicum iuniorem Lotharij Aug. etiamtum viui in Imperio collegam, Romam venientem honorificè ſicut mos eſt ſuper gradus maiores Beati Petri Apoſtoli reſidens ſuſcepit. Idem ex Poëta noſtro diſcimus, qui de Bereſgario hæc ſubiicit,*

*Postquàm conſcenderat omnem  
Adſcenſum, aureolo Præſul ſurgens cliothedro  
Oſcula figit ouans, dextrámque receptat amicam,  
Vetus tamen mos ſtandi ante fores Baſilicæ B. Petri, à quibuſdam poſtea ſeruatus eſt, vt à Paſchale II. Henricum excipiente, & à quibuſdam aliis.*

*Quid referam populos istinc illincque coactos,  
 Vndantesq; gradus, cum Rex ad Templum subiret  
 Eunctus Pastoris equo? Mox quippe Sacerdos  
 Ipse futurus erat. Titulo res digna perenni.]*

Romani, & exteri atque peregrini atrium hinc  
 & inde seu ex utraque parte compleuerant,  
 & gradus ipsos Basilicæ inundauerant: vix ut  
 præ densa multitudine Rex ad gradus posset  
 accedere, licet præeuntibus stipatoribus & vo-  
 ce ac nutu turbam summonentibus. Vehema-  
 tur autem equo Episcopi Romani Iohannis X.  
 ex more: quoniam ipse instar Sacerdotis mox  
 futurus, & more modoque Episcoporum sacro  
 oleo unguendus consecrandusque erat Imper-  
 ator. Ibi Glossator, hoc est ut existimo Poë-  
 ta ipse hæc obseruat. *Talis est mos Romanus, ut  
 qui debet promoueri ad dignitatem Imperij, Præ-  
 fulis equo devehatur in Urbem.* De eo more ni-  
 hil vsquam legi, nihil me vsquam reperire me-  
 mini: de quo tamen dubitari non potest, cum  
 & à Poëta nostro æquali eorum temporum  
 describatur, & in Berengario candidato Impe-  
 rij seruatus dicatur, & in Glossa aperitiùs ex-  
 ponatur. Vbi notandum est in equis albis, qua-  
 libus Romani triumphantes curru iuncto Ur-  
 bem olim inuehi consueuerant, Imperatores  
 atque Episcopos Romanos sedere solitos esse.  
 Certe Leo in libro II. Chronici Cassinensis ait,  
 Benedictum Papam Babenbergensi Ecclesiæ pro  
 annuo censu equum unum optimum album cum

ornamentis & phaleris suis ac centum marchis  
 argenti imposuisse, & Leonem IX. Papam in  
 gratiam Henrici Aug. Conradi filij marchis re-  
 missis, equum tamen sibi seruasse circa annum  
 ML. Sugerius in Vita Ludouici Francorum Ro-  
 gis cognomine Crassi tradit, Dominum Papam  
 Innocentium II. albo & palliato equo insiden-  
 tem processisse die Paschæ ab Ecclesia S. Dio-  
 nysij in Strata ad Basilicam Beati Dionysij no-  
 mine ac tumulo illustrem anno MCCCXI. Im-  
 peratorem quoque Lotharium Innocentio Leo-  
 dicum intranti cum Episcoporum & Optima-  
 tum magno numero occurrisse, & in platea  
 ante maiorem Ecclesiam peditem per medios ad  
 eum festinasse, & alterâ manu virgam, alterâ  
 frenum albi equi accipientem, tamquam dominum  
 deduxisse. Apud Radeuicum in capite LXXII. li-  
 bri II. obicitur Rolando seu Alexandro Papæ  
 III. quod ex Vrbe exierit sine manto, sine stola,  
 sine albo equo usque ad Cisternam. Auctor est  
 Henricus Cornelius Agtippa anno MCCCX.  
 Clementi VII. Papæ, post coronam Impera-  
 toriam Carolo impositam, ex Bononiensi Ec-  
 clesia Sancti Petronij procedenti coronato ad-  
 motum esse niuei candoris equum gradariam,  
 aureis habenis ac moniti purpureoque ephippiis  
 insignem: admotum esse & Imperatori equum,  
 niueo candore & altitudine illustrem, magnificen-  
 tissimè ephippiatum phaleratamque, auro & gem-  
 mis undique fulgentem. Cum igitur Episcopus

Romanus equo albo vehi consueuisset, præsertim in sollemnibus festisque processibus, & in ingressibus urbium : apparet R. Berengarium mox Imperatorem futurum, qui equo Iohannis X. Episcopi Romani urbem Leonianam inuectus est, in equo albo tum sedisse. Domitianus Cæsar Vespasiani Aug. patris & Titi fratris *triumphum Iudaicum equo albo comitatus est*, ut Suetonius scribit. Sed & Carolus V. Francorum Rex, cum comperisset Imperatores in vrbes sibi subiectas equo albo inuehi solere, Carolo IV. Augusto ac filio eius Wenceslao Regi Romanorum anno MCCCCLXXVIII. equos nigros misit Luteciam intraturis. Iacobus Piccolomineus Cardinalis Papiensis in libro Commentariorum VII. tradit, anno MCCCCLXVIII. à Paulo II. Papa in Vaticanum reuerso Fridericum III. Imperatorem *albo equo phalerato & aurea veste donatum esse*, ut cum antea atratus Cæsar semper fuisset, in sollemni illa transmissione Imperatorio ornatu procederet. Maximillianus Friderici huius filius, Rex Romanorum electus, & mox coronandus Aquasgrani intrauit *in veste aurea, & equo albo* anno MCCCCLXXXVI. Carolo Maximilliani Aug. nepoti, Imperatoriâ coronâ anno MDXXX. redimito à Clemente PP. VII. applicitum esse equum niuei candoris iam supra notauimus.

*Aduenit ut tandem lecto comitante ministro,  
Atque pedes sensim gradibus conatur ab imis.*



*Vndique turba premit.]*

Berengarius igitur equo vectus est vsque ad gradus Basilicæ Beati Petri, & ibi demum equo descendit, vt gradus conscenderet: quod sensim nec sine conatu fecit cum ob ætatem ingrauescentem, tum ob turbam gradus inundantem.

*Ter quoque sacra Pius gradibus vestigia fixit,*

*Maiestate manûs cogens, cessare tumultus*

*Vndantis populi.]*

Pius Rex Berengarius ter substitit in gradibus, & manu turbam vociferantem ac sibi obstantem repressit.

*Postquàm conscenderat omnem*

*Adscensum, aureola Prasul surgens cliophedro,*

*Oscula figit ouans, dextramque recepat amicâ.]*

Postquàm gradus omnes Basilicæ Sancti Petri Apostoli conscendit Berengarius, Iohannes X. Papa qui in sella aurea confidebat, assurrexit Regi demum, cumque osculatus est, ac dextrâ dextram salutantis pro amicitia pignore apprehendit. Sic Leo Papa Carolum equo descendentem, gradusque adscendentem, id est gradus omnes Basilicæ S. Petri supergressum, exceperat, vt veteres nostri Annales vniuersi docent. Glossæ, hoc est Poëtæ ipsius verba hæc sunt. Cliophedrum Græcè dicitur sella plectilis, quæ vulgò Valdestolum vocatur. Valdestolum vocat Glossator sedem vel cathedram, quam Fredegarius in libri v. & vltimi Chronici capite xxxiv. &

Theodulfus Faldaonem, recentiores Faldistorium vel Faldisterium appellant, Matthæus Parisiensis Faldestolam, nos vulgò olim *Faldstueil*, nunc truncato nomine *Faltueil*, Itali Faldistoro. Et sella quidem plestitis vel plicatilis, olim dicta est Falda aut Faldestolum, ut Glossa docet. At nunc sedem seu cathedram maiorem, panno aliquo serico laneve instratam, cui & dorsum & brachia sedentis possunt inniti, (quales iuxta lectos poni consuevere) Faldaonis Faldestolive nomine designamus. Ceterum Cliothedrum vel Cliophedrum corruptum nomen est. Clisthedrum aliqui dici malent, id est sellam clausam. Fulcherius tamen Carnutensis qui in anno mxxvii. desinit, in historie Hierosolymitane libri iii. capite lxi. eo etiam nomine vitur. *Considente autem (inquit) Boamundo super cliothedrum suum Principe effecta, diploideque decentissima vestito, convocatis Optimaribus suis omnibus: intraverunt ei humanitatis subditam fidelitatem, presente Rege & favente, ab eo die & deinceps se servaturos: hoc est hominio & fide ei sunt adstricti. Porro Clementem VII. Papam aureâ cathedrâ delatum esse in Bononiensem Ecclesiam Sancti Petronij inuenio, vbi Carolum V. Imperatorem coronaturus erat.*

*Oscula flegit ouans, dextramque recepat amicam.]*  
Iohannes P P. Berengarium osculatus est Regem, dextramque eius apprehendit. Nimirum  
more

more Romano salutantes osculum offerebant amicis, dextrâsque iungebant. Quo more seruato, Hadrianus I. Papa & Carolus Rex Francorum ac Patricius Romanorum anno dccc-lxxiii. Romæ in atrio super gradus Basilicæ S. Petri *mutuò se amplexi sunt*, apprehenditque Carolus dexteram Pontificis, & ita aulam B. Petri ingressi sunt; laudem Deo & Carolo contentibus Clericis & Monachis vniuersis. Leo quoque Papa III. cum ad eundem Carolum Regem Francorum & Langobardorum ac Patricium Romanorum venisset, anno dcccxciv. *pariter se ambo complexi cum lacrimis & osculati sunt*, sicuti Anastasius scribit. *Extemplo properans Carolus veneranter adoratur Pontificem amplectens magnam, & placida oscula libat.* *Inque vicem dextrâs iungunt, pariterque feruntur Gressibus.* Sed & Pippinum Regis Caroli filium, obuiam sibi à patre missum & ante se prostratum manu alleuauerat Leo Papa, amplexatusque suorum & osculatus: quemadmodum Alcuinus canit in quodam poemate. Apud Anastasium in Vita Sergij Papæ II. anno dcccxiv. Romæ in atrio super gradus Basilicæ Sancti Petri Sergius Papa & Hludouicus Rex Lotharij Augusti *inuicem se amplexi sunt, tenueruntque Rex dextram Pontificis, & intus ingressi pariter ad portam perueniunt argenteam*; & Nicolaus I. Papa

Ludovicum huncce iuniorem iam Augustum anno DCCCLVIII. discedentem non semel est osculatus. Anno MCXI. Henricus qui eius nominis V. Rex Germaniæ, IV. Imperator fuit, ad Paschalis Papæ II. vestigia corrinit, exurgensque in ore, fronte, oculis ei osculum dedit, moxque dexteram Pontificis tenens, ad portam argentream venit: ut scribit Petrus in libro IV. historiæ Cassinensis. Paulus quinetiam Papæ II. licet more tum recepto in eminenti folio sedens anno MCCCCLXVIII. Friderico III. Imperatori & pedem & manum præbuerit osculandam: surgens tamen alleuatum eum deosculatus & amplexus est, dextramque eius apprehendit, ut sæpe alias, ac semper ex æquo processit. Iustinus quidem Aug. abiecit se pronum, & Iohannem Papam adoravit. Rex Pippinus descendisse equo, & humi prostratus cum coniuge & filiis Stephanum Papam eius nominis tertium excepisse dicitur anno DCCXIII. Pippinus quoque Caroli Magni filius cum toto exercitu ante Leonem Papam III. sed pro ipsis Deum precantem ter humi sterneretur: idemque mox faciunt, qui Carolum Magnum comitantur. Ante Sacramentum ter summum exercitus omnis sterneretur, & supplicat vulgus ter fusus adorat: Pro populoque preces ter fundit pectore. Presul, Ludovicus etiam iunior Aug. freno equi Nicolai I. Papæ apprehenso, pedes equitem deduxit mox stratoris; & Imp. Lotharius in urbe

Leodico Innocentium II. Episcopum Romanum; alij alios: ex quibus & Lotharius Innocentium, vt olim Ludouicus Pius Stephanum V. incedentem manu sua sustentauit. Henricus qui eo nomine quartus imperauit, ad Paschalis Papæ II. *vestigia corruit*. Anno M C X X X. Ludouicus Francorum & Henricus Anglorum Reges Innocentij Papæ II. pedibus aduoluuntur, *procumbunt inclinato vertice, ac prostrantur*. Hæc quidem omnia facta legimus; sed nullos tum Reges aut Imperatores Episcoporum Romanorum pedibus oscula fixisse legimus: quem honorem turbæ tantum vitæ Leoni III. Papæ ad Carolum Magnum sobnanti dicuntur habuisse, Neapolitanæ Leoni IV. & Sigenulfus Beneuentanorum Duk Sergio II. Primus, vt equidem reor, vniuersum Imperatorum & Regum Fridericus Aug. anno M C X X V. Venetiæ in Riuo alto nudipes abiectis insignibus Regis Alexandri III. Papæ pedes cum lacrimis osculatus fertur, sed nimirum vt vincolo anathematis exsolueretur. Idem ramen Fridericus Imperator anno M C L I X. Victoris Papæ IV. seu Antipapæ pedes osculatus esse dicitur Radeuico in libri II. capite LXX.

*Hinc adeunt aulam pariter tibi Petre dicatam.  
Ante fores stant ambo domus, diu vota facessit  
Rex: etenim se cuncta loco vouet ultro daturus.  
Quæ prius almifici sacris cesseret tyranni.  
Ilicet his verbis voluntur cardine postes. }*

Iohannes Episcopus Romanus & Rex Berengarius iunctis manibus Beati Petri. Basilicam ianuamque eius Argenteam petunt. Clausa erat iussu Iohannis hæc ianua cum ceteris. Itaque ad ianuam ambo constiterunt, dum Rex uocet, iurat, ac pollicetur se simul ac Imperatorium diadema recepisset, donationes maiorum omnes confirmaturum, & quidquid Pippinus ac Carolus Magnus aliique Principes Basilicæ huic contulerant, se eidem libentissimè collaturum. Quo facto, ianua Argentea aperta est statim, & cum Iohanne Berengarius Basilicam B. Petri. intrauit. Ita Episcopi Romani sibi consulebant, ita suæ cauebant Ecclesiæ, ut non ante Reges ad Imperium promouendos, aut etiam Imperatores in Basilicam Beati Petri intrare paterentur, quàm fidem dedissent eam se defensuros, suum ei ius, sua omnia seruaturus: post exactum iurandum, quam professionem uel promissionem vocabant, aperiebatur demum Basilica Sancti Petri, & in eam Reges introducebantur. Primus omnium Sergius Papa tale aliquid uidetur fecisse, & à R. Ludovico iunioris Lotharii Aug. filio cuius uoluntati diffidebat, iurandum exigere ausus esse. Nam ut Anastasius tradit, cum ambo ad portas peruenissent Argenteas, tunc almisicus Prefectus claudi omnes ianuas Beati Petri atque serrari præcepit, & Regi sancto Spiritu admonente sic dixit: Si puramente & sincera uoluntate, & pro

salute Reip. ac totius Urbis huiusque Ecclesiæ huc  
aduenisti, has mea ingredi ianuas iussione: si  
aliter, nec per me, nec per meam concessionem  
ista tibi porta aperientur. Statim Rex illi respon-  
dens dixit, quod nullo maligno animo aut aliqua  
prauitate vel malo ingenio aduenisset. Tunc Pro-  
fule. precipiente, predictas ianuas patefecerunt;  
& ita in venerandam aulam Beati Petri ingressi  
sunt, laudem Deo & eiusdem Excellentie decan-  
tantes vniuersus Clerus & cuncti religiosi Dei fa-  
muli, extensaque voce acclamantes, Benedicite  
qui venit in nomine Domini. Aulam Beati Pe-  
tri & Apostolicam aulam vocat Anastasius Basi-  
licam vel Ecclesiam Beati Petri Apostoli, sicut  
Panegyristes noster aulam Petro dicatam, id est  
aulam Beati Petri. Iohannes Papa X. à Beren-  
gario nostro expressius iusiurandum exegit,  
post receptam coronam Imperatoriam, daon-  
rum Basilicæ Sancti Petri quæcumque ei Re-  
ges Imperatoresque concessissent, seu malo-  
rum donationes litteris suis confirmaturum, ac  
sum demum reclusis foribus Argentæis Beren-  
garium introduxit. Anno mxiy. Henricus Rex  
a Saxatoribus xlii. vallatus, cum coninge Cuna-  
gunda ad Ecclesiam Sancti Petri Papâ expectan-  
te venit, & antequàm introduceretur, ab eo-  
dem interrogatus, si fidelis uellet Romanæ patro-  
ni esse & defensor Ecclesiæ, sibi autem suisque  
successoribus per omnia fidelis, denatâ professione  
respondit; & tunc ab eodem inunctionem & coro-

nam cum contestati sua suscepit: ut Ditmarus in Chronici libro VII. scribit. Petrus Diaconus in libri IV. Chronici Cassinensis capite XXXIX. de Henrico eius nominis IV. Imperatore ita refert. *Mox dexteram Pontificis tenens, magna cum populi gaudio magnisque clamoribus ad portam Argenteam venit. Ibi ex libro professionem Imperatoriam fecit. & à Pontifice (Palschale II.) Imperator designatus est, rursusque osculato Pontifice, orationem primam continuo super eum Laminatus Episcopus dedit ex more. Post Basilica ingressum &c.* Hæc anno M C X I. facta sunt. Rex *Fleebicus* (inquit Sigebertus) usque ad ianuam Ecclesie Beati Petri Apostoli cum processione peribant: ubi in oculis adstantium deorum promulgavit, quo affirmabat omnia omnibus Ecclesiis à Regibus Imperatoribusque concessa nullo se modo subtracturum.

*Illicet his verbis voluntur cardine pastes, extollitque facit laudes per templa monister.*  
*Utpote Siluestrum videat properare magistrum,*  
*Constantinum etiam typico Baptismate totum.*  
 Post Berengarij professionem statim reseratae sunt ostia, & ipse cum Papa Iohanne Basilicam intrauit, Clerusque Romanus simul ingressus Deo, & Papæ & Regi laudes ibi alta voce dixit & cecinit: tamquam Siluestrum Episcopum Romanum & Constantinum Maximum Aug. recens ablutum Basilicam eandem intrantes videret. Siluestrum *Magistrum* vocat



Poëta, quodd Constantinum Augustum fidem Christianam docuisse & rinxisse Romæ, ac per Baptismum leprâ liberauisse credebatur, ut referunt Acta Siluestri, quæ falsa quidem, antiqua sunt tamen, vel potius veterrima. Obseruo enim Gregorium Turonicum Episcopum ea legisse & credidisse ante annos mille & septuaginta. Quippe in libri Historiæ i. capite xxxi. de Chlodoueo Rege Francorum à Remigio Remensi Episcopo abluto sic refert. *Remigio prior poposcit se à Pontifice Baptizari. Proce- dit nouus Constantinus ad lanacrum, deleturus lepræ veteris morbum; sordentesque maculas gestorum antiquorum recenti latice deleturus.* Tum ista subiungit. *Erat enim Remigius Episcopus sanctitate ita prelatus, ut Siluestri virtutibus æquaretur.* Quibus ex Gregorij verbis Regem Chlodoueam Constantino Maximo Augusto, & Remigium Episcopum Siluestro Episcopo comparantis, facillimè intelligitur, Gregorium Acta Siluestri in mente habuisse cum hæc scriberet, eaque Acta Siluestri nota fuisse ac probata Gregorio, vti & Gelasio & Poëta nostro. Constat tamen Constantinum Augustum nec elephantiasi vmquam laborauisse, nec Romæ à Siluestro, sed Nicomediæ aut saltem in villa publica Acyrone Nicomediæ proxima ab aliquo alio nobis incognito baptizatum esse.

*Nec minus his datus orbis inest, rerumque potest.*

*Tempora ni peiora forent impulsaque cessim.*  
*Cessim* id est rectò. Sanè ut Constantinus Ma-  
 ximus, sic & Berengarius Romani Imperato-  
 res fuere: & tam Iohannes X. eo nomine Ro-  
 manæ Ecclesiæ Episcopus fuit, quàm Siluester  
 fuerat. Sed non idè tamèn Berengarius Con-  
 stantino comparari debet, Iohannèsque Sil-  
 uestro, cum nihil ferè præter nomen dignita-  
 tibus commune habuerint. Constantinus ex-  
 stincto Licinio Aug. collega & affine suo, to-  
 tum Imperium Romanum per Orientem &  
 Occidentem longè lateque diffusum obtinuit:  
 Berengarius Regnum tantummodò Langobar-  
 dorum, ac ne illud quidem totum, (nam Du-  
 cas Beneuentanus suo Duci parebat) nec est  
 vix dimidiam Italiæ partem sub ditione sua  
 habebat. A Siluestri sanctitate multum abest  
 Iohannes, stupris & adulteris Episcopatum  
 Romanum consecutus: sed potentia & opibus  
 cum longè superabat; cum Ecclesia Romana  
 iam inde à Pippino Rege Francorum clavas vr-  
 bes ac opulentas Italiæ prouincias, nimirum  
 Rauennam, Pentapolim, totum Exarchatum,  
 ac Tusciæ Campaniæque Romanæ seu Latij  
 partem obtineret.

*Iam tumulo Piscatoris sacra purpura Regis*  
*(Sternitur.)*

Ante sepulcrum Beati Petri ex piscatore Apo-  
 stoli, quod vulgò tum Confessionem Beau Pe-  
 tri vocitabant, purpuratus Rex Berengarius

procubuit humi orationis causſâ, pronūmque ſe ex more proſtrauit. Sic Carolus Magnus Francorum Rex anno dclxxiii. cum Hadriano Papa I. ſimūlque Epiſcopi, Abbates, Iudices & vniuerſi Franci qui cum eo venerant; ſic Ludouicus Rex Lotharij Aug. filius anno dcccxliv. cum Sergio Papa II. & omnes Franci qui cum eo erant, ad tumultum Beati Petri ſeſe pronos proſternunt, Deo & Petro gratias acturi aut vota facturi, vti Anaſtaſius ſcribit. Sugerius tradit, Ludouicum Craſſum cum vxore & filiis *rapite tamquam ad ſepulcrum Petri inclinato, pedibus Innocentij Papæ II. procubuiſſe.* Ceterum cum Poëta noſter purpuram Berengario tribuat Regi Langobardorum, necdum Imperatori: haud dubito quin tum Francorum Reges qui Imperatorum ſucceſſores erant, præter ceteros purpurea veſte vterentur.

*Templa petit Ductor poſt hæc, vbi ſercula dono  
Paſtoris digeſta nitent.]*

Post fuſas ad ſepulcrum Beati Petri preces, Berengarius Palatium Epiſcopale petit, vbi Iohannes Papa cenam ei exquiſitiſſimam dedit. Benedicte, Papa VIII. anno mxiv. poſtquam R. Henricum & Cunegundam in Eccleſia Sancti Petri inunxit & coronauerat, eodem demum die cenam e- ad Lateranum fecit copioſam, ſicuti Ditmarus præliſit: at Berengario nondum coronâ Imperatoris redimito à Iohanne cena data eſt apud Sanctum Petrum, ſeu in

Palatio Vaticano Basilicæ Sancti Petri proximo: quod Palatium *templa* vocat Poëta, vt & suprà de Berengario.

*Ire iubet celeres ad templa sodales,*

*Vicinum qui se referant.*

De eo Palatio Otto in capite xxii. libri ii. de Gestis Friderici Aug. mentionem facit, quum ait Fridericum Imperatorem anno mclv. cum corona equo phalerato insidentem in castra sua muris Romæ proxima reuertisse, *Romano Pontifice* (Hadriano IV.) *in Palatio quod iuxta Ecclesiam Beati Petri habebat remanente.* Hoc Palatium vel Patriarchium à Leone Papa III. qui Caroli Magni capiti anno dccci. coronam Imperatoriam imposuit, ædificatum esse scribit Anastasius, & *domum iuxta Ecclesiam Beati Petri Apostoli* appellat: ac memoriæ tradit Imperatorem Ludovicum iuniorem anno dccclv. cum Leone Papa IV. cūque Romanis Proceribus & Optimatibus Francis sedentibus in domo quam B. M. Leo III. Papa iuxta Ecclesiam B. Petri Apostoli fecerat, de Gratiani Magistri militum accusatione inquisiuisse. Sed & Iohannes Papa VIII. in epistolâ ad Berengarium Gloriosum Comitem Regiâ prosapiâ ortum, de Lamberto Spoletinorum Duce widonis filio querens, ita scribit. *Venit Romam* (Lambertus Comes Carolomanni Regi nomine.) *& quasi inimicus portam civitatis romanâ violenter capiens, satellites suos p<sup>er</sup> dies plurimos retinere*

fecit, ac sic tantam civitatem inuasam retinuit: ita sanè ut nobis apud B. Petrum consistentibus, nullam urbis Romæ potestatem à piis Imperatoribus Beato Petro P. A. eiusque Vicariis traditam haberemus. In monte Vaticano hodièque cum Basilica Beati Petri sunt Palatium hortique Pontificis. Ex his intelligitur, haud vsquequaque verum esse, quod in libro de Episcopatibus, Titulis & Diaconiis Cardinalium ait Onufrius Panuinius, Episcopos Romanos per mille annos usque ad Clementis V. Pontificatum, seu ad annum mcccv. in Patriarchio Lateranensi habitasse: post Gregorij demum Papæ XI. in Urbem reditum qui anno mcccclxxv. contigit, Antistites Ecclesiæ Romanæ non amplius in domo Laterani, sed in Patriarchio prope Sanctum Petrum permansisse. Et si enim Patriarchium vel Palatium Lateranense, quod erat intra Urbem Basilicæ Lateranensi vel Constantinianæ, aliàs S. Servatoris & S. Iohannis dictæ proximum atque coniunctum, olim *solum Apostolicum* seu *Pontificale* fuit, ut loquitur Anastasius, hoc est sedes Pontificum Romanorum: licet inquam ibi perumque ac præcipue habitauerint Urbis Episcopi, tamen nihilominus constat eos saltem iam de Leone Papa III. Patriarchium Palatium e in Vaticano extra Urbem habuisse prope Basilicam Sancti Petri, ubi non raro manserint; ubi Imperatores vnà cum ipsis conuentum Procerum gerint; quò Papæ Vr-

be ab aduersariis suis occupatâ velut in asylum confugerint, vbi Regibus & Imperatoribus cenam dederint.

*Ac (deceat ut Regem) variant tuceta ministri.]*  
*Tuceta* Glossator, id est Panegyristes ipse nō fallor, Regales epulas exponit, Fulgentium V. C. in Expositione sermonum antiquorum secutus. Persio in Satura II. *tuceta crassa* dicuntur, *bubula* apud Gallos Cisalpinos condimentis crassis oblita & macerata, & ideo toto anno durans. Hinc in Glossis quæ Isidoro tribuuntur, *Tucetum*, *bubula condita* apud Gallos Alpinos: & in veteri Glossario Latino-Græco quod vulgò Lexicon Philoxeni vocant, *tucetum*, Ζωοὺς maxè exponitur, siue ius crassum: quæ ex verbis Interpretis Persij supra laudatis desumpta sunt.

*Lucæ, Deus quâ factus homo processit ab antro.*  
*Tumbali.]*  
 Id est die Dominicæ Resurrectionis seu Paschæ, quo die Christus, Deus & homo, è sepulcro suo resurrexit. *Antrum tumbale* vocat Poëta locum, in quo erat sepulcrum Christi vel ut vulgò loquuntur tumba; aut etiam sepulcrum ipsum. Monumentum autem illud erat excisum in petra, ut Mattheus Marcusque testantur. Quare locus in quo sepultus est Christus, ritè *antrum* nuncupari potest, & à multis ita nuncupatur: à Burchard in descriptione terræ sanctæ, *spelunca sepulchri Domini* viii. pedes

longa & lata. Vide eos, qui de locis sanctis scripsere.

*Populus concurrat ab Urbe,  
Cernere vestitum trabem Imperilque coronam  
Augustam.* }

Igitur die Paschæ Berengarius in Basilica Sancti Petri Imperator est factus: quem ut ibi populus Romanus Imperatoris insignibus ornatum videret, ex Urbe confluxit. Urbem autem Romam à Burgo Sancti Petri vel urbe Leoniana, ubi Basilica Sancti Petri erat, Tiberis ponte iunctus diuidebat.

*Replicata calant spectacula totis  
Edibus: auratis splendent altaria pannis.* }

Reperuntur iteranturque spectacula per urbem Leonianam: & pannis ex auro textis altaria Basilicæ Sancti Petri ornantur.

*Cum Princeps nitidus Tyrio procedit in ostro,  
Tegmina vestitus crurum rutilante metallo:*

*Quale decus terra soliti gestare Magistri.* }

Berengarius Tyriâ purpurâ amictus processit in Basilicam Sancti Petri, atque ocreas quilibet crurum tegminibus orbis Domini, seu Imperatores uti consueverunt. Glossator *tegmina crurum* è rutilante metallo, ocreas aureo colore resperfas exponit non admodum bene. Nam qui *tegmina crurum* è rutilo metallo seu ex auro dicit, ex auro te- as ocreas utique dicit, auri colores tantum nequam dicit. Huiusmodi ocreas Imperatorias Glinhardus in Vita Ca-

roli Magni *Calceos Romano more formatos* ni fallor appellat. At Imperatores Græcorum rubricatis pellibus crura tum induebant. Certè Liutprandus in libri. III. Historiæ capite IX. scribit, Romanum vitricum & socerum Imperatoris Constantini communi populi consensu *rubricatarum pellium caligis, ut istis Imperatoribus mos erat, vsum esse.*

*Per vincula Magistri*

*Te petimus, depone moras, & suffice votis.]*  
Sunt hæ acclamationes populi Romani ad Iohannem Papam, per Vincula Beati Petri eum orantis obtestantisque vt Berengarium vngueret & coronare properaret. *Magistrum* Romani vocabant Beatum Petrum, quòd maiores ipsorum fidem Christianam edocuisset atque tinxisset, primusque apud ipsos Episcopus sedisset.

*Talibus ara adeunt gestis apsida sacrata*

*Lumina terrarum.]*

*Lumina terrarum* siue orbis Iohannes Papa & Rex Langobardorum Berengarius, mox futurus Imperator, petunt apsidem seu circulum sacri altaris, atque ante confessionem seu sepulcrum Beati Petri Iohannes capit Regis Berengarii diadema Imperatoris ex auro & gemmis imposuit, & sacro e. m. oleo vnxit, more Hebræorum Reges suos ac Prophetas vnguentium; Hebræorum in<sup>iam</sup> seu Iudæorum *Calicolarum Poëtæ nostrorum, quòd Cæ-*



Ium vel Cæli lumen colere & adorare credebantur, simulacris oarentes: vt Iuuenalis, Petronius in epigrammate, aliique scripserunt.

*Iam sacra resonant ades., fremitûque resultant  
Clamantis populi. Valeat tuus aurea Princeps  
Roma diu, & supera sternat virtute rebelles.]*

Post coronationem & vñctionem Berengarij, tota Basilica Sancti Petri fremitu & clamoribus populi Romani & Langobardorum resonare cœpit acclamantium: Valeat tuus Princeps Roma; & Imperium Romanum victis hostibus ac rebellibus edomitis pristino splendori restituat. Sic an. dccc. ineunte Carolo M. coronato acclamatum est à populo Romano: *Karolo Aug. M. Imperatori Romanorum vita & victoria.* Anno dcccxi. Ludouico constituto Imperatori populi acclamauere: *Vivat Imperator Ludouicus.* & anno dcccxvii. Lothario Imperatori electo populus acclamauit, *Vivat Imperator Lotharius.* In Litania dccc. annorum à Goldasto edita, *Hudouico à Deo coronato Magno & pacifico Regi vita & victoria.* Sic apud Dittmarum in libro ii. Chronici, Omnes Reip. Principes Ottonem patris sui decreto ac petitione uno ore in Regem sibi & dominum elegerunt eleuatis dextris, canclamantes, *Vivat & Valeat Rex vider in æternum.* pariterque cum eo ad Aquasgrani proficiscuntur anno dcccxxvi. Ita ergo Franci electis à se Regibus acclamare consueuerant, atque etiam coronatis iam & vñctis cum Regi-

bus tum Imperatoribus. Qui mos veterum Romanorum fuit, acclamare Imperatoribus electis solitorum, *N. Auguste, Dij te seruent: Imperitor opt. max. Macrino & Antonino vitam.*

*Lectitat Augusti concessos munere pagos*

*Præsulis obsequio gradibus stans lector in altis:*

*Cesare quò norint omnes data munera. ]*

Finitis populi acclamationibus & laudibus ac votis, & facto tandem silentio, lector stans summis in gradibus Basilicæ Sancti Petri legit Berengarij Aug. litteras, paullo antè ab eo promissas, quibus omnium superiorum Principum donationes confirmabantur, & quicumque pagi seu regiones, ac vrbes Basilicæ S. Petri datæ olim fuerant à Pippino, Carolo Magno aliisque; à Berengario Augusto eidem ac Iohanni Papæ concedebantur nominatimque exprimebantur: vt omnes scirent ab Augusto Berengario data hæc esse Beato Petro, vel potius confirmata, & terras loco sacro attributas ac veluti sacras nemo ampliùs sibi vindicare auderet. De hoc more nihil alibi legi.

*Donatulis perpulcra Pius tunc denique Templo,*

*Baltea lata Ducum, gestamina cara parentum,*

*Ac vestes etiam signis auræque rigentes. ]*

Missâ peractâ, Basilicæ Beati Petri obtrudit contulitque Berengarius Augustus ex more dona pretiosa, baltea maiorum suorum, vestes, diadema. Sic Carolus Magnus à Leone Papa coronatus Imperator ante sacram Confessionem B.

*Petri*

*Petri, Apostoli, post celebrationem missarum obtulit Apostolo Dei mensam argenteam, vasa ex auro, coronam auream, & alia aliis Basilicis Romæ obtulit. Anno dcccclxxvii. Caroli Magni nepos Imperator Carolus imaginem Christi crucifixi ex auro & gemmis per Iohannem Papam S. Petro Apostolo obtulit. Idem Carolus anno dcccclxxvi. ineunte Beato Petro multis & pretiosis muneribus oblati, unctus & coronatus atque Romanorum Imperator appellatus fuerat, sicut Annales Bertiniani docent.*

*Quid referam, quantis replevit mœnia donis? More Romano veteri Imperatores pro Imperio non modò militi donatium, Augustaticum postea dictum, sed etiam congiarium populo dabant: vt Antoninus Pius adoptatus ab Hadriano, multique alij fecere. Apud Gregorium in libro historię v i. Mauricius ad circum processit, acclamatique sibi laudibus, largitis populo muneribus, in Imperio confirmatur. Constantinus Heraclij Aug. nepos, initio Imperij Senatui allocutus est & donis dapnilibus honorauit: Constantinus quoque cognomine Copronymus cum duos è filiis suis Cæsares appellasset, vxoremque suam tertiam Eudociam coronasset, iactauit Hypariam, seu aurum in populum more Consulum procedentium sparsit: quemadmodum Theophanes & Anastasius qui eum transtulit docent. Primus ex nostris Carolus Caluus datus Iohanni PP. VIII. & Romanis magnis*

muneribus Imperator creatus est anno DCCCLXVI. ineunte die Natali Domini, Imperatoris nomine à Iohanne ingenti pretio emto, vt Regitto & Annales Mettenses docent. Vnde in Annalibus Fuldensibus dicitur, *Senatum Romanum more Iugurthino corrupisse sibiue sociasse, itant etiam Iohannes Papa coronâ ei impositâ eum Imperatorem & Augustum appellari praeceperit.* Henricus V. quasi pœnientiâ ductus, ciues ac Pontificem (Romanos ac Paschalem) muneribus sibi conciliauit, ab eoque coronatus, fauore omnium Imperatoris & Augusti nomen sortitus est anno ab I. D. MCXI. vt Otto Frisingensis Episcopus in libri VII. historiæ capite XIV. tradit. Romani per Legatos anno MCLV. quinque millia librarum, aut s. Helmoldo creditur, xv. millia librarum argenti pro congiario à Friderico petiere, danda Romanis Officialibus seu honoratis, & Senatoribus, qui ipsi in Capitolio acclamaturi ex more erant: ac paullo pòst populus Romanus qui cum Senatoribus suis in Capitolium conuenerat, audiens Fridericum sine sua stipulatione vel iniussu suo ab Hadriano PP. IV. coronam Imperatoriam accepisse, Tiberim transiit, pugnamque cum Germanis confectuit. Legatis tamen populi Romani sic locutus fuerat paullo antè Fridericus, vt de more dandæ ei pro corona pecuniae consentiret. *Hunc quom alibi à Diuis parentibus meis acceptum seruari morem, ciuibus cur negarem? Romanis nimirum: quæ verba le-*

guntur apud Ottonem Frisingensem Episcopum in libro II. de Gestis Friderici I. Roman. Imperatoris: aut. vti apud Guntherum in libro III, Fridericus legatis istis ait:

*Nec plebem munere largo*

*Latificare tuam nenuo: sed pacta recuso.*

Non omittam, quæ in Vita Henrici IV. reperio de Roma ab eo vi capta. Tandem Romam presumptionis sue peritit: & quæ prius meruisse poterat ut à Rege donis honoraretur, tunc ingenti pecuniâ apud Regem vix obtinuit, ne tota subuerteretur: cuius filius & successor Henricus huius nominis quintus, post Augustalem vntionem & coronationem, tam Papa Paschali quàm singulis eius Episcopis, Cardinalibus, Clericisque maioribus ac minoribus dona tot, tanta, ac talia dissipasse dicitur à Conrado Abbate Urspergenſi, ut absentibus omnino incredibile esset. Anno M C X C. Filius Friderici Imperatoris Henricus Rex à Celestino Papa III. omnium Romanorum favore unâ cum coniuge die sancto Paschæ coronatus, Imperatoris & Augusti nomen sortitur. Hunc favorem Romanorum, avaritia eorum maximis muneribus satisfaciens promouit: inquit Otto à Sancto Blasio. Eum igitur morem secutus Berengarius, multa & magna populo Romano dona vel munera pro Imperatorio diademate & acclamationibus seu laudibus dedit. In eius tamen verba, Romani intrasse, seu fidem ei iureiurando, denixisse non dicuntur à Poëta;

P ij

sicut iam inde à Carolo Magno vsque ad Arnulfum Augustum fecisse eos obseruo.

Imperator igitur Berengarius fuit, cum antea Rex Italiæ seu Langobardorum fuisset, & à Iohanne Papa X. Romæ Imperatorio diademate cinctus est: quod si Poëta noster solus scripsisset, ei vni fidem habendam putarem, qui & æqualis fuit Berengarij, & res sibi cognitæ atque compertas, nonnumquam & à se visas enarravit. Aduentum quidem Berengarij in Urbem coronationemque ita describit, ut haud dubitem ipsum tantæ lætitiæ interfuisse, nec audita veram oculis suis spectata cecinisse. Sed non solus Panegyristes noster Berengarium Imperatorem factum ait. Quippe & Constantinus Porphyrogenetus, qui tum vivebat, in libri de administrando Imperio capite xxvi. excæcato Ludouico, Regnum obtinuisse Berengarium dicit, Romamque venisse ac ibi esse coronatum. Frodoardus quoque qui anno post Berengarij nostri mortem xlii. Chronicon suum absoluebat, Berengarium anno dcccxxii. *Langobardorum Imperatorem* appellat, improprie tamen: cum Rex Langobardorum vocandus fuerit, Imperator Romanorum. Liutprandus licet Berengarium & Widonem Romæ ex more ab Episcopo Romano Imperatores vnctos coronatosque esse non prodar: tamen in capite ii. libri i. vnâ ambos Imperatores nuncupat his verbis: *Berengarius &*

*V*uido Imperatores, ob Regnum Italicum confligebantur. Otto Frisingensis Episcopus in libri y i. Chronici capite. xv. & Gotfridus Viterbiensis Presbyter in Chronicorum parte xvii. eisdem ambo verbis tradunt, Ludouico Bosonis filio, capto & luminibus orbato, Berengarium exhibere Regnum Italie simul cum Imperio Romano obtinuisse. Quin & Platina de eo in Christophoro Papa sic refert. *Acceptâ à Formoso Imperij coronâ, annis. ix. vixit; atque ita Imperium à Francis ad Langobardos transfertur.* Constat tamen Berengarium ix. quidem annis Imperium tenuisse, sed à Iohanne Papa. X. non autem à Formoso Imperatorem vinctum salutatumque esse, vt Poëta noster disertè docet. In Chronico Monasterij Acutiani legimus litteras Berengarij Imperatoris Augusti datas 11. Kalend. Iulij anno D. I. p. ccccxx. Domini Berengarij xxxiii. regni, imperij v. Indict. viii. in quibus proavum suum Carolum Serenissimum Imperatorem, (nimirum Magnum) & pronepotem eius Ludouicum senioresem suum, olim Imperatorem nuncupat, id est Ludouicum iuniorem Augustum quondam Dominum ipsius; sub eo enim Berengarius & sub Carolis Caluo Crassoque vixit. Hæc omnia ignorauisse Carolum Sigonium miror, qui anno pccccxv. regni xxviii. à Iohanne P P. Berengarium mense Septembri Imperatorem inunctum esse dicit in libro vi. de Regno Italiae, idquæ ex diplomatis eius elici, in

quibus imperij sui annos annis regni subiungat. Tamquam sola nobis diplomata aut litteræ ad probandum Berengarij maioris Imperitium supersint: quem die Dominicæ Resurrectionis seu Paschæ, non mense Septembri; anno Domini dcccxxvi. non dccccxv. à Iohanne P. P. X. Imperatoris insignibus donatum esse supra ostendimus. Neque ob Saracenos adiutorio ipsius recens monte Gareliano depulsos uti credit Sigonius; à Iohanne Pontifice gratiam referente Berengarius factus est Imperator: sed ut Barbaros inde deiceret Ecclesiâque Romanam eorum vexatione incursionibusque liberaret, accitus à Iohanne Optimaribusque Romanis, & tanto beneficio in antecessum est obligatus, quemadmodum in Pannegyrici huius libro iv. & ultimo reperitur. Certè hoc ipso anno dccccxvi. exisse Agarenos de Gariliano Indict. iv. scribit Lupus Protospatha in Chronico: quos utique adiutore Berengario nouo Augusto victos & eo monte deictos esse non dubito. Et quoniam diplomatum Berengarij Augusti meminit Sigonius; operæpretium est litteras eius Imperatoris subiicere, ex libro instrumentorum Monasterij Casauriensis siue Piscariensis qui in Bibliotheca Regia Luteciæ Parisiorum seruatur excerptas. Litteræ inscribuntur: *Præceptum Berengarij Imperatoris de libertate Monasterij Casauriensis & rerum eius*: & tales sunt.



In nomine Domini Dei aterni Berengarius di-  
 uinâ fauente clementiâ Imperator Augustus. Sâ  
 sanctarum Dei Ecclesiarum famulis aliquod tute-  
 la Imperialis nostra subsidium seu defensaculum  
 impendimus, id ad aterna recompensationis me-  
 ritum nobis proficere non ambigimus. Quocirca  
 nouerit omnium fidelium sanctæ Dei Ecclesie no-  
 strorûmque, presentium scilicet ac futurorum in-  
 dustria, qualiter Monachi cuiusdam Monasterij,  
 in quo almisicum Beatissimi Pontificis atque Mar-  
 tyris Clementis corpus dignoscitur esse reconditum,  
 ubi Casa aurea nuncupatur, & in honore S. ac  
 indiuiduæ Trinitatis constructum desernitur esse,  
 quod etiam Monasterium dominus Ludouicus o-  
 lim Serenissimus Imperator & noster consobrinus  
 à fundamento, pro Dei amore sueque anime sa-  
 lute cunctas proprietatis sue res infra urbem Ro-  
 mam seu extra ipsam, necnon & Pentapolis,  
 Tuscia, Spolitini Ducatus, Camerini Comitatus,  
 atque Fermini, Ascolini, Aprutini, Pennini, seu  
 Teatini finibus positas prætaxato Monasterio ibi-  
 que Deo famulantibus tribuens construxit: ad Ma-  
 iestatis nostra clementiam percurrentes, mercedis  
 nostre pietatem suppliciter postulauerunt, quate-  
 nus eis pro Dei amore nostræque vel parentum no-  
 strorum animarum remedio, eiusdem prælibati Mo-  
 nasterij res ipsis in eodem Monasterio nunc presenti-  
 bus, atque futuris Christo Domino famulantibus hoc  
 nostre auctoritatis Imperialis precepto confirmare  
 & corroborare modis omnibus dignaremur. Quod

firmiter attendentes, coramque Monachorum mi-  
 seriam atque inopiam attentius perspicientes, om-  
 nes eiusdem Monasterij res quas predictus Dom-  
 nus Ludouicus Imperator & consobrinus noster  
 pro anima sua saluatione in iamnominatis terri-  
 toriis atque locis prelibato Monasterio ad Beatissi-  
 mi Pontificis atque Martyris Clementis hono-  
 rem dicato, ubi Casa dicitur aurea, olim prae-  
 buisset suo in tempore: nolentes prae-nominati Domni Lu-  
 douici Serenissimi Imperatoris & consobrini no-  
 stri eleemosynam atque mercedis sua largissimam  
 donationem in futuro penitus esse extinctam,  
 quemadmodum iam saepedicti Domni Ludouici  
 Gloriosissimi Imperatoris animus futuris tempori-  
 bus idem Monasterium in suo statu atque rectitu-  
 dine decreuit & statuit esse, pro Dei amore nostra-  
 que animae remedio vel parentum nostrorum salu-  
 te (sicut etiam in eorum Monachorum iamnomi-  
 nato Monasterio assistentiam praeceptis legitur, qua  
 à praescripto Domino Ludouico Serenissimo Impe-  
 ratore & consobrino nostro eidem Monasterio de-  
 seruientibus Monachis conscripta esse videntur)  
 per hoc nostrum Imperiale praeceptum perpetuali-  
 ter predicto Monasterio eique deseruientibus Mo-  
 nachis confirmamus, modisque omnibus corrobora-  
 mus. Praecipientes ut nullus Dux, Marchio, Co-  
 mes, Vicecomes, Sculdasso, Gastaldio, aut que-  
 libet magni aut parui officij persona iamnomina-  
 tum Monasterium ibique Deo deseruientes, at-  
 que Beati Clementis humatum corpus custodientes

*Monachos de eiusdem Monasterij rebus absque legali iudicio deuēstire audeat, eisque quamlibet inferat violentiam atque iniuriam: sed liceat illis quieto ordine, quīeta pace omnes prædicti Monasterij res tenere & frui, Deīnque pro nobis cotidie exorare absque contradictione cuiusquam. Si quis ergo hoc nostræ confirmationis præceptum infringere vel violare temptauerit, sciat se compositurum auri optimi libras ducentas; medietatem Camera nostræ, & medietatem prætaxato Monasterio ibique Domino famulantibus. Quod ut verius credatur diligentiusque obseruetur, manu propria roborantes, de anulo nostro subter assignari iussimus. Signum Domni Berengarij Piißimi Imperatoris. (Ibi Monogramma) Iohannes Episcopus & Cancellarius ad vicem Ardingi Episcopi & Archicancellarij recognoui & subscripsi. Data XII. Kalend. Nouembreis anno Dominicæ Incarnationis nonagesimo septimo decimo, Domni verò Berengarij Piißimi Regis tricesimo, Imperij autem sui secundo, Indictione quinta, Actum in Pisciaria in Christi nomine feliciter. Amen. Ibi depictus est Berengarius Imperator cum tunica talari cincta & cum trabea, coronatus, sedens in sella Regia cui puluinus impositus, sceptrum dextrâ tenens, sinistrâ manu longum volumen chartarum à Monachis Casauriensibus suppliciter sibi oblatum comprehendens confirmantis more modòque. Ad quæ Chronici Casauriensis auctor, Iohannes eius loci*

Monachus hæc adnotat. *Hac tempestate nutu Dei quidam Imperator Augustus nomine Berengarius accessit ad has regiones. Quem adierunt Fratres, (Casaurienses) & depositis coram eo suis miseriis & ruinâ Monasterij, & gloriâ in qua fuerat temporibus Ludouici: acceperunt Præceptum ab eo ut Abbatem eligerent, & quæcumque de iure Monasterij fuerant recolligerent, congregationem ad priorem statum reducerent, & nihil de dignitate Monasterij perire permetterent. Sane ipsa Præceptalis pagina, quam de libertate, rebus & dignitatibus Monasterij ad instar priorum Imperatorum idem Augustus fieri iussit, sigillo & signo nominis eius fuit impressa & insignita, & Monasterio porrecta & habita: & eius exemplo in instrumentali volumine pro recordatione descripta sic est. De eligendi tamen Abbatis facultate Monachis data, nihil in superioribus litteris Berengarij inuenitur: itaut si Iohannes Chronici auctor non errauit, aliquid in his litteris desiderari & omissum esse à librario videatur: sed apertè Imperatorem Augustum seipsa ibi Berengarius appellat, & annis regni sui in Langobardia annos imperij sui subiungit, Dominumque Ludouicum iuniorem Augustum consobrinum suum quater appellat: ne quis dubitet ipsum & Imperatorem existisse, & Imperatorio Caroli Magni genere ortum esse.*

*Syrribus atque manu sumtas includere arenas. ]  
 è Syrribus sumtas arenas manu includere.*

*Mille mihi satis est metris tetigisse labores.]*

Sufficit mihi mille versibus labores Berengarij Principis, pugnas, victorias, incommoda etiam ipsius, & triumphalem in Urbem aduentum promotionemque ad Imperium enarrauiffe. Versus suos non accuratè numerauit Panegyristes. Sunt enim mille & LVIII. quibus non adnumerantur Prologi versus xxxii. seu xvi. disticha.

*Mauius atque licèt videar, vos este Marones,  
Et post Imperij Diadema resumite laudes.]*

Hortatur iuuenes Poëta, quibus & sanguis calidior & vena melior sit, ad laudes Berengarij canendas, & ait se vsque ad Imperatoriam coronationem de tanto Principe pro viribus suis retulisse: ipsos sibi succedere, & res à Berengario postea gestas feliciore stilo persequi oportere. Quæ verba indicant, & senem hunc Poëtam & Berengarij æqualem fuisse.



THE NEW YORK PUBLIC LIBRARY

ASTOR LENOX TILDEN FOUNDATION  
455 N. 5TH ST. NEW YORK, N. Y.  
1911  
MAR 10 1911  
LIBRARY OF THE  
NEW YORK PUBLIC LIBRARY  
ASTOR LENOX TILDEN FOUNDATION  
455 N. 5TH ST. NEW YORK, N. Y.

THE NEW YORK PUBLIC LIBRARY  
ASTOR LENOX TILDEN FOUNDATION  
455 N. 5TH ST. NEW YORK, N. Y.  
1911  
MAR 10 1911  
LIBRARY OF THE  
NEW YORK PUBLIC LIBRARY  
ASTOR LENOX TILDEN FOUNDATION  
455 N. 5TH ST. NEW YORK, N. Y.



ADALBERONIS

EPISCOPI LAVDVNENSIS

AD

ROTBERTVM

REGEM FRANC.

CARMEN

AB HADRIANO VALESIO

*è veteri Codice nunc primùm eru-  
tum & notis illustratum.*

THE  
UNIVERSITY OF  
CHICAGO  
PRESS  
PUBLISHED BY  
THE UNIVERSITY OF  
CHICAGO PRESS  
CHICAGO, ILL.  
1914





ADALBERONIS  
 EPISCOPI LAUDVNENSIS  
 A D  
 ROTBERTVM  
 REGEM FRANC.  
 CARMEN.



E G I Rotberto sic Prasul Adalbero **PRÆ-**  
 scribe, **SVL.**

Prasulis in senio. Fratrum Lauduni-  
 cus ordo,

Flos iuuenum fructusque senum te  
 mente salutat.

*In tabulis describe tui per singula cordis,  
 Quanta Deus tibi concessit, vel quatia misit.  
 Dispice si meritò, quid verum sit trutinando.  
 Patres namque tui longè Rex Induperator.  
 Lac tibi sugenti dat nutrix Induperatrix.  
 Mundus adhuc puero Dominum metatur & omnia*

Congaudet, plaudit manibus, letatur, & optat  
 In Regem sibi, mox concordī voce coronat.  
 Praestolatur in hoc veniant ut tempora pacis.  
 Lubrica tunc adolescentis transiit & aetas:  
 Flore iuuentutis tua iam resplendet imago.  
 Forma super cunctos nobis speciosa videtur.  
 Debilis in nulla membrorum parte videris.  
 Quamvis mole gravis, tamen es cum robore levis.  
 Letatur vulgus, gaudent etiam sapientes.  
 Plurima sub pedibus tibi fortia regna ingauit.  
 Quid quereris? Quid fraudavit? Quid dicere miffas?  
 Quod genus attribuit, dirimit non ulla voluntas.  
 Stemmata nobilium descendunt sanguine Regum.  
 Regibus & ducibus bona laus est, nobis is ortus.

REX.

De forma satis est & de virtute locutum.  
 Est anima virtus potior quam corporis vltima.

P.

Dicendi spatium petimus modo, nilque reponas.  
 Pace tua, pie Rex, qua sunt dicenda precamur  
 Ne spernas, in me quia viscera contremuerunt.  
 Multas cor merens lacrimas, suspiria prodit  
 Os tremulum: facies suffert nec dicere crispa.  
 Corporis hic, vultus, vocis moderatio nulla.  
 Versibus exiguis tantum temtabo dolorem.  
 Scripta patent, celebres qua mittunt Crotoniata.  
 Desuper est titulus lex antiquissima scriptis.  
 Precipiunt, vi cogatur quod sponte negatur:  
 Ut placet imperio, sic se transformet & Ordo.  
 Rusticus ille, piger, deformis & undique turpis.  
 Pulchra cum gemmis ditetur mille corona.  
 Exis custodes cogunt portare cucullas:

Orent,

Orent, inclinent, taceant, vultûsque reponant.  
 Nudi Pontifices aratrum sine fine sequantur,  
 Carmina cum stimulo primi cantando Parentis.  
 Prasulis & si forte vacet locus, inthronizentur  
 Pastores ouium, nautæ, quicumque sit ille.  
 Sit tamen hoc presubtili ratione cauendum.  
 Nullus Episcopium diuina lege peritus  
 Temet, sed sacris Scripturis euacuatus,  
 Et studiis quem nec constrinxerit una dierum:  
 Alphabetum sapiat digito tantum numerare.  
 Hi proceres: Præceptores hos mundus adoret.  
 Et inuuet, ut celebres nec Reges excipiantur.  
 Precipiunt coram, sed clàm cum fraude susurrant:  
 Regula si stabili diuina permanserit ista,  
 Disciplina, vigor, virtus, mox & decor omnis  
 Ecclesiæ fulgor pauco sub tempore verget.  
 Publica res, quæ sic planè sic ducitur, æquè  
 Legibus extinctis in pace sepulta quiescet.  
 Luxus, & incestus, furtum tunc, cetera surgent,  
 Libertas delinquendi, tunc crimina stabunt.  
 Excludantur & hi, quos sola scientia comit,  
 Christi conseruos & quos sapientia nutrit,  
 Et quibus apparent introductoria sana  
 Doctrina, quæ depromit post terga cicatrix:  
 Sacra si magnus Fidei surrexerit error,  
 Omnis censurâ Conuentus sint alieni:  
 Consultu Regis hi pracidantur ab omni:  
 Omnibus egressis thalamum post ostia seruent.  
 Hoc solum rutilo præceptum scribitur auro,  
 Vt Procurator Regis, mundana ministrans,

Q

*Sit piger, ignauus, modica virtute repletus.  
Hic aliena petat, repetat sua, nil tribuendo:  
Et iugiter maneat diuisus sorte iugali:  
Ni Regis hereditate non spes sibi constet.  
Est antiqua patrum, tradunt cum sueta, voluntas,  
Vt casti, sobrij sint custodes thalamorum:  
Qui nescit molere, Regi sit carior ille.  
Caesaris his maiora iubet descriptio Magni.  
Deuiet ille sacer de sede Monasticus ordo:  
Vxores ducant pulcras, & praelia temtent.  
Territus edictis, meditans quò tendere possem  
(Rectores rerum placet accersire mearum.)  
Omnia singultu guttur quatiente renolui,  
Legibus è patriis credens omnino remota:  
Priscis temporibus quia non audita fuerunt.  
Vsibus exceptis procuratoribus aptis.  
Mittere proponunt mox explorare Magistrum.  
Gallia fert Monachos, quos Patrum regula nutrit.  
Ad Monachos Monachus transmittatur ....  
Hic sapiens, hic est sollers, verbòque fidelis:  
Qui solitus semper leges seruare paternas:  
Flectere scit prudens animosos ad pietatem.  
Consilium cantum sequitur (non est mora) factum.  
Vespere progreditur, tum mane reuertitur ad nos,  
Et festinus equi spumantia colla reliquit.  
Quoquò quò praesul, bona nutrix, heus puer, vxor?  
Est incompositus posita iam veste priore.  
Pilleus excelsus de pelle Libystidis vrsa:  
Et vestis crurum tenuis est curtata talaris,  
Finditur anteriùs, nec parcit posteriori.*

*Ilia baldringo cingit strictissima picto.*

*Multiplies & res multa per cingula pendent:*

*Arcus cum pharetra, forceps, & malleus, ensis,*

*Ignitusque silex, ferrum quatiens, simul ilex.*

*Ossa superficiem stringit diffusa deorsum.*

*Saltibus incedens (terram calcaria pungunt:*

*Cœpit summa pedum cum tortis tendere rostris.)*

*Ingreditur, noti Fratres quem nosse laborant.*

*Concurrunt ciues, & larga palatia complent.*

*Pontificem sic deformis tunc sistitur ante.*

*Esne meus Monachus tu, quem misi? ....*

*Pugnos declinat, cubitos extendit in altum:*

*Erexit cilium, torquens cum lumine collum.*

*Miles nunc, Monachus diuerso more manebo.*

*Non ego sum Monachus, iussu sed milito Regis.*

*Nam dominus meus est Rex Oydeco Cluniacensis.*

**R.** *Tunc cata to siopomenon causam meditaris?*

*In studiis memini formarum nosse figurat.*

**P.** *Non tua præpediat nos indignatio feruens.*

*Præceptum Domini liceat cum pace referre.*

*Sara nimis gens cenorum de more petulca*

*Regnum Francorum manibus ferroque subactum*

*Occupat, & rodit quidquid sibi Gallia nutrit.*

*Vndique terra rubet, roseo madefacta liquore.*

*Sanguine torrentes nimia de cade redundant.*

*Ecclesia labor: interius decus omne dicatum,*

*Corpora Sanctorum volitant conspersa per auras.*

*Sunt auium, sunt iam consortia facta luporum.*

*Vastat Episcopium cum strage Turoniacense.*

*Martinus plorat, tutorem clamitat idem.*

Q ij

Oidelo compatitur, simili qui iure tenetur.  
 Hic Romam petiit Monachis orare salutem.  
 Conscendunt voces, strepitum dant Cluniacenses:  
 Clamant atque monent: Subito dispone Magister  
 Arma subire tuis, & qua preponere debent:  
 Quæ sint exteriùs, & quæ sint interiora.  
 Lunaris pendere priùs debet tua pelta:  
 Insuper apponas tibi loricamque trilicem.  
 Lubrica sustineant galeam cinctoria lumbi:  
 Corrugiis caput adstrictum mucrone coronas:  
 Spicula post tergum teneas, tum dentibus ense.  
 Et cogit iuvenes lentos adscendere currus:  
 Atque senam præcepit equos conscendere turbam.  
 Adscendant asinum bini, denique camelum:  
 Si non sufficiunt, bubalam conscendite terni.  
 Milia mille viri procedunt ante Quirites.  
 Res agitur ferro ternis prolata diebus.  
 Signifer in medio properus non stertere cæpi:  
 Dissutis malis, flatum pugnando reieci.  
 Nescio per superos, manibus quot milia stravi.  
 Iupiter ille duos numerat meliore lapillo.  
 Fertius ilte Deo Marti non rite dicatur.  
 Cuspide trusus equo, vexillum turpè reliqui:  
 Cum reliquis fugiens, genitalia regna petiui.  
 Hac patrata scias in prima luce Decembris.  
 Hoc iudem Martis temtabitur ante Kalendas.  
 Militis princeps ad te nos Oydelo mittit.  
 Te Dominum Monachorum bellicus ordo salutat:  
 Admonet inuitans acies ut bella perornes.  
 Agmine conspectus, mandatum concitus imple.

- Armis te de Æ antè mori quàm rura colendo.  
Mittere perplures , quàm frondes Asia spondet.  
Africa nigra , maris bibulas quàm litus arenas ,  
Pars Europa minùs non iactat tertia mundi.  
Quid tibi vis rabies tatrìs dignissima Claustris?  
Figite per corpus , fugiat ne limidus , ungues.*
- R. *Crède mihi , non me tua verba minantia terrent.  
Plurima me docuit Neptanabus ille magister ,  
Labitur aula tholis rutilat quò splendida fuluis.*
- P. *Per partes scindunt vestem , quam quisque tenebat.  
Credere vera dehinc super his nec falsa notari.  
Ordinis est igitur hac transformatio Regni.  
Vnusquisque potest aliis coniungere rebus  
Sese quod natura negat sapientia monstrat.  
Spes iuuenum , ventura dies , qui discere nolunt.  
Causa senum , sine spe pueriles plangere cursus.  
Omnibus in rebus , si sollers , omnia scirem ,  
Heu miser insipiens , quod me nunc penitet urget.  
Non rastras noui , nec tristia praelia vidi.  
Res mala : quod scio , defendunt ; quod nescio , cedunt.  
Si sic contigerit , vacuus sufflabo fanùllas :  
Aut Regis cineres , aut nostras flabo Camenas.*
- R. *Si Musas celebres , clament Musarde Sacerdos.*
- P. *Persius indignans promet tum , lusca sacerdos.  
Qui legit , sapit officium Musa sine Musis.  
Velle bonum sacris sed delectare loquelis  
Instanter cupiens , horum non immemor umquam.  
Iustis inueniar similis , hoc iudico semper.  
Eligo nosse Deum , cunctis preferre quod opto.  
Prospera si tibi sunt , non tadeat hoc reminisci.*

*Rex Regum temet quanto ditauit honore.  
 Munera concessit pius omnibus his meliora,  
 Partem namque sui, qua pars sapientia vera:  
 Per quam scire potes, qua sunt celestia semper.  
 Quid sit Hierusalem debes tu scire superna,  
 Quid lapides, muri, porta, structura quid illa,  
 Et quibus illa manens sit ciuibus adificata.  
 Ordine distincto regitur, non milite pauco.  
 Ast aliis alios praefert discreta potestas.  
 Singula dissolui, propter fastidia longum.*

- R. Scire meum nihil est, semper sed numinis almi,  
 Mens humana, Deo semper vicina videtur.  
 Non se nosse valet, qui non vult scire supra se.  
 Illa potens est Hierusalem (puto) visio pacis.  
 Rex Regum regit hanc, Dominus dominatur & illi.  
 Eius cum partes sibi diuidit, est in idipsum.  
 Porta nitens aliquo non clauditur ulla metallo.  
 Hic muri sunt absque petris; lapides sine muris;  
 Vini sunt lapides: aurum viuit platearum.  
 Splendidiùs rutilans obryzo creditur auro.  
 Ciuibus Angelicis, hominum struitur quoque turmis.  
 Pars quadam regnat, quadam pars altera spirat,  
 Hoc tantum scio, sed super his maiora requiro.*

- P. Assiduus lector sibi plurima nosse peroptat.  
 Torpens & tardus, solet immemor esse priorum.  
 Rex Augustini libros dilecte reuolue.  
 Vrbs excelsa Dei qua sit, dixisse probatur.*

- R. Inco precor mihi dic, Praesul, qui sint ibi latus:  
 Princi pares & si qui sunt & in ordine patus,*

- P. Quare Dionysium, qui dicitur Arcopagita:*



Ille duos super his desudat scribere libros.  
Præsul & ille sacer loquitur Gregorius inde,  
Iob magna scrutans fidei Moralia Regis.  
Idem Sermonem complens explanat aperte  
Hic & Ezechielis super his in fine patenter:  
Hoc apices ipso quos Gallia dante recepit.  
Visibus humanis non est prelatio talis.  
Quæ sit dicemus posthæc intentio nostra  
Mystica: distinctus disponitur ordo supernus:  
Cuius ad exemplar terrenus fertur haberi.  
Ecclesia veteris populi sub Lege ministros  
(Nomine quæ perfunctorio Synagoga vocatur)  
Per Moysen Deus instituit, quos ordine rexit.  
Historia narrant sacra, qui constituentur.  
Ecclesia Regnum calorum dicitur ordo:  
In qua disposuit mundos Deus ipse ministros.  
Et noua lex inibi colitur sub Principe Christo.  
Hoc & Pontificum fixit censura fidelis:  
Qualiter, à queis, & quales ibi constituentur.  
Ecclesie status hinc fruitur si pace quieta,  
Ipsam legibus est aptare necesse duabus:  
Diuina quas humana discretio format.  
Lex diuina suis partes non diuidit ullas.  
Format eos omnes æquali condicione,  
Quamuis dissimiles pariat natura vel ordo.  
Non minor artificis quàm Regis proles herilis.  
Hos pia lex omni mundana sorte sequestrat.  
Non scindunt terram, non stant post terga iuuentum.  
Vitibus, arboribus, vix hortis infamulantur.  
Non sunt carnifices, caupones, neque subulci,

Q iiij

*Hircorum sectatores , non opiliones ,  
 Nec cribrant Cererem : hos non coquit uncta lebes ,  
 Terga suum per dorsa boum non serpere cogunt.  
 Non sunt lautiores , contemnunt feruere vestes ,  
 Sed mentes purgare suas & corpora debent :  
 Moribus ornati , custodes sunt aliorum.  
 Lex aeterna Dei sic mundos precipit esse :  
 Iudicat expertes seruilis condicionis.  
 Hos Deus adscinit seruos sibi , iudicat ipse :  
 Castos & sobrios de calis clamat esse.  
 Omne genus hominum praecepto subdidit illis.  
 (Princeps excipitur nullus , cum dicitur omne.)  
 Quos iubet ut doceant sectam seruare fidelem ;  
 Et mergi doctos sacri sic fonte lanacri.  
 Constituit medicos , si vulnera computruerunt ,  
 Per quos sermonum cauteria sunt adhibenda.  
 Corporis ille sui sacramentum sanguinis atque  
 Iussit quò solus tractaret rite Sacerdas.  
 (Maxima commisit , quos se tractare rogauit.)  
 Voce Dei quod promissum , non esse negatum  
 Credimus & scimus , ni quos sua crimina pellunt.  
 In calis primas debent conscendere sedes :  
 Hos decet euigilare ; cibis & parcere multis :  
 Pro populi semperque suis orare ruinis.  
 Pauca super Clericis dixi , sed plura reliqui.  
 Aequales igitur sunt omnes condicione :  
 Vna domus Domini lege si clauditur vna.  
 Res Fidei simplex , status est sed in ordine triplex.  
 Lex humana duas indicit condiciones.  
 Nobilis & seruus simili non lege tenentur.*

*Nam primi duo sunt, alter regit, imperat alter,  
 Quorum præcepto Respublica firma videtur.  
 Sunt alij, quales constringit nulla potestas:  
 Crimina si fugiunt, qua Regum sceptrâ coercent,  
 Hi bellatores, tutores Ecclesiarum,  
 Defendunt vulgi maiores atque minores,  
 Cunctos & sese parili sic more tuentur.  
 Altera servorum divisio condicionum.*

*R. Hoc genus afflictum, nil possidet absque labore.*

*Quis signis abaci numerando retexere possit  
 Servorum studium, cursus, tantosque labores?*

*P. Thesaurus, vestis, cunctis sunt pascua servi.*

*Nam valet ingenuus sine servis vivere nullas.  
 Cum labor occurrit, sumtus & habere peroptant,  
 Rex & Pontifices servis servire videntur,*

*Pascitur à seruo dominus, quem pascere sperat.*

*R. Servorum lacrimæ, gemitus non terminus ullus.*

*P. Triplex ergo Dei domus est, qua creditur una.*

*Nunc orant alij; pugnant; aliique laborant:*

*Qua tria sunt simul, & scissuram non patiuntur.*

*Vnius officio sic stant operata, duorum*

*Alternis vicibus: cunctis solamina præbent.*

*Est igitur simplex talis connexio triplex:*

*Sic lex prævaluit, sic mundus pace quieuit.*

*Tabescunt leges, & pax iam defluit omnis.*

*Mutantur mores hominum, mutatur & ordo.*

*Rex tunc iure tenes lancem, tunc protegis orbem,*

*Proclinos noxis, cum legum stringis habenis.*

*R. Iam caput ecce tuum candens imitatur olorem.*

*Hac natura senectutis dixisse probatur.*

*Credere non sanum talis natura coëgit.*

P. *Altera me stimulat: senio non deficit illa.*

R. *Quot homini dantur natura? Dic, P. Puto bina.*

R. *Sed tamen his, quas multiplices scis esse, duabus  
Ex his qua loquitur, cuius sint verba, reponere.  
Grammaticus simplex, nedum Dialecticus illex  
Valde recordaris studiorum pauca priorum.*

P. *Qui paruum meminit, non obliuiscitur omnis.*

R. *Eius qui stimulat, senio nescis reminisci.*

P. *Dicere qua nollem, Rex infestando perurges.  
Spiritus hic resonat. Non me dementia torquet.  
Si natura senum cogit, non culpor acutè.  
Natura finem non ponunt arte periti.  
Artificem quidam dicunt ignem Sapientes.  
Est aliis Natura, Dei preclara voluntas.  
Nam natura Dei, Deus est: hominum quoque non sic.  
Si verè Deus est, est immutabilis idem.  
Immutare suum quod & est, non desinit esse  
Naturâ summi Patris. V numquodque creatum  
Sumit naturam, cum primum suscipit ortum.  
Corporibus qua iunguntur, sensum patiuntur  
Quedam: sunt alie quedam, qua non patiuntur.  
Et si mutatur corpus, mutatur & illa:  
Cum pereunte perit, quo permanet illa manente.  
Iungitur hac incorporeis, sed & altera rebus.  
Non pereunt illa, qua corpore non sociantur.  
Res hominis natura duplex reddit duplicatas.  
Corpore iunguntur hominis, sed separe ductu.  
Altera iungitur hac, sed & altera iungitur illac.  
Quidquid erit contrà, non hac, non illa probatur.*

*Territa, naturam vitans effatur asella.  
 Passio nec, natura sapit nec corporis vlla.  
 Vnam quæ circa versatur cognitionem  
 Corporis, à natura aliam non percipit umquam:  
 Sed quam non nouit, cognosci fertur ab illa.  
 Intellectibili sensu sunt hæc capienda:  
 Sunt intellectûs, per quem noscuntur utraque.  
 Dico necessarium, quod qualibet exigit harum.  
 Argumenta necessario dicuntur & ista.*

*R. Cuncta necessariis argumentantur ab istis?*

*P. Malleus alter adest, qui causa probabilis hic est.  
 Inueni quod disposui, non immemor horum.  
 Eloquor in presens: & quod pronuntio, verum.*

*R. Quod non est verum, non est fas dicere verum,  
 Fabula non simulat verum, nec dicitur esse.*

*P. En dixi verum. Scis non excedere verum.  
 Nania nulla meum nec fabula mulcet amorem.  
 Non sic gesta scias, sed cuncta geri potuisse.  
 Sistere cuncta velim quamuis sub themate vero,  
 Hic tamen est extra quadam digressio causam.  
 Respicit ad causam, causam sed dicitur extra.  
 A proprio sensu non hæc aliena videtur.*

*Finis & officium sapit: est non fabula, sed res.  
 ..... præcessit, veniat persuasio iuncta.*

*Nunc pro lege Dei certando per omnia Patris  
 Iure salutifero sapientes & moderati*

*Premia vel pœnas quarant: ratione potentes*

*Accipiant, aequi vel quid patiantur iniqui:*

*De dubiis certent, de certis non dubitantes:*

*Et mala defendant: veniunt extrinsecus illa.*

*Oratoris inest tibi, Rex, concessa facultas.*

*Nunc demonstras, tum deliberat ordo Potentum,  
Discutiens affirmatè cum Relligiosis  
Iudiciis, à quo possint res insitiri.*

**R.** *Indicium duplex sequitur correptio triplex,  
Antea res quales nobis, translatio, finis,  
Et coniectura quò discernantur oportet.*

**P.** *Causa nec est indiuiduis, tamen est specialis,  
Quatuor has non inuenies, quas hìcce requiris,  
Sed status est unus legum, contraria sumens:*

*Et causam partemque suam puto desuper esse,  
Rite pedes posui: surgit, dum figitur alter.*

*Æstimo quòd tetigi, non à ratione recessi,  
Pandere non moriens nos hac natura coëgit,  
Immeritò culpor, hac vi quia dicere cogor.*

*Quid tibi peccaui? Natura iuxta repleni,  
Dignè tristaris, qui Rex servire iuberis.*

*Francorum primus tu servus in ordine Regum,  
Hic malè turbatur, qui non sua verba veretur.*

*Regnum Francorum Reges sub tempore patrum  
Subingat, & semper sublimi pollet honore.*

*Regum sceptrum patrum nullius sceptrum coërcet:  
Quique regit, gaudens virtutibus, imperat aquè  
Nonimus Imperium iam Regibus esse fugatum.*

**R.** *Gratia nunc Summo, per quem regnare peropto,  
Non meritis concedo meis: sed laude perenni*

*Gloria, laus & honos, virtus sit cuncta regenti:  
Poplitibus flexis supplex, quem semper adoro:*

*Vt nobis liceat leges servare paternas.*

**P.** *Lex diuina vetat, qua corrigit inter utrasque,  
Altera permittit, iubet altera: sentque minores.  
Indico maiorem, quam tradunt posteriorem:*

*Vtile quaeque necessarium conferre videtur.*

*Ad res pertineat plures quae semper honestè,*

*Fortior & quaecumque grauissima sit, teneamus.*

**R.** *Iudicet Omnipotens: mecum diuina sit illa.*

**P.** *Vndique pax bona post certamina postque labores:*

*Et status Ecclesia per se sua iura tenebit.*

*Descriptas, & non alius Respublica leges*

*Possideat: sua regna Basilius & Benedictus*

*Obseruent: teneant, quidquid sua Regna inbebunt.*

*Pontifices umquam celebrent non rura deinceps.*

*Sic sua iura tenent, si non ruralia curent.*

*Iustitia regimen noster non audeat ordo*

*Linquere, sed totis semper se nisibus apret:*

*Constituat iustos, & non pro lege sapaces*

*Rectores inopum, miseram necnon viduarum.*

*Nullus ad Ecclesiam noctis nisi tempore pergat*

*Ire semel: liceat cunctis orare diebus.*

*Iudicet, & spectet presentes atque futuras.*

*Pro meritis omnes assumant emolumentum*

*(Excipiar solus vestra cum pace) fideles.*

*Septenas liceat laudes proferre per horas.*

*Hostia cum votis. R. Hac sit permissio Patris,*

*Cum Ligeris Calabros tentabit lingere campos.*

*Et torrens Tigris Hispanica ceperit arua.*

*Aetna rosas cum producet vol lilia stagnum.*

*Falia si veniunt: tunc haec ventura timeto.*

*Gratia confirmet te Prasul Adalbero Christi;*

*Nostra simul: meritò Regali munere dignus,*

*Non quia doliras, sed nobis allegorizas.*

Explicit carmen Adalberonis Episcopi ad Rotbertum  
Regem Francorum.



# HADRIANI VALESII

## IN CARMEN

### ADALBERONIS EPISC.

### NOTÆ.



**N**T E aliquot annos nactus  
 sum veterem codicem exiguum,  
 Pauli Petauij V. C. nomine ma-  
 nuque notatum, quo Adalbe-  
 ronis Episcopi Laudunensis Car-  
 men ad Robertum Regem Fran-  
 corum, Chartarium Lirensis Monasterij, Vita  
 Sugerij Abbatis, Epistola Stephani Comitiss ad  
 Adelam coniugem, Iudicium Varennense, vel  
 vt vulgò vocant *Placitum Ermengardis Reginae*  
 & *Principum Ludouici filij Bosonis anno DCCC-*  
*xcviii. Indictione viii.* item *Percunatio siue*  
*electio Episcoporum ac Clericorum necnon popu-*  
*lorum ad Regem consecrandum, vnà cum ordina-*  
*tione Reginae præter cetera continebantur.* Ex  
 his Vita Sugerij Monasterij S. Dionysij Abba-  
 tis, à Francisco Chesnio dudum nî fallor est edi-



ta : Iudicium Reginae Ermengardis Ludouici iunioris Augusti filia, R. Bosonis vxoris nuper quidam vulgauit : Epistolam Stephani Comitris Carnutum & Blesensium ad coniugem Adelam & communes filios de obsidione Antiochia, per Lucam Acherium in tomo Spicilegij IV, anno MDCLXI. publicandam curauit. Inter reliqua quæ nondum in lucem exierunt, maximè eminet Carmen Adalberonis : in quo Episcopus cum R. Rotberto colloquitur, & quæ in Regno Francorum cum à ceteris cuiusvis professionis hominibus, præsertim à Monachis, tum à Rege ipso malè gerebantur, nunc allegoricè nunc ironicè exponit. Hoc Carmen & interlocutione Regis ac Episcopi, & incultis ac triualibus versibus, hoc est scriptoris vel potius temporum vitio, & perpetuâ ferè allegoriâ aut ironiâ haud parum quidem videtur obscurari: quædam tamen memoriâ dignissima cum de Regis Rotberti genere, formâ, & virtutibus, tum de magnitudine & viribus atque autocephalia Regni Francici, nonnullos etiam ritus morésque Francorum ætatis suæ haud cuius notos continet: vt si non verborum, certè rerum pondere, & auctoris sui nomine, & sæculorum ampliùs sex vetustate censeri, ac pro thesauro haberi debeat. Quare hortanti me Fratri ad editionem huius Dialogi, faciliè assensi, nec diutiùs in scedis meis Adalberonis opus latere passus sum. Carmen igitur DCL. annorum car-

mini ante DCCXI. annos composito; laudibus Berengarij Augusti natione Franci laudes Roberti Franeorum Regis adiunxi atque subtexui, quas & breuib; notis illustrare conabor. Loquentem Adalberonem Præsulem P. litterâ; Robertum Regem R. lit. designavi.

*Regi Roberto sic Præsul Adalbero scribo,*

*Præsulis in senio.]*

Adalbero hic, quem & Ascelinum vel Azelinum dictum esse Guibertus Nouigenti Abbas in libro III. de Vita sua affirmat, natus in Regno Lotharij, seu Francus Lothariensis fuit, & beneficio Regis Franc. Lotharij die Paschæ anno DCCCLXXVII. Roriconi in Episcopatum Laudunensis Ecclesiæ iuuenis successit: atque ut erat homo pecuniosus ac bene nummatus, Ecclesiæ suæ & Clero Laudunensi multa & magna contulit: sed liberalitatem, doctrinam, ceterasque dotes suas insigni perfidiâ scdauit. Quippe Carolum Ducem Lothariensium XXXVII. aut XXXVIII. agentem annum, (*Regem ac innocentem puerum* Guibertus vocat) cuius Consiliarius erat, cuius in verba iurauerat, die Cenæ Dominicæ anno DCCCCXC. Hugoni Regi Francorum portis Lauduni nocte patefactis tradidit, atque ea ratione Hugonem votorum suorum ac regni compotem fecit. Quare *vetulus traditor, & falsus Episcopus Lauduni* à quibusdam historicis nuncupatur. Anno Christi DCCCXCI. regni D. Hugonis Aug: & Excel-  
lentissimi

lentissimi R. Rotberti V. Indictione iv. Pseudosynodo in agro Remensi habitæ idem interfuit atque subscripsit: in qua Arnulfum R. Lotharij filium Remorum Antistitem, quem ipse antea solus reconciliauerat, cum Consacerdotibus suis damnauit, ac Archiepiscopali honore priuauit. Eidem Adalberoni Dudo S. Quintini Clericorum Decanus, tres libros de Gestis Nortmannorum, ad Richardi Maioris N. Ducis obitum, seu ad annum Christi dccccxvi. vel (si Dudoni creditur) mii. deductos dicauit epistolâ, quâ eius genus, sapientiam, atque virtutes, præcipuè bonitatem sanctitatemque laudat. Ex quo apparet, Adalberonem vel Ascelinum post annum mii. adhuc vixisse & Episcopum Laudunensem extitisse. Azelinum seu Adalberonem Laudunensis Ecclesiæ Antistitem Siluester iunior Episcopus Romanus (qui anno dccccxviii. sedere cœpit) *per epistolam Regis Rotberti* (quod miror) & Episcoporum publicis criminibus insinulatum esse ait, & Romam ad dicendam causam euocauit. Ipse Regia vi per quorundam factionem Sede se sua exclusum esse queritur, non tamen Episcopali officio priuatum. Sed has omnes veluti tempestates feliciter elusit, ac gratiam Principis maturè recuperauit: cui amicus atque etiam familiaris fuit, vti hoc Carmen docet: quod doctus pro captu temporum Episcopus ad Regem litterarum studiis eruditum, se

R

## 258 HADRIANI VALESII NOTÆ

amantem studioforum, sicuti Glaber Rodulfus & Aimoinus docent; ad iuuenem senex composuit. Sic enim de se ipse refert:

*Regi Rotberto sic Prasul Adalbero scribo,  
Prasulis in senio.*

Sic de Rotberto Rege Francorum,

*Florc iuuentutis tua iam resplendet imago.*

Item de ipso Rotbertus:

*Iam caput ecce tuum candens imitatur olorem.*

Cùm autem Regi Rotberto scribere se dicat Adalbero, Regem Rotbertum vbique alloquatur, Hugonis verò nullam vsquam mentionem faciat: apparet post annum Christi DCCCXCVIII. seu post Hugonis Regis Francorum Rotberti patris obitum, carmen istud ab eo esse compositum; Odilone Cluniacum regente, cuius Abbatìs meminit, quem constat Maiolo anno Domini DCCCXCIV. Ottonis III. imperij XI. v. Idus Maias mortuo successisse. Ceterum Aze-  
linus amicum præter ceteros habuit Fulbertum Carnutum Episcopum, qui ipsum in epistola XLV. *clarum Laudunensium Prasulem appellat, & magnum Patrem: rogatque eundem, cui Deus bene suadendi copiam incomparabilem dedit, ut Regem excitet ad vindicandam Subdecani sui cædem.* Amatus est & à Guillelmo Aquitanorum Duce & Comite Pictauorum, à quo non rarè litteras accepit.

*Fratrum Laudunicus Ordo,*

*Flos iuuenum fructusq; senum te mente saluat}*

Hoc est Laudunensis Ecclesiæ Clerici cùm maiores tum minores, qui fratres in Christo mei sunt, te non lingua sed votis ex animo saluant. *Seniores* seu *honoratiores Clerici* vocabantur Presbyteri & Diaconi; *iuniores Clerici*, Subdiaconi & ceteri inferiorum graduum. Illos Gregorius in capite xlix. libri v. Historiæ *maiores Clericos*; hos *minores* appellat. Fortunatus in Carmine x. libri i. ad Clerum Parisiacum utrosque vti Adalbero, *senum & iuuenum* appellatione designat.

*In medio Germanus adest Antistes honorè,*

*Qui regit hinc iuuenes, subrigit inde senes.*

Nec absurdè Adalbero iuuenes floribus, senes fructibus comparat. Ver enim iuuenum est, autumnus seniorum.

*Patres namque tui longè Rex, Induperator]*

Haud falsò dictum hoc ab Adalberone. Nam Rotbertus Hugonem patrem, Rotbertum proavum, & proavi fratrem Odonem Reges Francorum habuit: maiorem amitam nomine Emmam Francorum etiam Reginam, R. Rodulfi uxorem. Idem per auiam Hadeuvidem vel Hauuidem patrem eius Heinricum Saxonem, cognomine Aucupem Regem Transrhienanorum seu Francorum Orientalium; fratrem eius & fratris filium ac nepotem Imperatores Ortonès propinqua cognatione contingebat: cùm Hugo Rotberti pater Francorum Rex Imperatoris Ottonis II. frater amitinus fuerit, Impe-

R ij

rat. Cæsarem Ottōnem I. auunculum, auum maternum Heinricum Regem Transrhenanum habuerit: Imperator Otto III. & Rotbertus noster amitinorum fratrum filij exstiterint. Præterea quoniam Hadeuuidis soror erat Gerberga, ex Ludouico Rege Francorum posteriore viro suo Regis Francorum Lotharij mater, Ludouici auia: pater quidem Rotberti nostri Hugo tam Lotharij R. F. quàm Ottonis II. Augusti consobrinus exstitit: ipse autem Rotbertus, & Ludouicus Lotharij filius qui vltimus Carlouingorum apud Francos regnauit, consobrinis geniti vel consobrinorum filij fuere. Quare meritò subiicit Adalbero.

*Stemmata nobilium descendunt sanguine Regum.*

*Lac tibi sugenti dat nutrix Induperatrix.]*

Adhelaidis Hugonis Regis Francorum vxor, Rotberti nostri mater, forsitan pro Regina *Imperatrix* vocatur ab Adalberone improprie, vt Hugo vir eius *Domnus Hugo Augustus* dictus est pro Rege in Synodo anno dcccxcxi. habita in Basilica S. Basoli: cuius Synodi actorum hoc est initium, *Anno ab I. D. N. I. C. dcccxcxi. Indictione iv. Anno v. regni Domni Hugonis Augusti & Excellentissimi Regis Rotberti congregata est Synodus in Remensi territorio. Sic ab Helgaldo in capite xiii. Rotbertus noster amborum filius, Francorum Imperator appellatur, eius mine Imperiales; iussio Imperatoria. Sic à Gerberto Lotharius Ludouici ex Ger-*

berga filius, Rex Francorum, *Cæsar* nuncupatur in versibus tumulo eius inscriptis. Quæ autem fuerit Adhelaïdis Rotberti mater, scire difficile est, cum Helgaldus tantum dicat genus eius inclytum ex Italia ortum esse, nec patrem matremque eius nominet. Quidam recentissimi scriptores falsò existimant, Adelhaïdem quæ Rotberti ex Hugone mater fuit, Lotharij Regis Italix filiam, Emmæ Lotharij Francorum Regis vxoris sororem fuisse. Adelhaïdis enim ex priore viro suo Lothario Rege Italix filiam enixa est, nimirum Hemmam Lotharij Francorum Regis coniugem, Ludouici matrem; vt Odilo in Vita Adelhaïdis Augustæ scribit: ex posteriore viro Ottone Augustæ filiam sui nominis videlicet Adelhaïdem ac tres mares genuit, quemadmodum Witichindus docet. Cum ergo Lotharius Rex Langobardorum ex Adelhaïde coniuge sua vnam tantum filiam Hemmam nomine generauerit; haud dubiè Adelhaïdis Rotberti nostri ex Hugone mater, filia Lotharij R. L. haberi non potest. Notandum autem est morem tum illustribus feminis fuisse, liberos suos suo lacte nutrire, & Adelhaïdem quæ Hugonis nondum quidem Regis, sed certè tamen Ducis Francorum ac Comitum Parisiorum coniux esset, Rotberto filio mammas præbuisse, nec vllas paruulo nutrices adhibere voluisse, vt filij sui tota & integra mater esset.

R. iij

*Lac tibi sugenti dat nutrix Induperatrix.*

*Mundus adhuc puero Dominū metatur & omnis Congaudet.]*

*Mundus amplex Dominum te metatur, & adhuc puero congaudet.*

*Plaudit manibus, letatur, & optat.*

*In Regem sibi, mox concordī voce coronat.]*

Qui Regem eligeant Episcopi & Comites Franci, Saxones, Langobardi, more omnes patrio seu Germanico futurum Principem plausu manuum honorabant, acclamationibusque prosequiebantur; deinde comprobabant vel (ut vulgari utar verbo) collaudabant: tum fide à singulis ex ordine iureiurando promissā, Regem benedicebant coronabantque; coronatum in solio Regio collocabant; in Regalem sedem elatum, debita gratulatione cultūque venerabantur. *Latitia* apud Adalberonem ad acclamationes pertinet; *optio in Regem* ad collaudationem siue confirmationem. Plausus manuum Gregorius meminit in libri Historiæ II. capite XLII. apud quem Franci Colonienses, *plaudentes tam palmis quàm vocibus*, Chlodeuē clypeo euectum super se Regem constituunt: etsi in codicibus Iolianis scriptum inuenio *parmis*. In Vita Heinrici Baioarij, I. eo nomine Imperatoris, II. Regis, quæ Adelboldi Traiectensis Episcopi scriptoris æqualis esse creditur, anno MIV. *Heinricus Rex ibi (Papiæ) à Nobilibus Langobardis qui ad suscipiendum eum*



congregati erant, per dignos applausus recipitur, & cum exultatione totius ciuitatis ad Sancti Michaelis Ecclesiam ducitur. Ibi Clerus, ibi Nobilium cœtus, ibi plebs utriusque sexûs, omnes unanimis uno ore Heinricum Regem acclamant, collaudant, & per manuum elationem designant. Collaudatus igitur coronatur; coronatus ex debito ab omnibus honoratur; ad Palatium deinde cum omni incunditate reducitur. Rotbertus autem anno Christi DCCCXXVII. quum eum pater sibi Regni collegam adiunxit, adhuc puer erat, ut ait Adalbero, nimirum annorum circiter XVI. Quippe anno MXXXI. mortem obiit, & sexagenarius Helgaldus dicitur decessisse.

*[Flœre iuuentutis tua iam resplendet imago.]*

Iuuenis Rotbertus seu incipientis iuuentutis erat, & adolescentiam emensus anno DCCCXXCVIII. cum patrem amisit, & annum ætatis circiter XXVII. agebat. Quare Glaber Rodulfus auctor æqualis in libri II. capite I. ita de utroque scribit. *Rex Hugo in pace Regno disposito, feliciter obiit. Erat namque Rotbertus Rex tunc iuuenis, prudens atque eruditus, dulcisque eloquio, ac pietate insignis.*

*[Forma super cunctos nobis speciosa videtur.]*

Fuisse Rotbertum ait Helgaldus *staturâ eminenti, planâ cesario, seu rectis capillis, naribus porrectis & patulis, elatis humeris, formâ demum egregiâ ac verè Regiâ. Regis Rotberti clara facies, & latus aspectus à Gerberto in qua-*

R iiij

dam epistola memorantur. Obesus nihilominus fuit, ac ventre forsitan paullo proiectiore, ita tamen ut obesitas robori corporis agilitaque non officeret: si qua Adalberonis verbis fides.

*Quamuis mole gravis, tamen es cum robore levis.*  
Certe & Willelmus Nangiacensis Monachus Rotbertum *robustum iuuenem & agilem* vocat.

*Plurima sub pedibus tibi foria Regna ingant.]*  
Hic versus ad quintum versum refertur:

*Quanta Deus tibi concessit, vel qualia misit.*  
Tibi Rotberte Deus fortissima Regna subiecit, Franciam, Burgundiam, Aquitaniam. Nimirum ut regnantibus in Francia Merouingis tria Regna Francorum fuerant, Neustria, Austria, atque Burgundia: ita post mortem Ludouici Pij Augusti diuisis inter plures Francicæ ditioris prouinciis, Reges nostri Reges Francorum Occidentalium dici cœpti, & tria eis Regna nihilominus attributa, Francia Occidua seu Neustria, Burgundia quamquam valdè immixta, & Aquitania. Hinc Abbo in libro II. scribit, Odonem R. *Franciam seu Neustriam, Burgundiam & Aquitanos* sibi subiecisse, *ternumque* illud seu triplex *Regnum* vocat.

*Sic uno ternum congaudet ouamine Regnum.*  
Et in consecratione R. Ludouici Transmarini Lauduni facta quam scriptam habeo, hæc inuenio. O. S. *Deus super hunc famulum tuum, quem supplici deuotione in Regnum pariter elegi-*

*mus, benedictionum tuarum dona multiplica, quatenus &c. ut Regale solium, videlicet Francorum, Burgundiorum, Aquitanorum sceptrum non deferat, sed ad pristina fidei pacisque concordiam eorum animos te opitulante reformet. Apud Frodoardum anno DCCCCLIV. Lotharius puer Ludouici huius filius Rex consecratur, fauente Hugone Principe, ceterisque Prasulibus ac Proceribus Francia, Burgundia atque Aquitania. Rodulfus Glaber in libri II. capite I. Congregatis in Aureliana urbe Regia quibusque Francorum & Burgundionum Regni Primoribus, Robertum à patre superstitite Regem constitutum ait: Aquitanos omisit, quia tum rebellabant. In veteri Chronico inuenio, anno MLIX. Philippum iussu Henrici patris Regem consecratum esse, adstantibus Francia, Burgundia & Aquitania Archiepiscopis & Episcopis XXI.*

*Rusticus ille, piger, deformis & undique turpis  
Pulcra cum gemmis ditetur mille corona.]*

Queritur, ni fallor, Adalbero homines obscuros & ignobiles, desides, deformes, & corpore animoque vitiosos, Abbates fieri, & mitrâ Episcopali gemmatâ uti, quam per ironiam coronam appellat. Eo priuilegio iamtum quidam Abbates fruebantur: quod ius mitræ ferendæ postea Urbanus Papa II. Hugoni Abbati Cluniacensi anno MXXCVIII. contulit.

*Iuris custodes cogunt portare cucullas:*

*Orent, inclinent, taceant, vultusque reponant.]*

*Cuculla*, oratio, capitis in ea & corporis *inclinatio*, aut humiprostratio ad benedictionem accipiendam, *silentium*, oculorum totiusque oris deinissio Claustrorum sunt, Monachisque conueniunt. Indignatur ergo Adalbero, Oprimates Francorum, atque ipsos adeò *custodes iuris*, seu præfectos urbium quos historici nostri promiscuè à duplici munere militandi iudicandique nunc Comites nunc Iudices appellant, ab Abbatibus per ambitionem & auaritiam Monachos fieri: & pios homines ac simplices ab eis ad mutationem vitæ vestisque compelli. Cuius mutationis regnante Rotberto insignia habemus exempla in Arnaldo Comite Ecolismensi, & in Burchardo Comite Corboli arque Meloduni, qui ex Comitibus Monachi facti sunt. Sed & antea Willelmus cognomine Caputstupæ, Dux Aquitanix & Pictauorum Comes in Pictauiensi Monasterio Sancti Cypriani monasticam vitam professus erat, deinde in Monasterium Sancti Maxentij transierat, vbi circa annum DCCCCLXII. dicitur obiisse.

*Nudi Pontifices aratrum sine fine sequantur*

*Carmina cum stimulo primi cantando parentis.]*

*Nudi Pontifices sequantur aratrum & boues cum stimulo, cantantes carmina primi parentis Paradiso expulsi.* His verbis inuehitur Adalbero in Abbates, qui omnia pæne insignia & iura Episcopalia sibi vindicarent, Episcoposque nu-

dos atque spoliatos, aliqua ex parte honore & felicitate sua deieciſſent, & humiliores redegiſſent.

*Præſulis & ſi fortè uacat locus, inſthronizentur*

*Pæſtores omium, nauta, quicumque ſit ille.]*

Ridet quidem Adalbero, ſed ridendo dicere verum nil vetat: & indignatur vir nobilis homines planè ignobiles, pudendis ac viliffimis parentibus natos, diuinæ legis ac ſacrorum librorum ignaros, prorsus ἀγχαμᾶτοις καὶ ἀναφαιήτοις à Rege Rotberto ad Episcopale extolli faſtigium. Quod Glaber Rodulfus Cluniacenſis Monachus à Rotberto fieri conſueviſſe ita ſcribit, ut Regem ob id laude digniſſimum iudicet. Rodulfi in libri Hiſtoriarum 111. capitulo 11. de Rotberto Rege Francorum verba hæc ſunt. *Hic itaque Rex ut ſapientiſſimus Dei cultor, ſemper fuit humilium amator, ſuperborumque ut valuit oſor. Si qua enim Pontificalis Sedes in ſuo Regno proprio viduaretur Præſule, cura ei erat maxima, ut utilis Paſtor licet genere inſimus reſtitueretur Eccleſiæ, potiusquàm nobilis eligeretur perſona ſecularis pompa. Quà de cauſâ etiam Primates Regni ſenſit plurimum contumaces, qui deſpectis humilibus, ſui ſimiles eligebant ſuperbos. Non ſolus ergo Adalbero, ſed plerique Regni Francici Optimates hoc in Rotberto reprehendebant atque damnabant. Certè Reges noſtros ut probitatis morum ac prudentiæ, ita & nobilitatis in eligendis Epifeo-*

pis habuisse rationem, docent veteres Historici nostri, docent Vitæ Sanctorum Antistitum, docent priscae Marculfi Formulæ. Nec ob aliud Theganus Francus, vir nobilis, dolet & queritur sua ætate *ex vilissimis seruis*, Caprariorum filiis in libertatem assertis, *Summos Pontifices fieri.*

*Et studiis quem nec constrinxerit vna dierum.]*  
qui ne vno quidem die studuerit.

*Alphabetum sapiat digito tantum numerare.]*  
Sciat tantum litteras computare per digitos. *Sapere* Adalbero, vt auctor Panegyrici de laudibus Berengarij Augusti, ac multi alij etiam vetustiores pro scire dixerunt; & pro docto sapientem: vt hodieque scire vel nosse, vulgò *savoir à sàpere* dicimus; doctum *sauant*, hoc est sapientem nuncupamus: & meritò. Nam nisi in sapientem doctrina non cadit.

*Hi Proceres: Præceptores hos mundus adoret.*

*Et iunet vt celebres nec Reges excipiantur.]*  
Tales Episcopi, tam ignobiles, tam illitterati, sint Proceres Regni, inter Optimates Francorum primi confideant debito Episcopis loco. Hi ab omnibus pro præceptoribus habeantur, salutentur, ne celebribus quidem Regibus exceptis: hoc est à te etiam ipso Rotberte qui eos Antistites elegisti, adorentur & honorentur.

*Regula si stabilis Diuûm permanferit ista, Disciplina, vigor &c.]*

*Regula Diuûn*; regula Regum, regula Roberti Principis est. Vult dicere Adalbero, si hanc perniciosam regulam, si hunc morem seruare in eligendis indignis Episcopis Rex perseuerauerit, & *Ecclesia & Reipub.* seu Regno Francorum plurimum nociturum.

*Legibus extinctis, in pace sepulta quiescet.*  
Superscriptum erat.

*Ducetur ad ultima mortis.*

pro *in pace sepulta quiescet.*

Qualia multa ipsius omnino Adalberonis chi-  
rographo superscripta, in hocce Poëmatio re-  
periuntur: quæ singula suo quodque loco sum-  
relaturus, si tamen sunt tanti.

*Excludantur & hi quos sola scientia comit,*

*Christi conseruos & quos sapientia nutrit, &c.]*

His VIII. versibus Adalbero indicat litteratos,  
bonos & sapientes viros & Catholicæ sanæque  
doctrinæ ab Episcopatibus, à Conuentibus vel  
Synodis ad hæreses impugnandas coactis, at-  
que à Consilio Regis procul amoueri.

*Omnibus egressis thalamum post ostia seruent.]*

Fortè legendum est, *ingressis.*

*Vt Procurator Regis mundana ministrans,*

*Sit piger, ignauus, &c.]*

Quem *Procuratoris Regis* nomine designet Adal-  
bero, diuinare non possum, vt nec quæ suprâ  
sunt scripta *Crotoniatarum*, inscripta *lex anti-*  
*quissima. Mundana ministrans*, res admini-  
strans.

*Et iugiter maneat diuisus sorte iugali.]*

Id est, Procurator Regis uxorem non ducat, sed semper in cælibatu permaneat.

*Ni Regis hereditaria non spes sibi constet.]*

Procuratori Regis spes lucri non sit nisi Rege hereditatem aliquam petente, seu bona aliqua fisco suo tamquam caduca vindicante. Qui si verborum Adalberonis verus est sensus, ut esse videtur: *Procurator Regis* heic erit Procurator fisci: ut infra *custodes thalamorum*, Cubicularij.

*Cæsaris his maiora iubet descriptio Magni.*

*Deuiet illo sacor de sede Monasticus ordo:*

*Vxores ducant pulcras, & prælia temtent.]*

*Valens Aug. lege latâ ut Monachi militarent, nolentes per Tribunos & milites fustibus iussit interfici: sicuti Hieronymus Presbyter scribit in Chronico: quæ Valentis lex exstat in Codice Theodosiano. Paulo antè Imperator Iulianus milites ante peracta stipendia Monachos fieri lege vetuerat. Et Monachos quidem Valens militare iussit; Constantinus Copronymus Leonis filius eosdem & uxores ducere albatos præcepit aut coëgit: quemadmodum Theophanes ab Anastasio translatus ceterique memoriæ tradidere. Videtur autem Adalbero nomine esse deceptus, & quod à Constantino Copronymo factum est, Constantino Magno falsò tribuisse: quem suprâ *Cæsarem Magnum*, & cuius legem, *Cæsaris Magni descri-**



*ptionem* appellauerit. Quippe Constantino Copronymo, Principi pessimo ac impiissimo Iconomacho *Cæsaris Magni* appellatio non conuenit, ut nec Imper. Valenti Ariano. Sed cur hæc de Monachis ætatis suæ dicit Adalbero? aut quid tum apud Monachos nostros simile gerebatur?

*Rectores rerum placet accersire mearum.]*

Hic versus cum sensum turbet, aut vacat, aut non suo loco positus est.

*Pilleus excelsus de pelle Libystidis ursæ.]*

Monachorum habitum damnat & irridet A. qui obliiti professionis suæ pilleis ex pelle ursina, vestibus crurum tenuis decurtatis & anteriùs posteriùsque apertis, pictis balteis, & gladiis, & arcubus ac calcaribus equitantes vterentur. Ordericus Vitalis anni MEXXXIX. res referens *Nunc* (inquit) *propè vniuersi populares caput velant vittâ suæ pilleo. Vix aliquis Militarium procedit in publicum capite discooperto legitimeque tonso secundum Apostoli præceptum.* Antea scilicet Galli & Franci more Romano & Germanico capitibus apertis atque intectis esse consueuerant. Ceterùm hoc hemistichium Virgilij est ex libro v. *Æneidos.*

*Pelle Libystidis ursæ.*

*Et vestis crurum tenuis est curtata talaris:*

*Finditur anteriùs, nec parcit posteriori.]*

Mutauit Adalbero posteriorem primi versùs partem, ut emendaret errorem, & ita superscri-

psit pro curtatâ talaris: talaris adempta.

Glaber Rodulfus Rotberto regnante vixit, & Willelmi Abbatis Diuionensis seu Monasterij Sancti Benigni Vitam enarrauit: quem in capite xiv. inducit sic concionantem in consecratione Basilicæ S. Benigni M. *Non adspicitis, quæ scissura & detruncationes vestium rabidissima? quæ attonsuræ per ceruices virorum? &c. Ista enim vniuersa recentia & nuper grassata, ex Diabolica superstitionis rabie emergere. Idem in fine libri iii. Historiarum de eadem re loquitur, & trunca veste viros Francos irridet. Hæc recentia damnat apud Glabrum Vuillelmus Monachorum Abbas in laïcis: sed eos tamen Monachi equitantes itérque facientes imitabantur, & suas vestes talares atque demissas ita detruncabant decurtabantque, vix vt genua contingerent: easdem cum vndique clausæ esse deberent, antè & retrò aperiebant, vt ad conscendendum equum essent expeditiores. In detruncationibus illis decurtationibusve, atque etiam in scissuris vestium hodieque insanimus.*

*Ilia Baldringo cingit strictissima picto.]*

*Baldringum* appellat Adalbero balteum nomine mihi alibi non lecto: quem nos vulgò *Baudrier* à *baldringo* dicimus. *Pictum* autem *baldringum* nuncupat, qui acu pictus esset.

Notandum heic *forcipem*, *malleum*, & *ilicem* Monacho equitanti tribui, *forcipem* ad extrahendos clauos ex soleis vngulisque equi; *malleum*

*leum* ad calciandum equum seu ad tundendos clauos vngulis equinis infixos ; ilicem seu iligna folia ad excipiendum seruandúmque ignem è silice ferro excussum.

*Ossa superficiem stringit diffusa deorsum.]*

Osas Paulus Langobardus in libro i v. Hossas Monachus Sanctigallensis in libro i i. ceterique appellant fascias cruales , caligas vel ocreas : Matthæus Parisiensis *calciamenta militaria* quæ vulgò *heuses* dicuntur. Germani hodieque eiusmodi tibialia *Hosen* ; nos *houfes* vocamus. Sed videndum , annon heic Adalbero *Ossa deorsum diffusa* ac *superficiem stringentis* nomine potiùs designet pænulam , quam supra omnia vestimenta & arma aduersus imbres Monachus equitaturus sumsisset ac superieciisset.

*Saltibus incedens , (terram calcaria pungunt.)]*

Id est , saltuatim incedit Monachus , postquàm equo descendit , & calcaribus suis non iam la-  
rera equi sed humum pungit. Mutauit autem & hunc versum Adalbero parum sibi satisfaciens , & ita superscripsit ,

*Saltibus impressam pungunt calcaria terram.*

*(Terram calcaria pungunt.*

*Cæpit summa pedum cum tortis tendere rostris.)]*

Saltuatim incedit Monachus , & terram calcaribus pungit , quum summos pedes protendere & rostra torquere cæpit , quoniam propter enormes calceos aliter progredi non potest.

Ordericus Vitalis in rebus anni MLXXXIX. calceos huiusmodi describit his verbis. *Sutores in calciamenti quasi caudas scorpionum quas vulgò pigacias vocant, faciunt. Item. Viri Curiales pedum articulis colubinarum similitudinem caudarum imponunt.* Hæ ergo veluti caudæ colubrarum & scorpionum terrestrium, vulgò pigaciæ dictæ, pedum articulis seu summis pedibus imponebantur, hoc est fronti vel anteriori parti calceorum assuebantur. Quare ait Adalbero

*Cæpit summa pedum cum tortis tendere rostris. Rostra* appellat has caudas colubrinæ & pigacias calceorum à similitudine rostrorum avium aut navium: quales Iohannes Dubravius etiam calceos rostratos vocat. Hic enim in Hist. Boiemiæ libro xx. de Iohanne Rege Boiemiæ Francorum mores imitante ita refert circa an. MCCCXXVIII. *Inerat ei peregrinus habitus in nutriendis comis, in calciandis pedibus rostratis calceis, in vestiendo corpore palliolis vix dimidias nates tegentibus.* In Chronicis res gestas Caroli VI. Francorum Regis continentibus, quæ à docto Monacho composita, in Bibliotheca Thuanea servantur, hæc de Francis præsertim Nobilioribus anno MCCCXCVI. Nicopolim obsidentibus reperio. *Vestimenta fimbriata & manicata superflua; & semper calciamenta rostrata longitudinis duorum pedum & quandoque amplius deferrebant: quæ reprehensibilis dissolutio inter Nobiles &*

*specialiter Francia vigeat. Tum adiicit auctor de Francis eisdem, cum Baiazete quem Basatum & Basitam vocat pugnaturis. Et ut lenius pedestres possent incedere, rostra longa & superflua calceorum amputarunt: qua pro pudor! reprehensibilis & vana curiositas inter Nobiles hucusque vigerat, & tunc terminata fuit.*

*Ingreditur, noti Fratres quem nosse laborant.*

*Concurrunt ciues, & larga palatia complent.*

*Pontificem sic deformis tunc sistitur ante. ]*

*Accurrunt Monachi, noti Fratres & ciues Adalberoni dicti, & Monachum deposita Monastica veste Laicâ indutum, armatum atque ita deformatum vt ab ipsis vix possit agnosci, ante Abbatem suum sistunt: quem inuidioso nomine Adalbero Pontificem appellat, hoc est Episcopum: vt Monasterij sæpta Palatia; & infra Odilonem Regem ἐπιτονωὺς vocat.*

*Miles nunc, Monachus diuerso more manebo.*

*Non ego sum Monachus, iussu sed milito Regis.*

*Nam Dominus meus est Rex Oydelo Cluniacensis. ]*

*Abbati Monachum militarem non agnoscenti, ac interroganti an Monachus suus sit quem pridie miserit aliquò, ille responderet. Modò miles sum, modò Monachus: quò iter facio, miles; quò in Monasterio moror, Monachus. Quid me interrogas? propriè Monachus non sum, sed iussu Domini Odilonis Cluniacensis Abbatis, qui Rex meus est, milito. Quid facerius excogitari potest?*

Erat ergo hic Monachus Monasterij vnus è multis quæ ab Odilone per Gallias tum regebantur : vt docet Iotsaldus Monachus, qui de vita & virtutibus S. Odilonis Abb. libros III. ad Stephanum Episcopum eius nepotem composuit. Hos libros in codice Thuaneo, nimirum in Lectionario Ecclesiæ Lugdunensis nuper inueni, dignos vbique legi : quos Petrus Damianus in epitomen coëgisse se scribit sine appellatione eorum auctoris.

*Tune cata to siopomenon caussam meditaris?*

*In studiis memini formarum nosse figuras.]*

Rex Rotbertus, qui *Monachorum pater ac nutritor* Helgaldo dicitur, & qui Odilonem plurimum amabat, vt Iotsaldus, Glaber Rodulfus, alique tradunt : Rotbertus inquam audiens Monachos tantopere sibi dilectos, & Odilonem quoque amicum suum ab Adalberone traduci ac derideri, temperare sibi non potest quin silentium rumpat : & *Tune*, inquit Episcopo κατὰ τὸ σιωπώμενον *caussam meditaris?* *Tune me nil reponere, nihil tibi respondere voluisti*, vt tibi Monachos & singularem amicum meum Odilonem impugnantem ac irridenti tacendo viderer consentire, & silentio meo vel quasi ἀποσιωπῆσαι & reticentiâ, figurâ mihi olim puero in scholis notissimâ viros bonos destituerem, proderem, ac relinquerem indefensos? Iratum sibi Adalbero Rotbertum inducit, aut saltem commoto similem, quodd de

Monachis malè sentiret & scriberet. Vnde subiicit,

*Non tua prapediat nos indignatio feruens.*

*Præceptum Domini liceat cum pace referre.*

Tua quæso indignatio orationem meam non interrumpat, pie Rex: tua mihi ira non obsit. Pace tua mihi liceat, præcepta Dominica referre.

*Sara nimis gens cenorum de more petulca,*

*Regnum Francorum manibus ferroque subactum*

*Occupat, & rodit quidquid sibi Gallia nutrit.*

*&c.]*

*Saraceni*, inquit Adalbero, *Gens valde petulans*, ex more Regnum Francorum vi & armis subactum occupant ac diripiunt: Galliam sanguine inundant; Sanctorum Reliquias dispergunt, easque auibus ac leonibus (si qui tum tamen in Gallia leones erant) exponunt; Episcopatum in primis Turonicum vastant. Quâ B. Martini & suâ quoque suorumque Odilo motus iniuriâ, Romam petiit, pro salute Monachorum precaturus. Hæc Adalbero scribit, mera ænigmata. Qui sunt enim *Saraceni* illi, qui tum Regnum Francorum & præcipuè Episcopatum Turonicum ita vastauere? *Saraceni* quidem Fraxinetenses antea culminibus Alpium occupatis Maiolum Cluniacensis Monasterij Abbatem, cui Odilo successit, cum suis omnibus ceperant ex Italia & vrbe Roma reuertentem, vix mille libris argenti redimendum: sed paullo

pòst à Vvillelmo Comite Arelatenſi ad vnum omnes cæſi fuerant iſti Prouinciæ & Italiæ popu-  
latores, vti Glaber Rodulfus & Odilo ipſe-  
met in libello de Vita Maioli A. tradunt. *Anno*  
*DCCCXCIV. vel VII. incenſum eſt caſtrum B.*  
*Martini & ipſus Baſſilicacum XXII. Eccleſiis VIII.*  
*Kalendas Aug. vt Chronicon Thuaneum in*  
*anno MCXXXVII. deſinens, & Maioris Mona-*  
*ſterij Monachus docent. Sed fortuitum illud*  
*incendium fuit omnino, cùm eius auctor ne-*  
*mo nominetur; nec vlli Genti Chriſtianæ re-*  
*ligioni infeſtæ tribuendum, nedum Sarace-*  
*nis qui tum oram Galliæ Narbonenſis latroci-*  
*niis ac furtiuis prædationibus infeſtare potue-*  
*runt; interiora regionis Celticæ circa Turo-*  
*nos penetrare minimè potuerunt. Circa an-*  
*num M. Nordwégi vel Noruagi, & Suedi à*  
*Richardo iuniore Duce Nortmannorum ad-*  
*uerſus Odonem Comitem Carnutenſium &*  
*Bleſenſium, qui & urbem Turonos obtinebat*  
*arceſſiti, Britannis primùm prælio victis, &*  
*caſtro eorum Dolo expugnato ac incenſo in-*  
*colisque iugulatis, Rotomagum nauibus pe-*  
*tiere. Quos populos idololatrias Saracenorum*  
*nomine ab Adalberone designatos eſſe non*  
*puto: propterea quòd mox à Rotberto Rege*  
*Francorum inter Richardum & Odonem pace*  
*factâ: remiſſa ſunt auxilia, & inſequenti anno*  
*ex Nortmannia domum, aut (vt aliis placet)*  
*in Angliam inſulamve Britanniam vnde vene-*



rant reuerterunt: ita ut vastandæ Galliæ & depopulandi agri Turonici spatium non haberint. Fuere & inter Odonem hunc ac Fulconem Andicauorum Comitem multa bella, causa excidij interioris Galliæ agrique Turonici. Fulco Ambaciam & Luccas in pago Turonico tenebat; Odoni parebant Turoni: cui vrbi Fulco imminens, Montem Budelli castellum ei aduersum opposuit, & anno Mxvi. apud Pontileuium Odonem prælio superauit. Sed hæc multo post carmen istud ab Adalberone compositum, & forsitan quoque post Adalberonis ipsius obitum contigerunt, R. Rotberto non iam flore iuuentutis splendens; non iam incipientis iuuentæ sed desinentis.

*Sunt auium, sunt iam consortia facta luporum.]*  
*Corpora Sanctorum* videlicet. Hunc versum mutauit Adalbero eum in modum, sed infelicitus.

*Conciues auium iam sunt sociique leonum.*  
 Nimirum *Sancti*, seu eorum cineres & reliquię.  
*Vastat Episcopium cum strage Turoniacense.]*  
*Gens Saracenorum* scilicet.

*Martinus* plorat, tutorem clamat idem.  
*Oidelo* compatitur, simili qui iure tenetur.]  
 Annon *Gentis Saracenorum* appellatione designare voluit Adalbero Principes Franciæ, nimirum Comites, Marchiones ac Duces, tum Regnum Francorum lacerantes, vrbes & castella occupantes, inter se armis dimicantes, sacra

& profana more Saracenorum diripientes: in primis Fulconem Andicauorum Comitem, *Episcopatus Tyronici & rerum B. Martini vastatorem*: Certè apud Glabrum Rodulfum in libri Hist. II. cap. IV. Hugo Turonorum Archiepiscopus dicit & queritur, Fulconem huncce *matri Ecclesia Sedis sibi commissa prædia & mancipia eripuisse non pauca*. Fulbertus quoque in epistola XCIX. scribit, Fulconem Comitem res Ecclesiæ inuasisse & abstulisse, & Archiepiscopum Turonicum Coëpiscopos ad eum excommunicandum hortatum esse. Et alibi legimus, Proceres aliquos regnante Rotberto bonis possessionibusque Cluniaci manus inieciisse: & de his apud Benedictum PP. VIII. per suos questum esse Odilonem, coram Rotberto Rege Francorum & Principibus Optimatibusque eius, qui ad limina Apostolorum venerant: ita ut facile Odilo compati Martino potuerit, cum simili ipse iure teneretur, hoc est cum eandem ipse ab aliis accepisset iniuriam.

*Hic Romam petit Monachis orare salutem.]*  
Nec Iotsaldus, nec Petrus Damianus qui ex Iotsaldo epitomen fecit, nos heic quidquam iuuant. Hæc sunt de Odilone verba Iotsaldi. *Latabatur etiam vrbs Roma mundi domina, tantæ viri contubernio frequentata sæpius, Sanctorum Apostolorum amore & desiderio. & ut idem ait, quo tempore Rex Heinricus ad arcem Romani Imperij festinabat, ut ad Imperium promoueretur,*

eum comitatus est Odilo. Rei suæ causâ, aut ad res Monasteriorum suorum Ecclesiarumque repetendas Odilonem Romam vñquam venisse, neuter dicit: quod tamen verum esse potest.

*Consuendunt voces; fremitum dant Cluniacenses:*

*Clamant atque monent. Subitò dispone Magister  
Arma subire tuis, & quæ præponere debent, &c.* ¶  
Describit iocosus senex comitatum Odilonis Romam petentis, quem heic Cluniacenses Monachi *Magistrum* appellant sicuti suprâ.

*Mittere proponunt mox, explorare Magistrum.*  
Vt antè in Odiloniani Monachi iter facientis, sic nunc in comitatûs Odilonis Romam proficiscentis descriptione lasciuit. Planè sicut Episcopis & Monachis conuenire non solet, aparet Adalberonem Monachis præsertim Cluniacensibus tum maximè florentibus, & Odiloni Abbati clarissimo potentissimoque amicam non fuisse. Inducit Adalbero Cluniacenses Odilonem interrogantes, quem habitum indui ipsos Romam vñ ituros, qua ratione instrui armarique velit: quid supra, quid subtus, quid foris ac palam, quid intus sumere oporteat.

*& quæ præponere debent,*

*Quæ sint exterius, & quæ sint interiora.*

Dicer aliquis: An voces, & fremitus, & clamores conueniunt Monachis Abbati suo loquen-

tibus? Non conueniunt planè nisi Abbatis sui patientiâ abutentibus: quod tum fecisse Cluniacenses Monachos verisimile est. Quippe Odilo vir tam mitis erat, & non sequentibus disciplinam tam faciliè ignoscebat, vt nimiam eius in delinquentes clementiam ac misericordiam haud pauci reprehenderent: quemadmodum Iorsaldus, Petrus Damianus, ac Sigebertus scribunt. Qua Abbatis sui lenitate ac frequenti etiam absentia, & magnis Monasterij sui opibus faciliè Cluniacenses effcerri potuerunt, itaut *vociferarentur & fremerent* Abbatē præsente, ac Monachici silentij immemores *clamorem* tollerent etiam Laicis indecorum.

*Lunaris pendere prius debet tua pelta.*

*Insuper apponas tibi loricaque trilicem.]*

Præscribit Monachis suis, peregrinationis Romanæ comitibus futuris Odilo cultum & habitum cuique suum: ridicula omnia & quæ fieri nec debeant nec possint præcipiens. In primis super clypeum amento collo iniecto dependentem, lorica induere singulos iubet. *Lunarem peltam* pro lunata vocat Adalbero parmam Amazonicam, seu scutum breuissimum, dimidiæ figurâ Lunæ duo cornua emittens.

*Lubrica sustineant galeam cinctoria lumbi:*

*Corrigis caput adstrictum mucrone coronas.]*

Pergit Odilo, & galeas notè iam capitibus Fratrum imponi, sed ad *cingula lumborum* appendi

iuber, & (quod fasciis cruralibus conueniebat) capita eorum longissimis corrigiis adstringi figurâ coronæ nouaculis circumrâsa; aut certe corrigiis sub mento nexis pillea in capite contineri: *spicula* seu tela & sagittas post tergum reici, *gladios* nudis dentibus mordicis tenere præcipit: sicut Ranimirus II. Aragonensium Rex habenas equi sui tenuisse dicitur armatus.

*Spicula post tergum teneas, tum dentibus ense.* Ceterum coronare caput propriè dixit Adalbero. Monachi enim atque etiam Clerici in coronam attondebantur. Tonsuram hanc hodieque ob id utrique veteri nomine *Coronam* appellant.

*Et cogit iuuenes lentos ascendere currus,  
Atque senum præcepit equos conscendere tur-  
bam.]*

Ex Monachis qui ipsum in Italiam secuturi sunt, iuniores Odilo in currus; senes in equos imponit: cum contrà iuuenes equis; senes curribus, plaustris, rhedisve vehi oporteret.

*Ascendant asinum bini, denique camelum:*

*Si non sufficiunt, bubalum conscendite terni.]*

Non sufficientibus equis, Odilo singulis asinis binos è comitibus suis cum famulis tum etiam Monachis, singulis bubalis ternos, singulis camelis denos iubet insidere. Hæc quidem ridicula sunt & ficta: ex his tamen intelligitur Odilonis Romam proficiscentis maximum fuisse comitatum. Nam cum turba se-

num eum secuta esse dicatur, quis non videt, non intelligit multo maiorem ei iuuenum multitudinem adfuisse? Vnde subiicit Adalbero

*Milia mille viri procedunt ante Quirites.*

Sanè quocumque degebat, quocumque procedebat, (Odilo) tanta sequebatur eum frequentia Fratrum, ut iam non ducem aut principem, sed reuera putares eum esse Archangelum Monachorum: uti Iotsaldus in Vita eius memoriæ tradit. Dux autem ille & Princeps Monachorum, vel potius Rex (ut suprâ nuncupatur) non Monachis solùm, sed etiam Abbatibus imperabat. XIII. Monasteria Odiloni subiecta memorat Iotsaldus per Burgundiam, Aquitaniam & Prouinciâ, ac Nantuadense Monasterium, quod ipsi Gislebertus Comes corrigendum tradiderat. Sed & Vvillelmus Dux Aquitanorum Odilonem multis magnisque muneribus ad se traxit, & nonnulla Cœnobîa suæ ditionis eius magisterio commendauit, in primis Ingeriacum, & Monasterium S. Cypriani in suburbano Pictauorum positum. Idem Rotberti Regis Francorum; Adhelaidis Aug. matris & auix amborum Ottonum; Heinrici Imperatoris Romanorum, qui sceptrum & sphæram & Imperatoriam coronam ex auro Cluniaco dedit; Chonradi quoque & Heinrici eius filij Cæsarium amicitiiis, officiis, & muneribus honoratus est: à Stephano quoque Rege Hungarorum & à Sanctio Rege Cantabrorum & Na-

uarrorum idem litteras cum beneficiis & muneribus accipere consueuerat. Monasteria nonnulla partim à fundamentis extruxit; partim semiruta vel ruinam minantia refecit, prædiis auxit & insignibus ornamentis, Monachis impleuit. Neque ab Abbatibus modò, verumetiam ab Episcopis officiosis obsequiis nonnumquam honoris causâ excipiebatur. Inter Abbates igitur Gallicanos, qui tum erant usque ad Episcoporum inuidiam felices, diuites & validi, maximè eminebat ac veluti regnabat Odilo, Cluniaci opulentissimi Monasterij & tot ac tantorum Cœnobiorum per totam Galliam & Langobardiam quoque diffusorum potens; Imperatorum & Regum propè ex æquo amicus.

*Milia mille viri procedunt ante Quirites.]*

Odilo plurimis comitatus Monachis Romam venit, & spectandam Romanis ingressus sui pompam exhibuit.

*Res agitur ferro ternis prolata diebus]*

Legitur aliàs.

*Res agitur ferroque tribus prolata diebus.*

Quid hoc versu & nouem sequentibus describat, aut quid sibi velit Adalbero, haud facile dictu est. Rem enim ferro per triduum actam, & pugnam commemorat Kalendis Decembribus pugnatam, & signiferum, qui cuspidē equo deiectus, vexillum reliquerit turpiter, & cum reliquis fugâ domum repetiuerit. Omnino de-

signat rem aliquam risu dignam , quæ Romæ Odiloni comitibusque eius acciderit, & malum peregrinationis euentum.

*Signifer in medio properus non stertere cœpi.  
Diffutis malis , flatum pugnando reieci.]*

Signifer iste in medio agmine positus, quem Adalbero de se loquentem inducit, Odilo ipse est, qui fatetur se flatum ventris pugnando emisisse, seu βόρυγνα, ac cum suis fugâ Gallias petiisse.

*Cum reliquis fugiens , genitalia Regna petiui.*  
Hæc quò magis mirere , scripta sunt viuo Odilone, qui anno MXLVIII. ætatis LXXXVII. multo post Adalberonem ipsum decessit.

*Hæc patrata scias in prima luce Decembris :  
Hoc itidem Martis temsabitur ante Kalendas.]*  
Hoc nescio quid Romæ contigisse indicat Adalbero Kalendis Decembribus Odiloni, & idem eum proximis Kalendis Martiis iterum ibidem temsaturum. Quibus verbis carpit frequentes istas Abbatum, in primis Odilonis peregrinationes Romanas, Monasteriis onerosas, disciplinæ etiam inimicas. Nam & Monachi qui Abbatem peregrinantem comitantur, leges suas maiore ex parte seruare non possunt : & qui in Monasterio remansere, absente Abbate eas seruare non curant.

*Militiæ Princeps ad te nos Oydelo mittit.  
Te Dominum Monachorum bellicus Ordo salutat :*



*Admonet, innitans acies ut bella perornes.*

*Agmine confectus, mandatum concitus imple, &c.]*

Heic ab Adalberone inducitur Monachus, tamquam legatus ad Rotbertum Regem Francorum missus ab Odilone, qui Abbatis sui nomine Regem salutat, eumque hortatur ad bellum sacrilegis Proceribus rerum suarum occupatoribus ocius inferendum. Vbi notanda sunt verba Monachi Cluniacensis legati, Odilonem Abbatem suum *Principem militiae* appellantis, & Monasticum Ordinem *bellicum Ordinem* nuncupantis, & magnoperè instantis urgentisque, ut Rex celeriter conuocet milites, cogat copias, apparet bellum, atque Abbatis sui quamprimum exsequatur *mandata*. Fulbertus Carnutinae Ecclesiae Episcopus in epistola LXVI. *Monachorum Archangelum Odilonem, & nostrum* (id est suum) *Archangelum* appellat; Iorsaldus quoque eum secutus *Archangelum Monachorum*. Hinc vulgò *Archangelus* viderur esse nuncupatus. Constare autem Michaelem Archangelum, à Graecis saepe dictum esse *καὶ ἀρχαγγελία* Ἀρχαγγελόν, hoc est *Principem militiae Angelicae*, Magistrum militum caelestium, Ducem Angelici exercitus. Si itaque potuit Odilo more Michahelis *Archangelus* vocari, potuit & eiusdem nomine *Princeps militiae* sed nempe Monasticae appellari. *Monachorum bellicum Ordinem*

vocat legatus Odilonis, vel potius Adalbero, quia tum Monachi quoriescumque iter facerent, gladio cincti, pharetrari, veste trunci seu sagati, & cum calcaribus more militum equitabant. Auctor est Glaber Rodulfus in libri Historiarum II. capite IX. Rotberto apud Francos regnante, cum Rex Cordubensium Almanzor Saracenus Callæciam, Nauarram atque Castellam continuis incursionibus vastaret, vrbes Christianas expugnaret, prælia etiam secundâ faceret: Monachos eius regionis inopiâ militum arma capere & bella gerere esse compulsos. *Tunc etiam ob exercitus raritatem compulsi sunt regionis illius Monachi sumere arma bellica.* Erat ergo tum Monachorum saltem Hispaniensium ordo verè militaris. Apud eundem in l. III. c. IV. inuenio, quosdam è Turonici Monasterij B. Martini Clericis siue Canonicis tum arma induisse atque militasse, & nonnullos eorum in prælio cecidisse.

*Agmine conspectus, mandatum concitus imple.*

*Armis te decet antè mori quàm rura colendo.]*

Verba ea sunt legati Odilonis ad Rothbertum Regem Francorum: Armare cum tuis, & mandatum Odilonis militia Principis quamprimùm exsequere, ac nostros hostes, nostri Monasterij spoliatores aggredere. Te enim Domine Rex magis decet pugnantem gloriosè occumbere, quàm agros colentem seu rustican-

tem

tem & cessantem lenta & ignaua morte defungi. His Adalbero & Monachos arrogantia; qui Regi imperarent; & Regem ipsum ad quem carmen composuit, inertia; desidii;que arguit: qui certè fertur fuisse vir plusquam Monachicæ simplicitatis.

*Mittere per plures, quàm frondes Asia sponder,  
Africa nigra, maris bibulas quàm litus arenas,*

*[Pars Europa minùs non iactat tertia mundi.]*  
Pergit mandata Odilonis exponere legatus, & quo minùs dubites bellum gerere Rex, scito (inquit) & persuasum habeto Europam, quæ non minùs quàm tertia pars terrarum orbis est, plures tibi Monachos commilitones missuram adiuncturamque auxilio, quàm in Asia & Africa frondes sint, aut in litore maris arenæ. Hoc iactat Europa. Quibus verbis Adalbero nimiam Monachorum in Europa multitudinem sua ætate fuisse indicat; quid dicturus, si nunc viueret?

*Quid tibi vis rabies tetrìs dignissima claustris?  
Fugite per corpus, fugiat ne linidus, unguis.]*  
*Quid tibi vis rabies, non iam Monasteriorum, sed carcerum claustris coërceri digna?*  
Hæc est exclamatio Adalberonis Episcopi Laudunensis aduersus Monachos Regem ad vindicandam armis ipsorum iniuriam hortantes, compellentes, & canentes quodammodo bellicum: quos rabiosos & tetro carcere dignifi-

T

*simos amarissimè infestissimèque appellare non veretur fronte parum Episcopali. Posterior versus potest conuenire Rotberto, Adalberonis corpori ungues insigi iubenti, ne linidus & Monachorum opibus gloriæque innidens effugiat.*

*Crede mihi, non mē tua verba minantia terrent.*

*Plurima me docuit Neptanabus ille Magister.]* Rex Rotbertus, cū Monachos non irrideri solum, sed etiam *rabidos & carceribus dignos* ab Adalberone Episcopo appellari videret: patientiam rupit, ac negauit se verbis eius minacibus commoueri, aut se dictis eius in Monachos & iocis à Monachorum amore detereri: se Monacho magistro vsum esse, ex quo *plurima & maxima vtilissimæque* didicerit, cui quidquid scit acceprum secundū Deum referat, cui plurimum & debeat & deferat vt disciplinarum auctori. Constat enim Gerbertum præceptorem Rotberti obscuro genere natum in Aquitania, *Monachum à puero* in Monasterio Aureliaco adoleuisse: deinde scholam Remensem seu Ecclesiæ Remensis rexisse. Vnde non rarò in inscriptione epistolarum *Gerbertum quondam Scholasticum, & Gerbertum Scholarem Abbatem*, id est Caput scholæ ipse se appellat. Discipulos habuit Rotbertum Hugonis filium, & Ottonem III. Ottonis II. Aug. filium: è quibus Rotbertus Rex

Francorum fuit; Otto patre mortuo etiam Imperator: Leothericum post Senonicum Archiepiscopum; Ingonem Abbatem; & Fulbertum Carnutinum Episcopum. Rotbertus quidem à matre Schola Remensi traditus, Domino Girberto ad erudiendum est datus, qui eum liberalibus instrueret disciplinis: ut Helgaldus scribit. Auctor est Vvillelmus Malmesburie Monachus in libro II. rerum Anglicarum, Gerbertum Astrologiam, abacum, ceterasque artes Mathematicas à Saracenis Hispaniensibus didicisse; & in Gallia scholas publicas aperuisse: quem Otto ipsius discipulus Philosophorum peritissimum, & tribus Philosophia partibus laureatum in litteris appellat. Alij Borello Marchioni commendatum ab Aureliacensi Abbate, & ab Haitone Hispanie Episcopo Matthesim edoctum esse verisimilius prodidere: & Borellum hunc nunc Ducein citerioris Hispania, nunc Comitem Barcinonensem vocant.

*Plurima me docuit Neptanabus ille magister,  
Labitur aula tholis rutilat quò splendida ful-  
uis.]*

Rex fuit Ægypti Nectanabis, Agesilai Regis Spartanorum æqualis, cuius Nectanabis vel Nectanabidis haud semel meminit in Agesilao Plutarchus Chæronensis; meminit & Diodorus Siculus, cui nunc Nectanebis, Νεκτανέβης, nunc Nectanebos, Νεκτανεβώς dicitur. Plinio in libri xxxvi. cap. ix. *Nectabis Rex corrupte*

pro Nectanabis. Nectanabis ergo ille vel Nectanebos is est, qui ab Adalberone corruptè *Nepranabus* pro Nectanabus vocatur. *Nepranabum* autem vel potius Nectanabum nomine veteris Ægypti Regis per ironiam appellat Magistrum suum Gerbertum Rotbertus Francorum Rex, propterea quòd more Ægyptiorum Astrologiâ & Mathematicâ enituit. Astrologiam enim Ægyptij diuturnâ observatione siderum inuenisse & consecuti esse putantur, vt Cicero in libro 1. de Diuinatione, Plinius in libri VII. capite LVI. ceterique docent. Hæc est certissima felicissimâque versûs Adalberonis expositio, ad quam sine adiunctâ *Magistri* appellatione minimè peruenire potuissem. Rotbertus igitur plurima se à Magistro suo didicisse ait

*Labitur aula tholis rutilat quò splendida fuluis.*  
*ubi labitur aula quæ fuluis tholis splendida rutilat:* hoc est Remis in Schola Remensi proximâ maiori vrbis Ecclesiæ, quæ tholo quidem inaurato nitet, vetustate tamen *labitur* seu ruinam minatur. Tholus est testudinis umbilicus ac veluti scutum media in Ecclesia, quò trabes omnes conueniunt: vel in media templi aut Ecclesiæ camera locus, cui dona affixa pendent vel anathemata.

*Per partes scindunt vestem quam quisque tenebat.*]

Hæc videntur scripta esse ab Adalberone de

Monachis Cluniacensibus , ab Odilone ad Rotbertum Regem Francorum petendi consilij auxiliique causâ missis : qui postquam princeps legationis finem loquendi fecit , ad testandum dolorem suum & ad commouendum Regem vestem quisque suam dissciderint.

*Ordinis est igitur hæc transformatio regni.]*

*Hæc igitur apud Francos Ordinis Clericalis Sacerdotalisve , ac præcipuè Monastici transformatio , Regni ipsius transformatio est. Ita concludit Adalbero : hunc suo sermoni aduersus Monachos habito finem imponit. Idem in initio dixerat hocce versu,*

*Vt placet imperio , sic se transformet & Ordo.*  
Item

*Deuiet ille sacer de sede Monasticus Ordo.*

Certè Monachos Gallicanos vel Francicos haud parum fuisse tum dyscolos , & à disciplina descivisse , docent non modò tot Adalberonis versus , sed etiam multa Monasteria in Regno Francorum clarissima & opulentissima , in primis Monasterium Parisiacum SS. Vincentij atque Germani , Monasterium S. Dionysij Mart. tumulo illustre , Monasterium Fossarense , & plurà alia à Glabro Rodulfo ceterisque memorata : quorum Monachi cum vitam pene secularem agerent , ad seruandam Benedicti Regulam auctoritate Regia , & meliorum immissu atque operâ compellendi fuerunt. Odo

T iij

in Vita Burchardi Comitis ait, Magenardum Fossatensem Abbatem, virum nobilem, aucupio & canibus ac venatu delectatum esse, & si quod irer, depositis vestibus Monachicis pretiosas pelles indui, & calamaucum vel camelaucium pillei genus pro capitis capiti imponere consuevisse: tum addit, *Subiecti etiam quique pro posse & ipsi eadem sectabantur. Hic mos à cunctis Monachis Regni istius agebatur.* Vvillelmus qui Abbas Diuionensis Monasterij S. Benigni anno dccccxc. factus est à Brunone Lingonicæ Ecclesiæ Episcopo, *Regularis vite disciplinam qua iam pene deciderat per veterum negligentiam, prout B. Benedictus eam composuit, in pristinum statum corrigendo restauravit: ac per diuersas mundi paries perplura Monasteria à regulari tramite deuia, tam per se quàm per suos quos Abbates ordinauerat, Monastico ordini subdidit: vt in Chronico Benigniano scriptum reperitur.* Addit auctor Chronici huius, Monasteria Gemeticum, Besuense, Rotomagense S. Audoëni, S. Michaelis Archangeli in Monte, S. Germani Parisiis, S. Faronis Meldis, S. Arnulfi Mettis, Gorziam quoque, & Tullense S. Apri Cœnobium, aliæque ei corrigenda & in ordinem cogenda esse commissa. Glaber Rodulfus de Episcopis, Abbatibus, Clericis & Monachis eius ætatis sic scribit in libri II. capite VI. *Quandocumque enim defecit religiositas Pontificum, ac mar-*



*cessit districtio regularis Abbatum, simulque  
 Monasterialis disciplina vigor tepescit, ac per  
 illorum exempla cetera plebs mandatorum Dei  
 prauaricatrix existit: quid aliud quàm to-  
 tum simul humanum genus rursus in antiquum  
 precipitij chaos illabitur? Idem in libro de Vita  
 Vvillelmi Abbatis & Presbyteri tradit, Mo-  
 nasterium S. Saturnini ad Rhodanum, Cœ-  
 nobia Virziacense, Fiscamnense, Reomen-  
 se, Melundense, & locum S. Michahelis Archangeli  
 castro Ternodoro propinquum, aliás-  
 que cellulas circiter XL. rexisse Vvillelmum, &  
 in meliorem statum ac vitæ ordinem resti-  
 tuisse.*

*Spes iuuenum, ventura dies, qui discere no-  
 luxt.*

*Causa senum, sine spe pueriles plangere cursus.]*  
 Descendit nunc ad gnomas Adalbero parum  
 cohærentes. Iuuenes (inquit) pigri & desides  
 nec discendi cupidi, quia diu se victuros spe-  
 rant, studia litterarum differunt in futurum.  
 At senes quibus iuuentus sine studiis exacta  
 est, cùm iam diuturnam vitam sperare non  
 possint, adolescentiam malè negligentérque  
 transactam cum gemitu desiderant, & irritis  
 votis reuocant minimè redituram.

*Res mala: quod scio, defendunt; quod ne-  
 scio, cedunt.]*

Quod scio, vulgò prohibetur & vetatur: quod  
 nescio, permittitur, pro permissio habetur, in

T. iiij

vsu est. Sic vulgò hodieque *defendere* dicimus pro vetare & inhibere, *defendre*. Super scriptum erat in codice eodem sensu.

*Res mala: Quod scio despiciunt; quod nescio quarunt.*

*Aut Regis cineres, aut nostras flabo Camenas.]* libentissimè emendarem nostros flabo caminos, nisi sequeretur *Si Musas celebres, &c.*

*Si Musas celebres, clament Musarde Sacerdos.]*

Rex loquitur, & ait Adalberonem Episcopum, si Musas seu litteras colat, clamore indoctorum litteras contemnentium *Musardum Sacerdotem* contumeliæ causâ appellatum iri. Hodieque otiosum & cessatorem *Musardum* vocamus; Musard: item *muser* vt Germani *Musen*, dicimus otiosi.

*Persius indignans promettum, lusca Sacerdos.]*

In Persij Satyra v. versus hic est,

*Hinc grandes Galli, & cum sistro lusca Sacerdos, &c.*

Persium Adalbero diligenter legerat. Nam & superior versus

*Iupiter ille duos numerat meliore lapillo:*  
& hic alter

*Dissutis malis, flatum pugnando reieci.*  
dimidia ex parte sunt Persij: prior ex Satyra II. de bonamente ad Plotium Macrinum.

*Hunc Macrine diem numera meliore lapillo.*

Posterior ex Satyra III. quæ increpatio desidia est.

*Oscitat hesternum diffutis undique malis.*

Item Scire meum nihil est, hemistichium Persianum est.

*Prospera si tibi sunt, non tadeat hoc reminisci:]*

Superscriptum erat ab Adalberone, contumaci syllabâ frustra repugnante.

*ten' pigeat hoc reminisci?*

*Partem namque sui, qua pars sapientia vera.]*

Superscripserat Adalbero.

*Dans intellectum, qua sit sapientia vera.*

*Ciuius Angelicis, hominum struitur quoque turmis.*

*Pars quadam regnat; quadam pars altera sperat.]*

Hæc Hierusalem cælestis à Deo extructa est, ut ab Angelis & ab hominibus quoque incoletur: quorum pars iam ibi regnat, pars altera post mortem aut post expiatis igne culpas sperat se ibidem regnaturam. Si pars regnans referretur ad Angelos; pars sperans ad omnes Mortales: dicendum esset Adalberonem credidisse, hominibus Christianis atque Catholicis nisi post diem Iudicij cæli portam non patere: quod & multi alij credidere.

*Rex Augustini libros dilecte reuolue.*

*Vrbs excelsa Dei qua sit, dixisse probatur.]*

Dilecte Rex, libros Augustini de Ciuitate Dei perlege.

*Inco precor mihi dic, Præsul, qui sint ibi latus.  
Princi pares & si qui sunt & in ordine patus.]*  
Rex Adalberonem interrogat, qui *Incolatus*, &  
qui *Principatus pares* in Ciuitate Dei seu in cæ-  
lesti Hierusalem sint & vocentur. Gaudet au-  
tem tmesi per iocum Adalbero, vt supra.

*Sarra nimis gens cenorum de more petulca.*

*Quare Dionysium qui dicitur Arcopagita:*

*Ille duos super his desudat scribere libros.]*

Dionysius qui Arcopagita à plerisque sed falsò  
dicitur, de cælesti Hierarchia librum capitum  
xv. & alterum de diuinis Nominibus librum  
capitum xiii. composuit. Hi sunt duo libri,  
quos Adalbero designat, & à Dionysio scriptos  
esse tradit: quem quum addit *Arcopagitam di-*  
*ci*, vulgarem opinionem iam ante annos cen-  
tum & sexaginta inualefcentem refert magis  
quàm pro vera habet aut credit.

*Præsul & ille sacer loquitur Gregorius inde,*

*Iob magna scrutans fidei Moralia Regis.]*

Gregorij Papæ quem vulgò Magnum cognò-  
minant, & qui primus eo nomine Romanæ  
Ecclesiæ præfuit, sunt *Moralis expositionis in*  
*B. Iob libri xx xv.* ad Leandrum Hispalen-  
sem Episcopum. *Moralia* Adalberoni & mul-  
tis aliis dici video hanc Moralem exposi-  
tionem. Sunt eiusdem *in Ezechielem Prophetam*  
*Homiliarum xxii. libri ii.* ad Marinianum Epi-  
scopum Rauennæ. Vtrubique ait Adalbero Gre-  
gorium PP. de Ciuitate Dei seu de cælesti

Hierusalem, & de Incolaribus Principatibusque eius scripſiſſe. *Loquitur Gregorius inde, hoc eſt, Gregorius ea de re ſcripſit, S. Gregoire en parle.* Ita hodieque vulgò loquimur.

*Idem Sermonem complens explanat aperte  
Hic & Ezechielis ſuper his in fine patenter:  
Hoc apices ipſo quos Gallia dante recepit.]*

Hos in Ezechielem Homiliarum libros duos dicit Adalbero ab ipſo Gregorio miſſos & datos eſſe Galliarum Epiſcopis: quod alibi non legi.

*Diſtinctus diſponitur ordo ſupernus:  
Cuius ad exemplar terrenus fertur haberi.]*

Superſcriptum erat

*Terrenus fertur diſcretus cuius ad inſtar.*  
Vbi obſervandum eſt, ſæpiſſime in hoc Carmine ordinis fieri mentionem: in II. verſu

*Fratrum Laudunicus Ordo.*

Item

*Vt placet imperio, ſic ſe transformet & ordo.  
Deniet ille ſacer de ſede Monasticus Ordo.  
Te Dominum Monachorum bellicus Ordo ſalutat.*

*Ordinis eſt igitur hac transformatio Regni.*  
& de cæleſti vel ſuprema Hieruſalem  
*Ordine diſtincto regitur, non milite pauco.  
Princi pares & qui ſi ſunt & in Ordine patus.*

*Diſtinctus diſponitur ordo ſupernus:  
Cuius ad exemplar terrenus fertur haberi.  
Eccleſie veteris populi ſub Lege Miniſtros*

*Per Moysen Deus instituit, quos ordine rexit.  
Ecclesie Regnum Calorum dicitur ordo.*

*Res Fidei simplex: status est sed in ordine triplex.  
Mutantur mores hominum, mutatur & ordo.  
Nunc demonstras, tum deliberat ordo potentum  
Discutiens, &c.*

*Iustitie regimen noster non audeat Ordo  
Linquere.*

*Francorum primus tu servus in ordine Regum,  
Itaque hoc Carmen de Ordine inscribi potest:  
propterea quòd Adalbero in eo docet, vti Cælum seu suprema Hierusalem ordine regitur,  
& ordines habet alios ab aliis distinctos; ita hominum in terris diuersos esse ordines, diuersasque leges, quas seruari oporteat.*

*Ecclesia veteris populi sub Lege ministros  
(Nomine qua perfunctorio Synagoga vocatur)*

*Per Moysen Deus instituit, quos ordine rexit.]*

*In codice deletus erat è III. his versibus secundus, quo Ecclesiam veterem populi sub Lege constituti seu Iudæorum, nomine perfunctoria Synagogam vocatam esse dicit Adalbero.*

*Ecclesie Regnum Calorum dicitur Ordo.]*

*Ordo Ecclesie, dicitur Regnum Calorum.*

*Et noua lex ibi colitur sub Principe Christo.]*

*Emendauit & hunc versum Adalbero eum in modum.*

*Et noua lex ibi perfruitur, que Gratia fertur.*

*Hoc & Pontificum fixit censura fidelis,*

*Qualiter, à queis, & quales ibi constituentur.]*

Ministri Ecclesiæ quales esse, à quibus & quæ ratione constitui debeant, Episcoporum in Synodis congregatorum Canones decreuere: Canones inquam *censura Pontificum* Adalberoni dicti.

*Ipsū legibus est aptare necesse duabus:*

*Diuinæ quas humana discretio format. ]*

*Statum Ecclesiæ necesse est aptare duabus legibus, diuinæ & humana, quas format discretio. Posteriorem versum mutauit Adalbero ita*

*Virtutum quas distribuit discretio mater.*

*id est, quas duas leges discretio mater virtutum distribuit.*

*Lex diuina suis partes non diuidit vllas. ]*

*Suis nimirum Ministris, seu Ecclesiæ suæ ministris: quos licet genere dispares, æquali omnes condicione esse voluit Deus.*

*Hos pia lex omni mundana sorde sequestrat. ]*

*Clericos seu Ministros Ecclesiæ leges piorum Principum sordidis ministeriis ac vilibus artibus vacare vetuerunt, & cum omni immunitate solis eos altaribus addixerunt.*

*Non sunt carnifices, caupones, necne subulci. ]*

*Carnifices iam tum vocabantur, quos antiquitas lanios appellauit. Ait igitur Adalbero, Ministros altaris vel Clericos à sordidis ministeriis abhorrere: non agricolas, non bubulcos, non vinitores esse, vix arbores serere, aut hortos colere: eosdem nec lanios seu*

carnarios, nec copones, nec subulcos vel suarios esse, (*necne pro nec dixit*) non caprarios, non opiliones seu pastores ouium: non cribro pollinem tritici floremve filiginis seu farinam à furfuribus secernere: non lebetis ad ignem appositi in quo carnes coquuntur, curam ullam agere, id est coquos vel cocos non existere. Vtrumque exprimit Adalbero hoc versu

*Nec Cererem cribrant: hos non coquit uncta lebeta.*

Vbi *lebeta* pro lebes dicitur. Hæc autem omnia dicit Adalbero, ut Regem Rotbertum arguat, *Pastores ouium & nautas*, (vtriusque ait) hoc est rusticos ac humillimas infimæque personas in Episcopatus euehentem.

*Terga suum per dorsa bouum non serpere cogunt.*] Hoc est, Clerici suis pedibus colligatos bouibus non imponunt, venales in urbem aduehentos.

*Non sunt lautores, contemnunt feruere vestes.*] Lintea hi non lauant siue linteamina, & vestes lineas lixiuo feruefacere dedignantur. *Feruere* enim heic positum pro feruefacere. Vel eertè hoc versu designantur ab Adalberone fullores, qui vestes laneas ablucere, desquamare, & polire consueuerunt.

*Sed mentes purgare suas & corpora debent, &c.*] Affirmat Adalbero, Clericos, præsertim Presbyteros & Episcopos non solum animis, sed etiam



corporibus mundos, castos & sobrios, bonis moribus adornatos, ac seruilis conditionis expertes esse oportere. Certè serui nisi priùs libertate donati essent, ad Clericatum peruenire non poterant. *Non enim debent Christi & altaris ministri obnoxij esse humana seruituti: vt in Vita Ludouici Pij Imp. legimus.*

*Omne genus hominum praecepto subdidit illis.*

*Princeps excipitur nullus, quum dicitur omne.* Omnes homines Deus cuiuslibet professionis & dignitatis, etiam Principes, Reges ac Imperatores Presbyteris & Episcopis in spiritalibus voluit esse subiectos: ab his Fidem Catholicam edoceri; ab his ita edoctos, sacro Fonti immergi.

*Et mergi doctos sacri sic fonte lauacri.*

Ex quo intelligitur, etiam tum eos qui adulti Baptizabantur, in sacrum Fontem mergi consueuisse, non autem capita eorum solummodo aquâ perfundi.

*Constituit medicos, si vulnera computruerunt,*

*Per quos Sermonum cauteria sunt adhibenda.]*

Presbyteros Deus nobis medicos dedit, qui animorum nostrorum vulnera ac putria vlcera, hoc est peccata grauiora sermonum suorum vel salubrium praeceptorum hortationumque & consiliorum quibusdam quasi cauteriis curarent. Hoc de Laicis peccata sua confitentibus, & à Presbytero pænitentiam accipientibus intelligendum est, nî fallor.

*Corporis ille sui Sacramentum sanguinis atque Iussit quò solus tractaret ritè Sacerdos: ]*  
 Christus iussit, ut solus Sacerdos seu Presbyter Corporis atque Sanguinis sui Sacramentum ritè tractaret.

*Maxima commisit, quos se tractare rogauit. ]*  
 Maxima commisit eis Christus, quos tractare se iussit: seu Presbyterorum fidei summa commisit mysteria, quorum manibus sacrosanctum Corpus suum tangi contrectarique voluit, iussit. Rogare tum pro iubere, molliori verbo dicebant. Ionas qui Chlodouei iunioris Principatu, ante Adalberonem nostrum annis ccc l. floruit, in libro de vita Columbani Abbatis, de Brunichilde in nepotem suum Regem Theodebertum captiuum sæuiente ita refert. Theodebertum fieri Clericum rogauit, ac non post multos dies impiè nimis post Clericatum perimi iussit: id est Clericum eum fieri iussit, ac paullo post interfici. Sic multi alij loquuntur, non ineptè: quia preces potentiorum pro iussis habendæ, & qui cogere potest, si quando rogat, iubere, præcipere ac mandare censendus est. Et quoniam facta est Ionæ mentio, quem in libro xviii. Rerum Francicarum docui, non Scotum (ut vulgò creditur) nec Abbatem, sed natione Italum, ac Bobiensem Monachum fuisse. quæ patria eius fuerit, scire conuenit. Reperinuper in veteri codice Vitam B. Attali Abbatis Bobiensis, (ita enim  
 ibi

ibi semper, & omnino melius appellatur, cum vulgò Attalas vel Attalà dicatur) in qua Ionas ipse de se matrem suam post annos ix. visente, & de duobus itineris sui comitibus sic scribit. Datis comitibus Blidulfo Presbytero & Ermenoaldo Diacono; mense Februario ad destinatum peruenimus locum. Erat enim Sigusia urbs nobilis, quondam Taurinatum colonia, à Monasterio (Bobio) distans cxi. milibus. Ibi ut peruenimus, gratuite (id est gratis) à genitrice post tantorum intervalla annorum suscepti sumus. Quibus ex verbis intelligitur, Ionam Segusionensem patriam fuisse, cum ibi & mater & frater eius habitarent. Segusio autem vel Segusium, opidum à Plinio & Ammiano; urbs à Gregorio aliisque; à quibusdam & ciuitas dicitur, abestque à Monasterio Bobio millia passuum cxi. aut potius clx. Positum est hoc opidum ad Alpium radices, & Galliarum finis ac initium Italiae habetur. Certè ab eo loco incipit Italia, cui & ab omnibus attribuitur.

*Voce Dei quod promissum, non esse negatum  
Credimus & scimus, nisi quos sua crimina pel-  
lunt.]*

Quod Sacramentum Corporis sui à Christo Discipulis suis Ecclesiaeque promissum & datum, nec nisi his qui propter peccata grauissima essent à communione remoti, negatum esse credimus & certò scimus.

V

*In Calis primas debent conscendere sedes. ]*  
 Presbyteri, & præsertim Episcopi eniti dum  
 viuunt & dare operam debent, vt mortui pri-  
 mas in Cælo sedes consequi mereantur : quas  
 certum est non dignitati deberi sed meritis.

*Hos decet cuigilare; cibis & parcere multis:*

*Pro populi sempérque suis orare ruinis. ]*

Presbyteros & Episcopos decet, plebis sibi  
 commissæ curam gerere, & suorum quem-  
 que velut Pastores gregum inuigilare custo-  
 diæ; paucis cibis esse contentos; & pro popu-  
 li delictis ac suis semper Deum orare ac depre-  
 cari. Castos & sobrios eos esse oportere, su-  
 præ dixit Adalbero. Sic Ammianus Marcelli-  
 pus in libro xxvii. scribit, *Antistites provincia-*  
*les requitate edendi potandique parcissimè, vi-*  
*litate etiam indumentorum commendari.* Idem &  
 Gregorius Nazianzenus Episcopus in Carmi-  
 nibus paginâ xi. tradit.

*Pauca super Clericis dixi, sed plura reliqui. ]*

Pauca de Clericis dixi, sed plura omisi quæ  
 dicere potuissem. Adalbero hunc versum muta-  
 uit, eique alterum emendatiorem substituit, qui  
 talis est,

*Pauca super Clero dixi, super Ordine pauca.*

*Æquales igitur sunt omnes condicione:*

*Vna domus Domini lege si clauditur vna. ]*

Prior versus refertur ad id quod suprà scri-  
 ptum est ab Adalberone de ministris Eccle-  
 siæ vel Clericis.

*Format eos omnes equali condicione.*

Posterioris in versus locum hunc sufficit Adalbero,

*Vna domus Domini sic lege reuoluitur vnâ.*

*Lex humana, duas indicit condiciones.*

*Nobilis, & seruus simili non lege tenentur.]*

Adalbero omnes homines, saltem apud Francos in duos ordines ait esse diuisos: alterum genus esse *Nobilium*; alterum *seruorum*. Vbi *Nobilium* nomine Honoratos, milites, & quosque etiam ingenuos de patrimonij sui redditu viuentes designat; *seruorum* autem appellatione ceteros omnes, nimirum mercatores, artifices, agricolas, & alios quæstu sustentantes, quos Latini plebem vocant, famulos demum atque mancipia. *Nobiles* Adalbero, etiam *ingenuos* appellat hoc versu,

*Nam valet ingenuus sine seruis viuere nullus, Seruos verò nuncupat idem & vulgus.*

*Defendunt vulgi maiores atque minores.*

Sic Gregorius in libri x. c. iv. Legatos Childeberti R. F. bene *ingenuos* generatione, & in capite xxix. Aredij parentes valde *ingenuos* pro nobilibus vocat.

*Nam primi duo sunt: alter regit; imperat alter.]*

Ex genere *Nobilium* sunt, & inter eos eminent ac principatum tenent duo, Rex & Imperator: quorum consiliis & dispositionibus Resp. stat & nititur. Ex his fiunt & Comites, & Marchiones, & Duces.

*Sunt alij , quales constringit nulla potestas :  
Crimina si fugiunt , quæ Regum sceptrâ coër-  
cent.*

*Hi bellatores ; tutores Ecclesiarum. &c. ]*  
Describuntur his quinque versibus Nobiles vel  
Ingenui , qui militant , & sese ac vnâ Ecclesias &  
Clerum , atque maiores & minores vulgi seu  
plebis ( quos suprà seruos dixit Adalbero ) ar-  
mis ab iniuria defendunt.

*Alterâ seruorum diuisio condicionum.*  
*Hoc genus afflictum , nil possidet absque labore. ]*  
Nunc loquitur Adalbero de seruis , hoc est  
non de famulis modò atque de mancipiis do-  
mesticis , sed etiam de his qui mercaturâ , aut  
artificio quolibet , aut operâ se suâ quæstûque  
sustentant. Hoc hominum genus admodum  
est laboriosum ac velut in vsum & ministerium  
ceterorum natum & factum. Vnde Adalbe-  
ro negat eis quidquam esse nisi labore quæ-  
situm : & infrâ ait , enarrari omnino non  
posse

*Seruorum studium , cursus , tantòsque labores.*  
*Idem laborantium eos appellatione designat*  
*hoc versu,*

*Nunc orant alij ; pugnant ; alique laborant.*  
Addit Adalbero , à seruis Nobiles vel inge-  
nuos vestiri ; à seruis vel ipsos dominos pasci :  
cunctos opes per eos quærere : sine eis viuere ,  
aut ad vitam necessaria habere neminem posse :  
Regem demum ipsummet & Episcopos ac

Optimates quotiescumque seruorum operâ egent, eis quodammodo videri seruire.

*Seruorum lacrima, gemitus non terminus ultus.* ] Singularis numerus pro plurali. Id est, lacrimarum gemitumque seruorum nullus est finis aut terminus.

*Triplex ergo Dei domus est, quæ creditur una.*

*Nunc orant alij; pugnant; alique laborant.*

*Quæ tria sunt simul, & scissuram non patiuntur.* ]

*Domus Dei quæ una creditur, & quæ una ab Adalberone supradicta est, siue Ecclesia tripartita est, ac in tria hominum genera diuisa. Alij enim ex Christianis orant; alij pugnant; laborant alij. Orant Clerici; pugnant milites; laborant reliqui, nimirum plebs seu vulgus; Hic status triplex est, quem supra Adalbero dixit hoc versu,*

*Res Fidei simplex, status est sed in ordine triplex.*

*Hic triplex status, vel triplex ordo & professio hominum, infra connexio triplex, ac nihilominus simplex nuncupatur ab Adalberone.*

*Est igitur simplex talis connexio triplex.*

Propterea quod hi tres ordines, siue hæc tria hominum genera; vnius corporis videlicet Ecclesiæ Catholicæ membra sunt atque artus alteri alterorum indigentes, cohærentes alteri alteris, nec diuisionis aut dissidii capaces atque patientes.

*Iam caput ecce tuum candens imitatur olorem.*

V ii j

*Hæc natura senectutis dixisse probatur.]*

Dixerat Adalbero iam leges tabescere & pacem defluere; mutari hominum mores, mutari & ordinem. Itaque Rotbertus Francorum Rex Episcopum qui de condicione temporum suorum questus erat, ita irridet, ut delirare eum dicat, & vitio senectutis talia effutiuisse. *Caput* Adalberonis omni ex parte canum, (quod *canens* potius quam *candens* vocari oportuit) *imitari olorem*, vel cyni simile esse ait Rex: sicuti hodieque qui toto capite & barbâ canuit, senem *instar cyni canum* esse vulgò dicimus. *Il est blanc comme un cygne*. Posteriorem versum mutavit Adalbero ad eum modum sed minùs feliciter,

*Talia te natura senis dixisse probatur.*

*Credere non sanum talis natura coëgit.]*

Hoc est, senectus quæ naturâ delira est, credere me cogit, te non sanæ esse mentis. Super-scriptum erat in codice

*Te quoque non sanum talis natura coëgit.*

ut sit sensus. *Natura senectutis coëgit te esse non sanum*, coëgit te insanire, & has mihi nugas loqui.

*Alterâ me stimulat: senio non deficit illa.]*

*Alia me natura quæ senectute non deficit*, stimulavit & compulit ad ea tibi dicenda: nimirum anima rationis compos & æterna, in quam senectus non cadit. Sic Adalbero loquitur Regi, ut delirare seneger.



R. *Quot homini dantur natura? Dic. P. Putobina. ]*

Scilicet animus vel anima, & corpus.

*Ex his quæ loquitur, cuius sint verba repono. ]*

Harum duarum hominis naturarum utra loquatur, utrius verba sint, utri vox & sermo conueniat, interroganti mihi responde.

*Grammaticus simplex, nedum Dialecticus illex.*

*Valdè recordaris studiorum pauca priorum. ]*

Tu Adalbero qui Grammaticus tantum es, nec Dialecticæ leges nosti, ex his quæ olim in scholis didicisti valdè pauca recordaris. Posterior versus ab Adalberone emendatus est ita,

*Nunc scio quod recolās studiorum pauca priorum.*

*Grammaticus simplex, vn simple Grammairien,*  
hodieque vulgò dicitur solius Grammaticæ peritus, nihil præter Grammaticam sciens.  
*Illex Dialecticus* heic, idem quod *exlex*, *avous*, qui leges regulasve Dialecticæ non nouit.

*Qui paruum meminit, non obliuiscitur omnis. ]*

Verba sunt Adalberonis, asserentis se non omnium studiorum suorum oblitum esse, quæ teste ipsomet Rege aliqua adhuc etiam si parvula meminisset. *Parui* tum dicebantur, qui olim *pauca*. Hinc in Præfatione legis Salicæ Gens Francorum *parua numero* fuisse dicitur: nec aliter à Virgilio appellantur *exigui numero*, qui numero pauci erant. Exiguum enim & paruum eiusdem esse significationis nemo

nescit. Ita & Græci recentiores *μικροῖς* pro *ὀλίγοις* dixere. Pirrus quippe qui nostris Antiochiam tradidit, cū paucos se Francos ad rem exsequendam habere quereretur, dixit: *Μικροῖς Φράγκοις ἔχουσιν*. Apud Gregorium in libri viii. cap. xxx. *Satius est enim ut parui contumaces pereant, quàm ira Dei super omnem regionem dependeat innoxiam*. Et in l. iv. c. xxx. *Magni ibi tunc viri ex Aruernis non solum torrentis impetu rapti, sed etiam gladiatorum ictibus sunt prostrati*. Sic in veteribus codicibus scriptum reperi, *Parui contumaces; Magni viri ex Aruernis*: id est pauci contumaces; multi viri: quemadmodum in edita Gregorij historia legitur. Iulianus Toletanorum Archiepiscopus Argabadum Narbonensis Ecclesiæ Antistitem inducit, Vvambæ Regi Gothorum ita loquentem. *Paruissimi quidem euasimus gladium: sed pro paruis veniam deprecamur*.

*Eius qui stimulat, senio nescis reminisci.] Senio nescis Episcope reminisci eius qui te stimulat: seu præ senectute verba mea quibus tamquam bos stimulo punctus es, reminisci non potes: cū te non sanum, te simplicem Grammaticum ac Dialecticum illegem vocauerim, & de prioribus studiis paucissima recordari dixerim.*

*Spiritus heic resonat: Non me dementia torquet.] In corpore isto meo est & mecum habitat anima rationis compos, cuius beneficio & ope-*

râ tibi Rex loquor : anima inquam , quæ vel ipso nomine naturam suam indicat atque testatur. Anima enim spiritum ventumque significat. Neque verò senectus delirum me aut parum sanæ mentis *dementemue* reddidit, uti suprà dixisti.

*Si natura senum cogit , non culpor acutè. ]*

Si quemadmodum dixisti Rex, ea est natura senectutis extremæ , ut insanire aut saltem delirare nos cogat : malè & sine causâ obliis mihi vitium , quod sit non personæ , sed ætaris ; & quod senex ego tamen valdè velim & cupiam vitare non possim.

*Natura finem non ponunt arte periti.*

*Artificem quidam dicunt ignem sapientes. ]*

Naturam quidam artis periti vel sapientes , hoc est Philosophi vel Sophi definiunt ignem artificem ; alij Dei voluntatem. Quæ sequuntur diuisiones Philosophicæ de naturis , quæ item de argumentatione omni aut necessaria aut probabili , & quæ de vero aliisque , operâ nostrâ & expositione non indigent.

*Territa , naturam vitans effatur asella. ]*

Asina Angeli gladium strictum intentantis conspectu territa , inaudito prodigio Balaam domino locuta est.

*Fabula non similit verum , nec dicitur esse. ]*

Fabula veri non est similis nec verum vocatur aut habetur. Sic apud Ardonem in Vita Benedicti Anianæ Abbatis. *Sape similitare equus*

*equum solet. Apud Paulum: equa quas similatis.  
Ex simile fecimus, sembler & ressembler.*

*Nania nulla meum nec fabula mulcet amor-  
rem.]*

*Nanias siue ineptias, & fabulas odi,*

*Iure salutifero sapientes & moderati*

*Premia vel pœnas quarant: ratione potentes*

*Accipiant, equi vel quid patiantur iniqui.]*

*Mutauit duos priores versus ex parte aliqua  
Adalbero cum in modum,*

*Legibus edocti, sapientes & moderati*

*Premia vel pœnas quarant: ratione fideli, &c.*

*Et mala defendant: veniunt extrinsecus illa.]*

*& mala prohibeant ac vetent: sic suprâ.*

*Quod scio, defendunt: quod nescio, cedunt,*

*Mutauit & hunc versum Adalbero eo modo,*

*Quæ mala dissoluant, quæ sunt extrinsecus  
acta.*

*Oratoris inest tibi, Rex, concessa facultas.*

*Nunc demonstras; tum deliberat ordo Poten-  
tum,*

*Discutiens affirmatè cum relligiosis*

*Iudiciis, à quo possint res insitiri.]*

*Tria caussarum genera designat Adalbero, de-  
monstratiuum, quo laus & vituperatio contri-  
netur; deliberatiuum, & iudiciale: atque Rot-  
bertum Francorum Regem qui artem orato-  
riam norit, in Conuentibus Gentis demon-  
strare, quæ probet & facienda indicet: tum  
de his Procera deliberare. Ordo Potentum,*

sunt Episcopi, Abbates, & Principes Optimatesve sæculares, nimirum Duces, Marchiones, Comites. Post vltimum versum tres versus erasi in codice desiderantur.

*Antea res quales nobis, translatio, finis,*

*Et coniectura quò discernantur oportet.]*

*Antea oportet, ut discernantur à nobis rerum qualitas, translatio, finis, & coniectura.*

*Quatuor has non inuenies, quas hicce requiris.]*

*Qualitatem, translationem, finem, & coniecturas.*

*Rite pedes posui: surgit, dum figitur alter.]*

*Surgit alter pedum, dum alter figitur.*

*Pandere non moriens nos hac natura cœgit.]*

Non hæc nos capularis senectus, naturâ delirâ exponere cœgit. Hic versus Adalberonis respondet huic Regis de Adalberone versui,

*Hac natura senectutis dixisse probatur.*

*Dignè tristaris, qui Rex servire iuberis.]*

Hic Adalberonis versus refertur ad superiorem alterum eiusdem

*Rex & Pontifices servis servire videntur.*

*Regnum Francorum Reges sub tempore patrum*

*Subiugat, & semper sublimi pollet honore.*

Chlodoueus Rex Francorum Regnum Alamannorum in parte Germaniæ, Regnumque Vesigothorum in Aquitania euerit ac suæ ditioni subiecit: eius filij præ ceteris Regna Burgundionum & Toringorum interfectis Regibus occuparunt. Carolus Magnus Regnum

Langobardorum in Italia capto Desiderio Rege obtinuit, & Regnum Hunnorum Auarum in Pannonia; Saxones Gentem Germaniæ validissimam & maximam, Baioarios rebelles, & Sclauinorum seu Venedorum nationes aliquot subegit.

*Regum sceptrâ patrum nullius sceptrâ coërcent.]*  
 Reges Francorum nulli umquam sceptro, nulli alteri Regi aut Imperatori subiecti sunt: quod verum, & memoriâ dignissimum est, & obseruandum. Eam in rem notanda sunt apud Frodoardum in L. iv. c. v. Fulconis Remensis Archiepiscopi ad Arnulfum Regem Transrhenum verba, quæ talia sunt. *De eo quoque quòd sine ipsius Arnulfi consilio præsumserint hoc agere; (Carolus Regem facere) morem Francorum Gentis asserit secutos se fuisse: quarum mos semper fuerit, ut Rege decedente, alium de Regis stirpe vel successione, sine respectu vel interrogatione cuiusquam maioris aut potentioris Regis eligerent.*

*Quique regit, gaudens virtutibus imperat aequè.]*  
 Et qui Regnum illud Francorum regit, multis magnisque virtutibus præditus est, ac bene iusteque imperat. Hæc de Rotberto ipso Rege Franc. ab Adalberone dicuntur.

*Novimus Imperium iam Regibus esse fugatum.]*  
 Scimus Imperatores à Regibus Francorum in fugam coniectos & finibus suis expulsos esse. Nimirum anno dcccclxxviii. Lotharius Fran-

corum Rex Mettis receptis, cum magno exercitu deimproviso superueniens, Imperatorem Ottonem iuniorem ex Palatio Aquisgrani vnâ cum coniuge profugere coëgit: quem eodem anno cum lx. millibus militum Franciam ingressum, & Remorum, Laudunensium ac Sueffionum agris vastatis Luteciæ suburbanum incendere ausum, Rex Hugone Comite Parisiorum & Heinricho Duce Burgundionum maximisque copiis fretus fugere compulit, nec vsque ad Axonam modò Sueffionicum, vbi plurimi vi fluminis oppressi perierunt, sed etiam vsque ad Mosam finésque Regni Francici triduo & trinoctio Imperatorem est insecutus: vt Hermannus, Sigebertus, Guillelmus Nangiacensis, ceterique Chronographi tradunt. Sed & anno mvi. Rotbertus ipse F. Rex Richardo II. Nortmannorum Duce comitatus Heinrichum Imper. ab obsidione Valentianarum excussit: quod castrum in confinio Francorum & Lothariensium situm, Balduinus Flandrensium Comes inuaserat.

*Gratia nunc Summo, per quem regnare peropto.*

*Non meritis concedo meis, &c.]*  
 Gratias ago Deo, qui me Regem fecit, per quem viuo, per quem regno. Neque enim meritis meis (quæ aut nulla sunt aut exigua) tantum tribuo, vt Regnum eis debere me putem. Hæc verba sunt piissimi Regis ac demississimè

de se sentientis Rotberti , qui ab Helgaldo propterea *Rex humilis* , interdum & *humillimus* appellatur. Vnde Adalberonem de forma & virtute sua plura dicere prohibet suprâ.

*De forma satis est & de virtute locutum.*

Quod loquendi genus Gallo-Francis nostris hodieque in usu est. *C'est assez parlé de cela.*

Item ait

*Scire meum nihil est, semper sed numinis almi.*

*Ut nobis liceat leges servare paternas.]*

Flexis genibus supplex Deum semper oro, leges ut patrias servare possim, & ab omnibus meæ dirioni subditis servandas curem, nec ab eis umquam recedam, recedique patiar: inquit Rex. Apud Gregorium l. ix. c. xxx. *Chariberto Regi populus Turonicus sacramentum dedit: simuliter & ille cum iuramento promisit, ut leges consuetudinésque novas populo non infligeret, neque ullam novam ordinationem que pertineret ad spaliū. Et Leodegarius Augustodunensis Episcopus Childericam Monarcham Francorum arguit, quòd leges & consuetudines patrias quas conservari praeceperat, tam subito immutasset. Karolus quoque Calvus anno MCCCLXIX. Mettis coronandus in Ecclesia S. Stephani cunctis Lothariensibus qui aderant denuntiavit, Se univrsique suorum fidelium in suo ordine, secundum sibi competentes leges tam Ecclesiasticas quàm mundanas, legem & iustitiam con-*



*seruaturum.* Ludouici eius filij anno DCCCLXXVII. in Palatio Compendio coronandi, promissio ad Episcopos petentes talis est. *Promitto & perdono vobis, quia unicuique de vobis & Ecclesiis vobis commissis Canonicum priuilegium & debitam legem atque iustitiam conseruabo, & defensionem quantum potuero adiuvante Domino exhibebo.* Eandem in tribus codicibus veteribus Regum nostrorum responsionem ad Episcopos reperi. Eadem ejisdemque verbis concepta est *Philippi septennis, mox futuri Regis Francorum* anno MLIX. in maiore Ecclesia Remorum professio: qui & addit, *populo sibi credito se dispensationem legum in suo iure consistentem sua auctoritate concessurum: hoc est ( vt Boslo Rex designatus ait ) omnibus legem, iustitiam, & rectum munde burdium seruaturum & impensurum.*

*Lex diuina vetat, quæ corrigit inter utrasque.]*

Aliàs legitur superscriptum

*Lex est una vetans.*

minùs bene.

*Vtile quaque necessarium conferre videtur.]*

*Quæ utile atque necessarium videtur conferre.*

*Ad res pertineat plures quæ semper honestè,*

*Fortior & quacumque grauissima sit, teneamus.]*

*Eam legem, quæ ad plura honestè pertineat, & fortior ac grauior sit, semper teneamus.*

*Vndique pax bona post certamina postque labores:*

*Et statim Ecclesia per se sua iura tenebit.]*

Optat Adalbero pacem Regno Francorum post bella ciuilia & prælia: vt Ecclesia ibi floreat, & sua sibi iura seruare possit.

*Descriptas, & non alias Respublica leges*

*Possideat.]*

Habeant suas sibi leges descriptas Franci, easque, & nullas alias seruent. *Descriptæ* vel scriptæ leges sunt Lex Romana, (ita Codex Theodosianus vocabatur) Lex Salica, cum Capitulis Caroli Magni eiusque filij & nepotis Caroli, ac Lex Burgundionum. In Regno Occidentalium Francorum, quod tum Aquitaniam & ex parte Burgundiam continebat, Ecclesia præ ceteris Lege Romana seu Codice Theodosiano regebatur; Galli quoque: Franci laici lege Salica & Capitulis ei additis ab Imperatoribus nostris utebantur; Burgundiones suis seu Gundobadis legibus. *Leges autem aliæ*, seu non scriptæ vocantur ab Adalberone Consuetudines, quas tum variis in Franciæ partibus variis sub Comitibus & Ducibus diuersas inualluisse, & postea conscriptas litteris, ac pro legibus habitas esse constat. Hoc ius Consuetudinarium nunc appellatur, & Iuri scripto hominibusque opponitur, id est Iuri Romano: non quod scriptum non sit, sed quod recentissime & multis sæculis post leges Romanas & post Francicas etiam Burgundicæque descriptum fuerit.

*Sua Regna Basilus & Benedictus*

*Obser-*

*Obseruent : teneant , quidquid sua Regna in-  
beunt.]*

Suas Regulas seruent Basilij & Benedicti Monachi ; suas etiam possessiones : teneant & obtineant quidquid ipsorum Regulæ iubent , quidquid permittunt. Regulas Monachorum Basilianorum & Benedictinorum , *εἰς τὴν αὐτὴν regnâ* vocat Adalbero, vt suprâ Dominum Odilonem Cluniacensem Abbatem Monachus quidam Regem suum appellat , suum esse Regem profiteretur.

*Nam Dominus meus est Rex Oydelo Cluniacensis.* Iamdudum autem Basilij Cæsareæ Cappadociæ Episcopi Regula inducta in Gallias, à nonnullis Monachis obseruabatur. Aredius Abbas Aranensis in Lemouicibus qui anno dxcī. extremum spiritum fudit, *Cœnobium fundauit, in quo non modo Cassiani, verumetiam Basilij & reliquorum Abbatum qui Monasterialem vitam instituerunt, celebrantur Regula :* vt Gregorius Turonicus Episcopus in libri Historiæ x. capite xxix. tradit. In Vitis SS. Eugendi Iurenensis & Filiberti Gemeticensis Abbatum fit S. Basilij Regulæ mentione quibus Filibertus Basilij S. Charismata, Macarij Regulam, Benedicti decreta, Columbanii instituta sanctissima lectione frequentabat assidue, Benedictum Abbatem Anianæ qui Carolo & Ludouico Imperatoribus floruit, ad B. Basilij dicta, necnon ad S. Pachomij Regulam scandere nisum esse Ardo Anianensis Monachus;

ipsius discipulus scripsit. Regulam Basilij, esse statuta eius, quæ Rufinus transtulit, & quæ in vetustissimo codice Parisiæ Monasterij S. Germani reperiuntur, in ducentas tres interrogationes & responsiones diuisa, affirmat Hugo Menardus. Ceterum hæc dicit Adalbero, ut doceat quod iam supra satis ostendit, Basilij & Benedicti præsertim Monachos tum in Gallia à suis legibus sæpe recessisse.

*Pontifices vniquam celebrent non rura deinceps.*

*Sic sua iura tenent, si non ruralia curent.]*

Episcopi numquam deinceps ruri plerumque habitent, neu sæpe rure desideant, vel in agro & amœnis villis crebrò otientur tempúsque terant, quod in suæ quisque ciuitatis seu in populi sibi commissi curam debent impendere. In sua quisque sede Antistites sedeant, sua demum iura inuiolata conseruaturi, & venerationi omnibus futuri, si rus negligant, nec voluptatibus suis vacent aut pro vrbibus secessus celebrent, seu prædiorum suorum & suburbanorum reddituum ipsi per se curam agant.

*Iustitia regimen noster non audeat ordo*

*Linquere, sed totis semper se nisibus aptet.]*

Episcopalis ordo, seu Episcopus quisque æquibonique seruantissimus sit, nec à iure vniquam recedere audeat: sed semper totis viribus iustitiæ sese accommodet. *Iustitiæ regimen* dicitur Adalberoni iustitiæ vel iuris regula. Tum autem Episcopi forum suum habebant, ut & olim ha-

buerant: quod infra apertius docetur.

*Constituat iustos, & non pro lege capaces*

*Rectores inopum, miserum nec non viduarum.]*

Noster ordo seu Episcopalis ordo rectores inopum & viduarum ac pupillorum iustos constituat & capaces, quales minimè fieri consueverunt. Non pro lege, id est non pro more. Forsitan tamen legendum est

*& non pro lege rapaces*

ut sit sensus: Constituat iustos rectores viduarum & non rapaces pro lege, hoc est, non avaros ex more. Rectores autem illi inopum & miserarum viduarum ac pupillorum, sunt haud dubiè Diaconi, pecuniæ sacræ egentibus dispartienda custodes ac dispensatores.

*Nullus ad Ecclesiam noctis nisi tempore pergat*

*Ire semel: liceat cunctis orare diebus.]*

*Nullus tempore noctis nisi semel ad Ecclesiam ire pergat.* Hæc de Clericis accipienda sunt, quos singulis noctibus non plus semel Ecclesiam adire, seu Matutinis Laudes continuo nec interrupto cantu coniungere vult Adalbero: quibus Matutinis Laicos semel quaque hebdomade nimirum nocte Dominicâ interesse consuevisse, docet nos præ ceteris in Vita B. Leodegarij Ebroini M. D. R. cædes. Vel certè vult aut cupit Adalbero, Vigiliis Missasque nocturnas, quæ non solum Natali Domini, in Pascha & in Pentecoste, sed etiam in nonnullorum Martyrum & Confessorum quo-

X ij

que honorem variæ à variis obseruabantur celebrabanturve, omnes præter vnā aboleri: quòd in Ecclesiis multa tum à laicis obscena fauentibus tenebris fierent: qua de re etiam veteres questi sunt Patres. Hinc natum pro-  
 uerbum illud, vt dicantur vulgò iuuenes qui peruigiliis & nocturnis Missis interfunt, *Deum querere palpando & contrectando*. Noctem autem Natalis Dominici potiusquàm noctem Paschæ aut Pentecostes ab Adalberone excipi puro: quòd ea hodieque in toto orbe Christiano, ceteris ferè omnibus Vigiliis abolitis, peruigilio Missæque celebratur.

*Liceat cunctis orare diebus. ]*

Totis diebus laicis pateant Ecclesiæ: totos dies Deum eis ibi orare liceat palàm sine vlla suspicionem dedecoris.

*Iudicet, & spectet præsentis atque futuros. ]*

*Noster ordo*, seu Episcopi ita iudicent, vt in iudiciis suis non præsentium modò sed etiam posterorum & suæ quisque famæ ac Dominicorum mandatorum habeant rationem. Nimirum Episcopi præsertim postquam Constantinus Maximus factus est Christianus, suum sibi & peculiare forum habuere, & de omnibus Clericis & Monachis Ecclesiæ suæ subiectis ac de Ecclesiasticis rebus quisque semper iudicare. Apud Gregorium in libri Historiæ Francicæ v. capite v. Petrus Diaconus, ipsius frater, *Facto placito in præsentia S. Nicetij Episcopi*

*auunculi matris sue, Lugdunum dirigit, & ibi Syagrio Episcopo curam adstante & aliis Sacerdotibus multis cum Sacularium Principibus, se sacramento exiit, numquam se in mortem Siluestri mistum fuisse. Et in capite xxxix. libri viii. Baudegisilus Cenomanorum Episcopus cotidie cum Iudicibus causas discussisse dicitur. In capite vi. libri ix, de Ragnemodo Pontifice Parisiaco, impostorem quemdam puniente hæc refert. Ablatâ ei cruce, iussit eum à termino Parisiæ urbis excludi. Sed hio iterum factâ alterâ cruce, cœpit qua gesserat exercere: captûsque ab Archidiacono, & catenis vinctus, iussus est custodiri. In libri v. capite xlviii. inuenio, Leudastem Turonicum Comitem ( quod & ceteros Comites fecisse dubium non est ) in iudicio cum Senioribus vel Laicis vel Clericis resedisse, id est, & Clericis & Laicis. Gregorij de Nicetio Lugdunensi Episcopo, maiore auunculo suo, in libro de vita eius verba sunt hæc. Quodam tempore misit Basilium Presbyterum ad Armentarium Comitem qui Lugdunensem urbem his diebus potestate Iudiciaria gubernabat, dixitque ad eum. Pontifex noster causse huic que denuo impetitur, dato iudicio terminum fecit: ideòque commonet ne eam iterare præsumas. Qui furens respondit Presbytero: Vade, & dic ei quia multe sunt causse in conspectu meo posite, que alterius iudicio finiende erunt. Vbi vides, inter Episcopum &*

Comitem Lugdunensem de iurisdictione contentionem fuisse.

*Pro meritis omnes assumant emolumentum*

*(Excipiar solus vestra cum pace) fideles. ]*

Omnes qui tibi fideles sunt, pro suis quisque meritis à te Rex beneficia accipiant, me vno cum tua pace excepto. Locatur Adalbero, & Robertum arguit his verbis, velut in omnes præterquam in se beneficium, in se inquam, cui tot & tanta deberet. Nam Adalbero Laudunum Carolúmque Hugoni Rotberróque tradendo, Regnum vnà ambobus contulisse videbatur. Quod Rothertus agnoscens, mox gratiâ cum suâ gaudere iubet, ac Regiis muneribus ait esse dignissimum.

*Gratia confirmet te Prasul Adalbero Christi;*

*Nostra simul: meritò Regali munere dignus.*

*Septenas liceat Laudes proferre per horas. ]*

*Septena Laudes per horas statas proferende Deo-que referendæ à Clericis in Ecclesia, sunt Matutina vel Matutinæ, Prima aut Diluculum, Tertia, Sexta, Nona, Vespera seu Lucernarium, initium noctis vel Completorium.*

*Hostia cum votis ]*

Cum precibus cor immoletur Deo & velut victima offeratur. *Sacrificium enim Deo spiritus contribulatus & cor contritum.* Vel certè vult Adalbero Laicis munera sua ad altare pro victimis offerenda & eleemosynas precibus



suis adiungere : propterea quòd bona est oratio cum ieiunio & eleemosyna.

*Hac sit permissio Patris,*

*Cum Ligeris Calabros tentabit lingere campos, &c. ]*

Fient hæc quæ fieri cupit iubetve Pater seu Episcopus Adalbero, (inquit Rex) quum Liger (Ligeris Adalberoni mendosè dictus) relicta Aquitania per Calabriam fluere conabitur, & Tigris torrens atque à celeritate sagittæ nomen habens, pro Mesopotamia perfundet Hispaniam : quum Ætna mons mirus incendiis rosas, & lilia stagnum feret. Id est, hæc non magis, non citiùs & faciliùs quàm illa ab Adalberone optata contingent aut fient. Quare Rex subiicit

*Talia si veniunt : tunc hæc ventura timeto.*

Ex his intelligitur, tum in Regno Francorum nec Ecclesiæ suæ iura ex toto seruata, nec Monachos legum Benedicti vsquequaque seruantes fuisse : & consuetudines malas ac scriptis legibus contrarias inualuisse in Francia, quas aboleri oporteret : Episcopos quoque Francorum crebriùs & diutiùs rure quàm in sua quemque ciuitate habitauisse, vel otiantes molliter, vel more villicorum sordide rusticantes, & agrorum suorum magis quàm populi sibi commissi curam gerentes : eosdem sæpe in iudiciis à iure æquoque recessisse, & iniquis ac rapacibus Diaconis curam inopum vi-

duarumque delegauisse : ac demum septem Horas Canonicas tum vbique & ab omnibus Clericis in Occidentali Francia exactè non esse seruatas ad laudandum Deum & ad psalmos hymnòsque concinendos. Ceterum *per-missionem Patris* vocat Rotbertus Adalberonis vota : quia bis Adalbero hæc permitti cunctis, hæc *licere* cupiuerat.

*Liceat cunctis orare diebus.*

Item, *Septenas liceat Laudes proferre per horas.*

*Non quia deliras, sed nobis allegorizas.]*

Sensus est verborum. *Presul Adalbero, gratia Christi & simul nostra te confirmet. Regali munere dignus es, quia non deliras, sed allegorizas nobis, seu per allegorias facienda nos doces; fugienda nos mones. Ita se Rex excusat, qui Adalberonem antea non sanum vocauerat.*





H A D R I A N V S  
V A L E S I V S  
S T V D I O S O  
L E C T O R I S.



**S**IGIBERTVS Dagoberti maioris filius, Austrasiorum Rex qui ineunte XXI. ætatis anno decessit, Dagobertum filium trimulum aut quadrimum moriens Grimoaldi Præfecti Palatii fidei commendauerat, vt ipsius potissimum operâ & auctoritate in paternum Regnum eueheretur. At ille puerum vel potiùs infantem iniuriæ obnoxium, tonso capite Clericum fecit, & per Didonem Pictauorum Episcopum nefandi consilij auctorem, in Scotiam maiorem Hiberniamve Scottorum insulam peregrinaturum aut veriùs perpetuò exsulaturum misit: ac in locum infantis paruuli Childebertum filium

suum substituit. Hoc tantum de Dagoberto isto nec quidquam amplius refert auctor Gestorum Francorum: quem ceteri nostri Chronographi & Biographi sunt secuti, in primis Notegarius Leodicensis Episcopus in Vita Remacii, Ademarum Cabannensis, Hariulfus Monachus Centulensis, Sigebertus Gemelacensis. Nec cum è veteribus tum è recentioribus nostris Historicis hætenus repertus est quisquam, qui Dagoberti post deportationem eius in Scotiam mentionem ullam faceret. Omnes Regium infantem desertum à suis, ignotum, egentem, extorrem Regno patrio, apud exteros periisse Monachum existimabant. Vnus solummodò scriptor Vitæ B. Audoueni, non magni faciendus, Dagobertum Regis Sigeberti filium qui ab Grimoaldo tonsus ac in exilium missus fuerat, Rotomagi in suburbana Basilica S. Petri Apostoli sepultum esse affirmabat. Primus ego anno MDCXLVII ex Vvillelmo Malmesburienfi Monacho seu potius ex Stephano Presbytero, & ex Vita S. Salabergæ ab auctore graui veterique compositione didici obseruauique, Dagobertum Regno ac domo expulsam factione Procerum, ex Hibernia in insulam Britanniam transisse, & à Vvilfrido Eboracensium Episcopo opulentissimo hospitaliter exceptum, ac viris equisque instructum in patriam reuertisse: cuius beneficii memor, Vvilfrido postea Romam pe-

tenti pro Eboracensi Diœcesi ipsi erepta Argentoratensis Ecclesiæ Episcopatum detulerit: atque eundem cum Theodorico fratre patrueli in Neustria ac Burgundia regnante bellum de finibus gessisse, præliumque circa urbem Lingonas commisisse. Quare in Præfatione Tomo II. Rerum Francicarum præfixa, & in libro XXII. dixi, à Vulfoaldo Maiore domus Regiæ post Childerici cadem domum reuerso, & à ceteris Austrasiorum Optimatibus Dagobertum ex Hibernia Scotorum insula reuocatum, & in Regnum patrum restitutum mihi videri. Stephano Presbytero apud Vvillelmum, & scriptori Vitæ S. Salæbergæ de restitutione Dagoberti referentibus, quem tertium adiungerem, auctorem nuper inueni. Nam cum scriptum codicem quemdam Monasterij Regalis montis nuper euoluerem, incidi in Vitam B. Memmij Episcopi Catalaunici, Vitâ eius à Francisco Bosqueto editâ emendatiorem, & adiectis etiam miraculis auctiorem: in qua de Memmio Episcopo Catalaunorum, de Donatiano Diacono eius, Domitianoque Subdiacono, & de Monachis in Catalaunica Basilica S. Memmij atque ad sepulcrum B. Antistitis Confessorisque psallentibus hæc reperi. *Postquàm tantis effulsit virtutibus & miraculis Deus per seruos suos (Memmium, Donatianum ac Domitianum) claruitque: nouissimo tempore in anno secundo sub imperio Dago-*

berti Regis, (Ipse est, qui post longam pressuram reversus est ad propria Regna) in mense v. in v. die mensis, secundâ vigiliâ noctis cùm ei Nocturnos Fratres celebrantes adstarent, sic res nova nec antea umquam visa ad caput S. sepulcri, ut Patrem se Apostolicumque eo tempore declararet, apparuit: precibus calum aperiens, quod nec tribus mensibus pluerat super terram. Dum & vehemens fremebat siccitas, ita ut omnes putei in pulverem redacti sint: sic Deus mox terram irrigavit & compluit, & aquam qua descenderat, ab imo per pedes xl. ad sublimia conscendere fecit, & eam usque ad xv. vigiliam desuper fontem manare fecit, ut omnes vigilantes viderent, & tremere omnes Fratres uno voto concinentes. Consummata est quidem ea nocte Vigilia, & celebrata festiuitas. Verùm ab ipsa die usque ad diem Octauam nullatenus cantus cessauit psalmorum in una Fide pulsantium in nomine Iesu Christi Domini nostri. Tum auctor multa de eo fonte qui manauit ad sepulcrum S. Memmij; & de duobus claudis seu debilibus, & de cæca muliere ad hunc fontem manantem seu ad tumulum S. Memmij curatis paucula cùm dixit, subiicit. Ex illa die demones ibidem declarati, & ibidem effugati, & alia multa similia, & virtutes, quas enarrare visum non est & enumerare, longumque per ordinem texere. Verùm ea qua vidimus, hac scripsimus & narramus. Quibus ex verbis facile cognoscitur, scriptorem istarum B. Mem-

mij virtutum Vitæ eius adiectarum , æqua-  
 lem Dagoberti nostri Austrasiorum Regis , &  
 Caralaunici Monasterij B. Memmij Mona-  
 chum fuisse : atque anno 11. regni Dagoberti  
 quo anno fons iste manare cœpit , eundem  
 floruisse : & *quinto die mensis sexti* potius  
 quàm v. id est Nonis Augusti quo die Natalis  
 S. Memmij celebratur , supradictum miracu-  
 lum accidisse. Regis autem Dagoberti imperij  
 annum Auctor miraculo præfigit , propterea  
 quòd Catalauni nec non Remi Campaniæ Re-  
 menfis vrbes iam inde à Theodorico Chlodo-  
 uei Magni filio Austriæ Regibus parebant : &  
 omnes sciunt Historicos ac Biographos sui  
 quemque Principis regni annos suis in libris  
 adnotare consueuisse. Ceterùm vt Dagober-  
 tum nostrum à duobus cognominibus Fran-  
 corum Regibus , nimirum ab auo suo Dago-  
 berto maiore , & à Theodorici fratris sui pa-  
 truelis nepote distingueret , his Monachus vri-  
 tur verbis. *Ipse est , qui post longam pressuram*  
*reuersus est ad propria Regna.* Dagobertus qui  
 medius inter duos eiusdem nominis Reges re-  
 gnauit in Francia , melius à quoquam vlla ra-  
 tione designari non potuit. Quippe post diu-  
 turnam summamque calamitatem & inopiam,  
 post miseram peregrinationem vel potius post  
 xxx. circiter annorum exsilium reuocatus à  
 Proceribus Austrasiis , & in Regnum pater-  
 num est restitutus. Regnum Austriæ , *Impe-*

rium Dagoberti Regis & propria Regna vocat Monachus Memmianus, quia Austria, sicut quondam Imperia Romanum & Persicum, præter aliquot prouincias & vrbes Galliæ opulentas & claras multa ac ingentia trans Rhenum Regna in Ducatum formulam ab Chlôdouei Maximi filiis redacta continebat: videlicet Alamanniam aut Sueuiam, duos in Ducatus diuisam Alamannorum & Austrasiorum seu Francorum Orientalium; Baioariam, Toringiam, Frisiam, partem Saxoniz, plurimósque alios Germaniz pagos atque latissimas regiones. Hunc de Dagoberti in Austriam reditu atque regno vnum & vnicum versum æqualis scriptoris tam eximium, tam illustrem, tam apertum, tibi Lector Historiæ studiose diutius ignotum esse nolui, & tamen huius loci non erat, nec ad Berengarium Aug. aut ad Rotbertum Regem Francorum quidquam pertinebat, Notis meis ex occasione quamprimùm subiiciendum putavi: ne thesaurum dum latet nihil profuturum, tibi viderer abscondidisse: neu illustrem Francorum Regem, tamdiu nostris incognitum, clarissimo & verissimo grauissimi & vetustissimi auctoris testimonio fraudarem: neu demum (vt iam mihi sæpius contigit) à quoquam in huiusce saltem obseruationis editione præuenirer, atque postea ad rem repetendam miserrima necessitate compellerer. Frucere meis lucubrationibus Candide Lector, & Vale.



## ERRATA ET ADDENDA.

**P**aginâ 5. *versu* 13. DCCXXIV. *scribe* DCCCCXXIV.

Pag. 28. *versu* 24. Thetis *scribe* Tethys

Pag. 35. *versu* 5. instantem *scribe* hunc stantem

Pag. 39. *post versum* v. *scribe* Explicit LIBER II. Incipit LIBER III.

Pag. 79. *versu* 15. DCCCLXXVII. *scribe* DCCCLXXVIII.

Pag. 88. *versu* 5. VI. *scribe* VII.

Pag. 125. *versu* 22. DCCCCXCVI. *scribe* DCCCXCVI.

Pag. 180. *versu* 18. *post volens adde* : Eruat tamen qui hæc potius de Adelberto Tuscorum vel Lucensium Marchione accipienda credent, quod Apennini incolæ, seu *Apenninicolæ* ducere dicatur Poëtæ.

Pag. 192. *versu* 18. *post n̄p̄m̄ adde* : Augustus anno ætatis XXIV. primam barbam posuit, eumque diem festo conuiuij magnificè celebrauit, ac populo epulum præbuit : sicuti idem in libro XLVIII. tradidit.

Pag. 198. *versu* 29. *post exponitur adde*. Dudo in libro III. & nomine præcluis vititur, quum Richardum iuuenem præcluis nobilitatis, hoc est præclaræ vocat.

Pag. 246. *versu* 22. *spirat scribe* sperat.

Pag. 319. *versu* 26. *dele* honestè & *versu* 27. *scribe* honestè semper teneamus.

---

S V M M A P R I V I L E G I I  
Regis Christianissimi.

**C**AUTVM est Litteris Regis, ne quis in Regno  
eius aliisve locis eius ditioni subiectis Pa-  
negyricum de laudibus Berengarij Augusti; &  
Adalberonis Episcopi Laudunensis ad Rotber-  
tum Regem Francorum Carmen, ab HA-  
DRIANO VALESIO Historiographo Re-  
gio è veteribus codicibus eruta ac Notis illu-  
strata, ipsiusmet editoris iniussu typis. excudat  
aut vendat intra VII. annos proximos à die pu-  
blicationis exemplarium. Qui contra Litteras fe-  
cerit, multa ei indicta: ut fusiùs Diploma Rc-  
gium docet, datum Parisiis v. Kalendas Nouem-  
breis anno MDCLXII. subscriptum ex mandato  
Regis GVALY.

HADRIANVS VALESIVS ius suum cessit  
IOHANNI DV PVIS Bibliopola Parisiensi:  
quod & in acta Bibliopolarum & Typographo-  
rum Paris. relatum est  
à IOHANNE DV BRAY Syndico.









la  
la



